

178 / 3  
1987

საქართველოს  
სამართლებრივი  
საბჭო

60

ISSN 0132-5981

# საბჭოთა სამართალი



178 / 3  
1987

1987

5



მთავარი რედაქტორი

ლერი თალაკვაძე

სარედაქციო კოლეგია:

ლევან ალექსიძე

ანზო არსენაშვილი  
(მეცნიერ-რედაქტორი)

ველა ბერძენიშვილი  
(პასუხისმგებელი მდივანი)

ანზორ ბაბიანი

შოთა გორგოძე

აბაბი კარანაძე

დურმიჯან ლორია

ვ. შტანგ რაზმაძე

გრიგოლ როინიშვილი

თამაზ შავჭულიძე

ვიქტორ შარაშენიძე

ირაკლი ჩიქოვანი

სერგო ჯორჯენაძე

Главный редактор

Талаквადзе Л. Г.

Редакционная коллегия:

Алексидзе Л. А.

Арсенашвили А. Г.  
(научный редактор)

Берძენიშვილი Г. Д.  
(ответственный секретарь)

Габiani А. А.

Горгодзе Ш. В.

Джорбенадзе С. М.

Каранадзе А. Г.

Лория Д. А.

Размадзе В. А.

Роинишвили Г. В.

Чиковани И. П.

Шавгулидзе Т. Г.

Шарашенидзе В. А.





# საბჭოთა საგაზეთო

## № 5

საქართველო

ოქტომბერი

1987 წელი

შურნალი გამოდის 1986 წლის 1 მარტიდან

საქართველოს სსრ იუსტიციის სამინისტროს, საქართველოს სსრ შინაგან საქმეთა სამინისტროს, პროკურატურისა და უმაღლესი სასამართლოს შედგენილ-პრაქტიკული შურნალი

### შ ი ნ ა ა რ ს ი

9588/1

სსრ კავშირის კონსტიტუციის 10 წლისთავი	3
საბჭოთა დემოკრატიის დიადი ქართია	
სსრ კავშირის უმაღლესი საბჭოს არეზიდიუმში	
მოსახლეობის სამართლებრივი მომსახურებისათვის იუსტიციის ორგანოების მუშაობის შესახებ	5
საქართველოს კომპარტიის ცენტრალურ კომიტეტში	8
ავამაღლოთ ახალგაზრდობის სამართლებრივი კულტურა საქართველოს სსრ უმაღლესი საბჭოს პრეზიდიუმის დადგენილება „კანონმდებლობის პროპაგანდისა და სამართლებრივი აღზრდისათვის ქურნალ „საბჭოთა სამართლის“ რედაქციის მუშაობის შესახებ“	11
დიდი ოქტომბრის 70 წლისთავი	13
ვ. ბენიძე — რესპუბლიკის უშიშროების სადარაჯოზე	19
გარდაამნას — დროის მოთხოვნა	19
გ. შალამბერიძე — საიმედოდ დავიცვათ მოქალაქეთა უფლებები	
რადიკალური გაჯეთების ფურცლებზე	22
ი. ხოიანი — კანონიერებისა და მართლწესრიგის განმტკიცებისათვის	
გარდაამნას — მაღალი წინეობა	
ა. გაბაიანი — პროსტიტუციის კონკრეტულ-სოციოლოგიური გამოკვლევის ზოგიერთი შედეგი	26
კანონის კომენტარი	
ქ. ბაბილაშვილი — სიხლენი ავტოსტრანსპორტო დანაშაულის კანონმდებლობაში	31
საბავშირო პრესის ფურცლებზე	
პ. ტრუზნიკოვი, მ. ფედოტოვი — საქმე ღირსების შესახებ	38
ს. ზამოშკინი — კანონმდებლობის პარადოქსები	44
დიდი ილიას ხანიშვილი	
გ. სოხელია — ი. ჭავჭავაძის საზოგადოებრივ-პოლიტიკური და სამართლებრივი შეხედულებები	45
მ. კეკელია — ი. ჭავჭავაძის სახელმწიფოებრივი შეხედულებებისა და ჩვეულებითი სამართლის ზოგიერთი საკითხი	51
მ. მარკოზაშვილი — გლოვობდა საქართველო	57
საზღვარგარეთის კანონმდებლობა	
ა. დემეტრაშვილი — ამერიკის შეერთებული შტატების კონსტიტუციის 200 წლისთავი	60
ინფორმაცია	65
ე. ყიფიანი, თ. შავგულიძე — „ქნა მართლისა სამართლისა...“	69
ლექტორთა დასახმარებლად	
არასრულწლოვანთა დანაშაულის თავიდან აცილებისათვის	74
პრინციპალისტების ისტორიიდან	76
ცნობილი სისხლის სამართლის საქმეები	

სსრ კავშირის





# СОДЕРЖАНИЕ

<b>10-летие Конституции Союза ССР</b>	
Великая хартия советской демократии . . . . .	3
<b>В Президиуме Верховного Совета Союза ССР</b>	
О работе органов юстиции по правовому обслуживанию населения . . . . .	5
<b>В Центральном Комитете Компартии Грузии</b>	
Повышать правовую культуру молодежи . . . . .	8
Постановление Президиума Верховного Совета Грузинской ССР «О работе журнала «Сабчота самартали» по пропаганде законодательства и правовому воспитанию» . . . . .	11
<b>К 70-летию Великого Октября</b>	
В. Венндзе — На страже безопасности республики . . . . .	13
<b>Перестройка — веление времени!</b>	
Г. Шаламберидзе — Надежно защитим права граждан . . . . .	19
<b>На страницах районных газет</b>	
И. Хиовиди — За укрепление законности и правопорядка . . . . .	22
<b>Перестройке — высокую мораль!</b>	
А. Габiani — Некоторые результаты конкретно-социологических исследований проституции . . . . .	26
<b>Комментарий закона</b>	
Дж. Бабилашвили — Новое в законодательстве об автотранспортных преступлениях . . . . .	31
<b>На страницах союзной прессы</b>	
П. Трубников, М. Федотов — Дело о чести . . . . .	38
С. Замошкин — Парадоксы законодательства . . . . .	44
<b>К юбилею Ильи Чавчавадзе</b>	
Г. Соселия — Общественно-политические и правовые взгляды Ильи Чавчавадзе . . . . .	45
М. Кекелия — Воззрения Ильи Чавчавадзе на некоторые вопросы государственного и обычного права . . . . .	51
Ш. Маркозашвили — Скорбила Грузия . . . . .	57
<b>Зарубежное законодательство</b>	
А. Деметрашвили — 200-летие Конституции США . . . . .	60
Информация . . . . .	65
Э. Кициани, Т. Шавгулидзе — Право для всех . . . . .	69
<b>В помощь лектору</b>	
Профилактика преступлений несовершеннолетних . . . . .	74
<b>Из истории криминалистики</b>	
Известные уголовные дела . . . . .	76



© „საბჭოთა სამართალი“, 1987 წ.

რედაქციის მისამართი. 380110, თბილისი, კლუბნაშენის კვ. 103, ტ. 95-88-49, 95-58-87.

გადაეცა წარმოებას 9.09.87 წ., ხელმოწერილია დასაბეჭდად 12.10.87 წ.,  
ფორმატი 70×102<sup>1</sup>/<sub>16</sub>, ფიზიკური ნაბეჭდი ფურცელი 5, პირობითი ნაბეჭდი  
ფურცელი 7. სააღრიცხვო-საგამომცემლო თაბახი 6,5.





# სსრ კავშირის კონსტიტუციის 10 წლისთავი

## საბჭოთა დემოკრატიის დიდი ქარვია

აქტიური წელი შესრულდა მას შემდეგ, რაც მოქმედებს საბჭოთა კავშირის ახალი კონსტიტუცია. იგი ჩვენი ქვეყნის მუშათა კლასის, კოლმეურნე გლეხობის, სახალხო ინტელიგენციის, ყველა ერისა და ეროვნების მშრომელთა ნების ამსახველი დიდი დოკუმენტი, სახელმწიფოს ძირითადი კანონია.

წელს სსრ კავშირის კონსტიტუციის დღე ემთხვევა დიდი ოქტომბრის სოციალისტური რევოლუციის გამარჯვების 70 წლის საიუბილეო, დიდმნიშვნელოვან თარიღს.

საბჭოთა სახელმწიფოს განვითარების საფეხურებს შეესაბამება საბჭოთა კონსტიტუციის განვითარებაც. აქედან წარმოსდგა ისტორიულად სსრ კავშირის 1924 წლის 31 იანვრის, სსრ კავშირის 1936 წლის 5 დეკემბრის და 1977 წლის 7 ოქტომბრის კონსტიტუციები.

თითოეულ მათგანს თავისი მისია აქვს შესრულებული. დღეს მოქმედი კონსტიტუცია კი საბჭოთა სოციალისტური საერთო-სახალხო სახელმწიფოს კონსტიტუციაა, რომლის უზენაესი მიზანია ააშენოს უკლასო კომუნისტური საზოგადოება. ამიტომ არის კონსტიტუციაშივე ფიქსირებული, რომ სოციალისტური საერთო-სახალხო სახელმწიფოს მთავარი ამოცანებია: შექმნას კომუნისმის მატერიალურ-ტექნიკური ბაზა, სრულყოს სოციალისტური საზოგადოებრივი ურთიერთობანი და გარდაქმნას ისინი კომუნისტურ ურთიერთობებად, აღსარდოს კომუნისტური საზოგადოების აღამიანი. ამასთან, აუცილებელია აამაღლოს მშრომელთა ცხოვრების მატერიალური და კულტურული დონე, უზრუნველყოს ქვეყნის უშიშროება, ხელი შეუწყოს მშვიდობის განმტკიცებას.

ეს იმას ნიშნავს, რომ სოციალიზმის სრულყოფა — კომუნისმის მშენებლობაა. ამჟამად მთელ მსოფლიოში სსრ კავშირის კონსტიტუცია ერთადერთია, რომელიც მიზნად ისახავს კომუნისმის აშენებას.

სხვა სოციალისტური სახელმწიფოთა კონსტიტუციები (ჩეხოსლოვაკიის, რუმინეთის, ბულგარეთის და ა. შ.) მიზნად ისახევენ განვითარებული სოციალიზმის აგებას. როგორც ცნობილია, „განვითარებული სოციალისტური საზოგადოება კანონზომიერი ეტაპია კომუნისმისაკენ მიმავალ გზაზე“. ეს ეტაპი კომუნისმის მშენებელმა ყველა სახელმწიფომ უნდა გაიაროს.

კომუნისმის მშენებლობის ამოცანათა განხორციელება მხოლოდ საბჭოთა სახელმწიფოს მოვალეობა როდია. ამასთან ერთად, მნიშვნელოვან როლს ასრულებენ აგრეთვე საზოგადოებრივი ორგანიზაციები და შრომითი კოლექტივები. მათ შორის განსაკუთრებული მნიშვნელობა ენიჭება საბჭოთა კავშირის კომუნისტურ პარტიას, რომელიც საბჭოთა საზოგადოების, მისი პოლიტიკური სისტემის ანუ სახელმწიფო და საზოგადოებრივი ორგანიზაციების ხელმძღვანელი და წარმმართველი ძალაა. ყოველივე ეს კი დაკანონებულია საბჭოთა კონსტიტუციით (მუხ. 6).

კომუნისმის მშენებლობის ძირითადი მიმართულებანი და მათი ხორცშესხმის გზები პარტიამ დასახა თავის XXVII ყრილობაზე და პარტიის ცენტრალური კომიტეტის მომდევნო პლენუმებზე.

სამეურნეო და სხვა სფეროების გარდაქმნა, დაჩქარების ტემპი, ახლებურად, პროგრესულად აზროვნება, ყოველი მოქალაქის გააქტიურება — ასეთია დროის მოთხოვნა.

როცა სსრ კავშირის IX მოწვევის უმაღლესი საბჭოს რიგგარეშე VII სესიამ კონსტიტუცია დაამტკიცა. დამტკიცების დღე — 7 ოქტომბერი გამოცხადდა კონსტიტუციის დღედ. ამ საზეიმო დღეს კიდევ ერთხელ ჯამდება თუ როგორ სრულდება კონსტიტუციური ნორმები, სოციალისტური კანონიერება.

ამ მიზნით ხელისუფლების უმაღლესი ორგანოები უნდა სრულყოფდნენ კანონმდებლობას, აკონტროლებდნენ, თუ როგორ მოქმედებენ ჩვენი კანონები, რა რეალურ უკუგებას იძ-



ლევა თითოეული სახელმწიფო ორგანოს და ხელმძღვანელის მუშაობა.

როგორც სკკპ XXVII ყრილობაზე ცენტრალური კომიტეტის საანგარიშო მოხსენებაში აღინიშნა „დემოკრატია იყო და კვლავ იქნება სოციალისტური კანონიერების განმტკიცების უმნიშვნელოვანესი ბერკეტი, ხოლო მტკიცე კანონიერება — ჩვენი დემოკრატიის განუყოფელი ნაწილი“.

პარტია მოითხოვს, რათა გავაუმჯობესოთ საბჭოთა კანონიერების ხარისხი, ავამაღლოთ სოციალისტური სამართლის ცალკეული დარგების როლი ქვეყნის გარდაქმნის საქმეში. იქვე, ცენტრალური კომიტეტის საანგარიშო მოხსენებაში აღინიშნა, რომ „ჩვენმა კანონმდებლობამ — სამოქალაქო და შრომითმა, საფინანსო და ადმინისტრაციულმა, სამეურნეო და სისხლის სამართლის კანონმდებლობამ — კიდევ უფრო აქტიურად უნდა შეუწყოს ხელი მართვის ეკონომიკური მეთოდების დანერგვას, შრომისა და მოხმარების ოდენობისადმი ქმედით კონტროლს, სოციალური სამართლიანობის პრინციპების განხორციელებას“.

სსრ კავშირის კონსტიტუციაში ბევრია ისეთი მუხლი, რომელიც დამატებით საკანონმდებლო აქტის მიღებას მოითხოვს. ასეთი აქტები მივიღეთ კიდევ. მაგალითად: „კანონი სსრ კავშირის მინისტრთა საბჭოს შესახებ“, „სსრ კავშირის უმაღლესი საბჭოს რეგლამენტ“, „ადმინისტრაციულ სამართალდარღვევათა შესახებ სსრ კავშირისა და მოკავშირე რესპუბლიკების კანონმდებლობის საფუძვლები“, „კანონი სსრ კავშირის მოქალაქეობის შესახებ“, კანონები სსრ კავშირის უმაღლესი საბჭოს არჩევნების შესახებ, სსრ კავშირის სახელმწიფო არბიტრაჟის, სსრ კავშირის ადვოკატურის, სახელმწიფო ნოტარიატის, სახალხო კონტროლის შესახებ და ა. შ. მსგავსი აქტების მიღების აუცილებლობაზე ყურადღება სკკპ XXVII ყრილობაზეც იქნა გაამაზვილებული. მ. ს. გორბაჩოვმა ცენტრალური კომიტეტის პოლიტიკურ მოხსენებაში აღნიშნა, რომ „უნდა უახლოეს დროში დავამთავროთ მომზადება კონსტიტუციით გათვალისწინებული კანონისა იმ თანამდებობის პირთა არამართლზომიერი მოქმედების სასამართლოში გასაჩივრების წესის შესახებ, რომლებიც ბღალავენ მოქალაქის უფლებებს“. ასეთი კანონი დღეისათვის უკვე მიღებულია. იგი დამტკიცა სსრ კავშირის მეთორმეტე მოწვევის უმაღლესი საბჭოს მეშვიდე სესიამ 1987 წლის 30 ივნისს, ხოლო ძალაში შევა 1988 წლის 1 იანვრიდან.

ამავე სესიამ მიიღო კანონი „სახელმწიფო ცხოვრების დიდმნიშვნელოვანი საკითხების საყოველთაო-სახალხო განხილვის შესახებ“, მაგრამ ჯერ კიდევ არა გვაქვს მიღებული კანონი სსრ კავშირში რეფერენდუმის ანუ საყოველთაო-სახალხო კენჭისყრის წესის შესახებ, რაც ალბათ უახლოეს პერიოდში გადაწყდება.

სოციალისტური კანონიერების დაცვის საქმეში პარტია თანამიმდევრობით იცავს კონსტიტუციურ მოთხოვნებს. უახლოესი სპეციალური აქტი ამასთან დაკავშირებით სკკპ ცენტრალურმა კომიტეტმა მიიღო 1986 წლის ნოემბერის ბოლოს — „სოციალისტური კანონიერებისა და მართლწესრიგის შემდგომი განმტკიცების, მოქალაქეთა უფლებებისა და კანონიერი ინტერესების დაცვის გაძლიერების შესახებ“.

დადგენილებაში მითითებულია, რომ სოციალისტური კანონიერებისა და მართლწესრიგის უზრუნველყოფისათვის, მოქალაქეთა უფლებებისა და კანონიერი ინტერესების დაცვისათვის მუშაობა ჯერ კიდევ არ არის საკმაოდ ეფექტიანი და სრულად არ შეესაბამება დროის, კომუნისტური მშენებლობის თანამედროვე ეტაპის მოთხოვნებს.

პარტია მოითხოვს, რათა კანონიერების დარღვევის ყოველი შემთხვევა, ვინც არ უნდა დაუშვას იგი, პრინციპულად, მწვავედ შეფასდეს და დაიგმოს, ხოლო ამაში ბრალეული პირები მთელი სიმკაცრით დაისჯონ.

საბჭოთა კავშირის მოქმედ კონსტიტუციაში პირველად არის შეტანილი ცალკე თავი საგარეო სამშვიდობო პოლიტიკის დაცვის შესახებ. აქ გათვალისწინებულია საგარეო სამშვიდობო პოლიტიკის დაცვისათვის სახელმწიფოთა ურთიერთობის პრინციპები, რაც მათი თანასწორუფლებიანობისა და სუვერენიტეტის დაცვაზე მიუთითებს.

პარტია გვასწავლის, რომ მშვიდობის დაცვა ყოველი ადამიანის უპირველესი უფლების — სიცოცხლის უფლების უზრუნველყოფაა.

სსრ კავშირის კონსტიტუციის მეთექვსმეტე მუხლი თვალნათლივ გვიჩვენებს, რომ ჩვენი სახელმწიფოს ამ ძირითადი კანონის რეალიზაცია განუხრელად მიმდინარეობს, რომ ამ დიადი ქარტიით დასახული ამოცანები აუცილებლად შესრულდება.





# სსრ კავშირის უმაღლესი საბჭოს პრეზიდიუმში

## მოსახლეობის სამართლებრივი მომსახურებისათვის იუსტიციის ორგანოების მუშაობის შესახებ

სსრ კავშირის უმაღლესი საბჭოს პრეზიდიუმმა თავის სხდომაზე განიხილა მოსახლეობის სამართლებრივი მომსახურებისათვის იუსტიციის ორგანოების მუშაობის საკითხი.

მიღებულ დადგენილებაში სსრ კავშირის უმაღლესი საბჭოს პრეზიდიუმმა აღნიშნა, რომ საბჭოთა საზოგადოების არსით რევოლუციური გარდაქმნის შესახებ პარტიის XXVII ყრილობის, სკკპ ცენტრალური კომიტეტის პლენუმების მითითებათა რეალიზაციამ ბევრად მოითხოვა სახელმწიფო და საზოგადოებრივი ცხოვრების სამართლებრივი საფუძვლის განახლება, სოციალისტური კანონიერებისა და მართლწესრიგის ყოველმხრივი განმტკიცება, პიროვნების უფლებათა დაცვის გაძლიერება. ეს წინა პლანზე აყენებს იმის საჭიროებას, რომ ძირეულად გაუმჯობესდეს მოსახლეობის სამართლებრივი მომსახურება, გააქტიურდეს კანონმდებლობის პროპაგანდისა და კანონისადმი პატივისცემის სულისკვეთებით ყველა საბჭოთა ადამიანის აღზრდისათვის მუშაობა.

მოქალაქეთა სამართლებრივ უზრუნველყოფაში დიდია სახალხო დეპუტატთა საბჭოების, სასამართლოების, ადვოკატურის, სანოტარო ორგანოების, იუსტიციის სხვა დაწესებულებების როლი. თავისი უფლებების რეალიზაციაში მათი მომსახურებით სარგებლობს ათმილიონობით ადამიანი. მტკიცდება მოქალაქეთა უფლებებისა და მათთვის იურიდიული დახმარების გაწევის გარანტიები. გამოვიდა სსრ კავშირის კანონთა წიგნი. მნიშვნელოვანი მუშაობა წარმოებს შრომის, საბინაო, კანონმდებლობის სხვა დარგების სრულყოფისათვის.

ამავე დროს სსრ კავშირის უმაღლესი საბჭოს პრეზიდიუმს მიაჩნია, რომ ეს მნიშვნელოვანი მუშაობა ჯერ კიდევ არ შეესაბამება ქვეყნის სოციალურ-ეკონომიკური ცხოვრების გარდაქმნის, თანამედროვე ეტაპზე დემოკრატიის განვითარების ამოცანებიდან გამომდინარე მოთხოვნებს. სსრ კავშირის იუსტიციის სამინისტრო და მისი საქვეუწყებო ორგანოები სუსტად მუშაობენ იმ საკითხებზე, რომ დროული დახმარება გაუწიონ მოქალაქეებს მათი შრომის, საბინაო და სხვა უფლებების რეალიზაციაში, წარმოქმნილი დავის კვალიფიციურ გადაწყვეტაში, დაცვის კონსტიტუციური უფლების უზრუნველყოფაში. სათანადო მომთხოვნელობას არ უყენებენ იუსტიციის ორგანოთა ხელმძღვანელებს საქმის ფაქტობრივი ვითარებისა და მომწიფებული საკითხების პრაქტიკული გადაწყვეტისაკენ.

ნელა გარდაიქმნება მოქალაქეთა უფლებებისა და კანონიერი ინტერესების დაცვის უზრუნველყოფისათვის სასამართლოების მუშაობა, რასაც მოწმობს მრავალი წერილი და საჩივარი, რომელთა რიცხვი იზრდება. მარტო სსრ კავშირის იუსტიციის სამინისტროს აპარატი ყოველწლიურად განიხილავს 25 ათასზე მეტ ასეთ მიმართვას, რომელთა ნახევარზე მეტი ეხება სასამართლოთა გადაწყვეტილებების შეუსრულებლობას, გაკიანურებას სამოქალაქო და სისხლის სამართლის საქმეთა გამო. ბევრ საუკვედურს გამოთქვამს მოსახლეობა სასამართლოების მუშაობის ცუდი ორგანიზაციის გამო. გავრცელებულია სასამართლოთა სხდომების დაუსაბუთებლად გადატანის პრაქტიკა.

სსრ კავშირის უმაღლესი საბჭოს პრეზიდიუმმა სსრ კავშირის იუსტიციის სამინისტროს ყურადღება მიაპყრო იმას, რომ მოქალაქენი უკმაყოფილონი არიან იურიდიული კონსულტაციების სამართლებრივი დახმარებით. ზოგიერთი ადვოკატი არასთანადო კვალიფიკაციის გამო ვერ



უწყებს რეალურ დახმარებას, სხვადასხვა სახაზით თავს არიდებს მოქალაქეთა უფლებების დაცვის მოვალეობათა შესრულებას. ნორმალურად ვერ ჩაითვლება ისიც, რომ ქვეყნის მთელ რიგ რაიონებში საერთოდ არ არის იურიდიული კონსულტაციები.

სამინისტროსა და მისი ორგანოების შეტ კურადღებაც მოითხოვს სანოტარო კანტორებისა და მშაჩის ორგანოების მუშაობა. მათ საქმიანობას აგრეთვე აკლია ორგანიზებულობა და კულტურა, ვლინდება ფორმალისმი და უსუსტგულუ დაშოკიდებულება მოქალაქეებისადმი. ბევრი სხვადასხვა დარღვევა და შეცდომაა დაბადების, ქორწინების, მოქალაქეობრივი მდგომარეობის სხვა აქტების რეგისტრაციის დროს.

ყოველთვის როდი იცავენ იუსტიციის დაწესებულებანი მუშაობის დადგენილ რეჟიმს, რის გამოც მოქალაქენი დიდხანს ელიან მოსამართლეებთან, ადვოკატებთან, ნოტარიუსებთან მადებას. კურგანის მშაჩის საქალაქო განყოფილებაში, მაგალითად, ქორწინების სარეგისტრაციოდ დოკუმენტებს იღებდნენ მხოლოდ კვირაში ორჯერ, რაც ქნინდა რეგება და მოსახლეობის უკმაყოფილებას იწვევდა.

მოქალაქეთა სამართლებრივ მომხაზურებაში არსებითი ნაკლოვანებანი მოწმობს, რომ სსრ კავშირის იუსტიციის სამინისტრო, მისი რესპუბლიკური და ადგილობრივი ორგანოები სათანადო მომთხოვნელობას არ იჩენენ კადრებისადმი, სუსტად ზრდიან მათ პრინციპულობისა და პატიოსნების ხულისკვეთებით. მტკიცედ არ იბრძვიან მოვალეობათა შესრულებისადმი ზოგიერთი მუშაკის ფორმალური, გულგრილი დაშოკიდებულების წინააღმდეგ. ზოგჯერ პასუხსაგებ თანამდებობებზე ხვდებიან არაკომპეტენტური ადამიანები, რომლებიც ბოროტად იყენებენ თავიანთ მდგომარეობას, აქვთ გამოძალვის მადრეკილება.

მოქალაქეთა თხოვნისა და მოთხოვნილებათა სათანადო გადაწყვეტაში სერიოზული დაბრკოლება ის, რომ იუსტიციის ბევრი დაწესებულება მოთავსებულია გამოუსადეგარ შენობებში, არა აქვს ელემენტარული პირობები მოქალაქეთა მიღებისათვის. ამ მხრივ არახელსაყრელი ვითარებაა უკრაინის მთელ რიგ ოლქებში, აზერბაიჯანისა და სომხეთის სს რესპუბლიკებში, ჩუვაშეთის ასს რესპუბლიკაში, ზღვისპირეთის მხარეში, კოსტრომისა და ჩიტის ოლქებში. მაგრამ იუსტიციის ორგანოები არ იჩენენ სათანადო ზრუნვასა და სიმტკიცეს აღნიშნული საკითხების გადაწყვეტაში, სასამართლოებისა და იუსტიციის დაწესებულებების თანამედროვე ორგტექნიკით უზრუნველყოფაში.

სსრ კავშირის იუსტიციის სამინისტროს მოკავშირე რესპუბლიკების მინისტრთა საბჭოებთან ერთად წინადადება მიეცა განახორციელოს საჭირო დონისძიებანი, რომლებიც უზრუნველყოფს მოსახლეობის სამართლებრივი მომხაზურებისათვის იუსტიციის ორგანოებისა და დაწესებულებების საქმიანობის ძირეულ გარდაქმნას, აგრეთვე კვალიფიციური კადრებით ამ ორგანოების განმტკიცებას. განუხრეტლად გააძლიეროს ამ ორგანოების ხელმძღვანელთა პასუხისმგებლობა ყველა სასამართლოს, ადვოკატთა კოლეგიების, სანოტარო კანტორების, მშაჩის ორგანოების მუშაობაში სიუსტის, კულტურისა და საქმიანობის ორგანიზაციისათვის. უნდა აღმოიფხვრას სერიოზული ნაკლოვანებანი საბჭოთა ადამიანების ზრომის, საბინაო, კონებრივი და პირადი უფლებების დაცვისათვის იუსტიციის ორგანოების მუშაობაში, უზრუნველყოფს, რომ ყველგან ხელმისაწვდომი იყოს იუსტიციის ორგანოები და დაწესებულებანი მშრომელებისათვის, განავითაროს მუშაობის დემოკრატიული პრინციპები, დანერგოს ახალი, მოქალაქეთათვის მოხერხებული სამართლებრივი დახმარების სახეობანი და ფორმები უშუალოდ საწარმოებში და საცხოვრებელ ადგილას.

სსრ კავშირის იუსტიციის სამინისტროს მიუთითეს, რომ საჭიროა გააძლიეროს სამართლებრივი მუშაობისადმი მეთოდური ხელმძღვანელობა სამინისტროებში, სახელმწიფო კომიტეტებსა და უწყებებში, განსაკუთრებული ყურადღება დაუთმოს იმას, რომ მათ მიერ გამოცემული საუწყებო ნორმატიული აქტები შეეხამებოდეს მოქმედ კანონმდებლობას.

სსრ კავშირის უმაღლესი საბჭოს პრეზიდიუმმა აღნიშნა, რომ სახალხო დეპუტატთა ადგილობრივი საბჭოები და მათი აღმასრულებელი კომიტეტები სათანადო გავლენას ვერ ახდენენ მოქალაქეთა სამართლებრივი დახმარების გაწევისათვის იუსტიციის ორგანოების მუშაობაზე. იშვიათად ისმენენ ამ ორგანოების ხელმძღვანელთა მოხსენებებს, ნაკლებ ყურადღებას უთმობენ იმას, რომ მუშაობის სათანადო პირობები შეუქმნან სასამართლოებს, იურიდიულ კონსულტაციებს, სანოტარო კანტორებს, მშაჩის ორგანოებს, არის შემთხვევები, როცა ადგილობრივი საბჭოების ცალკეული აღმასრულებელი კომიტეტები თავად უშვებენ გადახრებს კანონებისაგან.



მთელ რიგ ადგილებში ცუდად არის მოწყობილი ახალი საკანონმდებლო აქტების ახსნა-განმარტება, საკმარისი არ არის კანონთა ტექსტები და იურიდიული ლიტერატურა. იუსტიციის ორგანოებს სათანადო კონტაქტები არ აქვთ მასობრივი ინფორმაციის საშუალებებთან. ყოველივე ეს მოქალაქეებს უძნელებს დროულად და სწორად გადაწყვეტონ ადგილებზე წარმოქმნილი საკითხები, მიიღონ მათ გამო კვალიფიციური ახსნა-განმარტებანი.

სახალხო დემუტატთა ზოგიერთი საბჭო სათანადოდ არ წარმართავს იუსტიციის დაწესებულებათა მუშაობას მოსახლეობის სამართლებრივი მომსახურებისათვის და მათ ურთიერთმოქმედებას სხვა სამართალდაცვით ორგანოებთან, პროფკავშირულ ორგანიზაციებთან და სამართლებრივ ინსპექციებთან. ამ მიზნით მეტად სუსტად იყენებენ იურიდიული სამსახურის შესაძლებლობებს სახალხო მეთურნეობებში.

მოკავშირე და ავტონომიური რესპუბლიკების უმაღლესი საბჭოების პრეზიდიუმებსა და მინისტრთა საბჭოებს დაევალებათ უზრუნველყონ, რომ ეფექტიანად საქმიანობდეს ახლად არჩეული სახალხო დემუტატთა საბჭოების ყველა რგოლი მოქალაქეთა უფლებების საიმედოდ დაცვისათვის, ანგარიშვალდებულად ორგანოების მუშაობისადმი ზედმძღვანელობისა და კონტროლის გაძლიერებისათვის, გაზარდონ კადრების მომზადვნილობა და პასუხისმგებლობა კანონმდებლობის განუხრცილი შესრულებისათვის, განამტკიცონ მათი კავშირი შრომით კოლექტივებთან და მოსახლეობასთან. ეკონომიკის მართვის ძირეული გარდაქმნის ბირობებში უნდა გაეზარდოს საწარმოების, დაწესებულებებისა და ორგანიზაციების იურიდიული სამსახურის როლი და პასუხისმგებლობა მუშათა და მოსამსახურეთა უფლებებისა და კანონიერი ინტერესების დაცვის საქმეში.

სსრ კავშირის გამომცემლობების, პოლიგრაფიისა და წიგნის ვაჭრობის საქმეთა სახელმწიფო კომიტეტს სსრ კავშირის იუსტიციის სამინისტროს მონაწილეობით დაევალოს განახორციელოს დამატებითი ღონისძიებანი კანონთა ტექსტების, კოდექსებისა და მათი კომენტარების, აგრეთვე ნორმატიული-საცნობარო და სამეცნიერო-პოპულარული იურიდიული ლიტერატურის გამოშვების გადიდებისათვის.

გაზეთ „იწვევთა სოვეტოვ ნაროდნიხ დემუტატოვ სსსრ“, ყურნად „სოვეტი ნაროდნიხ დემუტატოვ“ რედაქციებში რეგულარულად გამოაქვეყნონ სტატიები და კონსულტაციები, რომლებიც განმარტავენ საბჭოთა მოქალაქეების უფლებებსა და მოვალეობებს, პროპაგანდა გაუწიონ მოსახლეობისადმი სამართლებრივი დახმარების მუშაობის საუკეთესო გამოცდილებას.



საქართველოს კომპარტიის ცენტრალურ კომიტეტში

# ახალგაზრდობის სამართლებრივი კვლევა

საქართველოს კომპარტიის ცენტრალურმა კომიტეტმა განიხილა რესპუბლიკის  
ახალგაზრდობის სამართლებრივი კულტურის ჩამოყალიბებისათვის მუშაობის  
გაუმჯობესების ღონისძიებათა საკითხი

აღინიშნა, რომ რესპუბლიკაში შეინიშნება გარკვეული დადებითი ძვრები ახალგაზრდო-  
ბის სამართლებრივი შეგნების ჩამოყალიბების, ნაკლოვანებებისა და სამართალდარღვევებისა-  
ში შეუჩინებლობის განვითარების საქმეში. უმჯობესდება გამაფრთხილებელ-პროფილაქტი-  
კური მუშაობის პრაქტიკა, სამართლებრივი განათლების სისტემა. იზრდება ახალგაზრდობის  
სამართლებრივი კულტურის ჩამოყალიბებაში იდეოლოგიურ, მასობრივ-პოლიტიკურ ღონის-  
ძიებათა როლი. ახალგაზრდობის სამართლებრივი სწავლებისა და განათლების გაძლიერ-  
ება ბევრად უწყობს ხელს სახელმწიფო და საზოგადოებრივი საქმეების გააწვევაში, წარ-  
მოებისა და სასწავლო კოლექტივის მართვაში ახალგაზრდობის თვითმმართველობის ფორმების  
განვითარებას, სკკპ ცენტრალური კომიტეტის 1985 წლის აპრილის პლენუმის შემდეგ გა-  
ორკეცდა გაზეთების, ტელევიზიისა და რადიოს ახალგაზრდულ რედაქციებში საზოგადოებრივ-  
პოლიტიკური ელტრადობის წერილების ხვედრითი წილი. იზრდება ახალგაზრდობის როლი  
სოციალისტური ცხოვრების წესის ფორმირებისა და ყველგან დამკვიდრების საქმეში.

ამავე დროს რესპუბლიკის პარტიულმა, საბჭოთა, კომკავშირულმა, პროფკავშირულმა ორ-  
განობმა, იდეოლოგიურმა სამინისტროებმა და უწყებებმა ვერ მიაღწიეს სკკპ XXVII ყრი-  
ლობის მოთხოვნათა შესაბამისად ახალგაზრდობასთან სამართლებრივ-აღმზრდელი მუ-  
შაობის ძირითად გარდაქმნას, ამ საფუძველზე ახალგაზრდობის დიდი მოქალაქეობრივი აქ-  
ტიურობისა და პასუხისმგებლობის უზრუნველყოფას, მასობრივი სამართლებრივი კულტურის  
ამაღლებას. კომკავშირული ორგანიზაციების, განათლების, პროფტექნიკური განათლების,  
უმადლესი სკოლის ორგანოების ყოველდღიურ პრაქტიკაში აღმინისტრირება ხშირად სჭარ-  
ბობს აღმზრდელი ღონისძიებებს, შეინიშნება სამართალდაცვითი ორგანოების მუშაო-  
ბის ფორმებისა და მეთოდების გარკვეული სესხება.

ძირითად გარდაქმნას საქირობებს განათლების დაწესებულებების, აღმინისტრაციული ორ-  
განობისა და კომკავშირული ორგანიზაციების ერთობლივი მუშაობის პრაქტიკა. მათს ურ-  
თიერთობაში ჭეროვანი ყურადღება არ ეთმობა ახალგაზრდობის სამართლებრივ საქმიანობას,  
მოქალაქეობრივი პოზიტიური ასპექტების განვითარებას. დაბალია ამ საქმეში რესპუბლიკის  
იუსტიციის სამინისტროსთან არსებული სამართლებრივი პროპაგანდის საუწყებთაშორისო სა-  
კოორდინაციო-მეთოდოლოგიური საბჭოს როლი, რომლის მუშაობას უწყებრივი მიმართულება  
მიეცა.

სოციალოგიური გამოკვლევების შედეგების ანალიზი გვიჩვენებს, რომ ახალგაზრდობის  
მნიშვნელოვან ნაწილს, განსაკუთრებით არასრულწლოვანებს, რეალურად ვერ წარმოუდგენიათ  
კანონის სოციალური როლი, სამართალი მიაჩნიათ ფორმალური აკრძალვებისა და შეზღუდ-  
ვების სისტემად. ამით, კერძოდ, აიხსნება ის, რომ ახალგაზრდობა ყოველთვის ვერ ავლენს  
სამართლებრივ აქტიურობასა და კულტურას საზოგადოებაში თავისი მოქალაქეობრივი მოვალე-  
ობების, სოციალური ფუნქციების შესრულებაში, ხელს არ უწყობს დისციპლინისა და  
პასუხისმგებლობის განმტკიცებას. დღია იმ ახალგაზრდების რიცხვი, რომლებიც სისტემა-  
ტულად ვერ ასრულებენ გამოუშვავების ნორმებს, აქვთ წუხი მუშაობაში, არღვევენ შრომის  
დისციპლინას. ამ ბოლო დროს გაიზარდა რიცხვი სტუდენტებისა და საშუალო სპეციალური  
სასწავლებლების მოსწავლეებისა, რომლებმაც ჩაშალეს მეცადინეობა, საშუალო ზოვადსა-  
განმანათლებლო სკოლების მოსწავლეებისა, რომლებმაც გაკვეთილები გააცდინეს არასაპატიო  
მიზეზით, მიიღეს „არაღამაკმაყოფილებელი“ შეფასება და ა. შ.

უმადლეს სასწავლებლებში, სკოლებში, პროფესიულ-ტექნიკურ სასწავლებლებში სუსტად  
ვითარდება ახალგაზრდობის სამართლებრივი სწავლებისა და განათლების სასწავლო-აღმზრ-  
დელი მეთოდი და სამეცნიერო-მეთოდოლოგიური ბაზა. შეინიშნება სახელმძღვანელოების, მეთოდი-



საქართველოს კომპარტიის ცენტრალური კომიტეტი

კური მასალების, იურიდიული ლიტერატურის, სამართლებრივი სწავლების თვალსაჩინო ხელ-  
საწყობისა და ტექნიკური საშუალებების ნაკლებობა. სრულყოფილი არ არის სამართლის  
მასწავლებელთა მომზადებისა და ვადამზადების სისტემა.

პარტიის საოლქო, საქალაქო, რაიონული კომიტეტები საქმალ ელექტობაზე არ წარმარ-  
თავენ და აკორდინირებენ ადგილობრივი საბჭოების, პროფკავშირული, კომკავშირული ორგა-  
ნიზაციების, განათლების, დაწესებულებების, ადმინისტრაციული ორგანოების მუშაობას იმ  
საქმეში, რომ უზრუნველყონ სამართალმზრდელი პრინციპის კომპლექსურობა, მი-  
აღწიონ სამართლებრივი სწავლების, სამართლებრივი აღზრდისა და სამართლებრივი საქმიანო-  
ბის კულტურის განუზრდელ კავშირს.

საბჭოთა პროფკავშირული, ადმინისტრაციული ორგანოები ზერ კიდევ ზეროვნად არ ემა-  
რებიან კომკავშირულ ორგანიზაციებს სოციალისტური თვითმმართველობის განვითარებაში.  
რესპუბლიკის მრავალ ქალაქსა და რაიონში სეროზული ხარვეზების, საქმისაღმი ბიუროკრა-  
ტიული მიდგომის გამო დამახასიათებელი ფუნქციები დაკარგეს საზოგადოებრივმა იურიდი-  
ულმა კონსულტაციებმა, ნებაყოფლობითი სახალხო რაზმეულების, ოპერატიული კომკავშირული  
რაზმების შტაბებმა, ამხანაგური სასამართლოების, მუშათა (სტუდენტთა) ღირსების სასა-  
მართლოებისადმი სამართლებრივი დახმარების საბჭოებმა, მართლმწიგის დაცვის საყრდენმა  
პუნქტებმა.

კომკავშირული ორგანიზაციები, ახალგაზრდობის თვითმმართველობის ორგანოები ზერ  
კიდევ საქმარისად ზრ იყენებენ საბჭოთა კანონმდებლობითა და საკავშირო ალკკ წესდებით  
მინიჭებულ ფართო უფლებებს წარმოების მართვის, ახალგაზრდობის შრომის, ყოფა-ცხოვრ-  
ბისა და დასვენების საქმრო პირობების შექმნის საქმეში. დაბალი სამართლებრივი კულტურ-  
ის, ბევრ შემთხვევაში კი მინიჭებული უფლებების განხორციელებისაღმი ფორმალური და-  
მოკიდებულების შედეგად იზრდება იმ ქალიშვილთა და ჭაბუკთა რიცხვი, რომელთა მიმართ  
ხორციელდება ზემოქმედების ორგანიზაციული ან სამართლებრივი ღონისძიებანი. შესუსტე-  
ბულია მოზარდთა და ახალგაზრდობის ხელახალ სამართლებრივ ორიენტაციაში კომკავშირუ-  
ლი აქტივის, პედაგოგიური კოლექტივების, შეფებისა და საზოგადოებრივი აღმზრდელების  
როლი.

რესპუბლიკის პირველადმა კომკავშირულმა ორგანიზაციებმა ვერ მიადწიეს გამაფრთხი-  
ლებელ-აღმზრდელი მუშაობის გააქტიურებას, ვადამცდარი ახალგაზრდების აღზრდის  
საქმეში მინიჭებული უფლებების სრულ გამოყენებას. გამოსწორების გზაზე დამდგარი ახალ-  
გაზრდობის გარკვეული ნაწილი მოწყვეტილი რჩება შრომითი, სასწავლო კოლექტივებისაგან  
და ექცევა დამაშავე ელემენტების, ნარკომანების, ლოთების, მუქთახორების, მეძავეების გავ-  
ლენაში. ამის შედეგად იზრდება განმეორებითი და რეციდივული დამაშავეობის, ნარკომანი-  
ის, მუქთახორობის, პროსტიტუციისა და სხვა ფაქტების რიცხვი. ნარკომანებისა და მომხმა-  
რებლების რიცხვის ზრდასთან ერთად მატულობს ახალგაზრდათა ზვედრითი წილიც ნარკო-  
ტიკულ საშუალებათა დამაშავებელ-გამსაღებელთა შორის. განსაკუთრებულ შეფოთებას  
იწვევს რესპუბლიკის ახალგაზრდობაში ვენერიულ დაავადებათა ზრდა.

საქართველოს ალკკ ცენტრალურმა კომიტეტმა, საქართველოს სსრ კულტურის სამინისტ-  
რომ, რესპუბლიკურმა საზოგადოება „ცოდნამ“ და შემოქმედებითმა კავშირებმა უნდა გაძ-  
ლიერონ ყურადღება ქალიშვილებისა და ჭაბუკების იდეურ-ზნეობრივი აღზრდის, ახალგაზრ-  
დულ გარემოში სოციალისტური ცხოვრების წესის ყველგან დამკვიდრების ამოცანებისაღმი.  
დროის მოთხოვნებს ვერ აკმაყოფილებს მუშაობა, რომელიც წარმოებს ინდივიდუალური შრო-  
მის ფორმების გაფართოებისათვის, კერძომესაკუთრული ფსიქოლოგიის გამოვლინებათა წინა-  
ღმდეგ ბრძოლისათვის, იმისათვის, რომ ახალგაზრდობას განუვითარდეს შეურებილობა ნაკ-  
ლოვანებებისა და სამართალდარღვევებისაღმი. ნივთმონობა, სხვისი მოიმედობის განწყობი-  
ლება, ინტერესებისა და მოთხოვნილებების დაბალი კულტურა, სოციალური ორიენტაციები,  
რომლებიც კანონის ფარგლებში ვერ ეტევა, ბევრ შემთხვევაში ახალგაზრდებსა და მოზარ-  
დებში დამაშავეობის გავრცელების ძირითადი მიზეზი ხდება. წუხილს იწვევს ის, რომ ახალ-  
გაზრდობის გარკვეულ ნაწილს სწორად არ ესმის თავისი კონსტიტუციური უფლება-მოვალ-  
ეობები. დემოკრატიისა და საჯაროობის გაფართოების მიმდინარე პროცესებმა გამოავლინა  
ახალგაზრდობის ერთი ნაწილის პოლიტიკური და ზნეობრივ-სამართლებრივი მოუმზადებლობა,  
რაც ხელსაყრელ პირობებს უქმნის სხვადასხვა ჭურის დემაგოგთა და დეზინფორმატორთა  
მოქმედებას, რომლებიც ვარდაქმნის იდეებს იყენებენ პირადი ანგარებით, ზოგჯერ კი პრო-  
ვოკაციული მიზნებით.



იმის გამო, რომ კანონისადმი, საზოგადოების ნორმატიული მოთხოვნებისადმი პატივისცემა არ გამხდარა თითოეული ახალგაზრდის შინაგანი მოთხოვნითა, კვლავ დაბალია ახალგაზრდობაში საჯარო, ნაბოძრები სამართლებრივი კულტურის დონე. მაგალითად, საგზაო მოძრაობის წესების დამრღვევთა აბსოლუტურ უმრავლესობას შეადგენენ 80 წლამდე ასაკის ახალგაზრდები. უკანასკნელ წლებში ახალგაზრდა მძღოლების წილად მოდის რესპუბლიკაში მომხდარი ყველა საგზაო-სატრანსპორტო შემთხვევის 41-48 პროცენტი.

სერიოზული ნაკლოვანებები და ხარვეზები ახასიათებს საოჯახო-საყოფაცხოვრებო ურთიერთობის სფეროში ახალგაზრდობის სამართლებრივი კულტურის ჩამოყალიბებისათვის მუშაობას. ბევრია ქალების მოტაცების, გაუპატიურების, მოსწავლეთა შორის ქორწინების შემთხვევა, იზრდება ოჯახიდან თვითნებურად წასულ არასრულწლოვანთა რიცხვი. არის ფაქტები, როცა ახალგაზრდობა, არასრულწლოვანები და ბავშვები მონაწილეობენ რელიგიურ-საკულტურული რიტუალებში, რომელთაც თან სდევს ღლოთობა და სხვა ანთისაზოგადოებრივი მოვლენები.

ამავე დროს, რესპუბლიკის ყველა რეგიონში როლი ეწევიან მუშაობას იმისათვის, რომ შექმნან სპორტში, ფიზიკურ კულტურაში, ტურიზმში ახალგაზრდობის მასობრივი ჩაბმის პირობები. უმარტივეს სპორტულ ნაგებობებზე რესპუბლიკის მოსახლეობის მოთხოვნილება მხოლოდ 45 პროცენტით კმაყოფილდება. ჭეროვანი უურადდება არ ექცევა სპორტსმენთა ზეობრივ-სამართლებრივი კულტურის ჩამოყალიბებას. შეუფოთებას იწვევს მთელ რიგ სპორტულ კლექტივებში არაქანსადი ცხოვრების წესის გამოვლინებანი. ხშირია ჭაბუკთა შეჯიბრებებზე, რესპუბლიკურ, ზოგჯერ კი საკავშირო პირველობებზე ხულიგნური ქცევის შემთხვევები.

დადგენილებით საქართველოს კომპარტიის საოლქო, საქალაქო, რაიონული კომიტეტებს დაევალოთ გააძლიერონ პირველადი პარტიული ორგანიზაციების, საბჭოთა, პროფკავშირული, კომკავშირული და აღმინისტრაციული ორგანოებისადმი ხელმძღვანელობა გამაფრთხილებელ-აღმზრდელობითი მუშაობის დადგმვისა და ორგანიზაციისადმი კომპლექსური მიდგომის უზრუნველყოფის, ახალგაზრდობის სამართალშეგებისა და სამართლებრივი კულტურის განვითარების საქმეში. მათ უნდა შეისწავლონ და განიხილონ ადგილებზე ამ საკითხის მიდგომარეობა, შექმნან ახალგაზრდობის სამართლებრივი მომზადებისა და აღზრდის შესაბამისი სისტემა, ამასთან გაითვალისწინონ სპეციფიკური თავისებურებანი, რომლებიც დაკავშირებულია საზოგადოებაში მათ მიერ სოციალური ფუნქციების განხორციელებასთან. მიზანშეწონილად ცნეს, რომ მოსახლეობის სამართლებრივი აღზრდის ადგილობრივი საკოორდინაციო საბჭოები ფუნქციონირებდნენ საქართველოს კომპარტიის საოლქო, საქალაქო, რაიონული კომიტეტების ოდეროგოების დარგის მიდგენების ხელმძღვანელობით.

საქართველოს ალკე ცენტრალური კომიტეტის, იუსტიციის სამინისტროს, უმაღლესი და საშუალო სპეციალური განათლების განათლების სამინისტროს, განათლების სამინისტროს, პროფესიულ-ტექნიკური განათლების სახელმწიფო კომიტეტის, კულტურის სამინისტროს, საქართველოს სსრ მეცნიერებათა აკადემიის ხელმძღვანელობის უურადდება მიაპყრეს იმას, რომ შეუწყწარებელია რესპუბლიკის ახალგაზრდობის სამართლებრივი აღზრდის აქტუალური პრობლემების ჭეროვანი შეუფასებლობა. ამ მიმართულებით მუშაობის გადატანა მხოლოდ და მხოლოდ დამნაშავეობის წინააღმდეგ ბრძოლის მიმდინარე ოპერატიულ ამოცანებზე სახელმწიფო და საზოგადოებრივ-სამართლებრივ საქმიანობაში ახალგაზრდა მოქალაქეთა გეგმაზომიერი და მიზანმიმართული ჩაბმის საზიანოდ. მათ უნდა გააერთიანონ ძალისხმევა სკკ XXVII ყრილობის, სკკ ცენტრალური კომიტეტის 1987 წლის იანვრისა და ივნისის პლენუმების მოთხოვნათა მიხედვით სამართლებრივ-აღმზრდელობითი პროცესის ორგანიზაციის გარდაქმნის პრაქტიკულ ღონისძიებათა კომპლექსის შემუშავებასა და განხორციელებაში.

საქართველოს სსრ იუსტიციის სამინისტროს წინადადება მიეცა გადასინჯოს სამართლებრივი პრობლემების საკოორდინაციო-მეთოდოლოგიური საბჭოს ფუნქციები და სტატუსი, რათა გააფართოვოს ისინი და გააძლიეროს საბჭოს როლი რესპუბლიკაში სამართლებრივ-აღმზრდელობითი მუშაობის მთელი კომპლექსის სახელმწიფო მართვის განხორციელებაში. საქართველოს სსრ უმაღლესი საბჭოს პრეზიდიუმისა და მინისტრთა საბჭოს იურიდიულ განყოფილებებთან, ალკე ცენტრალურ კომიტეტთან, პროფსაბჭოსთან, რესპუბლიკურ საზოგადოება „კოლშახთან“ ერთად ახალი სასწავლო წლიდან მან უნდა მოაწყოს საყოველთაო სამართლებრივი სწავლება შრომითს კლექტივებსა და მოსახლეობის საცხოვრებელ ადგილებში.



# დადგენილება

## საქართველოს სსრ უმაღლესი საბჭოს პრეზიდიუმისა

კანონმდებლობის კოოპაგანდისა და სამართლებრივი აღზრდისათვის შუენალ  
„საბოთთა სამართლის“ რედაქციის მუშაობის შესახებ

საქართველოს სსრ უმაღლესი საბჭოს პრეზიდიუმი, რომელმაც მოის-  
მინა ჟურნალ „საბჭოთა სამართლის“ მთავარი რედაქტორის ა. მ. ლ. თალაყ-  
ვაძის ინფორმაცია კანონმდებლობის პროპაგანდისა და სამართლებრივი აღზ-  
რდისათვის გაწეული მუშაობის შესახებ, აღნიშნავს, რომ ხელმძღვანელობს რა  
სკკპ XXVII ყრილობის, პარტიის ცენტრალური კომიტეტის იანვრის პლენუ-  
მისა და საქართველოს კომპარტიის XXVII ყრილობის მოთხოვნებით, უკა-  
ნასკნელ ხანს ჟურნალმა მნიშვნელოვნად გააქტიურა საქმიანობა სამართალ-  
დამცველი ორგანოების, საბჭოთა და სამეფურნეო მუშაკების, მოსახლეობის  
იურიდიული ცოდნისა და სამართლებრივი კულტურის ასამაღლებლად. გამოქ-  
ვევებულ მასალებში ასახულია ქვეყანაში მშენებარე გარდაქმნის პროცესი;  
სისტემატურად შუქდება სამართლებრივი პროპაგანდის საკითხები; საკრძობ-  
ლად გაიზარდა ტირაჟი; უზრუნველყოფილია მისი დადგენილ ვადებში გა-  
მოცემა.

ამასთან ერთად ჟურნალის სამართალგანმარტებითი მუშაობა ჯერ კიდევ  
სრულად ვერ უბასუხებს სადღეისო მოთხოვნებს. პუბლიკაციებში შეიმჩნევა  
კრიტიკული მასალის სიმცირე, ნაკლები ადგილი ეთმობა შრომის, საბენსიო,  
მიწის, საოჯახო, ბუნების დაცვისა და სხვა კანონმდებლობის იმ საკითხების  
პროპაგანდისა და განმარტებას, რომლებიც მოსახლეობა დაინტერესებუ-  
ლი, საბჭოთა მშენებლობის აქტუალურ პრობლემებს, მით უმეტეს, რომ დღემ-  
დე არ არის გამოცემული შესაბამისი დარგობრივი საცნობარო-განმარტებითი  
ლიტერატურა.

იშვიათად იბეჭდება საქართველოს სსრ უმაღლესი საბჭოს პრეზიდიუ-  
მისა და რესპუბლიკის მთავრობის ახლად მიღებული აქტები კომენტარებით.  
საკმარისი არ არის ინდივიდუალური შრომითი საქმიანობის შესახებ და სა-  
ხელმწიფო საწარმოს (გაერთიანების) თაობაზე კანონების პროპაგანდა, სუს-  
ტად შუქდება ლოთობის, ალკოპოლიზმისა და ნარკომანიის წინააღმდეგ  
ბრძოლა.

ჟურნალის ფურცლებზე სრულყოფილად, ამომწურავად და ოპერატიუ-  
ლად არ ასახება რესპუბლიკის ყველა ადმინისტრაციული ორგანოსა და  
იურიდიული სამსახურის საქმიანობა. რედაქციის ინიციატივით არ ეწყობა  
რეიდები, სათანადო შეფასება არ ეძლევა უკანონო განაჩენებისა და გადაწყ-  
ვეტილებების ფაქტებს, სამართალდამცველ ორგანოებში ჯერ კიდევ არსებულ  
ბიუროკრატიულ დამოკიდებულებას მოქალაქეთა მიღების, საჩივრებისა და  
განცხადებებისადმი. სამართლებრივი პროპაგანდის თემატური მიმართულება  
მჭიდროდ არ არის დაკავშირებული სამართალდარღვევათა დინამიკასთან, რაც  
აქვეითებს ჟურნალში გამოქვეყნებული მასალების პროფილაქტიკურ მნიშვნე-  
ლობას. ქმედითი კონტაქტები არ არის დამყარებული მკითხველთა ფართო  
აქტივთან, ნაკლები ყურადღება ექცევა იურიდიული კადრების აღზრდის სა-  
კითხს, ვერ დაინერგა კონფერენციების, „მრგვალი მაგიდის“, სხვა საჭირო ღო-



ნისძიებათა სიტემატური ჩატარება, მცირეა შტატგარეშე კორესპონდენტთა რიცხვი, დღემდე არ შექმნილა სარედაქციო-სამეცნიერო საბჭო.

„საბჭოთა სამართალი“ რესპუბლიკის ერთადერთი იურიდიული პერიოდული გამოცემაა, რომელსაც ძალუძს სისტემატური და ეფექტიანი მუშაობა გასწიოს კანონმდებლობის განმარტებისა და სამართლებრივი აღზრდისათვის. ქვეყანაში ფართოდ მიმდინარე ვარდაქმნისა და დაჩქარების, დემოკრატიზაციის პროცესის პირობებში განსაკუთრებით იზრდება შესაბამისი სამართლებრივი ბაზის მნიშვნელობა. ყურნალ „საბჭოთა სამართლის“ ამ მიმართულებით განსახორციელებელ საქმიანობას და მის წინაშე მდგომი ამოცანების გადაწყვეტას აბრკოლებს ის გარემოება, რომ ყურნალი გამოდის ორ თვეში ერთხელ, არ აქვს სათანადო ყოველკვარტალური დამატება ოფიციალური მასალების გამოსაქვეყნებლად.

### საქართველოს სსრ უმაღლესი საბჭოს პრეზიდიუმში ადგენს:

1. დაევალოს ყურნალ „საბჭოთა სამართლის“ რედაქციას (ამხ. ლ. თალაკვაძე):

გარდაქმნის თაობაზე პარტიისა და მთავრობის დადგენილებების მოთხოვნათა შესაბამისად აღმოფხვრას სამართლებრივ აღზრდასა და კანონმდებლობის პროპაგანდაში არსებული ხარვეზები, მეტი ყურადღება დაუთმოს სოციალისტური დისციპლინისა და მართლწესრიგის შემდგომი განმტკიცებისათვის ბრძოლის, მშრომელთა უფლებებისა და კანონიერი ინტერესების, სოციალური სამართლიანობის პრინციპების დაცვის საკითხებს, კონკრეტულ და კრიტიკულ პუბლიკაციებს, შექმნას სარედაქციო-სამეცნიერო საბჭო;

კანონმდებლობის პროპაგანდისა და სამართლებრივი აღზრდის საკითხები მჭიდროდ დაუკავშიროს ქვეყნის სოციალურ-ეკონომიკური განვითარების დაჩქარების, საბჭოთა კანონმდებლობის დაცვის, სოციალისტური დისციპლინისა და მართლწესრიგის განმტკიცების ამოცანებს; სერიოზული ყურადღება მიაქციოს ახალგაზრდობის სამართლებრივი აღზრდის პრობლემებს;

მჭიდრო კონტაქტები დაამყაროს მკითხველთა აქტივთან, მოაწყოს მათთან შეხვედრები, ჩატაროს კითხვა-პასუხის საღამოები, კონფერენციები, გაითვალისწინოს მათი შენიშვნები და წინადადებები; გააფართოოს შტატგარეშე კორესპონდენტთა ქსელი.

2. საქართველოს სსრ იუსტიციისა და შინაგან საქმეთა სამინისტროებმა, რესპუბლიკის პროკურატურამ და უმაღლესმა სასამართლომ უზრუნველყონ ყურნალის მეშვეობით სამართალდამცველი ორგანოების მუშაკების აქტიური მონაწილეობა სამართლებრივ პროპაგანდაში, რედაქციასთან ერთად მიაღწიონ საბჭოთა კანონმდებლობის განმარტებისათვის აქტუალური თემატიკის შერჩევას.

3. საქართველოს სსრ უმაღლესი საბჭოს პრეზიდიუმში, ივალისწინებს რა ყურნალ „საბჭოთა სამართლის“ მნიშვნელობასა და როლს კანონმდებლობის პროპაგანდასა და სამართლებრივ აღზრდაში, მიზანშეწონილად მიიჩნევს ეთხოვოს საქართველოს კომპარტიის ცენტრალურ კომიტეტს ყურნალის ყოველთვიურად გამოცემისა და მისი ყოველკვარტალური დამატების დაარსების შესახებ.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.



## რესპუბლიკის უშიშროების სადასჯოზე

საქართველოს კომპარტია რესპუბლიკის უშიშროების დაცვის  
სახელმწიფო სისტემის ჩამოყალიბების ორბანიზატორი

ვალერიან ბანიძე,

საქართველოს პოლიტექნიკური ინსტიტუტის სკკპ ისტორიის კათედრის დოცენტი

საქართველოში საბჭოთა ხელისუფლების განმტკიცებისა და ცხოვრების ნორმალური რიტმის დასამკვიდრებლად საჭირო იყო ძველი სახელმწიფო აპარატის დამსხვრევა, მმართველობის სწორი ორგანიზაცია, მკაცრი პროლეტარული დისციპლინის უზრუნველყოფა და ახალი ეკონომიკის მშენებლობა. მაგრამ დამხობილი ხელისუფლების ყოფილი ჩინოფნიკები და რეაქციულად განწყობილი ოფიცრობის ნაშთები ცდილობდნენ ძირი გამოეთხარათ საბჭოთა ხელისუფლებისათვის საბოტაჟის, შეთქმულებებისა და ამბოხების მეშვეობით. დამარცხებული ბურჟუაზია და მემამულეები, მათი ინტერესების გამომხატველი პარტიები ვერ ურიგდებოდნენ ძალაუფლების დაკარგვას, ხოლო ინგლისელი, ამერიკელი, ფრანგი, გერმანელი და თურქი იმპერიალისტები — მარცხს საბჭოთა ხელისუფლების წინააღმდეგ ბრძოლაში, ამიერკავკასიაში მათი ბატონობის დასასრულს. ქართველი კონტრრევოლუციური ემიგრაცია კი ოცნებობდა მსოფლიო იმპერიალიზმის დახმარებით აღედგინა თავისი დაკარგული პოზიციები.

ყოველივე ამან საქართველოს კომპარტიის წინაშე დააყენა მრავალი რთული ამოცანა, რომელთა გადაჭრა ხდებოდა ძველი, ბურჟუაზიული მმართველობის ორგანოების მსხვრევის და ახალი სოციალისტური სახელმწიფო აპარატის მშენებლობის პროცესში.

ვ. ი. ლენინმა ქართველ კომუნისტებს დაუსახა საქართველოს სახელმწიფოებრიობის შექმნისა და განმტკიცების, მისი უშიშროების უზრუნველყოფის ისტორიული ამოცანა. პროლეტარული რევოლუციის გამარჯვების შემდეგ, წერდა ვ. ი. ლენინი, პირველ ადგილს იჭერს „მთავარი და ძირითადი ამოცანა, ბურჟუაზიის წინააღმდეგობის დაძლევა, ექსპლოატატორებზე გამარჯვება, მათი შეთქმულების დათრგუნვა“<sup>1</sup>.

საქართველოს რევკომმა, რესპუბლიკის კომპარტიის ცენტრალური კომიტეტის უშუალო ხელმძღვანელობით, ენერგიულად დაიწყო ამ ისტორიული ამოცანის გადაწყვეტა.

<sup>1</sup> ვ. ი. ლენინი, თხზ., ტ. 29, გვ. 488.



გამორიცხული არ იყო, რომ საბჭოთა საქართველოს შინაგანი სიძნელეებით ესარგებლათ სამოქალაქო ომისა და ინტერვენციის პერიოდში აღმარებულ იმპერიალისტურ სახელმწიფოებს და ახალი ავანტიურა წამოეწყოთ: საამისო სიტუაციის მომწიფებას ხელს უწყობდა მენშევიკური ემიგრაცია. ამიტომ საგვებით დროული იყო საქართველოს სსრ რევკომის 1921 წლის 26 თებერვლის ბრძანება, რომელშიც ნათქვამი იყო: 1. „კონტრრევოლუციასთან, სპეკულაციასთან და საბოტაჟთან საბრძოლველად, როგორც ქ. თბილისში, აგრეთვე მთელ საბჭოთა საქართველოს ტერიტორიაზე, საქართველოს სოციალისტური საბჭოთა რესპუბლიკის რევოლუციური კომიტეტი ა. წ. თებერვლის 25-ის დადგენილების თანახმად აარსებს საქართველოს საგანგებო-საგამომძიებო კომისიას...

საქართველოს სსრ რევკომი უცხადებს ქ. თბილისის მცხოვრებთ და აგრეთვე მთელ საბჭოთა მოქალაქეთ, რომ ყოველგვარი კონტრრევოლუციური მოქმედების, საბოტაჟის და სპეკულაციის წინააღმდეგ წარმოებული იქნება დაუნდობელი ბრძოლა“<sup>2</sup>.

ასე ჩაეყარა საფუძველი კონტრრევოლუციასთან, საბოტაჟთან, სპეკულაციასთან და სხვა ბოროტმოქმედებასთან მებრძოლ საგანგებო ორგანოს — სრულიად საქართველოს „ჩეკას“.

საქართველოს საგანგებო კომისიის შექმნის შემდეგ ახალგაზრდა საბჭოთა რესპუბლიკას რევოლუციის მტრებთან ბრძოლის კიდევ ერთი მებრძოლი ორგანო შეემატა. თებერვალ-მარტში მუშებმა და გლეხებმა, კომუნისტური პარტიის უშუალო ხელმძღვანელობით, შექმნეს რევოლუციის მონაპოვართა დამცველი შეიარაღებული ძალა — მუშურ-გლეხური მილიცია.

საქართველოს საგანგებო კომისიისა და მილიციის ერთობლივი მუშაობის გაადვილებისა და ამ უკანასკნელის რევოლუციის მტრებთან ბრძოლაში აქტიურად გამოყენებისათვის დიდი მნიშვნელობა ჰქონდა იმას, რომ საქართველოს სსრ მთავარი მილიციის უფროსი, იმავე დროს, საქართველოს საგანგებო კომისიის კოლეგიის წევრიც იყო.

საქართველოს კომპარტიისა და მთავრობის უშუალო ხელმძღვანელობით საქართველოს საგანგებო კომისიის ცენტრალური აპარატი დაკომპლექტდა გამოცდილი მუშაკებით. საგანგებო კომისიის მოღვაწეობის მიზანსწრაფული წარმართვისა და ყოველდღიური უშუალო ხელმძღვანელობისათვის შეიქმნა „საქ-ჩეკას“ კოლეგია თავმჯდომარისა და ხუთი წევრის შემადგენლობით. მუშაობა გაიშალა უშიშროების საოლქო, საგუბერნიო, სამაზრო და სარაიონო ორგანოების შექმნისათვის.

1921 წლის მარტში შეიქმნა ბათუმის საოლქო და ქუთაისის საგუბერნიო საგანგებო კომისიები. იმავე თვის ბოლოს ჩამოყალიბდა აფხაზეთის საგანგებო კომისია („აფხაზჩეკა“), რომელმაც თავისი მოღვაწეობა გაშალა საქართველოს საგანგებო კომისიის უშუალო ხელმძღვანელობით, როგორც მისმა განუყოფელმა ნაწილმა.

1921 წლის 10 აპრილს „საქჩეკას“ კოლეგიამ მიიღო დადგენილება თბილისის გუბერნიის მახრებსა და რაიონებში საგანგებო კომისიის ადგილობრივი ორგანოების შექმნის შესახებ. იმავე წლის მაისში ასეთივე ღონისძიება განხორციელდა ქუთაისის გუბერნიაში.

<sup>2</sup> საქართველოს სახელმწიფო ცენტ. ისტ. არქივი 281, აღწ. 1, საქ. 12, ფ. 1.



1921 წლის ივლისში ბათუმის საოლქო საგანგებო კომისიამ („აჭარჩეკამ“) თავისი მოქმედების სფერო გაავრცელა აჭარის ავტონომიურ საბჭოთა სოციალისტური რესპუბლიკის მთელ ტერიტორიაზე.

ამიერკავკასიის რკინიგზის გაერთიანებასთან შეიქმნა საგზაო-სატრანსპორტო საგანგებო კომისია, რომლის ცენტრი ქ. თბილისში იყო<sup>3</sup>.

ამით თითქმის დამთავრდა საქართველოს საგანგებო კომისიის ცენტრალური აპარატისა და მისი ადგილობრივი ორგანოების ჩამოყალიბება-ორგანიზაციის პერიოდი. საქართველოს კომუნისტური პარტია შეუწელებლად ზრუნავდა საგანგებო კომისიის ორგანოების სამიედო კადრებით შევსებისა და მატერიალურ-ტექნიკური საშუალებებით უზრუნველყოფისათვის.

პარტიულმა ორგანოებმა რჩეული კომუნისტები გაიწვიეს საქართველოს საგანგებო კომისიის ორგანოებში სამუშაოდ. ეს მეტად დროული და საჭირო ღონისძიება შემდეგში ჩეკისტური ორგანოების კადრებით უზრუნველყოფის ტრადიციად იქცა. 1922 წლის იანვრიდან დაწესდა პარტიის ცენტრალური კომიტეტის წარმომადგენლის შეყვანა საქართველოს საგანგებო კომისიის კოლეგიის შემადგენლობაში, რაც მეტყველებდა საგანგებო კომისიის ორგანოებისადმი პარტიის ყოველდღიურ დახმარებასა და კონტროლზე. საბჭოთა ხელისუფლების დამყარების პირველ წლებში პარტიის ცენტრალური კომიტეტის ბიუროსა და პრეზიდიუმის თითქმის ყველა სხდომაზე, პლენუმსა და პარტიის კრებაზე იმართებოდა მსჯელობა საგანგებო კომისიის საქმიანობის საკითხებზე, რადგან მას მეტად მძიმე პირობებში უხდებოდა მუშაობა.

პარტია ყველაფერს აკეთებდა, რომ ჩეკისტურ ორგანოებში ფეხი არ მოეკიდა უკუღმართობასა და თვითდამშვიდებას, გახრწნილობასა და უსულგულობას, მართლწესრიგისაგან ყოველგვარ გადახრას.

„ჩვენ სასტიკი და დაუნდობელი ვართ მტრებისადმი, რომლებსაც სურთ რევოლუციის და მით ჩვენი ხალხის განადგურება. ჩვენ უჩვეულო საქმის გაკეთება ვიკისრეთ და ვინც მის დაბოლოებაში, გამარჯვებით დასრულებაში გზაზე გველობება და სურს ქვეყნის დაღუბვა, მათ დაატყდებათ თავზე მთელი საშინელება დიქტატურის, რკინისა და ცეცხლის. მაგრამ ჩვენ ასევე უღმობლობას ვიჩენთ მათ მიმართაც ჩვენი საკუთარი რიგებიდან, რომლებიც ზიანს აყენებდა მშრომელი ხალხისა და რევოლუციის საქმეს. ეს არ უნდა დაივიწყონ ერთი წამითაც იმათ, ვისაც თვალი აქვს ხედვად და ყური სმენად“<sup>4</sup>.

პარტიისა და მთავრობის ზრუნვას ჩეკისტური კადრების სიწმინდისა და რკინისებური დისციპლინის განმტკიცების საქმეში უქმად არ ჩაუვლია. მან საქართველოს საგანგებო კომისია იმთავითვე გაწმინდა თაღლითი და არასამიედო ადამიანებისაგან, რითაც მყარი საფუძველი შეუქმნა სოციალიზმის მტრებთან ბრძოლაში ურიცხვ საგმირო საქმეებს.

1921 წლის 3 აპრილს საქართველოს რევოლუციურმა კომიტეტმა დაამტკიცა დებულება რევოლუციური ტრიბუნალების შესახებ. ტრიბუნალების მოქმედების სფეროს დაქვემდებარა: „1. კონტრრევოლუციური მოქმედებანი: შეთქმულება, აჯანყება, ტერორისტული აქტი, დარბევა, ჯაშუშობა; სა-

3 მოსტვა, ფონდი 14, აღწ. 1, საქმე 2, ფურცელი 14.

4 ვაზ. „კომუნისტი“, 1925 წლის 18 იანვარი.



ხელმწიფოს დალატი და ყველა ისეთი საქციელი, რომელიც საქართველოში საბჭოთა ხელისუფლებას უმზადებს რაიმე საფრთხეს; 2. აშკარა დამცირება საბჭოთა ხელისუფლებისა და მის მუშაკთადმი ნდობის დამკარგავი მოქმედება; 3. მოსამსახურეთა მიმართ ბოროტმოქმედების ჩადენა: საბოტაჟი, მექრთამეობა, გამოტყუება, თაღლითობა სამსახურში, სახალხო ქონების მითვისება და გაფლანგვა, ხელისუფლების გადაჭარბება და უმოქმედობა, სპეკულაცია და დეზერტირობა<sup>5</sup>.

რევოლუციური ტრიბუნალების შექმნით საფუძველი ჩაეყარა არამართო საბჭოთა ხელისუფლების მტრების დასჯას, არამედ, ამავე დროს, რევოლუციური კანონიერების სადარაჯოზე მდგომ ორგანოს, რომლის დებულებაში ნათლად განისაზღვრა საგამომიებო და სამოსამართლო ქმედებათა კონტაქტის პრინციპი.

1921 წლის აგვისტოში დამთავრდა საქართველოს საგანგებო კომისიის პერიფერიული ორგანოების კატეგორიებად დაყოფა, რომელსაც საფუძველად დაედო ჩეკისტური ორგანოების მოწყობის შესახებ სრულიად რუსეთის საგანგებო კომისიის მიერ შემუშავებული ახალი სქემა. აგვისტოშივე გაუქმდა ამიერკავკასიის საგზაო-სატრანსპორტო საგანგებო კომისია და მისი ფუნქციები გადაეცა საბჭოთა სოციალისტური რესპუბლიკების საგანგებო კომისიებს. საქართველოს საგანგებო კომისიამ დაუყოვნებლივ შექმნა სატრანსპორტო განყოფილება და შეუდგა მის დაკომპლექტებას<sup>6</sup>.

შექმნილი პოლიტიკური მდგომარეობის სწორად შეფასებისა და შესაბამისი ინფორმაციის შეკრება-დამუშავების დროს ყოველგვარი შეცდომის თავიდან აცილების მიზნით საქართველოს კომუნისტური პარტიის ცენტრალური კომიტეტის ბიურომ 1921 წლის 25 აპრილს მოისმინა პასუხისმგებელი საინფორმაციო სამეულის შექმნის საკითხი. საინფორმაციო სამეულში უნდა შესულიყვნენ პარტიის ცენტრალური კომიტეტის, საგანგებო კომისიის და საქართველოს რეკომის წარმომადგენლები. ბიურომ საინფორმაციო სამეულის ჩამოყალიბება დაავალა ცენტრალური კომიტეტის მდივანსა და საგანგებო კომისიის თავმჯდომარეს<sup>7</sup>.

ცოტა მოგვიანებით საქართველოს საგანგებო კომისიასთან შეიქმნა ცენტრალური სახელმწიფო საინფორმაციო სამეული საქართველოს კომუნისტური პარტიის ცენტრალური კომიტეტის მდივნის თავმჯდომარეობით, რომელსაც ცირკულარული წერილით მიმართა აჭარისა და აფხაზეთის საგანგებო კომისიებს, სამხრეთ ოსეთისა და ყველა სამაზრო ჩეკისტურ ორგანოებს ადგილებზე სახელმწიფო საინფორმაციო სამეულების შექმნა-ორგანიზაციის შესახებ.

ამ წერილის თანახმად აჭარის, აფხაზეთის და სამხრეთ ოსეთის საინფორმაციო სამეულები განისაზღვრა პარტიის საოლქო კომიტეტის მდივნის, აღმასრულებელი კომიტეტის თავმჯდომარის მოადგილის და საგანგებო კომისიის ერთი თანამშრომლის შემადგენლობით. სამაზრო საინფორმაციო სამეულში უნდა შესულიყო პარტიის სამაზრო კომიტეტის მდივანი, მაზრის აღმასკომის თავმჯდომარე და საგანგებო კომისიის ადგილობრივი ორგანოს უფროსი.

<sup>5</sup> „მოამბე“, № 16, 1921 წლის 24 სექტემბერი, გვ. 13.

<sup>6</sup> მლისფა, ფონდი 14, აღწ. 1, საქმე 15, ფურცელი 92.

<sup>7</sup> მლისფა, ფონდი 14, აღწ. 1, საქმე 4, ფურცელი 33.



ციტკულარში გამახვილებული იყო ყურადღება, საინფორმაციო სამეუ-  
ლების, როგორც სახელმწიფო პოლიტიკურ და ეკონომიკურ მოვლენათა  
მსვლელობის, ხასიათისა და შექმნილი მდგომარეობის სრულყოფილი გაშუქე-  
ბის უტყუარი სისტემის მნიშვნელობაზე.

განსაზღვრავდა რა სახელმწიფო სისტემაში საგანგებო კომისიის ადგილს,  
საქართველოს კომუნისტური პარტიის ცენტრალური კომიტეტი თავის 1923  
წლის 23 მაისის დადგენილებაში ერთხელ კიდევ ხაზს უსვამდა, რომ საგან-  
გებო კომისია ეწეოდა ბრძოლას, როგორც პოლიტიკური, ასევე ეკონომიკური  
კონტრევოლუციის, ყოველგვარი ბანდიტობის, შეიარაღებული აჯანყებებისა  
და სხვა სახელმწიფოებრივ დანაშაულობათა წინააღმდეგ. ჩეკისტური ორგა-  
ნოები ძირშივე ანადგურებდნენ ჯაშუშობის ყოველ გამოვლინებას. მათ და-  
კისრებული ჰქონდათ რკინიგზისა და წყლის ტრანსპორტის უსაფრთხოების  
უზრუნველყოფის საკითხი. ისინი იყვნენ საბჭოთა სოციალისტური სახელმწი-  
ფოს საზღვრების საიმედო დამცველნი. გარდა ამისა, სახელმწიფო უშიშროე-  
ბის ორგანოები, პარტიისა და მთავრობის დავალებით, ატარებდნენ რევოლუ-  
ციური მართლწესრიგის დაცვისათვის საჭირო სპეციალურ ღონისძიებებს<sup>8</sup>.

ამ გრანდიოზული ამოცანების განხორციელებისათვის საჭირო იყო ჩეკის-  
ტური კადრების სათანადო დახელოვნება და დაოსტატება. ამიტომ საქართვე-  
ლოს საგანგებო კომისიის კოლეგიამ თავის დროზე გაითვალისწინა, რომ კო-  
მუნისტური პარტიისა და საბჭოთა ხელისუფლების პოლიტიკური ორგანო,  
მისი შეიარაღებული ნაწილი უნდა ყოფილიყო ფიზიკურად და სულიერად  
ძლიერი, რომ მის რიგებში არ მოხვედრილიყვნენ გაუნათლებელი და უწიგ-  
ნური მებრძოლები. პრაქტიკული საქმიანობის სერიოზუმი ოპერატიული ჩვევ-  
ების გამომუშავებისათვის საჭირო ღონისძიებების პარალელურად თბილისში  
გაიხსნა სპეციალური კურსები, რითაც საფუძველი ჩაეყარა ჩეკისტთა კადრე-  
ბის სწავლა-დახელოვნების სისტემას<sup>9</sup>.

შინაურ და გარეშე მტრებთან შეუწინააღმდეგებელ ბრძოლაში ხდებოდა ჩე-  
კისტური კადრების შერჩევა და მათი სახელდახელო სწავლა-დახელოვნება.  
შრომისა და ბრძოლაში იწრთობოდნენ პროლეტარიატის საქმისათვის თავდა-  
დებული მუშაკები, რომლებმაც არაერთი ბრწყინვალე ფურცელი ჩაწერეს ოქ-  
ტომბრის რევოლუციის მონაპოვართა საიმედოდ დაცვისათვის ბრძოლის ეს-  
ტორიაში.

საქართველოს კომუნისტურმა პარტიამ და საბჭოთა მთავრობამ საგანგე-  
ბო კომისიის ორგანოების შექმნა-ჩამოყალიბება და მისი პრაქტიკული საქმი-  
ანობა ააგო ვ. ი. ლენინის მიერ მეცნიერულად შემუშავებული საერთო სა-  
ხელმწიფოებრივი მშენებლობისა და მოღვაწეობის პრინციპებზე. ამ პრინცი-  
პებს სოციალურ-ეკონომიკურ და პოლიტიკურ საფუძვლად დაედო საბჭოთა  
საზოგადოებრივი და სახელმწიფოებრივი წყობა, მუშათა კლასისა და გლეხო-  
ბის მჭიდრო კავშირი, ხალხთა მეგობრობა, ხოლო იდეურ საფუძვლად — მარ-  
ქსისტულ-ლენინური იდეოლოგია.

კომუნისტური პარტიის ხელმძღვანელობის, მშრომელ მასებთან მჭიდრო  
კავშირის, პოლიტიკური სიფხიზლის, სოციალისტური კანონიერების დაცვის,

<sup>8</sup> მლისფა, ფონდი 14, აღწერა 1, საქმე 2, ფურცელი 229.  
<sup>9</sup> მლისფა, ფონდი 15, აღწ. 1, საქმე 15, ფურცელი 95.

საქ. სსრ კ. მარქსი  
საბ. სსრ. რესპუბ.  
1923



დემოკრატიული ცენტრალიზმისა და პროლეტარული ინტერნაციონალიზმის პრინციპების თანამიმდევრული და განუხრელი განხორციელების გარეშე საგანგებო კომისიის ორგანოები ვერ შესძლებდნენ მათ წინაშე დასახული რთული ამოცანების პირნათლად შესრულებას.

სოციალისტური რევოლუციის მონაპოვრის დაცვის საქმეში მიღწეულ წარმატებებს თითოეული ჩეკისტი სამართლიანად უკავშირებს ლენინური პარტიის მზრუნველობასა და ბრძნულ ხელმძღვანელობას. „ჩვენს რესპუბლიკაში, — აღნიშნავდა ვ. ი. ლენინი, — არცერთ მნიშვნელოვან პოლიტიკურ ან ორგანიზაციულ საკითხს არ წყვეტს არცერთი სახელმწიფო დაწესებულება ისე, თუ პარტიის ცეკას სახელმძღვანელო მითითებანი არ ექნა“<sup>10</sup>.

საქართველოს კომუნისტური პარტიის ცენტრალური კომიტეტი ყოველდღონეს ხმარობდა, რათა ჩეკისტური ორგანოები არ მოწყვეტილიყვნენ პარტიულ ორგანიზაციებს. პარტიის ცენტრალური კომიტეტი თავის დადგენილებებში და გადაწყვეტილებებში ხაზგასმით მიუთითებდა, რომ საგანგებო კომისიის „მუშაობის წარმატება და ნაყოფიერება შესაძლებელია მხოლოდ იმ შემთხვევაში, როდესაც მისი თანამშრომლები მჭიდროდ დაუკავშირდებიან კომუჯრედებს და მალლა მდგომ პარტიულ ორგანიზაციებს“<sup>11</sup>.

პარტიამ განსაზღვრა ჩეკისტური ორგანოების სოციალური ბუნება და მისი მოღვაწეობის ძირითადი მიმართულებანი. კომუნისტური პარტია არის სახელმწიფო უშიშროების ორგანოების შექმნის, მისი შემდგომი დახვეწა-ჩამოყალიბებისა და მოღვაწეობის სულისჩამდგმელი და ორგანიზატორი.

მცლი

<sup>10</sup> ვ. ი. ლენინი, თხზ., ტ. 31, გვ. 39.

<sup>11</sup> საქართველოს კომპარტიის (ბ) ცენტრალური კომიტეტის უწყებები, 1923-24 წ. № 2-3, გვ. 148.



# გარდაქმნა — დროის მოთხოვნა!

## საივლილო დავისათ მოქალაქეთა უფლებები

პრივილეგიალური, პარტიული

ქ. თბილისის შინაგან საქმეთა სამმართველოს უფროსის მოადგილე

პარტიის XIV ყრილობის მიერ დასახული ჭეშმარიტების სოციალურ-ეკონომიკური განვითარების დაჩქარების, საზოგადოებრივი ცხოვრების ყველა სფეროში დემოკრატიზაციის, მასების შემოქმედებითი აქტიურობის გაძლიერების კურსის განხორციელება განუყოფელად უკავშირდება სოციალისტური კანონიერებისა და მართლწესრიგის განმტკიცებას, საბჭოთა მოქალაქეების კონსტიტუციური უფლებებისა და კანონიერი ინტერესების საიმედო დაცვის უზრუნველყოფას, სოციალური სამართლიანობის პრინციპების ზედმიწევნით ზუსტ აღსრულებას.

„სოციალისტური კანონიერებისა და მართლწესრიგის შემდგომი განმტკიცების, მოქალაქეთა უფლებებისა და კანონიერი ინტერესების დაცვის გაძლიერების შესახებ“ სკკ ცენტრალური კომიტეტის 1986 წლის 20 ნოემბრის დადგენილება კიდევ ერთი მკაფიო დადასტურებაა იმისა, რომ პარტია და მთავრობა უდიდეს ყურადღებას უთმობენ სოციალისტური კანონიერების შემდგომ განმტკიცებას, რაც ჩვენი სახელმწიფოს პოლიტიკური სისტემისა და მისი საზოგადოებრივი წყობილების კონსტიტუციური პრინციპია.

ამ მიმართებით შინაგან საქმეთა ორგანოების საქმიანობაში, თითოეული ჩვენი მუშაკის მიერ სოციალისტური კანონიერების დაცვის გაუმჯობესებამ, ბევრად შეუწყო ხელი ატმოსფეროს გაჯანსაღებას, პირად შემადგენლობაში მორალურ-პოლიტიკური დონის ამაღლებას. მაგრამ არც ის უნდა დავივიწყოთ, რომ სოციალისტური კანონიერებისა და მართლწესრიგის უზრუნველყოფისათვის, მოქალაქეთა უფლებებისა და კანონიერი ინტერესების დაცვისათვის წარმართული მუშაობა ჯერ კიდევ არ არის საკმარის ეფექტიანი და სრულად არ შეესაბამება გარდაქმნის მიმდინარე პროცესის სადღეისო მოთხოვნებს.

შეფოთებას იწვევს ის ფაქტი, რომ გარდაქმნისა და საჯაროობის პირობებში, როცა შინაგან საქმეთა ორგანოები მოწოდებული არიან არსებითი წვლილი შეიტანონ კანონიერების განმტკიცებაში, მისი ზოგერთი თანამშრომელი ჯერ კიდევ უხეშად არღვევს კანონიერების მოთხოვნებს.

პარტიულ-პოლიტიკური და ორგანიზატორული მუშაობის გააქტიურებისა და სკკ ცენტრალური კომიტეტის 1986 წლის ნოემბრის დადგენილების მოთხოვნების განხორციელების მიზნით, სსრ კავშირის შინაგან საქმეთა სამინისტროს 1987 წლის 31 მარტის სპეციალური ბრძანება გვაკლდეულებს, რათა თითოეულმა თანამშრომელმა გაითავისოს ჭეშმარიტად მიმდინარე დრო სოციალურ-ეკონომიკური და ზნეობრივი გარდაქმნების მნიშვნელობა, სამართლებრივი ნორმების მოთხოვნებისა და სოციალისტური კანონიერების ყოველგვარი დარღვევის დაუშვებლობა, რადგან ყოველივე ეს ჩირქს სცხებს შინაგან საქმეთა ორგანოების ავტორიტეტს.

საქართველოს სსრ შინაგან საქმეთა სამინისტრომ გაითვალისწინა, რომ კანონიერების დარღვევის აღმოფხვრისა და პროფილაქტიკის გადამწყვეტი საშუალებაა საჯაროობა, აქტიური საკითხების ღია და პირუთვნელი განხილვა. სსრ კავშირის შინაგან საქმეთა სამინისტროს შემოადინებული ბრძანების საფუძველზე 1987 წლის 29 მაისს გამოიცა ბრძანება,



სადაც ჩამოყალიბებულია შინაგან საქმეთა ორგანოებში სოციალისტური კანონიერების დაცვის საუწყებო კონტროლის სისტემა. კანონის მოთხოვნათა და მოქალაქეთა უფლებებისა და კანონიერი ინტერესების ყოველგვარი დარღვევის აღმოფხვრის მიზნით, იგი სისტემატურად უნდა განხორციელდეს ყველა დონეზე. გადამჭრელი ჯომები უნდა მივიღოთ აგრეთვე პროკურატურის წარდგინებებზე, სასამართლოს კერძო განჩინებებზე, პრესის, რადიოსა და ტელევიზიის კრიტიკულ გამოვლენებზე. ამასთან, პიროვნების უკანონო დაცემის, დაპატიმრებისა და პასუხისგებაში მიცემის თითოეულ ფაქტზე საქმის კურსში უნდა ჩავაყენოთ მშრომელთა კოლექტივები და თუ საჭიროა შინაგან საქმეთა ორგანოების სახელით საჯაროდ მოვუხადოთ ბოლოში რეაბილიტირებულ პიროვნებას.

დედაქალაქის შინაგან საქმეთა ორგანოებისა და დანაყოფების საქმიანობაში სოციალისტური კანონიერების დაცვის მუშაობის კოორდინაციის მიზნით ქ. თბილისის შინაგან საქმეთა სამმართველოში შეიქმნა სპეციალური კომისია, რომელსაც დაევალა შეურიგებლობა შინაგან საქმეთა ორგანოებში მომხდარი ყოველგვარი უკანონობისადმი და თანმიმდევრული ბრძოლა მათ აღმოსაფხვრელად.

აღნიშნული კომისია უკვე შეუდგა მუშაობას და 1987 წლის 18 სექტემბერს, თავის პირველ სხდომაზე, შასობრივი ინფორმაციის ორგანოების წარმომადგენელთა მონაწილეობით განიხილა საკითხი „ქ. თბილისის შინაგან საქმეთა სამმართველოს მოკვლევისა და წინასწარი გამოძიების ორგანოებში ჭერ კიდევ არსებული კანონიერებისა და საპროცესო ნორმების დარღვევების შესახებ“, რაც თავის დროზე გამოვლენილი და რეაგირებული იყო საგამოძიებო განყოფილების მიერ.

კომისიის სხდომაზე აღინიშნა, რომ დედაქალაქის შინაგან საქმეთა ორგანოებში, საგამოძიებო განყოფილებასა და სხვა სამსახურში, ორგანიზებულობისა და პასუხისმგებლობის ამაღლებით მინიმუმამდე შემცირდა სოციალისტური კანონიერების დარღვევის შემთხვევები, დამნაშავეობის წინააღმდეგ ბრძოლაში მიღწეულია ძირითადი საერთო მაჩვენებლების გაუმჯობესების ტენდენცია.

მიუხედავად გაწეული ქმედითი მუშაობისა, მიმდინარე წელს ადგილი ჰქონდა მოქალაქეთა უსაფუძვლო სისხლის სამართლის პასუხისგებაში მიცემას და საპროცესო კანონმდებლობის მოთხოვნათა დარღვევის ფაქტებს. კერძოდ, კომისიის სხდომაზე იმსჯელეს სოციალისტური კანონიერების დარღვევის იმ ფაქტის თაობაზე, რომელიც დაუშვა ორჯონიძის რაიონის შინაგან საქმეთა განყოფილების საგამოძიებო ქვეგანყოფილების უფროსმა გამომძიებელმა ვ. ფილიამ. მან „თბილისილბოსტანვაჭრობის“ სისტემიდან სახელმწიფო ქონების განსაკუთრებით დიდი ოდენობით გატაცების ფაქტზე აღძრულ სისხლის სამართლის საქმესთან დაკავშირებით შეკრებილი მტკიცებების არაობიექტური განალიზების შედეგად სისხლის სამართლის წესით პასუხისგებაში უსაფუძვლოდ მისცა მოქალაქე ა. ვასიშვილი, რომლის მიმართ, შემდეგ საქმე წარმოებით შეწყდა რეაბილიტაციის მოტივით, ხოლო სხვა ბრალდებულები სასამართლომ საკადრისად დასაჯა.

მოქალაქე ა. ვასიშვილმა სისხლის სამართლის საქმის შეწყვეტის შემდეგ სამართლიანად მოითხოვა ძველ თანამდებობაზე აღდგენა, რომელიც უკვე დაკავებული აღმოჩნდა. ყოველივე ამან გამოიწვია შემდგომ ინსტანციებში მრავალრიცხოვანი განცხადებების შეტანა.

კომისიის სხდომაზე მკაცრად იმსჯელეს სისხლის სამართლის საქმეებთან დაკავშირებით საპროცესო კანონმდებლობის უხეში დარღვევების ფაქტებზე, რომლებიც დაუშვეს ლენინის, გლდანის, საქარხნო რაიონების შინაგან საქმეთა განყოფილებების საგამოძიებო ქვედანაყოფების გამომძიებლებმა გ. არუთინოვმა, გ. სვიმონიშვილმა, რ. თავაძემ, ვ. იაშვალაშვილმა, თ. ნებიერიძემ, გ. ხორნალუმა, ა. ჯორბენაძემ, გ. მახარაძემ და ა. ჯიბლიანმა.

კომისიის წევრებისა და მოწვეული ამხანაგების გამოსვლებში მკაცრი შეფასება მიეცა შემოადინებული რაიონების მოკვლევისა და გამოძიების მუშაების, მათი ხელმძღვანელების მიერ დაშვებულ სოციალისტური კანონიერების, სისხლის სამართლის საპროცესო კანონმდებლობის მოთხოვნათა დარღვევის თითოეულ ფაქტს. ამასთან, სამართლიანად აღინიშნა, რომ ზოგიერთი მუშაკი იჩენს პროფესიულ არაკომპეტენტურობას, დაბალ პერსონალურ პასუხისმგებლობას; მინდობილი საქმისადმი არაკეთილსინდისიერი დამოკიდებულებას, რომ ხელმძღვანელი ამხანაგები ყოველთვის როდი ამჟღავნებენ სათანადო მომთხოვნელობასა და კონტროლს.



კომისიის სხდომაზე ხაზგასმით აღინიშნა, რომ საჭიროა საზოგადოების თვალში შინაგან საქმეთა ორგანოების ყველა სამსახურისა და, მათ შორის, წინასწარი გამოძიების ორგანოების როლისა და ავტორიტეტის ამაღლება, რადგან, ვერ დავმალავთ და შინაგან საქმეთა ორგანოების მუშაობის ორგანიზაცია და საზოგადოებასთან მისი ურთიერთობის კულტურა ჯერ კიდევ სათანადო დონეზე ვერ დგას. მომხდარი დანაშაულის „ცხელ კვალზე“ გახსნას, ყველა დამნაშავეს მხილება, საგამოძიებო-ოპერატიული ღონისძიებების დროულ და მაღალბროფესიულ დონეზე ჩატარებას ჯერ კიდევ ვერ ვაღწევთ, რის გამოც ბევრი დანაშაული გაუხსნელი და დამნაშავე დაუსჯელი რჩება. ამაზე კი საზოგადოება სამართლიან უკმაყოფილებას გამოთქვამს.

კომისიის სხდომაზე მხედველობაში მიიღო ის გარემოება, რომ დაშვებული დარღვევების უმრავლესობა დროულად განიხილეს შესაბამისი დანაყოფების კოლექტივებში და დამრღვევ პირებს, დაედო, როგორც დისციპლინური, ასევე პარტიული სასჯელები. ამასთან, კომისიამ მიზანშეწონილად მიიჩნია მკაცრი რეაგირების საჭიროება და სათანადოდ დაისაჯნენ საქარზნო, კალინინისა და გლდანის რაიონის შინაგან საქმეთა განყოფილებების მუშაკები თავაძე, ელგანდაშვილი, დაშინანი, კეთილაძე, სვიმონიშვილი და სხვები. ამასთან, საჭაროდ მოეხადა ბოდიში მოქალაქე ა. გახიშვილს, რომელიც უსაფუძვლოდ იყო მიცემული სისხლის სამართლის პასუხისმგებლობაში.

კომისიის სხდომისა და შემუშავებული ღონისძიებების შესახებ დირექტიული წერილები დაეგზავნათ შინაგან საქმეთა რაიგანყოფილებებს.

კომისიის პირველმა სხდომაზე დაგვანახა, რომ შინაგან საქმეთა ორგანოების საქმიანობაში სოციალისტური კანონიერების დაცვის განმტკიცებისათვის გაგვანია ჯეროვანი, ოპტიმალური ფორმა, მაგრამ დასახვეწია კომისიის მუშაობის სტილი, მეთოდები და ფორმები, მასობრივი ინფორმაციის ორგანოებთან მჭიდრო და საქმიანი ურთიერთობის გზები. ყოველგვამას, გავითვალისწინებთ შემდგომ მუშაობაში და დავსახავთ სათანადო რეკომენდაციებს.

ქ. თბილისის შინაგან საქმეთა სამმართველოს ხელმძღვანელობას, მის პოლიტიკურ განყოფილებასა და პარტიულ ორგანიზაციას გადაუდებელ ამოცანად მიაჩნია, რათა კიდევ უფრო გაიზარდოს შინაგან საქმეთა ორგანოების ქვეგანყოფილებათა მეტროპოლიტორბა, რაც კეთილნაყოფიერ გავლენას მოახდენს საბჭოთა კანონების დაცვის, პარტიისა და მთავრობის დირექტივების შესრულებისათვის აპარატის მუშაობის სრულყოფის და პირად შემადგენლობაში სამსახურებრივი დისციპლინის განმტკიცებაზე.





# რაიონული გაზეთების ფურცლებზე

საქართველოს შიდა საქართველოს და სახალხო

საქართველოს და სახალხო შიდა საქართველოს და სახალხო  
საქართველოს და სახალხო შიდა საქართველოს და სახალხო  
საქართველოს და სახალხო შიდა საქართველოს და სახალხო

## კანონიერებისა და მართლწესრიგის განმტკიცებისათვის

ილია ხიონიძე,

საქართველოს სსრ პროკურორის თანაშემწე განსაკუთრებულ დავალებათა დარგში,  
იურიდიულ მეცნიერებათა კანდიდატი

საქართველოს კომპარტიის მოხუცის რაიკომისა და სახალხო დემოკრატიის რაისაბჭოს აღმასკომის ორგანო, გაზეთი „კომუნისტური შრომა“, ბევრ სასარგებლო საქმეს აკეთებს სოციალისტური კანონიერებისა და მართლწესრიგის განმტკიცებისათვის, მოქალაქეთა უფლებებისა და კანონიერი ინტერესების დაცვისათვის ბრძოლაში.

ჯერ კიდევ 1921 წელს, როცა საბჭოთა აფხაზეთში პირველად დაარსდა გაზეთი „მშრომელი აფხაზეთის ხმა“, ადგილობრივ სასამართლო პრაქტიკაზე დაყრდნობით იგი თავიდანვე მკაცრად კიცხავდა ყველა იმათ, ვინც არღვევდა სოციალისტურ კანონიერებას და ხელს უშლიდა ნორმალურ მუშაობას. ამ ტრადიციათა შემკვიდრენი გახდნენ რესპუბლიკური გაზეთები „სოვეტსკაია აბხაზია“, „საბჭოთა აფხაზეთი“ და „აფსნი ყაფში“, ხოლო 1935 წლის აპრილიდან რაიონული გაზეთი „კომუნისტური შრომა“.

გაზეთი „კომუნისტური შრომა“ (რედაქტორი გ. ადამაძე) დიდ ყურადღებას აქცევს სამართლებრივი აღზრდის, სამართლებრივი კულტურის, რაიონში დანაშაულობათა წინააღმდეგ ბრძოლის საკითხებს. რეგულარულად ბეჭდავს სოციალისტური კანონიერებისა და მართლწესრიგის განმტკიცებისათვის მიძღვნილ მასალებს; დაუნდობლად ებრძვის უქნარებს, ხულიგნებს, მექრთამეებს, უმშრომელი შემოსავლის მოყვარულებს. აღსანიშნავია, რომ გაზეთში დაბეჭდილი მასალა ხშირად გამზდარა საფუძველი სისხლის სამართლის საქმის აღძვრისა. სისტემატურად აქვეყნებს რედაქციის მიერ ორგანიზებული რეიდების მასალებს. გაზეთი რაიონში მომხდარი ყველა მოვლენის კურსშია. ამ საქმეში აქტიურობენ აქტივისტი მუშაკორები და სოფლკორები. გაზეთს მჭიდრო კონტაქტი აქვს დამყარებული პროკურატურის, სასამართლოს, მილიციის, ადვოკატურის მუშაკებთან, სისტემატურად ქვეყნდება გაზეთის ფურცლებზე სახალხო სასამართლოდან შემოსული ინფორმაციები რუბრიკით „სასამართლოს დარბაზიდან“, რომლებშიც გაიცხებულია ყოველივე ის, რაც ჩირქს სცნებს მშრომელი კაცის ღირსებას.

რაიონის შინაგან საქმეთა განყოფილების უფროსი გამომძიებელი ა. მებონია სტატიის „საბედისწერო ნაცნობობა“, კიცხავს უქნარა, მსუბუქი ყოფაქცევის ქალიშვილებს ნ. ყილიანსკაიას და ს. ვილიაზედინოვას, რომლებიც





უწინ არაერთხელ იყვნენ წასამართლენი ქურდობისათვის და რომლებმაც და-  
ათვრეს ჩამოსული ვინმე მ. ჰუსეინოვი და მოპპარეს 859 მანეთი.

რაიონის პროკურორის ა. შამათავას სტატია „დანაშაულისათვის პასუ-  
ხისგებაში“, რომელიც გამოქვეყნდა რუბრიკით „ნეგატიურ მოვლენებს —  
ბრძოლა“, დაუნდობლად არიან მხილებული ისინი, ვინც დანაშაულებრივად  
ეკიდება სოციალისტური საკუთრების დაცვის საქმეს, რის შედეგადაც რაი-  
კოპერატივის ობიექტებში ადგილი ჰქონდა 25.167 ათასი მანეთის დატაცებას.  
კერძოდ, გაკრიტიკებული არიან მატერიალურად პასუხისმგებელი პირები —  
ი. ფანჯანაძე, ზ. აშორთია, ი. დარჯანია, რ. მეზონია, რ. ცხაკაია და მ. შურ-  
ღაია. ყველაზე უფრო სამწუხარო ის არის, ხაზგასმით აღნიშნავს ავტორი, რომ  
პირები რომლებსაც ევალებოდათ სახალხო დოვლათის დაცვის კონტროლი,  
თვითონ აღმოჩნდნენ დატაცების მონაწილენი. აბა, რა კონტროლზე შეიძლე-  
ბოდა ლაპარაკი, როცა რაიკოპერატივის მთავარმა ბუღალტერმა ვ. ჯიქიამ  
თვითონ დაიტაცა 4 000 მანეთი.

თავის მუშაობაში გაზეთ „კომუნისტური შრომის“ რედაქცია ხელმძღვა-  
ნელობს ჩვენი პარტიის ლიდერის მ. ს. გორბაჩოვის მითითებებით საჯარო-  
ობის, კრიტიკისა და დემოკრატიის გაფართოების თაობაზე. ამიტომ არის, რომ  
დღეს გაზეთი არა მარტო კანონების აქტიური პროპაგანდისტი და აგიტატო-  
რია, არამედ ერთ-ერთი აქტიური ორგანიზატორია იმ ბრძოლისა, რომელიც  
მიმდინარეობს რაიონში სოციალისტური კანონიერების განმტკიცების, ნეგა-  
ტიური მოვლენებისა და კუთხურობის გამოვლინებების აღმოფხვრისათვის.

მაგრამ, ყოველივე ეს საკმარისი როდია. როგორც იტყვიან, გაზეთი კრი-  
ქაში უნდა ჩაუდგეს ბიუროკრატებსა და კირკიტომანებს. რუბრიკით „კირკი-  
ტომანობა — შორს“ საჭიროა უფრო ხშირად იბეჭდებოდეს კორესპონდენცი-  
ები, სადაც მხილებული იქნება მშრომელთა საჩივრებზე ბიუროკრატიული  
დამოკიდებულების, საქმეთა გაჭიანურების ფაქტები. ამით გაზეთი დიდ როლს  
ითამაშებს ბიუროკრატიზმის, რუტინისა და უსულგულობის წინააღმდეგ ბრძო-  
ლის საქმეში. რედაქციამ ყოველმხრივ უნდა იზრუნოს იმისათვის, რომ პასუ-  
ხები რედაქციაში მოდიოდეს დროულად, ამხილოს ისინი, ვინც ჭერ კიდევ  
ვალშია გაზეთის მკითხველთა წინაშე. ამასთან, კარგი იქნება თუ გაზეთის  
ფურცლებზე მტკიცედ დაიმკვიდრებს ადგილს რუბრიკა — „წერილი არ და-  
ბეჭდილა, მაგრამ“...

გაზეთის მუშაობაში მნიშვნელოვანი ადგილი უჭირავს სამართლებრივი  
ცოდნის პროპაგანდას. ამ მიზნით გაზეთის შემოქმედებით კოლექტივს ქმე-  
დითი ორმხრივი კავშირი აქვს დამყარებული რაიონის პროკურორის, სა-  
ხალხო სასამართლოს, მილიციისა და ადვოკატურის მუშაკებთან, აქტიურად  
აბამს მათ გაზეთის მუშაობაში. ხშირად იბეჭდება სამართალდამცველ ორ-  
განოთა მუშაკების წერილები. სამართლებრივ თემებზე, მოსახლეობისათვის  
საინტერესო საკითხებზე. ეს პუბლიკაციები მომზადებულია პროფესიულ დო-  
ნეზე, საქმის კარგი ცოდნით. მისასალმებელია, რომ ასეთ მასალებს გაზეთი  
ხშირად მთელ გვერდს უთმობს. მაგალითად, სოხუმის რაიონის შინაგან საქ-  
მეთა განყოფილება სისტემატურად ამზადებს გვერდებს რუბრიკით: „მოქა-  
ლაქე, კანონი, საზოგადოება“. ამ რუბრიკით დაიბეჭდა ნარკვევი „მოვლენების  
ერთგული“, რომელიც მიეძღვნა მილიციის სერჟანტ ვასილ აიბას, რომელიც  
ავალერია მედლისა „მილიციის ფრადოსანი“. გაზეთში აქტიურად თანამშრომ-



ლობენ მილიციის უფროსი ლეიტენანტი ლ. ჭანტურია, მილიციის სერჟანტი ნ. ხაშბა და სხვები.

სამართალდაცვით ორგანოებში მიმდინარე გარდაქმნაზე საქმიანი სჯა-ბა-ასი იმართება გაზეთის რიგ მეთაურ წერილებსა და რაიონის ხელმძღვანელი მუშაკების სტატიებში. ამ მასალებში აღნიშნულია, რომ სამართლებრივი აღზრდის საქმე მოითხოვს ხარისხობრივად ახალ მიდგომას, მაღალ პასუხისმგებლობას, სახალხო სასამართლოს, პროკურატურის, იუსტიციის, შინაგან საქმეთა ორგანოების მუშაკების მუდმივ და შეუწყლებელ ყურადღებას, სამართლებრივი აღზრდის ეფექტიანობის მიზნით გატარებულ ღონისძიებათა ახალი ფორმებისა და მეთოდების ძიებას და, რაც მთავარია, ამ საქმეში საჯაროობის ფართოდ გაშლას, ადამიანის ფაქტორის წინა პლანზე წამოწევას.

კარგი იქნება, თუ რედაქციის შემოქმედებითი კოლექტივი, რაიონის სამართალდაცვით ორგანოებთან ერთად, კიდევ უფრო გაააქტიურებს ბრძოლას ისეთი ნეგატიური მოვლენების წინააღმდეგ, როგორცაა უშრომელი შემოსავალი, ლოთობა და ალკოჰოლიზმი, ნარკომანია და მუქთახორობა.

სოხუმის რაიონში გარკვეული გამოცდილებაა დაგროვილი სამართლებრივი და საზოგადოებრივი აზრის შესწავლის საქმეში. მრავალ სასარგებლო ღონისძიებას ატარებს საკოორდინაციო მეთოდური საბჭო საზოგადოებრივი აზრის შესწავლის, ფორმირებისა და პროგნოზირებისათვის, ამ საბჭოს რეკომენდაციები წარმატებით გამოიყენება პრაქტიკულ საქმიანობაში. ამ მუშაობაში საბჭოს დიდ დახმარებას უწევს საქართველოს სსრ შინაგან საქმეთა სამინისტროსთან არსებული საზოგადოებრივი აზრის ინსტიტუტი.

შესწავლის შედეგები გვიჩვენებენ, რომ რაიონის საზოგადოებრიობა ობიექტურად აფასებს სამართალდაცვითი ორგანოების საქმიანობას, უყურებს მათ, როგორც სოციალისტური კანონიერების, მოქალაქეთა უფლებებისა და კანონიერი ინტერესების ერთგულ დამცველებს. ამასთან მშრომელები სამართლიანად თვლიან, რომ შათი საქმიანობა ჯერ კიდევ მთელი ძალით არ პასუხობს სადღეისო მოთხოვნებს, ყველა მუშაკი თვალისჩინივით არ უფრთხილდება „მუნდირის ღირსებას“.

სისხლის სამართლის კანონმდებლობისადმი სწორი დამოკიდებულების ფორმირების, მოსახლეობაში, განსაკუთრებით ახალგაზრდობაში, სამართალშეგნების ამაღლების პრობლემებისადმი არის მიძღვნილი რკინიგზის № 18 სკოლის დირექტორის ა. ფანცულაიას, ყურნალისტ პ. ცივას, სიფხიზლისათვის ბრძოლის ნებაყოფლობითი საზოგადოების მდივნის გ. ფანჩვიძის, რაიონმასკომთან არსებული ადმინისტრაციული კომისიის მდივნის კ. პაპასქუას სტატიები. მათში ხაზგასმულია, რომ სამართლებრივი პროპაგანდის წარმატებული ორგანიზაციის ერთ-ერთი ძირითადი წინამძღვარია სახელმწიფოებრივი და საზოგადოებრივი აზრის ზუსტი კოორდინაცია. ამ ურთიერთობების შემდგომი განვითარების საქმეში დიდ როლს ასრულებენ სამართლებრივი პროპაგანდისათვის ადგილებზე შექმნილი საკოორდინაციო მეთოდური საბჭოები.

ამასთან, აღნიშნავენ ისინი, ამ მუშაობის დონე ჯერ კიდევ ვერ პასუხობს სადღეისო მოთხოვნებს, ყოველთვის ვერ ახდენს საჭირო ზემოქმედებას სახელმწიფო და შრომითი დისციპლინის განმტკიცებისათვის ბრძოლის საქმეზე. სამართლებრივ საკითხებზე ლექციები, მოხსენებები და საუბრები ხშირად უტარდება იმათ, რომელთაც ყველაზე ნაკლებად სჭირდება ეს. ხშირად



ასეთი ღონისძიებების თემატიკა დგება შემთხვევით, საგამოძიებო, საპროკურორო, სასამართლო პრაქტიკის განზოგადების შედეგების გაუთვალისწინებლად, რაც ნიადაგს უქმნის ამ საქმეში ფორმალიზმის დამკვიდრებას. ამდენად, სამართლებრივი პროპაგანდის მიზნით ჩატარებული თითოეული ღონისძიება უნდა იქცეს გულმოდგინე ანალიზის საგნად.

დანაშაულის პროფილაქტიკისათვის, როგორც თავიანთ სტატიებში აღნიშნავენ რაიონის შინაგან საქმეთა განყოფილების უფროსი პ. არშა, რაიონის პროკურორი ა. შამათავა, გამომძიებელი მ. გაგუა, უურნალისტი კ. რევაზიშვილი და სხვ. ერთ-ერთი გადამწყვეტი მნიშვნელობა ენიჭება სამართლებრივ აღზრდას, რადგან დანაშაული რთული სოციალური მოვლენაა და მასზე მრავალი სხვა გარემოება ახდენს ზეგავლენას. ამიტომ სამართლებრივი პროპაგანდა უნდა წარიმართოს საქმის ღრმა ცოდნით, მაღალ პროფესიულ დონეზე, საჯაროობისა და გულახდილობის ატმოსფეროში.

რაიონული გაზეთი ოპერატიულად ეხმაურება კანონმდებლობაში მომხდარ ცვლილებებს, ამომწურავ მასალებს აქვეყნებს რედაქციაში შემოსულ შეკითხვებზე. ამ საქმეს აქტიურად უძღვება გაზეთის საზოგადოებრივი მისაღები. შრომითი და საბინაო კანონმდებლობის საინტერესო საკითხებზე მშრომლებს კომპეტენტური პასუხი გასცა ადვოკატმა ი. დელიკოვამ.

ინდივიდუალური შრომითი საქმიანობის თაობაზე კანონის მიღების შემდეგ გაზეთი ხშირად აქვეყნებს ამ კანონის გამოყენების განმარტებითი ხასიათის მასალებს.

დაბოლოს, რაიონული გაზეთის „კომუნისტური შრომის“ რედაქცია, მკითხველთა აქტივი დიდ და სასარგებლო საქმეს აკეთებენ, მაგრამ ჯერ კიდევ გამოუყენებელი და ასამოქმედებელი რეზერვები მრავლად აქვთ. აღებული ტემპი მოწმობს, რომ გაზეთი კიდევ უფრო შემტევი, უკომპრომისო და პრინციპული იქნება დასახული მიზნის მისაღწევად. მიზანი კი ფართოა და მნიშვნელოვანი — ყოველმხრივ შეუწყოს ხელი რაიონში გამოვლენილი ნეგატიური მოვლენების დროულ აღკვეთას, მტკიცედ იცავდეს გარდაქმნის სადღეისო მოთხოვნების უთუო შესრულებას.



# პროსტიტუციის კონკრეტულ-სოციოლოგიური გამოკვლევის ზოგიერთი შედეგი

ანზორ ბაბინი,

სსრ კავშირის შინაგან საქმეთა სამინისტროს მოსკოვის მილიციის უმაღლესი სკოლის თბილისის ფაკულტეტის სამეცნიერო-კვლევითი ლაბორატორიის უფროსი, პროფესორი

ჩვენნი ლაბორატორიის ძალებით რესპუბლიკაში გამოკითხა შინაგან საქმეთა ორგანოების მხედველობის არეში მოხვედრილი 582 მეძავე ქალი. თითოეულ მათგანს მიეცა ასზე მეტი შეკითხვა, რომლებიც შეეხებოდა მათი აღზრდისა და ცხოვრების სრულიად სხვადასხვა მხარეს. წინამდებარე სტატიაში მოკლედ განვიხილავთ ამ საქმეად ვრცელი გამოკვლევის მხოლოდ ზოგიერთ შედეგს.

გამოკითხული ქალები ასაკობრივად ასე განაწილდნენ: 18 წლამდე — 8,8 პროცენტი, 18-დან 20 წლამდე — 9,5, 20-დან 25 წლამდე — 82,4, 25-დან 30 წლამდე — 24,9, 30-დან 40 წლამდე — 16,6, ხოლო 40 წლის ზემოთ — 13,8 პროცენტი. ამრიგად, გამოკითხულთა უმრავლესობა 30 წლამდე ასაკის ქალია.

ეროვნული ნიშნის მიხედვით, გამოკითხულ მეძავე ქალთა შორის მრავალი ეროვნების ქალი აღმოჩნდა: ქართველები, სომხები, რუსები, უკრაინელები, აზერბაიჯანელები, ოსები, ბერძენები, აფხაზები, ებრაელები და ა. შ. რაც შეეხება გამოკითხულ ქართველ ქალთა ზვედრით წილს, მან 28,6 პროცენტი შეადგინა.

საინტერესო შედეგები მოგვცა გამოკითხულთა დაბადებისა და საცხოვრებელი ადგილის თაობაზე მიღებული ინფორმაციის ანალიზმა. მათ შორის თბილისში დაიბადა — 17,5 პროცენტი, რესპუბლიკის სხვა ქალაქებში — 25,2, ქალაქის ტიპის დასახლებებში — 5,8, სოფლად — 8, რესპუბლიკის ფარგლებს გარეთ — 42,5 პროცენტი. ამაჟამად თბილისში ცხოვრობს გამოკითხულთა 29,5 პროცენტი, რესპუბლიკის სხვა ქალაქებში — 84,2, ქალაქის ტიპის დასახლებულ პუნქტებში — 8,4, სოფლად — 5,8, რესპუბლიკის ფარგლებს გარეთ — 19,2, ხოლო მუდმივად საცხოვრებელი არა აქვს 9,8 პროცენტს.

ამრიგად, მეძავე ქალთა თითქმის ნახევარი სხვა მოკავშირე რესპუბლიკებიდან არის ჩამოსული. რაც შეეხება მიგრანტებს რესპუბლიკის ფარგლებში, მათი ზვედრითი წილი გამოკითხულთა შორის დაახლოებით 10 პროცენტს შეადგენს.

დაწყებითი განათლება აქვს 1,1 პროცენტს, არასრული საშუალო — 25,1, საშუალო ზოგადი — 51,7, საშუალო პროფესიულ-ტექნიკური — 4,9, საშუალო სპეციალური — 10,2, არასრული უმაღლესი — 2,8, ხოლო უმაღლესი განათლება — 4,1 პროცენტს. ამრიგად, გამოკითხულთა შორის 8/4-ს საშუალო ან საშუალოზე მეტი განათლება აქვს, რაც იმას ნიშნავს, რომ მათ უნარი შესწევთ, რათა ნაყოფიერ შრომით საქმიანობას და პატიოსან ცხოვრებას ეწეოდნენ.

საინტერესოა მონაცემები „მსუბუქი ყოფაქცევის“ ქალთა ოჯახური მდგომარეობის შესახებ. მათ შორის გაუთხოვარია 88,9 პროცენტი, გათხოვილია და მეუღლესთან ცხოვრობს — 4,9, გათხოვილია, მაგრამ არ ცხოვრობს მეუღლესთან — 8,8, ქვრივია — 8, ხოლო განქორწინებულია 51,7 პროცენტი. ამგვარად, გამოკითხულ მეძავე ქალთა შორის უდიდეს უმრავლესობას ისეთი ქალები შეადგენენ, რომელთაც ვერ შესძლეს ოჯახური ცხოვრების მოწყობა. აქედან შეიძლება კანონზომიერი დასკვნის გაკეთება, კერძოდ, ქალისათვის ბედნიერ ოჯახსა და ოჯახურ სიბზოს უდიდესი მნიშვნელობა აქვს.

მეძავე ქალთა საყოფაცხოვრებო და მატერიალური პირობების შესწავლით აღმოჩნდა, რომ საკუთარ კეთილმოწყობილ სახლში ცხოვრობს 16,2 პროცენტი, იზოლირებულ კეთილმოწყობილ ბინაში — 4,4, იზოლირებულ არაკეთილმოწყობილ ბინაში — 19,9, საერთო საცხოვრებ-





ლებში — 8,8, სარდაფის ტიპის სათავსოებში ან ბარაკში — 7, დაქირავებული აქვთ ბინა ან ოთახი — 18,7, არა აქვთ საცხოვრებელი — 8,8 პროცენტს.

გამოკითხულთაგან მიაჩნიათ, რომ ძალიან კარგი ან კარგი მატერიალური პირობები აქვთ მხოლოდ 8,8 პროცენტს, ნორმალური — 84,6, დანარჩენები კი საშუალოდ ან ცუდად არიან მატერიალურად უზრუნველყოფილი. მატერიალურად ცუდად უზრუნველყოფილი აღმოჩნდა გამოკითხულთა 19,9 პროცენტი.

გამოკვლევის ერთ-ერთ ძირითად მიზნად დავისახეთ გამოკითხულთა ცხოვრებისა და აღზრდის პირობების შესწავლა, აღმოჩნდა, რომ მშობლებთან ერთად ოჯახში იზრდებოდა 88,5 პროცენტი, საბავშვო სახლში — 10, ნათესავებთან — 4,5, უცხო პირებთან — 1,9, არა გვაქვს ცნობები — 0,2 პროცენტზე. ამრიგად, მეძვე ქალთა 16,4 პროცენტი ჭირ კიდევ ადრეულ ბავშვობაში აღმოჩნდა მშობლიურ ოჯახს მოწყვეტილი.

საინტერესოა თუ როგორ მოხვდნენ ისინი საბავშვო სახლში, ნათესავებთან ან უცხო პირებთან. ერთ-ერთი მშობლის გარდაცვალების გამო ოჯახში არ იზრდებოდა სულ 8,5 პროცენტი. დანარჩენები ამგვარ მდგომარეობაში მშობლების „ნებით“ აღმოჩნდნენ. იმ გამოკითხულთაგან, ვინც ადრეულ ბავშვობაში მშობლებთან ოჯახში არ იზრდებოდა, მშობლებს იცნობდა 29 პროცენტი, არ იცნობდა 57 პროცენტი. არ არის ცნობები 14 პროცენტზე.

გამოკითხულთაგან დედ-მამასთან იზრდებოდა 66,4 პროცენტი, მხოლოდ დედასთან — 27,7, დედასა და მამინაცვალთან — 2, მხოლოდ მამასთან — 1,8, არ არის ცნობები — 2 პროცენტზე. ამრიგად, გამოკითხულთაგან თითქმის ყოველი მესამე ქალი იზრდებოდა ე. წ. არასრულ ოჯახში, რამაც უარყოფითი ზეგავლენა მოახდინა მათ სულიერ ფორმირებაზე.

მშობლების ოჯახში აღზრდილი „მსუბუქი ყოფაქცევის“ ქალების მამათა შორის 84 პროცენტი მუშაა, კოლმეურნეა — 11 პროცენტი, მოსამსახურე — 81,8, არ არის ცნობები — 28,2 პროცენტზე. დედათა შორის მუშაა 89,6 პროცენტი, კოლმეურნე — 17,1 მოსამსახურე — 89,2, არ არის, ცნობები — 4,1 პროცენტზე. ყურადღებას იქცევს ის გარემოება, რომ გამოკითხულთა 28,2 პროცენტმა ვერაფერი თქვა მამის სოციალური მდგომარეობის თაობაზე, რადგან უუსტი ცნობები არ გააჩნდათ.

გამოკითხულთა 4,5 პროცენტს წერა-კითხვის უცოდინარი მამა ჰყავს, დაწყებითი განათლებით — 9,4, არასრული საშუალო განათლებით — 11,8, საშუალო განათლებით — 4,5, არასრული უმაღლესი ან უმაღლესი განათლებით — 10, მონაცემები არა გვაქვს — 22 პროცენტზე. დედებიდან: წერა-კითხვის უცოდინარი — 9,9, დაწყებითი განათლების მქონე — 14, არასრული საშუალო განათლების მქონე — 15,8, საშუალო განათლებით, — 44,8, არასრული უმაღლესი ან უმაღლესი განათლებით — 18,7, არ არის ცნობები — 2,8 პროცენტზე.

სამწუხაროდ, ყოველმა მეოთხე გამოკითხულმა, რომლებიც მშობლებთან ერთად იზრდებოდა, არაფერი იცოდა მამის განათლების დონისა და სოციალური მდგომარეობის შესახებ.

გამოკითხულთაგან მშობლებს პატივისცემით ეპყრობოდა — 75,6 პროცენტი, გულგრილად — 16,4, უპატივცემოდ — 2,8, ზიზღით — 1,5, პასუხის გაცემა გაუძნელდა — 8,6 პროცენტს, ამრიგად, გამოკითხულთა 24,4 პროცენტს ჭირ კიდევ ბავშვობასა და მომწიფების ასაკში მშობლებისადმი უპატივცემლო, გულგრილი დამოკიდებულება ჰქონდა, რაც, ალბათ, თვით მშობლების მიერ შევილებისადმი გამოვლენილი გულცივობის საპასუხოდ ჩამოყალიბდა.

ცნობილია, რომ პიროვნების ფორმირებაზე ოჯახთან ერთად დიდ ზეგავლენას ახდენს სკოლაც. ამიტომ ჩვენი კვლევის სფერო ამ საკითხებსაც მოიცავდა. აღმოჩნდა, რომ ყველა გამოკითხული სწავლობდა სხვადასხვა სასწავლებელში და უმრავლესობას კარგი ან დამაკმაყოფილებელი აკადემიური მოსწრება ჰქონდა. 1/4 მონაწილეობდა სასწავლო დაწესებულებების საზოგადოებრივ ცხოვრებაში, რაც იმაზე მიგვანიშნებს, რომ გამოკითხულთა ეს ნაწილი სკოლაში თანატოლებისაგან განსაკუთრებით არაფრით გამოირჩეოდა, მოლოდ 1,7 პროცენტს ჰქონდა სწავლის ცუდი პირობები და დაბალი აკადემიური მოსწრება. მიუხედავად იმისა, რომ გამოკითხულთა უმრავლესობას კარგი ან დამაკმაყოფილებელი აკადემიური მოსწრება ჰქონდა, 29,7 პროცენტმა სწავლა აღარ გააგრძელა. აღმოჩნდა, რომ გამოკითხულთა 27,8 პროცენტს უბრალოდ აღარ სურდა სწავლის გაგრძელება, 25,8 — ცხოვრებისეული გარემოებები, დამოუკიდებელი შემოსავლის აუცილებლობა, 18,4 — შესაბამისი მონაცემების არ არსებობა, 11,4 — გათხოვება, 8,2 — ბავშვის შექმნა, 15,8 პროცენტმა მამაკაცებით გატაცება და სხვა. თუ ამ



მონაცემებით ვიმსჯელებთ, გამოკითხულთა უმრავლესობას საკმაოდ სერიოზული საფუძველი ჰქონდა სწავლისათვის თავის დასანებებლად.

საინტერესოა შრომისადმი მეძვე ქალთა დამოკიდებულების საკითხი. გამოკითხვის ჩატარების მომენტში ან წარსულში მათგან მუშაობდა 91,9 პროცენტი, არასოდეს უმუშავია — 6,6, არ არის ცნობები — 1,8 პროცენტზე. აქვე უნდა შევნიშნოთ, რომ გამოკითხვის მომენტში ბევრს საკმაოდ ღირსეული სამსახურებრივი მდგომარეობა ეკავა (უფროსი ინჟინერ-კონსტრუქტორი, საშუალო სკოლის მასწავლებელი და სხვ), მაგრამ სამსახურის თაობაზე დუმდნენ. ამიტომ ვერ შევაგროვეთ საკმაო ინფორმაცია იმ გამოკითხულ ქალთა შრომითი საქმიანობის შესახებ, რომლებიც ინტერვიუს აღების მომენტში მუშაობდნენ. მიუხედავად ამისა, შეგვიძლია ვთქვათ, რომ გამოკითხულთა შორის ბევრი არაპროფესიულ და დაბალნეფტასიან სამუშაოს ასრულებდა და „სხეულით ვაჭრობის“ შედეგად მიღებული შემოსავალი მიაჩნიათ არა ძირითად, არამედ დამატებით წყაროდ.

გამოკვლევით დადგინდა, რომ მეძვე ქალები გულგრილნი არიან არა მარტო შრომის მიმართ, არამედ მხატვრული ლიტერატურის და ხელოვნების მიმართაც. მათ შორის ვაწეობს საერთოდ არ კითხულობს 88,6 პროცენტი, იშვიათად კითხულობს — 8,7, არ დადის თეატრში — 75,9, იშვიათად დადის თეატრში — 19,5 არ დადის კინოში — 22,7, იშვიათად დადის კინოში — 8,5 პროცენტი. ყოველივე ეს კი მიუთითებს მათ დაბალ ინტელექტუალურ დონეზე, მეძვეთა სოციალურ არასრულფასოვნებაზე. ამაზე მეტყველებს ალკოჰოლური სასმელებისა და ნარკოტიკების მიმართ გამოკითხულთა დამოკიდებულებაც. აღმოჩნდა, რომ სპირტიან სასმელებს ხშირად ან სისტემატურად სვამს 76,7 პროცენტი, აქედან სქესობრივ კავშირში მყოფ მამაკაცებთან ერთად სვამს 57 პროცენტი, ხოლო ოჯახის წევრებთან ან ნათესავებთან ერთად სპირტიანი სასმელების მიღების პროცენტი შედარებით მცირეა. გამოკითხულთა 6,4 პროცენტი ნარკოტიკული ნივთიერებებს ხშირად ან სისტემატურად იყენებს, იშვიათად იყენებს 15,6 პროცენტი. ამრიგად, გამოკითხულთა 1/5-ზე მეტი ნარკოტიკებს ეტანება, რაც ცხადია, შემფლობებს იწვევს.

გამოკითხულთა შორის არც თუ ისე მცირეა მსჯავრდებულ პირთა რიცხვი. აღმოჩნდა, რომ ერთი ნასამართლობა აქვს 2,5 პროცენტს; ორი — 10, ხოლო სამი და მეტი ნასამართლობა — 5,6 პროცენტს. არაერთხელ ნასამართლევ პირთა შორის 88,7 პროცენტმა დანაშაულის რეციდივის მიზეზად დაასახელა სამსახურში მოწყობასთან დაკავშირებული სიძინელები, „ლაშაზად“ და თავისუფლად ცხოვრების სურვილი — 22,9, მატერიალური სიძინელები — 19,8 შრომისადმი თავის არიდება — 14,5, თავშეუკავებლობა — 9,6 პროცენტმა და სხვა.

გამოკითხულთა უმრავლესობამ ინტიმური, სქესობრივი ურთიერთობების შესახებ ჯერ კიდევ აღრეულ ასაკში მიიღო ინფორმაცია: დედასთან საუბრებში — 8,9 პროცენტმა, მასწავლებლებსაგან — 0,6, ამდენივემ ნაცნობი მედიცინის მუშაკებისაგან. აღსანიშნავია, რომ გამოკითხულთა უმრავლესობამ სქესობრივ საკითხებში „განათლება“ მიიღო მეგობარი გოგონებისაგან — 54,9 პროცენტმა. მამაკაცებისაგან, რომლებიც შეეცადნენ ან უკვე ჰქონდათ მათთან ინტიმური კავშირი — 28,5 პროცენტმა, ნაცნობებისა და მეზობლებისაგან — 16,5 პროცენტმა და სხვ. ამრიგად, უმეტეს შემთხვევაში, სქესობრივი საკითხების თაობაზე ინფორმაციის „წყარო“ არ გამოირჩეოდა რაიმე მეცნიერული სიზუსტითა და პედაგოგიური ტაქტით. ამდენად, გაოცებას არ უნდა იწვევდეს, რომ ყმაწვილობის წლებში გამოკითხულთა უმრავლესობას (55,8%) მამაკაცთან სქესობრივ ურთიერთობის არაქანსალი ინტერესი გაეღვიძა. ამიტომ მამაკაცისადმი სქესობრივი ლტოლვა მათ ძალიან აღრე გაუჩნდათ: 12 წლიდან — 0,8 პროცენტს, 18 წლიდან — 2,5, 14 წლიდან — 8,8, 15 წლიდან — 12,9, 16 წლიდან — 21, 6, 17 წლიდან — 22,8, 18 წლიდან — 18, 7, 19 წლიდან — 6, 2, 20 წლიდან — 5, 4, 21 წლიდან და შემდგომ — 2, 4, არა გვაქვს ცნობები — 8,8 პროცენტზე. უფრო მეტიც, გამოკითხულთა 26,5 პროცენტმა პირველი სქესობრივი კავშირი დაამყარა 16 წლამდე ასაკში, ხოლო 48,9 პროცენტმა არა უმეტეს 17 წლის ასაკში. უნდა აღინიშნოს ისიც, რომ პირველი სქესობრივი კავშირი ქორწინებამდე ჰქონდა გამოკითხულთა 53,9 პროცენტს.



გამოკითხულთა 85,5 პროცენტმა პირველი სქესობრივი კავშირში დაამყარა უბრალოდ ნაცნობთან, 20,9 — მეგობართან, 18,5 — სავარაუდო საქმროსთან, 12,2 — მეზობელთან, 5,9 — უცნობთან, 0,8 — მამინაცვალთან, 2,1 პროცენტზე ცნობები არ მოგვეპოვება. ქორწინებადელი სქესობრივი კავშირი შედეგების გათვალისწინების გარეშე, საკუთარი სურვილით დაამყარა 43,2 პროცენტმა, 19,2 — ცოლად შერთვის დაპირებით, 15,3 ფიზიკური ან ფსიქიკური ძალადობით, 8 — იმყოფებოდა ალკოჰოლის გავლენის ქვეშ, 2,1 პროცენტმა ოჯახის წევრებისა, ხოლო 0,7 პროცენტმა მეგობარი გოგონების წაქეზებით.

პირველი ქორწინებადელი სქესობრივი ურთიერთობის შემდეგ გამოკითხულთა 89,7 პროცენტი იოლად შეეგუა ბედს, 10,5 — მიატოვა სახლი, 10,1 — დაკარგა აღმანიებისადმი რწმენა, 4,2 — შესძულდა მამაკაცი და სხვ. მართალია, 18,5 პროცენტისათვის პირველი სქესობრივი კავშირი ქორწინებით დასრულდა, ხოლო 7,7 პროცენტისათვის — ბავშვის შეძენით, მაგრამ, ჩვენი აზრით, ეს არ ყოფილა ბედნიერი ქორწინება ან ბედნიერი დედობა, თუნდაც იმიტომ, რომ ყველა ასეთი, შემდეგ, „მსუბუქი ყოფაქცევის“ ქალთა კატეგორიაში აღმოჩნდა.

ზემოთაღნიშნულიდან შეიძლება დავასკვნათ, რომ გამოკითხული მეძვიე ქალებისათვის ზნეობრივი გადაგვარებისა და სოციალური დეგრადაციის პროცესი ჭირ კიდევ აღრიეულ ასაკში დაიწყა.

გამოკითხულთა თითქმის ნახევარს ჰყავს შვილი, თუმცა არასოდეს ყოფილა გათხოვილი ან დიდი ხანია განქორწინებულია. მათგან ერთი შვილი ჰყავს 60 პროცენტს, ორი — 29,5, ხოლო სამი ან მეტი — 10 პროცენტს. გამოკითხულთა 1/4 ჰყავთ შვილები და მეტნაკლებად ზრუნავენ კიდევაც მათ აღზრდაზე. მათ შორის მეტად მზრუნველი დედებიც გვხვდებიან, რომლებიც გულმოდგინედ მალავენ თავიანთ ნამდვილ სახეს, ბავშვებს „კონსპირაციის“ მიზნით „ძიძას“ აძლევენ აღსაზრდელად და ამისათვის მათ უხვადაც უხდიან გასამრჩელოს, მაგრამ, როგორც წესი, შვილები მწვავედ განიცდიან დედის ზნეობრივ დაცემას, რითაც ამორალურ ქალთა პრობლემა კიდევ უფრო მძიმდება.

გამოკითხულთა 61,8 პროცენტმა თავიანთ „კლიენტებთან“ გაცნობის ადგილად ნაცნობ-მეგობართა წრე დასახელა, რესტორანი — 16,8, სასტუმრო — 9,1, ტრანსპორტი — 19,7, ქუჩა — 70,8, ხოლო სადგური — 11 პროცენტმა. სქესობრივი კონტაქტის დასამყარებლად ადგილად საკუთარი ბინა მიუთითა გამოკითხულთა 85,9 პროცენტმა, მამაკაცის ბინა — 38,2, ნაცნობის ბინა — 20,8, ავტომანქანა — 16,8, გარყვნილების ბუდე — 6,8, ხოლო ნებისმიერი „მოსახერხებელი“ ადგილი — 87,4 პროცენტმა.

სულიერი და ფიზიკური დეგრადაციის დონის მიხედვით, მიგვაჩნია რომ „მსუბუქი ყოფაქცევის“ ქალები იყოფიან ორ ჯგუფად: პირველ ჯგუფში შედიან ახალგაზრდა, შედარებით მიმწოდელი გარეგნობის მქონე ქალები, რომლებიც ნაცნობ-მეგობართა წრეში, რესტორანში, სასტუმროში, უფრო იშვიათად, ტრანსპორტში პოპულობენ პარტნიორებს და მათთან კავშირს ამყარებენ ბინაში, იშვიათად — სასტუმროში. გამოკითხულთა ეს კატეგორია სარგებლობს გარყვნილების ბუნაგის მომწყობი პირის ან სასტუმროს ზოგადი მუშაკის შუამავლობით. ისინი ჭირ კიდევ მუშაობენ და ამიტომ მამაკაცთან სქესობრივი კავშირისათვის მიღებული შემოსავალი დამატებითი წყაროა, მაგრამ ხშირად პარტნიორისაგან მიღებული „გასამრჩელო“ უფრო მეტია, ვიდრე ხელფასი და ამიტომ ქალს სამსახურისადმი გულგრილი დამოკიდებულება გამოუმუშავდება, რის გამოც, ადრე თუ გვიან, თავს ანებებს სამსახურს, კარგავს სამუშაო ადგილს.

მეორე ჯგუფს შეიძლება მივაკუთვნოთ მორალურად და ზნეობრივად გაცილებით უფრო გახრწნილი ქალები. ისინი, როგორც წესი, არსად არ მუშაობენ, არა აქვთ მუდმივი საცხოვრებელი ადგილი, იღებენ შედარებით მცირე „გასამრჩელოს“, გამოიწვევად დგანან ქუჩებსა და სადგურებში გარკვეულ დროსა და ადგილას, სქესობრივ კავშირს ამყარებენ ნებისმიერ მამაკაცთან, ადგილად ეგუებიან დამცირებასა და შეურაცხყოფას. ამ ქალთა გარკვეული კატეგორია უპირატესობას ანიჭებს ავტომანქანას, რადგან უფრო „ხელსაყრელად“ მიაჩნიათ სქესობრივი კავშირის დასამყარება გაუკუღმართებული ფორმით, ვითომდა, ნაკლებად საშიში იყოს ვენერიული დაავადების შეყრის თვალსაზრისით.

გამოვიკვლიეთ თუ რაში ხარჯავენ „მსუბუქი ყოფაქცევის“ ქალები „გამომუშავებულ“ თანხას და რამდენად არიან ისინი მატერიალურად უზრუნველყოფილი. აღმოჩნდა, რომ ასეთი გზით მოპოვებულ თანხას ისინი ძირითადად ხარჯავენ ტანსაცმელზე, კოსმეტიკაზე (72,6%),



კვებაზე (64,7%), ბავშვებზე (28,2%), ბინაზე (21,6%), მშობლების დასახმარებლად (8,9%), მამაკაცებზე — (1,5%), ხოლო აგროვებს — 7,5 პროცენტი.

ამრიგად, გამოკითხულთა უმრავლესობა ასეთ თანხას ხარჯავს აუცილებელ მოთხოვნილებათა დასაკმაყოფილებლად და მხოლოდ უმნიშვნელო ნაწილი აგროვებს ფულს. რაც შეეხება მატერიალურ უზრუნველყოფას, „მსუბუქი ყოფაქცევის“ ქალთა უმრავლესობა ცუდად არის მატერიალურად უზრუნველყოფილი. ძალზე იშვიათად გვხვდება ისეთი ქალი, რომელსაც აქვს მაღალი განათლება, ცენზი, პროფესია, ბინა და მხოლოდ გარკვეული წრის მამაკაცებთან ამყარებს სქესობრივ ურთიერთობას მაღალი „ანაზღაურების“ საფასურად.

„მსუბუქი ყოფაქცევის“ ქალები ვენერიულ დაავადებათა მაღალი რისკის ჯგუფს მიეკუთვნებიან და ხშირად თვითონ არიან ვენერიული დაავადების გამავრცელებლები. უნდა აღინიშნოს, რომ მეძავე ქალთა უმრავლესობა (87,1 პროცენტი) ვენერიული დაავადების შეყრის მუდმივი შიშით ცხოვრობს და სისტემატიურად იღებს ზომებს მისი თავიდან აცილებისათვის. კერძოდ, 68,8 პროცენტი გულმოდგინედ უვლის ნაკუთარ თავს, 85 — პირად ჰიგიენას იცავს, 13,2 — პროფილაქტიკის პუნქტებს აკითხავს, 11,8 — დადის ექიმთან შემოწმებაზე, 6,2 პროცენტი აბარებს ანალიზებს ვენდისპანსერში.

მიუხედავად ამ ღონისძიებებისა, გამოკითხულთა ნახევარმა აღიარა, რომ უახლოეს წარსულში დაავადებული იყო ვენერიული სნეულებით, თუმცა, ჩვენი მონაცემებით, დაავადებულთა რიცხვი მნიშვნელოვნად უფრო მეტია.

გამოკითხულთა დიდი უმრავლესობა (98,4%) ვენერიული სნეულებით დაავადდა რესპუბლიკის ფარგლებში, 5,1 — რესპუბლიკის ფარგლებს გარეთ, ხოლო 1,5 პროცენტს გაუძნელდა პასუხის გაცემა. ეს მონაცემები აშკარად მეტყველებენ რესპუბლიკაში ვენერიულ დაავადებათა პროფილაქტიკისა და მკურნალობის ძირეული გაუმჯობესების გადაუდებელ აუცილებლობაზე.

დასასრულს, შეიძლება დავასკვნათ, რომ მიუხედავად პრობლემის სიმწვავისა, მისი გადაჭრისათვის შესაბამისი ორგანიზაციები ჯერ კიდევ ნაკლებეფექტიანად იღწვიან. ამასთან, თითქმის არ გავაჩნია ამ საკითხის მეცნიერული გამოკვლევა. ეს ალბათ იმიტომ არის გამოწვეული, რომ ჩვენდა სამწუხაროდ, დღემდე ჯერ კიდევ ბოლომდე არ გვაქვს წარმოდგენილი თუ რა უარყოფით ზეგავლენას ახდენს პროსტიტუცია მომავალი თაობის ზნეობრივად ჩამოყალიბების დიღმნიშვნელოვან საქმეზე.





# სიხლანი ავტოსატრანსპორტო დანაშაულის კანონმდებლობაში

ჯამალიე ხაზილაშვილი,  
ქ. ქუთაისის პროკურორი

საქართველოს სსრ უმაღლესი საბჭოს პრეზიდიუმმა 1985 წლის 1 ივლისს მიიღო ბრძანებულება „ნასვამ მდგომარეობაში ჩადენილი მოძრაობის უსაფრთხოებისა და ტრანსპორტის ექსპლუატაციის წესების დარღვევისათვის პასუხისმგებლობის გაძლიერების შესახებ“. ბრძანებულებამ არსებითი ცვლილებები შეიტანა საქართველოს სსრ სისხლის სამართლის კოდექსის იმ მუხლებში, რომლებიც განსაზღვრავენ პასუხისმგებლობას ავტოსატრანსპორტო დანაშაულისათვის. ახალი რედაქციით ჩამოყალიბდა აგრეთვე სსკ 241-ე მუხლი. კერძოდ, გაუქმდა მისი პირველი ნაწილი, ხოლო მეორეში, რომელიც ახალი რედაქციის მიხედვით პირველ ნაწილად იქცა, გაიმიჯნა და დამამძიმებელ გარემოებებში ჩადენილად იქნა მიჩნეული ნასვამ მდგომარეობაში ტრანსპორტის მოძრაობისა და ექსპლუატაციის უსაფრთხოების წესების დარღვევა, რასაც მოჰყვა დაზარალებულის სხეულის ნაკლებად მძიმე ან მსუბუქი დაზიანება ან მნიშვნელოვანი მატერიალური ზარალი.

241-ე მუხლის მესამე ნაწილით გათვალისწინებული შედეგები — დაზარალებულის სხეულის დაზიანება ან სიკვდილი, გაიყო ცალცალკე, მეორე და მესამე ნაწილებად. აქვე, დამამძიმებელ გარემოებებში ჩადენილად არის მიჩნეული ნასვამ მდგომარეობაში მოძრაობის წესების დარღვევა, რასაც მოჰყვება სხეულის მძიმე დაზიანება ან სიკვდილი.

241-ე მუხლის ახალი რედაქციის მეოთხე ნაწილში მოექცა მოძრაობის წესების ისეთი დარღვევა, რამაც რამდენიმე პირის სიკვდილი გამოიწვია. აქვე ცალკე, კვალიფიციურ ქმედობად გამოიყო და შესაბამისად მკაცრი სანქციები დაწესდა ნასვამ მდგომარეობაში მყოფის მიერ ჩადენილი იგივე ქმედობისათვის.

241-ე მუხლში გათვალისწინებული დანაშაულის ობიექტია ტრანსპორტის მოძრაობისა და ექსპლუატაციის უსაფრთხოება. დამნაშავე შესაბამისი წესების დარღვევით იწვევს ადამიანთა მსხვერპლს, მნიშვნელოვან მატერიალურ ზარალს და სხვა.

დანაშაულის ობიექტური მხარე გულისხმობს ტრანსპორტის მოძრაობისა და ექსპლუატაციის უსაფრთხოების წესების დარღვევას, საზოგადოებრივად საშიშო შედეგს და მიზნობრივ კავშირს დარღვევის ფაქტსა და განხორციელებულ შედეგს შორის.

241-ე მუხლში გათვალისწინებული ნორმა ბლანკეტურია. იგი არ განმარ-



ტავს, თუ კონკრეტულად რაში გამოიხატება ტრანსპორტის მოძრაობისა და ექსპლუატაციის უსაფრთხოების წესების დარღვევა. პასუხს ამაზე სამართლის სხვა დარგის ნორმები იძლევიან.<sup>1</sup> ყველაზე გავრცელებულ ნორმატულ აქტს, რომელიც თითქმის მთლიანად აწესრიგებს ავტოსატრანსპორტის მოძრაობისა და ექსპლუატაციის საკითხებს, წარმოადგენს გზებზე მოძრაობის წესები, რომლებიც სსრ კავშირის მთელ ტერიტორიაზე მოქმედებენ. ისინი შეიძლება პირობითად დაიყოს ორ ჯგუფად: წესები, რომლებიც არეგულირებს ტრანსპორტის მოძრაობის უსაფრთხოებას და წესები, რომლებიც აწესრიგებენ ტრანსპორტის ექსპლუატაციის უსაფრთხოებას.

პირმა შეიძლება დაარღვიოს რომელიმე მათგანი ან ორივე ერთად. პასუხისმგებლობისათვის მნიშვნელობა არა აქვს, თუ რომლის დარღვევამ გამოიწვია შედეგი. ისე კი, საქმის ყოველმხრივი, სრული და ობიექტური გამოკვლევისათვის, თითოეულ კონკრეტულ საქმეზე უნდა დადგინდეს თუ დამნაშავეს მიერ სახელდობრ რა წესი იყო დარღვეული და რაში გამოიხატა იგი.<sup>2</sup>

მოძრაობის უსაფრთხოების წესების დარღვევად ჩაითვლება: სიჩქარის გადაჭარბება, ნასვამ მდგომარეობაში ყოფნის დროს მანქანის მართვა, არასწორი გასწორება და სხვა.

ტრანსპორტის ექსპლუატაციის უსაფრთხოების წესების დარღვევა: ტექნიკურად გაუმართავი მანქანის მართვა, ღია კარებით მოძრაობა და ა. შ. 241-ე მუხლით პასუხისმგებლობის დროს მნიშვნელობა არ აქვს, თუ სად მოხდა შესაბამისი წესების დარღვევა: გზატკეცილზე, ქუჩაში, რკინიგზის გადასასვლელზე, ეზოში, მინდვრის გზაზე თუ საწარმოს ტერიტორიაზე ტრანსპორტით მოძრაობის დროს.<sup>3</sup> სხვა შემთხვევებში, როდესაც შედეგი დაკავშირებულია არა მანქანის მოძრაობასთან, არამედ ამ უკანასკნელით საწარმოო დავალების შესრულებასთან, დამნაშავეს ქმედობა არ შეიძლება განხილული იყოს როგორც ავტოსატრანსპორტო დანაშაული. ასეთ დროს იგი უნდა დაკვალიფიცირდეს იმ მუხლით, რომელიც ითვალისწინებს პასუხისმგებლობას პიროვნების, სოციალისტური ან მოქალაქეთა პირადი ქონების ან განსაზღვრულ სამუშაოთა წარმოების წესების დარღვევისათვის.<sup>4</sup>

რაც მთავარია, ტრანსპორტის მოძრაობისა და ექსპლუატაციის უსაფრთხოების წესები დარღვეული უნდა იყოს მანქანის მართვის დროს. 241-ე მუხლის ახალმა რედაქციამ დააკონკრეტა აგრეთვე წრე იმ მანქანებისა, რომლებსაც კანონმდებელი გულისხმობს სატრანსპორტო საშუალებებში. თუ ადრე მასში იგულისხმებოდა ავტომობილი და ქალაქის ელექტროტრანსპორტი, ტრაქტორი და სხვა თვითმავალი მანქანა, ახალ დისპოზიციაში ლაპარაკია იმ პირთა დარღვევებზე, რომლებიც მართავენ „ყველა სახის ავტომობილებს, ტრაქტორებს და სხვა თვითმავალ მანქანებს, ტრამვაი-ტროლეიბუსებს, აგრეთვე მოტოციკლებს და სხვა მექანიკურ სატრანსპორტო საშუალებებს“... იმის გარკვევა, თუ

<sup>1</sup> დაწვრილებით იხ. ჩვენი ნაშრომი — პასუხისმგებლობა ავტოსატრანსპორტო დანაშაულისათვის, თბ., 1977, გვ. 22.

<sup>2</sup> სსრკ უმაღლესი სასამართლოს პლენუმის 1970 წლის 6 ოქტომბრის № 11 დადგენილება „ავტოსატრანსპორტო დანაშაულთა საქმეებზე სასამართლო პრაქტიკის შესახებ“, «Сборник Постановлений Пленума Верховного суда СССР». 1978. ч. 2, стр. 281.

<sup>3</sup> იქვე, პუნქტი 3-6.

<sup>4</sup> იხ. «Сборник Постановлений Пленума Верховного Суда РСФСР, М., 1984, стр. 241.



რა იგულისხმება ყველა სახის ავტომობილებში, ტრაქტორებსა, ტრამვაი-ტროლეიბუსებსა და მოტოციკლებში, რთული არ არის. ყველა სახის ავტომობილში უნდა ვიგულისხმოთ სატვირთო, მსუბუქი, სპეციალური დანიშნულების მანქანები და ა. შ.

დაზუსტებას მოითხოვს თვითმავალი მანქანისა და სხვა მექანიკური სატრანსპორტო საშუალებების სახეები, რამდენადაც ეს თვისებრივი ელემენტები პრაქტიკულად 241-ე მუხლში ჩამოთვლილ ყველა სატრანსპორტო საშუალებას გააჩნია (გარდა ტრამვაი-ტროლეიბუსისა, რომლებიც ელექტრონზე მუშაობენ). კანონმდებელი ამ სატრანსპორტო საშუალებებში გულისხმობს იმ მანქანებს, რომლებიც საკუთარი წევით მოძრაობენ. ესენია: ექსკავატორი, გრეიდერი, სკრეპერი, საძეკი, კომბაინი, ბალახის სათიბი და სხვა საგზაო, სამშენებლო თუ სასოფლო-სამეურნეო მანქანები. რუსურ უმაღლესი სასამართლოს პლენუმის ცნობილი დადგენილებით სატრანსპორტო საშუალებებში იგულისხმება ის ავტომობილ-სატრანსპორტო საშუალებანი, რომლებიც ექვემდებარებიან სახელმწიფო ავტონსპექტიაში რეგისტრაციას, სამგზავრო და სატვირთო ტრამვაი-ტროლეიბუსები, ყველა სახის ტრაქტორები, აგრეთვე საგზაო, სამშენებლო, მოსავლის ასაღები, სასოფლო სამეურნეო და მათი მსგავსი სპეციალური თვითმავალი მანქანები.<sup>5</sup> „სხვა თვითმავალ მანქანებში“ იგულისხმება ნებისმიერი საგზაო, სამშენებლო, სასოფლო-სამეურნეო და სხვა სპეციალური მანქანები (ექსკავატორი, გრეიდერი, ავტომწე, სკრეპერი, ავტომტვირთავი და სხვ.).<sup>6</sup>

ნასვამ მდგომარეობაში ჩადენილი ავტოსატრანსპორტო დანაშაულისათვის პასუხისმგებლობის ერთ-ერთ ძირითად პირობას მძღოლის ნასვამ მდგომარეობაში ყოფნა წარმოადგენს. სიმთვრალეში კანონი გულისხმობს როგორც ალკოჰოლურ, ისე ნარკოტიკულ სიმთვრალეს.<sup>7</sup> პასუხისმგებლობისათვის მნიშვნელობა არა აქვს იმას, თუ მძღოლს რა რაოდენობისა და სახეობის ალკოჰოლი აქვს მიღებული, ღვინო, არაყი, კონიაკი, ლუდი თუ სხვა. მნიშვნელობა არა აქვს, აგრეთვე, სიმთვრალის ხარისხს, მსუბუქადაა იგი მთვრალი, საშუალოდ თუ სრულად. ნასვამ მდგომარეობაში მყოფად ითვლება ისიც, ვინც ერთი კათხა ლუდი დალია და ისიც, ვინც რამდენიმე ლიტრი ღვინო.<sup>8</sup> სრული სიმთვრალე, რომლის დროსაც ადამიანს არ შეუძლია შეიგნოს საკუთარი მოქმედების შედეგები ან უხელმძღვანელოს ამ მოქმედებას, არ გამოიციხავს პირის პასუხისმგებლობას, თუ ასეთი მდგომარეობა მისი ბრალით არის გამოწვეული.

241-ე მუხლით პასუხისმგებლობისათვის საკმარისი არ არის მარტო იმის დადგენა, რომ პირმა დაარღვია წინდახედულობის ნორმა, ამასთან ერთად საჭიროა განსაზღვრული შედეგის არსებობაც, ერთ-ერთ ასეთ შედეგად კანონი ითვალისწინებს სხეულის დაზიანებას. პასუხისმგებლობა მისთვის დიფერენცირებულია დაზიანების ხარისხის მიხედვით. ავტოავარიით მიყენებული დაზიანების სიმძიმეს ადგენს სასამართლო-სამედიცინო ექსპერტიზა, რომლის დასკვნითაც განისაზღვრება ქმედობის კვალიფიკაცია 241-ე მუხლის შესაბამისი ნაწილით. კანონი გულისხმობს დამნაშავეს მიერ სხვის დაზიანებას. ტრანსპორ-

<sup>5</sup> Сборник Постановлений Пленума Верховного Суда РСФСР, М., 1984, стр. 240.

<sup>6</sup> Сборник Постановлений Пленума Верховного Суда СССР, 1978, ч. 2, стр. 284.

«Сборник Постановлений Пленума Верховного Суда СССР», 1978, ч. 2, стр. 286.

<sup>7</sup> იქვე, გვ. 288.

<sup>8</sup> გაზეთი „კომუნისტი“, 1985 წლის 5 ივლისი.



ტის მოძრაობის წესების დარღვევა, თუ მას შედეგად მოჰყვა მხოლოდ მძღოლის დაზიანება, არ შეიცავს დანაშაულის შემადგენლობას და პირმა არ შეიძლება პასუხი აგოს ამ დანაშაულისათვის.

241-ე მუხლის მესამე ნაწილში მითითებულია მოძრაობის წესების დარღვევით დამდგარ ისეთ შედეგზე, როგორცაა ადამიანის სიკვდილი, ხოლო მეოთხე ნაწილი ითვალისწინებს ქმედობას, რასაც მოჰყვა „რამდენიმე პირის დაღუპვა“. აქ კანონმდებელი გულისხმობს, სულ მცირე, ორი ადამიანის სიკვდილს მაინც.

განსახილველ მუხლში ერთ-ერთ შედეგად გათვალისწინებულია აგრეთვე მნიშვნელოვანი მატერიალური ზარალი. იგი შეიძლება გამოწვეული იყოს: მანქანის დაზიანებით, ტვირთის გაფუჭებით, პირუტყვის გაყვლით და ა. შ. ზარალი ქონებრივი ზიანის ფულადი გამოხატულებაა, რომელიც რაოდენობრივ მხარეს გულისხმობს. 241-ე მუხლით მატერიალური ზარალი გაგებული უნდა იყოს, როგორც პირდაპირი ზარალი, ის რაც რეალურად წახდა, გაფუჭდა და არა როგორც გამოჩენა, რომელიც პატრონს უნდა მიეღო ამ ქონებიდან. ავტოავარიების საქმეთა განხილვის დროს სასამართლოები არ უნდა შემოიფარგლონ ზოგადი მითითებით, რომ დამნაშავეს მიერ გამოწვეულია მნიშვნელოვანი მატერიალური ზარალი, საჭიროა განაჩენში აღინიშნოს ზარალის კონკრეტული ოდენობა და მოტივები, რომელთა მიხედვითაც პირი დამნაშავედ იქნა ცნობილი.<sup>9</sup>

ტრანსპორტის მოძრაობისა და ექსპლუატაციის უსაფრთხოების წესების დარღვევის დადგენისათვის საჭიროა გაირკვეს თუ კანონით გათვალისწინებული რა შედეგი მოჰყვა მას და არსებობს თუ არა მიზეზობრივი კავშირი წინდახედულობის ნორმის დარღვევასა და დამდგარ შედეგს შორის. სხვა შემთხვევაში პირი თავისუფლდება სისხლის სამართლის პასუხისმგებლობისაგან.<sup>10</sup> მიზეზობრივი კავშირის დადგენა ძნელი არ არის მაშინ, როდესაც შედეგი უშუალოდ მოსდევს დარღვევას, მაგრამ ზოგჯერ ეს პროცესი გართულებულია, რადგან მძღოლის გაუმართლებელ მოქმედებას ხელს უწყობს დაზარალებულის წინდაუხედაობა. ასეთ შემთხვევაში მძღოლი პასუხს აგებს საერთო წესით, ხოლო დაზარალებულის მოქმედება მიჩნეული უნდა იყოს როგორც მძღოლის პასუხისმგებლობის შემამსუბუქებელი გარემოება.<sup>11</sup> უფრო მეტიც, შეიძლება დაზარალებულის, ვთქვათ, ფეხით მოსიარულის უხეშმა გაუფრთხილებლობამ, საერთოდ გამორიცხოს იმ მძღოლის პასუხისმგებლობა, რომელმაც მას მანქანა დააჯახა.

როდესაც ავტოავარიას ადამიანის სიკვდილი მოსდევს, პასუხისმგებლობის განსაზღვრისათვის აუცილებელია დადგინდეს დაზარალებულის სიკვდილის მიზეზი. ზოგჯერ დაღუპულის ახლობლები გვამის გაკვეთის წინააღმდეგნი არიან და ისე მოითხოვენ დამნაშავეს დასჯას. საგამოძიებო და სასამართლო ორგანოებიც ექცევიან რა დაზარალებული მხარის ზეგავლენის ქვეშ, გვამის

<sup>9</sup> სსრკ უმაღლესი სასამართლოს პლენუმის დასახელებული № 11 დადგენილება.

<sup>10</sup> Бюллетень Верховного Суда РСФСР, 1974, № 11, стр. 14-15, бюллетень Верховного Суда РСФСР, 1974, № 4, стр. 7.

<sup>11</sup> სსრკ უმაღლესი სასამართლოს სისხლის სამართლის საქმეთა სასამართლო კოლეგიის განჩინება, რ-სა და კ-ს საქმეზე.



სასამართლო-სამედიცინო გამოკვლევის გარეშე აძლევენ პირს პასუხისმგებლობაში. საკითხის ასეთი გადაწყვეტა მართებული არ არის და როგორც წესი, ასეთი განაჩენი უქმდება ზემდგომი სასამართლოს მიერ და საქმე ბრუნდება დამატებითი გამოძიების ჩასატარებლად.

თუ მატერიალური ზარალი გამოწვეულია ორი ან მეტი სატრანსპორტო საშუალების შეჯახებით, მისი ანაზღაურება მოხდება თითოეული მძღოლის მოქმედების ბრალეულობის მიხედვით.

თუ შედეგი გამოწვეულია იმ პირის მიერ, რომელიც სატრანსპორტო საშუალების მართვის დროს უკიდურესი აუცილებლობის გამო გახდა იძულებული დაერღვია მოძრაობის წესები, იგი თავისუფლდება სისხლის სამართლის პასუხისმგებლობისაგან.<sup>12</sup>

ავტოსატრანსპორტო დანაშაულის სუბიექტია ნებისმიერი შერაცხადი პირი, რომელსაც შეუსრულდა 16 წელი. პასუხისმგებლობისათვის მნიშვნელობა არა აქვს იმას, დამრღვევი პროფესიონალი მძღოლია, ავტომოწყვარული თუ საერთოდ მართვის უფლების არმქონე.

მანქანის მართვაში იგულისხმება არა მარტო იმ სატრანსპორტო საშუალების გადაადგილება, რომლის საჭესთანაც პირი ზის, არამედ იმ მანქანისაც, რომელიც ბუქსირზე ჰყავს გამობმული. მძღოლი-ინსტრუქტორი, რომელიც სასწავლო მანქანას მართავს მოსწავლესთან ერთად, პირადად აგებს პასუხს დაშვებული დარღვევებისათვის, რამდენადაც იგი ორმაგი მექანიზმის საშუალებით ხელმძღვანელობს და კონტროლს უწყევს მოსწავლის მოქმედებას.<sup>13</sup>

თუ მოძრაობის უსაფრთხოების წესები შეგნებულად დაარღვიეს ინსტრუქტორმა და მოსწავლემ, ან მთვრალეები მართავენ მანქანას, ავარიის შემთხვევაში ორივენი თანაბრად აგებენ პასუხს.<sup>14</sup>

241-ე მუხლში არაფერია ნათქვამი ქმედობის სუბიექტურ მხარეზე. მიჩნეულია, რომ ეს დანაშაული მიეკუთვნება გაუფრთხილებლობით დელიქტებს. სსრკ უმაღლესი სასამართლოს პლენუმის 1970 წლის 6 ოქტომბრის დადგენილებაში ნათქვამია, რომ ავტოსატრანსპორტო დანაშაული განხილული უნდა იყოს როგორც გაუფრთხილებლობით ჩადენილი, რამდენადაც ქმედობის სუბიექტურ მხარეს განსაზღვრავს სატრანსპორტო საშუალებათა მოძრაობის ან ექსპლუატაციის წესების დარღვევისას პირის გაუფრთხილებელი დამოკიდებულება საზოგადოებრივად საშიში შედეგის დადგომის შესაძლებლობასთან.<sup>15</sup> 241-ე მუხლით გათვალისწინებული დანაშაული შეიძლება ჩადენილი იყოს თვითიმედოვნებით ან დაუღვევრობით. თვითიმედოვნების დროს დამნაშავის თვითდაჯერება შეიძლება ემყარებოდეს ისეთ კონკრეტულ ფაქტორებს, როგორცაა: გამოცდილება, მანქანის გამართულობა, მესამე პირთა მოქმედება, გარემო პირობები და ა. შ. იგი, გადაჭარბებულად აფასებს რა ამ ფაქტორებს, არ ითვალისწინებს მიზეზობრივ კავშირს თავის ქმედობასა და მოსალოდნელ შედეგს შორის და საბოლოოდ მას რეალობად ხდის. ავტოსატრანსპორტო დანაშაულის საქმეთა წინასწარი გამოძიების თუ სასამართლო განხილვის დროს უნდა დადგინდეს დამნაშავის ფსიქიკური დამოკიდებულება განხორციელებულ

<sup>12</sup> «Бюллетень Верховного Суда РСФСР», 1976, № 1, стр. 3.

<sup>13</sup> «Бюллетень Верховного Суда СССР», 1971, № 12, стр. 5—6.

<sup>14</sup> «Бюллетень Верховного Суда РСФСР», 1974, № 8, стр. 8—9.

<sup>15</sup> Сборник Постановлений Пленума Верховного Суда СССР, 1978, ч. 2, стр. 284.



შედგებთან. საბრალდებო დასკვნასა და განაჩენში უნდა ჩანდეს ისიც, თუ გაუფრთხილებლობით ბრალის რა სახითაა ეს დანაშაული ჩადენილი. თვითმედოვნების დროს საჭიროა დასაბუთდეს, რომ დამნაშავეს შეგნებული ჰქონდა მაგნე შედეგის დადგომის შესაძლებლობა, მაგრამ დარწმუნებული იყო, რომ მათ თავიდან აიცილებდა კონკრეტული გარემოებების დახმარებით. აქვე მითითებული უნდა იყოს ამ გარემოებებზე.

დანაშაულებრივი დაუდევრობის დროს აუცილებლად უნდა გამოიკვეთოს ის, თუ რაში გამოიხატება პირის დაუდევრობა. იყო თუ არა იგი ვალდებული წინდახედულება გამოეჩინა მაგნე შედეგის დადგომის გაუთვალისწინებლობის შემთხვევაში და ჰქონდა თუ არა ამის შესაძლებლობა.

მძლოლი პასუხს არ აგებს მანქანის დაჯახებისათვის (იქნება ეს სატრანსპორტო საშუალება თუ ფეხით მოსიარულე), თუ დაზარალებული მოძრაობის წესების მოთხოვნათა საწინააღმდეგოდ, მისგან (მძლოლისაგან) მოულოდნელად შეცვლის მოძრაობის მიმართულებას. ამ შემთხვევაში მძლოს არ შეუძლია გაითვალისწინოს მოვლენათა ასეთი განვითარება და საქმე გვაქვს ბრალის გარეშე მაგნე შედეგის გამოწვევასთან.<sup>16</sup> თუ ავტოავარიით დამდგარი შედეგი გამოწვეულია განზრახ, მაშინ დამნაშავეს ქმედობა სცილდება 241-ე მუხლით გათვალისწინებული დანაშაულის შემადგენლობას და იგი დაკვალიფიცირდება როგორც მოქალაქეთა სიცოცხლისა და ჯანმრთელობის, ანდა სახელმწიფო საზოგადოებრივი ან პირადი ქონების წინააღმდეგ მიმართული განზრახი დანაშაული.<sup>17</sup>

თუ ავტოსატრანსპორტო დანაშაულის ჩამდენი პირი თავს არიდებს დაზარალებულისათვის დახმარების აღმოჩენას, სსრკ უმაღლესი სასამართლოს პლენუმის დადგენილებით, მისი მოქმედება უნდა დაკვალიფიცირდეს დანაშაულთა ერთობლიობით, 241-ე და 129-ე მუხლებით.<sup>18</sup>

ზოგჯერ განსაცდელში მიტოვებულად თვლიან ავტოავარიის შემთხვევის ადგილას მსუბუქად ან ნაკლებად მძიმედ დაზიანებული პირის ან გარდაცვლილის უყურადღებოდ მიტოვებას. სხეულის მსუბუქი ან ნაკლებად მძიმე დაზიანება სიცოცხლისათვის საშიში არ არის და ამიტომ ასეთი პირის მიტოვებისათვის მძლოლმა არ უნდა აგოს პასუხი 129-ე მუხლით. ასევე უნდა გადაწყვიტოს საკითხი გარდაცვლილის ადგილზე მიტოვების დროს. 129-ე მუხლში იმ პირის განსაცდელში მიტოვებაზეა მსჯელობა, რომელიც სიცოცხლისათვის საშიშ მდგომარეობაში იმყოფება. თუ დაზარალებული უკვე მკვდარია, ბუნებრივია, დახმარების აღმოჩენას აზრი აღარ აქვს და მისი შემთხვევის ადგილზე მიტოვება არ შეიძლება ჩაითვალოს განსაცდელში მიტოვებად.

თუ მძლოს ბრალი არ მიუძღვის ტრანსპორტის მოძრაობისა და ექსპლუატაციის უსაფრთხოების წესების დარღვევაში, რასაც შედეგად მოჰყვა დაზარალებულის სიცოცხლისათვის საშიში დაზიანება, იგი ვალდებულია დაეხმაროს მას, წინააღმდეგ შემთხვევაში მძლოლი პასუხს აგებს 129-ე მუხლით.<sup>19</sup>

<sup>16</sup> «Бюллетень Верховного Суда РСФСР», 1980, № 1, стр. 15—16.

<sup>17</sup> იქვე, გვ. 248.

<sup>18</sup> Сборник Постановлений Пленума Верховного Суда СССР, ч. 2, 1978, стр. 286.

<sup>19</sup> იქვე.



თუ ტრანსპორტის მოძრაობისა და ექსპლუატაციის წესების დარღვევით გამოწვეულია რამდენიმე შედეგი, რომლებიც 241-ე მუხლის სხვადასხვა ნაწილით არის გათვალისწინებული, მე-40 მუხლით ამგვარი ქმედობა უნდა დაკვალიფიცირდეს 241-ე მუხლის შესაბამისი ნაწილების ერთობლიობით.<sup>20</sup>

საყურადღებო ცვლილებებია შეტანილი აგრეთვე იმ სასჯელთა სისტემაში, რომლებიც ადრე იყო დაწესებული 241-ე მუხლით გათვალისწინებული დანაშაულისათვის. სახელდობრ, დამატებითი სასჯელის სახით შემოღებულია სატრანსპორტო საშუალების ჩამორთმევა იმ პირთათვის, რომლებმაც ნასვამ მდგომარეობაში ჩაიდინეს ავტოსატრანსპორტო დანაშაული.

სატრანსპორტო საშუალების ჩამორთმევა მდგომარეობს დამნაშავე პირის პირად საკუთრებაში არსებული სატრანსპორტო საშუალების იძულებით ჩამორთმევასა და დადგენილი წესით მის შემდგომ რეალიზაციაში, ყოფილი მე-საკუთრისათვის მიღებული თანხის გადაცემით, რომელსაც გამოაკლდება რეალიზაციის ხარჯები.

სიახლენი, რომელიც 241-ე მუხლმა განიცადა, გამიზნულია ავტოსატრანსპორტო დანაშაულის შესახებ კანონმდებლობის შემდგომი დახვეწისა და სრულყოფისათვის. ცხადია, იგი ხელს შეუწყობს დღეისათვის ამ ყველაზე მეტად გავრცელებული სამართალდარღვევის წინააღმდეგ ბრძოლას, შექმნის ერთიან დასჯით სასამართლო პრაქტიკას და რაც ყველაზე მთავარია გამაფრთხილებელ ზეგავლენას მოახდენს იმ პირებზე, რომლებიც ხშირად ნასვამ მდგომარეობაში მყოფნი მართავენ სატრანსპორტო საშუალებებს.

<sup>20</sup> საქართველოს სსრ უმაღლესი სასამართლოს პლენუმის დადგენილება „რესპუბლიკის სასამართლოების მიერ ავტოსატრანსპორტო დანაშაულთა საქმეებზე სასამართლო პრაქტიკის შედეგად სსრ კავშირის უმაღლესი სასამართლოს პლენუმის 1975 წლის 6 იანვარის № 11 დადგენილების შესრულების თაობაზე“, საქართველოს სსრ უმაღლესი სასამართლოს ბიულეტენი, № 3, 1975, გვ. 13.



## საქმე ღირსების შესახებ

კატრინ ტრუზნიკოვი,

სსრ კავშირის უმაღლესი სასამართლოს წევრი, იურიდიულ მეცნიერებათა  
დოქტორი

მიხეილ ფალოტოვი,

სსრ კავშირის უზენაესი სასამართლოს წევრი, იურიდიულ მეცნიერებათა  
კანდიდატი

წმობი იტყვიან „გაკრიტიკება ადვილია...“ სინამდვილეში კი სულ სხვაგვარადაა საქმე. მრავალ მიზეზთა შორის ეს იმიტომ ხდება, რომ გაზეთის ფურცლებზე ან ეთერში გამოთქმული ყოველი ბრალდება მისხალ-მისხალ უნდა აიწონოს ობიექტურობის, სიზუსტის, დამაჯერებლობის სასწორზე. უმცირესი გადახრა, ფაქტებისაგან თითქოსდა უმნიშვნელო დაცილება მოზღვავებული ემოციის დროს, სხვათა შორის ნასროლი სალანძღავი სიტყვა და აი, რედაქტორის მაგიდაზე უკვე სასამართლო უწყება დევს, რედაქცია მობასუხე ხდება მოქალაქის პატივისა და ღირსების შელახვისათვის. უზენაესი სასამართლოს უმცირესი გააკრიტიკებულთა კოშირია. სინამდვილეს შეუფერებელი დეტალები ჩრდილს აყენებენ მთელ მასალას, გვაეჭვებენ მის ობიექტურობაში. ხდება, რომ ასეთი ეჭვები სამართლიანია, როდესაც კრიტიკის ქვეშ ექცევა უდანაშაულო ადამიანი, როდესაც როგორც იურისტები იტყვიან, სახეზეა შეცდომა ობიექტში.

ჩვენი უზენაესი სასამართლო უნდა ითქვას, რომ სასამართლო პრაქტიკაში მსგავსი საქმეები ძალზე ცოტაა. ისინი მთლიანად სამოქალაქო საქმეების ერთ პროცენტსაც არ შეადგენენ. მაგრამ ასეთი საქმეები მაინც არის. მაშასადამე, არის საბაბიც, რომ ვისაუბროთ მათი გადაწყვეტის დროს წარმოშობილი პრობლემის შესახებ.

**მიხეილ ფალოტოვი:** ამას წინათ „უზენაესი“ მოსწერა უზენაესი „ჩელოვეკი ი. ზაკონის“ განყოფილების რედაქტორმა ვ. კონონენკომ. აი, მისი პოზიცია: „კრიტიკული მასალების ავტორთა მუშაობა დღითიდღე რთულდება. ისინი, ვისაც ჩვენ პუბლიკაციებში ვეხებით, ყოველ დონეს ხმარობენ, რათა გვაძულონ გავჩუმდეთ. უკანასკნელ ხანს უზენაესი სასამართლოს სულ უფრო ხშირად ეძლევიან სასამართლო პასუხისმგებლობაში რსდსრ სამოქალაქო სამართლის კოდექსის მე-7 მუხლით (პატივისა და ღირსების დაცვა). ჩვენ ნამდვილი ომი გამოგვიცხადეს, რომლის მიზანია ჭკუა გავსწავლონ, მოგვტეხონ, სამუდამოდ დაგვიკარგონ პრესაში ვინმეს წყენების სურვილი“.

ჩემი აზრით, წერილის ავტორი, რბილად რომ ვთქვათ, ყველაფერში მართალი არ არის. გართულდა, მაგრამ, პირველ რიგში, იმიტომ, რომ მომთხვენელობა გაიზარდა, კრიტიკის



გამოყენების არე გაფართოვდა. და იქნებ იმიტომაც, რომ ზოგიერთი ჟურნალისტი მიუჩვენებდა კრიტიკას, ვერ აითვისა ეს რთული საქმე, იგი ხომ ფილიგრანულ იურიდიულ სიზუსტეს, პრინციპულობას, სამოქალაქო გაბედულობას მოითხოვს. ჩვენს ცხოვრებაში ბევრი განსაკუთრებული პროფესიაა. ჟურნალისტიკა მათ შორის ერთ-ერთი მათგანია. მაგრამ, ამავე დროს, არსებობს უსაფრთხოების თავისებური ტექნიკაც, რომლის გარეშეც შეიძლება ბევრ ჭირს გადაეყაროს. ვერ დავეთანხმები იმისაც, თითქოს რსდსრ სამოქალაქო სამართლის მე-7 მუხლთან დაკავშირებული სასამართლო პროცესების რაოდენობა მნიშვნელოვნად გაიზარდა, 1980-86 წლების მონაცემები ამას არ ადასტურებს.

**პატარა ტრუზნიკოვი:** ნამდვილად, ბოლო წლებში ასეთი საქმეების რაოდენობა ქვეყნის სასამართლოებში დაახლოებით ერთ დონეზეა. მე-7 მუხლის გამოყენებასთან დაკავშირებული სასამართლო წესით გადასაწყვეტი კონფლიქტები ძალზე იშვიათია. რაც შეეხება თქვენს მიერ ციტირებულ წერილს, ასეთი არგუმენტები ახალი არ არის. ჯერ კიდევ სამოციანი წლების დასაწყისში, როდესაც სსრ კავშირისა და მოკავშირე რესპუბლიკების სამოქალაქო კანონმდებლობის საფუძვლების მე-7 მუხლი და სამოქალაქო სამართლის კოდექსების შესაბამისი მუხლები ძალაში შევიდა, გაისმა გაღიზიანებული ხმები. აცხადებდნენ, რომ აღნიშნული სამართლებრივი ნორმა აქვთებს შარისთავეს, რომ მოდევნები ფელტონისტებს „ბარიერთან“ იხმობენ, რედაქციებში კი „განკითხვის დღეები“ დადგა.

იმ დროიდან მეოთხედი საუკუნე გავიდა, მაგრამ დადგენილება წესებმა სრულიადაც ვერ შეარყია მასობრივი ინფორმაციის საშუალებათა პრესტიჟი. პირიქით, მათ კიდევ უფრო გაზარდეს ნდობა გამოქვეყნებული ცნობებისადმი, რამდენადაც ხელმისაწვდომი გახდა სასამართლო მასალების შემოწმება. ამავე დროს, ხელ-ფეხი კი არ გაუნსნათ შარისთავეს, არამედ, პირიქით, შეძლებისდაგვარად შეიბოჭნენ ისინი. სსრ კავშირის უმაღლესი სასამართლოს 1971 წლის 17 დეკემბრის პლენუმის დადგენილებაში, სამოქალაქო კანონმდებლობის საფუძვლების მე-7 მუხლის სასამართლო პრაქტიკაში გამოყენების შესახებ, ხაზგასმულია, რომ ეს ნორმა საბჭოთა მოქალაქეებისა და ორგანიზაციების პატივისა და ღირსების დაცვის განსაკუთრებული საშუალებაა, აქვს დიდი აღმზრდელი მნიშვნელობა და ავტოცილებს რა მოქალაქეთა დამცირების ფაქტებს, ხელს შეუწყობს საზოგადოებრივ ცხოვრებაში კომუნისტური საწყისების განმტკიცებას.

**მიხეილ ფადოტოვი:** ასეთი სასამართლო საქმეების სიმცირე, როგორც ჩანს, მე-7 მუხლის გამაფრთხილებელი მოქმედების შედეგია. ახსოვთ სახელის გამტეხ გავრცელებულ ცნობებზე სასამართლო დავის შესაძლებლობა და კრიტიკული პუბლიკაციების მომზადებისას ჟურნალისტები, როგორც წესი, ყურადღებით ამოწმებენ და გადაამოწმებენ ხოლმე ფაქტებს. სხვა ახსნაც არსებობს. აღმოჩნდება რა მძიმე მდგომარეობაში თავის ავტორთა ბრალით, ბევრი რედაქცია ცდილობს საქმე სასამართლომდე არ მიიყვანოს და თავის შეცდომაში დარწმუნებული დაუყოვნებლივ ათავსებს უარყოფას, ასეთი შემთხვევებისათვის დამახასიათებელი ბოდიშის მოხდით.

სხვებს კი, როგორც ეშმაკს საქმეველის, ისე ეშინიათ უარყოფის, და მაშინაც, თუ აშკარად მოემწყვდებიან ჩიხში, ყოველ ღონეს ხმარობენ თავისი უცოდველობის დასამტკიცებლად. მათთვის უარყოფა — კატასტროფაა, რედაქციის რეპუტაციისათვის მოუცილებელი ღაქა და არა დაუმსახურებლად სახელგატეხილი კაცის პატიოსანი სახელის აღდგენის ჩვეულებრივი, ორდინალური ხერხი.

**პატარა ტრუზნიკოვი:** გაგახსენებთ ვ. ი. ლენინის სიტყვებს: შეცდომა, ყველას შეიძლება მოუვიდეს, — წერდა იგი, — და ამაში საგანგაშო არაფერია. მაგრამ თუ რედაქცია თავის შეცდომას იცავს, ამით, მართალია, საშუალოდ არა, მაგრამ დიდი ხნით მაინც „იტოვებს ხიპსს“, იბღალავს სახელსა და მდგომარეობას. ხოლო თუ რედაქცია სასამართლო გადაწყვეტილების მიღებამდე აქვეყნებს უარყოფას, იგი მხარდაჭერას იმსახურებს, რადგან, პირველ რიგში, თვით მოდავე მხარეებისა და მოწმეების დრო იზოგება, მეორე, მცირდება ვადა მასალების გამოქვეყნებიდან უარყოფამდე და რაც მთავარია, საჭირო აღარ არის სასამართლო ხარჯების ანაზღაურება. თუმცა, ასეთი დავების არასასამართლო გზით გადაწყვეტას მოქმედი კანონმდებლობა არ ითვალისწინებს, აქ ყველაფერი მხარეთა კეთილ ნებაზეა დამოკიდებული.

**მიხეილ ფადოტოვი:** ასეთი წესი უკვე დაკანონებულია ზოგიერთ მოძმე ქვეყანაში. მაგალითად, რუმინეთისა და პოლონეთის კანონებით დადგენილია, რომ სახელგატეხილ მოქალაქეს უფლება აქვს მასალების გამოქვეყნებიდან ერთი თვის ვადაში მიმართოს რედაქციას





არაზუსტი ცნობების უარყოფისათვის და მხოლოდ რედაქციის უარის შემდეგ შეუძლია ერთ-თვის ვადაში შეიტანოს სარჩელი სასამართლოში. ყურადღება მიაქციეთ: კონფლიქტის გადაჭრის ვადები ძალზე მცირეა. ეს კი თავისუფლებს ყურნალისტებს წლობით, ზოგჯერ ათეულ წლობით შეინახონ „ყოველი შემთხვევისათვის“ საჭირო მასალები.

**პეტრე ტრუბნიკოვი:** მე მივხვდი თქვენს ნართაულს, ღიახ, ჩვენი სამოქალაქო კანონმდებლობებით დადგენილი არ არის სასარჩელო ვადები პატივისა და ღირსების დაცვის საქმეებზე. თვით სახელგატეხილ მოქალაქეს ან სხვა დაინტერესებულ პირს შეუძლია ნებისმიერ დროს წარადგინოს სარჩელი უარყოფის მთხოვნით. ცნობილია ისეთი შემთხვევები, როცა არასწორი ცნობების გამოქვეყნებასა და მათი უარყოფის დავას შორის ათეული წლები გასულა, მაგრამ ამაში არაკეთილსინდისიერი ხალხის დასაძრომი არ უნდა დავინახოთ, რომლებიც ელოდებიან, თუ როდის გადავიწყდება ავტორის ინფორმაციის წყარო, ხოლო დოკუმენტები სამუდამოდ დაიკარგება. ხომ შესაძლებელია ისეთი სიტუაცია როდესაც პირვინებისათვის დიდხანს არ იყო ცნობილი მისი სახალხო შერცხვენის შესახებ, ან თუნდაც ავადმყოფობის გამო ვერ შესძლო თავისი უფლების დაცვა.

იმასაც მიაქციეთ ყურადღება, რომ თქვენს მიერ მითითებული წესები სამოქალაქო სასამართლის კოდექსებით კი არა, პრესის კანონებითაა დადგენილი. ამჟამად, ჩვენს ქვეყანაშიც მუშავდება ბეჭდვითი სიტყვისა და ინფორმაციის შესახებ კანონის პროექტი. ვფიქრობ, მასში უნდა შევტანოთ არასწორი ცნობების უარყოფის დავების არასასამართლო გზით გადაწყვეტის ნორმები. ამ დავების გადაწყვეტის არასასამართლო წესისათვის საკმაოდ შემჭიდროებული ვადები უნდა დადგინდეს და თუ კონფლიქტის მოგვარება მშვიდობიანი გზით არ მოხერხდება, მოქალაქეს შეეძლება სასამართლოს მიმართოს. მაშინ ის უკვე აღარ იქნება შეზღუდული სასარჩელო ხანდაზმულობით.

**მიხეილ ფედოტოვი:** მოდით ასეთი საკითხიც განვიხილოთ. კანონი ავალდებულებს მოპასუხეზე, ჩვენ შემთხვევაში ავტორსა და რედაქციას, სასამართლოში დამტკიცოს გაცემულ ცნობების სიმართლე. მაგრამ, განა ყველაფრის დამტკიცება საჭირო? თავს ნებას მივცემ შევხატოთ კ. მარქსის სიტყვები სიმბოლური სათაურის მქონე სტატიიდან „მოზულელი კორესპონდენტის გამართლება“. თუ უნდა დამტკიცდეს, რომ კორესპონდენტი მართალს ამბობს, წერდა იგი, განა საფიქრალია, რომ ყოველი სიტყვის დამტკიცება საჭირო. სხვაგვარად მცდარად ჩაითვლებოდა ყოველგვარი რეზიუმე და სიერთოდ შეუძლებელი იქნებოდა ვისმე გამოსვლის აზრის გადმოცემა, თუ მას სიტყვა-სიტყვით არ გაიმეორებდი.

და მეორეც, მოპასუხეებმა როგორ, რით დამტკიცონ თავიანთი სიმართლე? სასამართლო რას მიიღებს მხედველობაში და რას არა? აი კიდევ ერთი ფრაგმენტი ვ. კონონენკოს წერილიდან: „საიდუმლო არაა, რომ ჩვენ ხშირად არ გვაძლევენ სტატიის დასაწერად საჭირო დოკუმენტებსა და მასალებს. არ გვაძლევენ სწორედ ისინი, რომლებიც შემდეგ სასარჩელო განცხადებით სასამართლოში მიდიან და იქ ითხოვენ იმის ჩვენებას, თუ რის საფუძველზე დაიწერა ესა თუ ის ფრაზა, მოყვანილ იქნა ესა თუ ის ფაქტი. ბევრი მოქალაქე უარს აცხადებს ზეპირი ცნობების მოცემაზე, ამბობენ: „თქვენ ჩვენ თვალთაც კი არ გვიანახებართო“, ყურნალისტის ბლოკნოტსა და მაგნიტოფონის ლენტზე ჩანაწერებს ზოგიერთი მოსამართლე კი ყურადღებას არ აქცევს. ასეთ შემთხვევაში პრესის მუშაკმა როგორ დამტკიცოს თავისი სიმართლე, დიცივას თავისი პატივი და ღირსება?!

**პეტრე ტრუბნიკოვი:** დავიწყებ პირველი შეკითხვით. სინამდვილესთან შესაბამისობა ორნაირად უნდა გავიგოთ. პირველი, როგორც ქვეყნის, მოქმედების, მოვლენის შესახებ ცნობის შესაბამისობა სინამდვილეში მომხდარ ფაქტთან, ე. ი. ფაქტების შესახებ ცნობის სისწორე. მეორე, როგორც ფაქტების მორალური შეფასების სრული შესატყვისობა. ასეთი გაგება გამომუშავებული სამართლის მეცნიერების მიერ და სასამართლო პრაქტიკა მას მხარს უჭერს. სხვა სიტყვებით რომ ვთქვათ, მე-7 მუხლი ისე კი არ უნდა გავიგოთ, თითქოს მოქალაქეებს უფლება ეძლევათ სასამართლო დავის საგანი გაზადონ ამა თუ იმ მასალაში ავტორისეული გადახვევა, მონახაზი, შედარება, ზოგიერთი შტრიხი, სრულიად აშკარაა, რომ ამას გვერდს ვერ აუვლის ვერცერთი სტატია, როგორც ავტორის მოქმედების და ფაქტებთან მისი დამოკიდებულების შედგეა. მაგრამ ფაქტები ზუსტი უნდა იყოს, ხოლო შეფასება — სწორი.

რაც შეეხება გამოთქმის სიმძაფრეს, ის დასაშვებ ფარგლებში უნდა მოექცეს, რომლის ზღვით შეურაცხყოფისათვის სისხლის სამართლის პასუხისმგებლობა დგება. გარდა ამისა, როგორც გამოჩენილმა რუსმა იურისტმა ა. ფ. კონიმ ბრძნულად აღნიშნა, ლანძღვა-გინების უქონლობით სიმართლე არაფერს აგებს, ხოლო ბეჭდვითი სიტყვის ღირსება კი იგებს, რამე-





თუ უხეში გამოთქმები მთქმელის გაღიზიანებაზე უფრო მიგვანიშნებს, ვიდრე გასაღამოს თვისებებზე.

ახლა მტკიცებულებათა შესახებ. კანონის აზრით მტკიცებულება წმინდითი ფაქტობრივი მონაცემი, რომელსაც სასამართლო დაადგენს შემდეგი საშუალებით: მხარეთა და მესამე პირთა ახსნა-განმარტებებით, მოწმეთა ჩვენებებით, წერილობითი და ნივთიერი მტკიცებულებებით, ექსპერტთა დასკვნებით. ამასთან, სასამართლოსათვის არცერთ მტკიცებულებას არ აქვს წინასწარ დადგენილი ძალა. გამონაკლისი, ისიც განსაზღვრულ ფარგლებში, მხოლოდ ძალაში შესული სასამართლოს განაჩენისთვის შეიძლება გაკეთდეს. ამიტომ ინფორმაციის ყველაზე საიმედო წყარო ყურანლისტებისათვის სასამართლო განაჩენია, ეს მით უფრო მნიშვნელოვანია, რომ პატივისა და ღირსების შესახებ მრავალი დავა შეეხება იმ პუბლიკაციებს, რომლებიც დაწერილია სისხლის სამართლის საქმეთა მასალების მიხედვით.

ბუნებრივია, ყურანლისტს შეუძლია სხვა მასალებიც გამოიყენოს: სამსახურებრივი დახასიათებები, კრებების ოქმები, ოფიციალური ცნობები და სხვა. არავინ კრძალავს თანამდებობის პირთა ან ცალკეულ მოქალაქეთა აზრების დამოწმებას. სასამართლოსათვის უფრო მნიშვნელოვანი ის კი არ არის, საიდანაა ამოღებული ესა თუ ის ცნობა, არამედ სინამდვილესთან მათი შესაბამისობისა თუ შეუსაბამობის ფაქტი.

მაგალითად, თუ არახუსტი ცნობები გაზეთის ფურცლებზე სამსახურებრივი დახასიათებლად მოხვდა, მაშინ რედაქციასა და ავტორთან ერთად საქმეზე თანამოპასუხეები იქნებიან დახასიათებაზე ხელისმომწერი პირები და ორგანიზაცია, რომლის სახელითაც იგი გაიცა. სასამართლოს გადაწყვეტილებით, ასეთი დახასიათება უნდა შეიცვალოს. ხოლო პრესის მიერ გავრცელებული ცნობები უარყოფილ იქნეს. რა თქმა უნდა, ასეთ შემთხვევებში რედაქცია და ავტორი ბრალის გარეშე დამნაშავეებად გვევლინებიან, მაგრამ მათ ხომ არც სჯიან. საქმე ეხება მხოლოდ სინამდვილესათვის შეუფერებელი, სახელის გამტეხი ცნობების უარყოფას.

ახლა კი ისეთი მტკიცებულებების შესახებ, რომელთა დამოუკიდებლად მოპოვება ყურანლისტს არ შეუძლია. მას უფლება აქვს დასახმარებლად მიმართოს საქმის განმხილველ სასამართლოს. ამას გარდა, სასამართლო მოვალეა თავისი ინიციატივით გამოითხოვოს ის აუცილებელი მტკიცებულებანი, რომელთა წარმოდგენა არ შეუძლიათ საქმეში მონაწილე პირებს.

**მიხეილ ფადოტოვი:** მოდიოთ დავაუხსნათ. თვით ძალაში შესული გამამტყუნებელი სასამართლო განაჩენის საფუძველზე გამოქვეყნებული კრიტიკული მასალაც კი არ იძლევა იმის გარანტიას, რომ შემდგომში რედაქციას არ მოუწევს უარყოფის მოთხოვნა.

1981 წლის 18 მაისს სსრ კავშირის უმაღლესი საბჭოს პრეზიდიუმმა გამოსცა ბრძანებულება: „იმ ზარალის ანაზღაურების შესახებ, რომელიც მოქალაქეებს უკანონო მოქმედებით მიაცენეს სახელმწიფო და საზოგადოებრივმა ორგანიზაციებმა, აგრეთვე თანამდებობის პირებმა სამსახურებრივი მოვალეობის შესრულებისას“. მის საფუძველზე მიღებული დებულებებითა და ინსტრუქციებით გამამართლებელი განაჩენის დადგენის ან დანაშაულის ან მისი შემადგენლობის არარსებობის გამო სისხლის სამართლის საქმის შეწყვეტის, მის ჩადენაში პირის მონაწილეობის დაუმტკიცებლობის შემთხვევებში გათვალისწინებულია მორალური ზიანის ანაზღაურების შესაძლებლობა. თუ ასეთი მოქალაქის გასამართლების მორალური ზიანის ანაზღაურების შესახებ სასამართლო საქმის არსებობა შეუძლებელია, მაშინ რედაქცია მოვალეა მისი მოთხოვნის საფუძველზე ერთი თვის ვადაში გამოაქვეყნოს შესაბამისი ინფორმაცია. რედაქციის უარის შემთხვევაში, მოქალაქეს უფლება აქვს გამოიყენოს მე-7 მუხლი და მიმართოს სასამართლოს.

კიდევ ერთხელ დავებრუნდები ვ. კონონენკოს წერილს. ავტორი განცვიფრებულია: როგორ შეიძლება მოქალაქემ სასამართლოს გზით მითხოვოს უარყოფა, თუ პუბლიკაციაში მისი გვარი მხოლოდ ერთი ასოთია აღნიშნული, მაგალითად, „ხარატი ნ“?

**პეტრე ტრუზნიკოვი:** რა არის აქ გასაკვირი? თუ პუბლიკაციაში მითითებულია, მაგალითად, ქალაქი, საწარმო, მომხდარი ფაქტი, ასეთ შემთხვევაში ამ შრომითი კოლექტივის წევრთათვის დიდ სირთულეს არ წარმოადგენს იმის დადგენა, თუ ვინ არის ეს საიდუმლოებით მოკლული „ხარატი ნ.“ სხვა შემთხვევაა, როცა სტატიაში ასეთი კონკრეტული დეტალები მოყვანილი არ არის, ასეთ დროს სასამართლო საქმის არსებობა შეუძლებელია.

**მიხეილ ფადოტოვი:** ხომ არ გგონიათ, რომ საკითხის ამგვარი განმარტებით ჩვენ უნებურად უმისამართო კრიტიკისაკენ მოვეწუოდებთ?

**პეტრე ტრუზნიკოვი:** ასე საკითხი არ დგას. ჩემი აზრით, გვარს მაშინ არ შეიფარვენ,



თუ მის ავტორისათვის პრინციპული მნიშვნელობა არა აქვს, როდესაც მთავარია მითითება პრობლემაზე (განსაკუთრებით პირადი ცხოვრების მაგალითებზე, რომელიც სსრ კავშირის კონსტიტუციის თანახმად ხელშეუხებელია) და არა კონკრეტულ მოქმედ პირზე.

**მიხეილ ფელოტოვი:** პეტრე იაკობის ძვე, ის ეპიზოდი თუ გახსოვთ „თორმეტი სკამიდან“, როდესაც ოსტაბი გამოცხადდება გაზეთ „სტანოკის“ რედაქციაში და უარყოფას მოითხოვს? „ამხანაგო რედაქტორო, აქ ჩემს შესახებ სრული ცილისწამებაა მოთავსებული, — თქვა გენიალურმა კომბინატორმა და ინფორმაციაში „ცხენს ჩაუვარდა“ შემდეგ ფრაზებზე მითითა, — „დაზარალებული მსუბუქად შეშინდა“. თავისი მოთხოვნა ბენდერმა, ასე დაასაბუთა: „განა მე ვილაყ მეეტლის შემეშინდებოდა! მთელი მსოფლიოს წინაშე შემარცხვინეთ— უარყოფას მოგიხოვრებ“. ამაზე რედაქტორმა უბასუხა: „იი რა, მოქალაქე, თქვენ არავის შეურცხვინებართ, და ასეთ უბრალო რამეზე ჩვენ უარყოფას არ ვიძლევი“. მოდით გავაანალიზოთ, სამართლიანია თუ არა ოსტაბის მოთხოვნა ახლანდელი კანონმდებლობის თვალსაზრისით.

**პეტრე ტრუზნიკოვი:** კანონის თანახმად სასამართლო უფლებამოსილია განიხილოს გავრცელებული სახელისგამტეხი ცნობების უარყოფის მოთხოვნა. სსრ კავშირის უმაღლესი სასამართლოს პლენუმის ზემოთ უკვე მითითებულ დღგენილებაში განმარტებულია, რომ სახელის გამტეხია ისეთი ცნობა, რომელიც საზოგადოების ან ცალკეულ მოქალაქეთა თვალში ამცირებს მოქალაქის ან ორგანიზაციის პატივსა და ღირსებას კანონის მოთხოვნათა, ერთად ცხოვრების სოციალისტური წესებისა და კომუნისტური მორალის პრინციპების დაცვის თვალსაზრისით. სხვა სიტყვებით, თუ ავტორი პუბლიკაციაში დაუსაბუთებლად ამტკიცებს, რომ ესა თუ ის პიროვნება არ იცავს სამართლისა და მორალის ნორმებს, მაშინ იგი ამცირებს მის პატივსა და ღირსებას.

მაგალითად, სახელის გამტეხი იქნება ცნობა მოქალაქის მიერ შრომითი და პროფესიული მოვალეობის შეუსრულებლობის შესახებ, უპატიოსნო მოქმედებაზე, რაიმე შემზღალავ საქმეში მონაწილეობაზე და ა. შ. ხაზს ვუსვამ, რომ არ შეიძლება პატივისა და ღირსების შემლახვ ცნობებს მივაკუთვნოთ მუშაობაში, საზოგადოებრივი თავშეყრის ადგილას, ყოფაცხოვრებაში ქცევის ნაკლავანებების სამართლიანი კრიტიკა.

ვფიქრობ, ახლა უკვე გასაგებია, რომ ცნობას ოსტაბ ბენდერის „მსუბუქად შეშინებაზე“ დღეს სასამართლო სახელისგამტეხად არ მიიჩნევა.

**მიხეილ ფელოტოვი:** ერთ-ერთი სასამართლო საქმის განხილვის დროს მოსარჩელე ორ ფრაზას ასაჩივრებდა. ერთ მათგანში ნათქვამი იყო, რომ ის არაერთხელ იყო განთავისუფლებული გაცდენების და ლოთობისათვის, ხოლო მეორეში, — რომ თითქოს მას მიესაჯა თავისუფლების აღკვეთა 10 წლის ვადით. იგი მოითხოვდა რედაქციასა და ავტორს დაუმტკიცებინათ, რომ არაერთხელ იყო განთავისუფლებული გაცდენებისათვის, არაერთხელ — ლოთობისათვის და მიესაჯა 10 წლის ვადით თავისუფლების აღკვეთა. სასამართლო განხილვისას გამოჩნდა, რომ სტატიის ორიგინალში პირველი სადაო ფრაზა სხვაგვარად ყლერდა: „ის არაერთხელ იქნა განთავისუფლებული სამუშაოდან, აცდენდა, ლოთობდა“. ამგვარი ფორმით თქმა სრულად შეეფერებოდა სიმართლეს, რედაქტირებისას კი „მცირედ“ შეიცვალა მასალა და მოპასუხეებს აღარ აღმოჩნდათ მტკიცებები, რომელსაც მოსარჩელე მოითხოვდა.

**პეტრე ტრუზნიკოვი:** რა თქმა უნდა, ეს ფრაზა, როგორც სახელისგამტეხი და სინამდვილესთან შეუფერებელი, რედაქციის მიერ უარყოფილი უნდა ყოფილიყო. სხვა საქმეა, რომ მას შეეძლო უარყოფისათვის კომენტარი დაერთო და მასში მიეთითებინა ტექსტის პირველადი, სწორი ვარიანტი, თუ რაში მდგომარეობდა საკითხი თავისუფლების აღკვეთის შესახებ?

**მიხეილ ფელოტოვი:** სადაო საკითხი ვადას შეეხებოდა. სინამდვილეში მოსარჩელეს 6 წლით მიესაჯა თავისუფლების აღკვეთა, და არა ათით, როგორც ეს გაზეთში იყო მითითებული. შეიძლება თუ არა ეს არასწორი ცნობა სახელისგამტეხად ჩაითვალოს?

**პეტრე ტრუზნიკოვი:** ვფიქრობ, აქ საუბარი შეიძლება იყოს მხოლოდ შესწორებაზე და არა უარყოფაზე. შესწორების გამოქვეყნების მოთხოვნის განხილვა კი სასამართლოს არ ექვემდებარება.

**მიხეილ ფელოტოვი:** თუმცა, არასახელისგამტეხი, მაგრამ არასწორი ცნობების პუბლიკაციაში გაპარვის ფაქტები, სამწუხაროდ, იშვიათი როდია. ხან გვარს, თანამდებობას, საპატიო წოდებას ამახინჯებენ, ხანაც სულ სხვა პირის ფოტოსურათს აქვეყნებენ, ვიდრე ტექსტშია მითითებული. როგორღაც ერთი ცნობილი კრიტიკოსის სტატიაში პოპულარული კინომანხობის შემოქმედების შესახებ წავიკითხე, რომ მას თავისუფალ დროს სპინინგოთ გართობდა.



საქმე ღირსების შესახებ

ბა ჰყვარებია, სინამდვილეში კი თევზაობისადმი იგი აბსოლუტურად გულგრილია. ასეთი უზუსტობა გულსატკეპია, მიუხედავად იმისა, რომ არ შეიძლება იგი პატივისა და ღირსების შემლახვად ჩაითვალოს. სასამართლოს გზით შესწორების გამოქვეყნების მიღწევა შეუძლებელია, რედაქციები კი ყოველთვის როდი იზიარებენ ამ შეხედულებას. ალბათ საჭიროა ბეჭდვითი სიტყვისა და ინფორმაციის შესახებ კანონის პროექტში შესწორებების გამოქვეყნების წესიც იყოს გათვალისწინებული.

თუმცა, დავუბრუნდეთ უარყოფას. თუ საქმის მასალების შესწავლის საფუძველზე სასამართლომ მოპასუხეების სიმართლე დაადგინა, ე. ი. სარჩელი დაუკმაყოფილებელი დატოვა, რედაქციას, ავტორთან ერთად, შეუძლია თავისუფლად ამოისუნთქოს (ბუნებრივია, თუ ზემდგომი სასამართლო ინსტანცია არ გააუქმებს ამ გადაწყვეტილებას). უმრავლეს შემთხვევაში ასეც ხდება. მაგრამ ზოგჯერ, როდესაც გავრცელებულ ცნობებს სასამართლო სახელისგამატებლად და სინამდვილესთან შეუფერებლად მიიჩნევენ, იგი ავალდებულებს რედაქციას (ან როგორც ერთ-ერთ გადაწყვეტილებაში წავიკითხე, შესთავაზებს) გამოაქვეყნოს უარყოფა.

**პეტრე ტრუზანიკიძე:** დიახ, თუმცა სარჩელის დაკმაყოფილების შესახებ საკითხის დადებითად გადაწყვეტის შემთხვევაში სასამართლო მხოლოდ უარყოფის აუცილებლობის შესახებ მითითებით არ უნდა დაკმაყოფილდეს. ამასთან ერთად, უნდა მიუთითოს სახელისგამატეხი ცნობების გასწორების საშუალება და ვადა. თუ ისინი პრესის საშუალებით გავრცელდა, მაშინ უარყოფაც პრესაში უნდა გამოქვეყნდეს. რაც შეეხება ტელევიზიასა და რადიოს, სასამართლო ყოველ კონკრეტულ შემთხვევაში საქმის გარემოებებიდან გამომდინარე დაადგენს უარყოფის საშუალებას. ერთდროულად, სასამართლო უფლებამოსილია დააქისროს მოპასუხეებს მოსარჩელის სასამართლო ხარჯების ანაზღაურება, და პირიქით, მიიჩნეოს რა მოსარჩელის მოთხოვნას დაუსაბუთებლად, სასამართლოს შეუძლია მას დააქისროს მოპასუხის ანალოგიური ხარჯების ანაზღაურება.

**მიხეილ ფაღოტოვი:** ზოგიერთ მოძვე ქვეყანაში პრესის შესახებ მოქმედი კანონებით დადგენილია, რომ უარყოფა იმავე განყოფილებაში უნდა გამოქვეყნდეს და იგივე შრიფტით აეწყოს, როგორც პირველადი მასალა, ამასთან სათაურიც საქმოდ მსხვილი შრიფტით უნდა დაიბეჭდოს. ჩემი აზრით, ეს წესი ჩვენთანაც უნდა შემოვიღოთ. ხდება, რომ უარყოფის ტექსტს რედაქცია წერილების მიმოხილვაში მალავს. დარწმუნებული ვარ, ჩვენს ქურნალისტებს არ სჭირდებათ გადმოიღონ ბურჟუაზიული პრესის ხერხები და სენსაციური ჭორები პირველ გვერდებზე გამოაქვეყნონ, ხოლო საკუთარი მონაჩმახის უარყოფელი — უქანასკნელზე, ისიც უმცირესი შრიფტით. შეუძლია თუ არა სასამართლოს მიუთითოს რედაქციას, თუ როგორი ფორმით უნდა იქნეს უარყოფილი გავრცელებული შემარცხვენი ცნობები?

**პეტრე ტრუზანიკიძე:** ვფიქრობ, საჭირო არ არის სასამართლო ჩაეროს წმინდა სარედაქციო საკითხებში შრიფტის, ადგილის შესახებ და სხვ. მისთვის მთავარი სხვაა: თუ მიღებულია გადაწყვეტილება, რომელიც ავალდებულებს რედაქციას გამოაქვეყნოს უარყოფა, იგი უნდა შესრულდეს. გადაწყვეტილების შეუსრულებლობის შემთხვევაში დამნაშავე პირს სახელმწიფოს სასარგებლოდ გადახდება ჯარიმა, მაგრამ ეს მათ არ ათავისუფლებს უარყოფის გამოქვეყნების მოვალეობისაგან. ჯარიმის ოდენობა მოკავშირე რესპუბლიკების კანონმდებლობითაა დადგენილი. მაგალითად, რსდს რესპუბლიკაში ის 200 მანეთამდე გადახდება. გადაწყვეტილების განმეორებით შეუსრულებლობისათვის ჯარიმა შეიძლება 1000 მანეთამდე დაეკისროთ.

ქურნალი „ქურნალისში“





# კანონმდებლობის პარალოქსები

...ავტომანქანათა შეჩახებისას საინჟინერო სამსახურში არ მომხდარა. მთავარი კი ის იყო, რომ აღმართები არ დაშვებულან. არც იმაზე გამართულა კამათი, თუ ვისი მიზნით მოხდა ავარია. „უიგულის“ მძღოლმა აღიარა, რომ მოძრაობისას არ დაიცვა უსაფრთხოების დისტანცია და წინმისავალი საბარგო მანქანის დამუხრუჭების შემდეგ „შეუძვრა“ შას ძარის ქვეშ. უზარმაზარ „კამაზს“ ერთი განაკაწრიც არ ჰქონდა, ხოლო „უიგულს“ კი სერიოზული რემონტი დასჭირდებოდა.

თითქოს ჩვეულებრივი ამბავია. შედგებოდა ოქმი, დამრღვევს დააჯარიმებდნენ, მძღოლები კი თავთავიანთ გზას გაუყვებოდნენ — ერთი შორ გზას, მეორე კი — ტექმომსახურების სადგურისაკენ. ემ, ასე რომ ყოფილიყო სახელმწიფო ავტოინსპექციაში განხილვის შემდეგ, ავარიის დოკუმენტები... გადაუგზავნეს გამომძიებელს, რომელმაც სისხლის სამართლის საქმე აღძრა. მილიციის კირკიტა თანამშრომელმა ორი თვის მანძილზე მრავალგზის გამოიძახა შემთხვევის მონაწილენი, მოწმეები, დაჰკითხა ისინი, ჩვენებები შეამოწმა შეჩახების ადგილზე, დანიშნა ავტოტექნიკური ექსპერტოზა. და დადასტურდა ის, რაც ყველასათვის ადრე იყო ნათელი — დამნაშავეა „უიგულის“ სატესთან მძღოლი.

რა საჭირო იყო ისედაც ცხადი ამბის დამტკიცება? იმიტომ, რომ „უიგული“ მძღოლს კი არა, მის ცოლს ეკუთვნოდა. ამიტომაც, მიაყენა რა მანქანის პატრონს ათასშუთასი მანეთის ზარალი, დამრღვევი, რომელიც მართავდა მოძრაობას, გახლდა... დამნაშავე. დიან, დიან ზუსტად ასე განმარტავს შემთხვევას რსფსრ სისხლის სამართლის კოდექსის 211-ე მუხლის პირველი ნაწილი. ხოლო „მეუღლეთა ერთობლივი საერთო საქუთრების“ საბუთი, როგორც ჩანს, უსუსური აღმოჩნდა. კანონი მკაცრია, მაგრამ კანონია.

რით დასრულდა ეს „დეტექტური“ ისტორია? არაფრით, გარდა მის მონაწილეთა ნერვების აშლით. საქმე საბრალდებო დასკვნითურთ მივიდა პროკურორთან, რომელმაც გამოიყენა საამისო უფლებები და შეწყვიტა იგი, რადგან „დამნაშავე ქმრის“ სისხლის სამართლის პასუხისგებაში მიცემა მიზანშეუწონლად მიიჩნია.

ზოგ-ზოგებს ყოველივე ეს კაშუსი ეგონებათ. მაგრამ, ნამდვილი ვითარება ცხადყოფს, რომ

ავტომშენებლების საქმეთა ყოველი მესამე შეწყვეტას სხვადასხვა საფუძველი უდევს, დანარჩენ ორ მესამედზე, სასამართლო განხილვის შემდეგ, გამოაქვთ ისეთი განაჩენი, რომელიც თავისუფლების აღკვეთას არ ითვალისწინებს. ახლა კი ეს მონაცემები შევეუდაროთ კიდევ ერთს — მილიციის მიერ გამოძიებულ სისხლის სამართლის საქმეთა მეშვიდედი ნაწილი ენება ავტოტრანსპორტის ექსპლოატაციის წესების დარღვევას!

— მაშ, რაღაშეა საქმე? — იკითხავთ თქვენ.

გიასუხებთ — პარალოქსებში იმ სისხლისამართლებრივი კანონმდებლობისა, რომელიც მიიღეს თითქმის ოცდაათი წლის წინათ.

რატომ არის, რომ ვთქვათ, ნებისმიერ სიტუაციაში გაუფრთხილებლობით მიყენებული სხეულის მსუბუქი დაზიანება, რაც ტრანსპორტთან არ არის დაკავშირებული, არ ითვალისწინებს სისხლისსამართლებრივ პასუხისმგებლობას, ხოლო ავტომშენებლებთან დაკავშირებული სრულიად უშიშვნელო ტრავმა საბაბი ხდება მძღოლის დანაშაულებრივი ქმედების დაკვალიფიცირებისა, რისთვისაც რსფსრ სსკ 211-ე მუხლის პირველი ნაწილი სამ წლამდე თავისუფლების აღკვეთის სასჯელს ითვალისწინებს(!). უფრო მეტიც, მძღოლი შეიძლება მიეცეს სისხლისსამართლებრივ პასუხისმგებლობაში, თუ არც ერთი აღმნიანიც კი არ დაშვებულა, მაგრამ არის „არსებითი მატერიალური ზარალი“. შედეგად ვიპოვებთ არავისათვის საჭირო სისხლის სამართლის საქმეებს, ფორმალურ გამოძიებებსა და „შესაბამის“ განაჩენებს.

მაშ, არ დადგა დრო, რათა კანონი შეეუსაბამოთ რეალურ ცხოვრებას? ვთქვათ ერთხელ და სამუდამოდ: სისხლისსამართლებრივად უნდა ისჯებოდეს ავტოტრანსპორტის ექსპლოატაციის მხოლოდ ისეთი დარღვევები, რომლებსაც დამნაშავე დალუპავს, სხეულის მძიმე დაზიანებანი ან განსაკუთრებით დიდი ოდენობის ზარალი მოხვევა, რათა საბრალდებო სკამზე არ აღმოჩნდნენ ისინი, რომლებსაც დამნაშავენი რომ ვუწოდოთ, პროკურორის პათოსან სიტყვას ვამბობ, ენა არ მოგბრუნდებია.

ს. ზამოშკინი,

იუსტიციის უფროსი მრჩეველი.

(„ივესტია“).



დიდი ილიას საიუზილოდ

# ილია ჭავჭავაძის საზოგადოებრივ- კოლიტიკური და სამართლებრივი შეხედულებები \*

გიორგი სოსელია

## 2. სამართლის წყაროები

სამართლის ძირითად წყაროს, რომლითაც უნდა ხელმძღვანელობდეს სასამართლო მართლმსაჯულების აღსრულებისას, ტანონი ანუ წერილობითი სამართალი წარმოადგენს.

იმ იურისტებისაგან განსხვავებით, რომლებიც კანონებს ცხოვრებას წყვეტენ და ისინი მიაჩნიათ გონიერების, „ჯეროვანის“ და სხვათა განყენებული პრინციპების გამოხატულებად, ილია ჭავჭავაძე დაბეჯითებით მოითხოვს, რომ კანონები ასახავდნენ ხალხის ნამდვილ ცხოვრებას, ცხოვრების კონკრეტულ მოთხოვნებს. „ჩვენში კანონი თუ იბადება, — წერს იგი, — ოთხ კედელ შუა იბადება და ზოგჯერ ისე მოუხდება ხოლმე ჩვენს ცხოვრებას, როგორც კაცს სხვის ტანზედ შეეკრილი ტანსამოსი. ეს არის, ჩვენის ფიქრით, იმ ყოფის მიზეზი, რომ ჩვენი ცხოვრება ძირს მიდის თავისთვის, ზემოდან დაჟვარჯვარებს აჭრელებული ქალღივილი, სადაც სუფევს კანონი და შუაში კი ცარიელია. ამ ცარიელში დახტიან, ცხოვრების ზემოთ და კანონქვეშ, ჩვენი მოხელეები. ხალხი მათ ერიდება და ხალხს ისინი ერიდებიან“. კანონები ჩვენს ცხოვრებას, ჩვენს ჰიერარქიას თუ ბედნიერებას, ჩვენს ეჭვებს, ჩვენს ეკონომიკურ საჭიროებებს უნდა გამოხატავდნენ.

ამ აზრს ავითარებს ი. ჭავჭავაძე ყველა სტატიაში, რომლებსაც აქვთ დამახასიათებელი

სათაური „ცხოვრება და კანონი“, აგრეთვე სხვა თავის ნაშრომებში, რომლებიც სამართლისა და სახელმწიფოს საკითხებს ეხებიან.

„კანონის სათავე ცხოვრებაა... ცხოვრება სწორების კანონი“, — იმეორებს იგი და ამასთან ერთად ხაზს უსვამს იმასაც, რომ კანონები, თავის მხრივ, გავლენას ახდენენ ცხოვრების, საზოგადოების, ხალხის განვითარებაზე<sup>2</sup>.

კარგად ესმის რა, რომ სახელმწიფო და, კერძოდ, სასამართლო ორგანოები უწინარეს ყოველისა და უმთავრესად კანონებით — სამართლის წერილობითი ნორმებით უნდა ხელმძღვანელობდნენ, ი. ჭავჭავაძე ამასთან ერთად მოითხოვს, რომ ისეთი ორგანო, როგორცაა სამომრიგებლო სასამართლო, ანგარიშს უწყევდეს ბუნებრივ სამართლიანობას. ეს უკანასკნელი არა მარტო უნდა ავსებდეს კანონის ხარვეზებს, არამედ თვით კანონებზე მისი თვალსაზრისით უნდა გამოიყენებოდნენ.

რას წარმოადგენს „ეს ბუნებრივი სამართლიანობა“, რომელმაც ესოდენ დიდი როლი უნდა შეასრულოს მართლმსაჯულების აღსრულებაში?

როგორც ცნობილია, არსებობს მოძღვრება „ბუნებრივი სამართლის“ შესახებ, რომელიც ჯერ კიდევ ძველ კლასიკურ ეპოქაში წარმოიშვა და ფართოდ გავრცელდა XVII-XVIII საუკუნეებში. ეს მოძღვრება ემყარება დამიანისათვის დამახასიათებელი ბუნებრივი, ბუნებისშესაბამისი („ბუნების კოდექსის“ მიხედვით —

<sup>1</sup> ილია ჭავჭავაძე. თხზ., სრ. კრებული, 3. ინგოროყვასა და ალ. აბაშელის რედაქციით, ტ. VI, თბილისი, 1928, გვ. 38, 42.

<sup>2</sup> თხზ., ტ. VIII. გვ. 297.

\* დასასრული. დასაწყისი იხ. ურნალი „ნაბჭოთა სამართალი“, 1987, № 4.



დინდრო) უფლებების ცნობას. დოგმატიკოსი იურისტებისათვის ბუნებრივი სამართალი სამართლის განყენებული იდეაა, რომელიც სცდება ისტორიულად არსებულს; ან ამჟამად არსებული დადებითი სამართლის ფარგლებს.

ი. ჭავჭავაძის ბუნებრივ სამართლიანობას არაფერი აქვს საერთო ბუნებრივი სამართლის თეორიასთან. „თითონ ხალხსაც ეხამუშება ფორმალური სიმართლე, — აღნიშნავს ი. ჭავჭავაძე, — და პატივ-პატივს იმისთანა სიმართლეს, რომელიც, მისი აზრით, ნამდვილი და ჭეშმარიტია და რომელსაც მეცნიერნი ბუნებრივ სიმართლეს უწოდებენ... დანიშნულება მომრიგებელ მოსამართლისა ის არის, რომ საქმის და-

დაწვევების დროა წინ წინადავროს ნამდვილი და არა ფორმალური საბუთი იმ საქმისა, მისი შინაგანი გარემოება, ადგილობრივი მიზეზნი, მცხოვრებელთა ხასიათი, მათი მოსაზრება... ცხოვრების მოთხოვნილება და ხალხის საზოგადოდ ცნობილი ჩვეულება... რაღა თქმა უნდა, რომ აქ იგულისხმება მართო გონიერი, კეთილზნობითო, საერთოდ აღიარებული ჩვეულება, რომლის უარყოფა ხალხს უსამართლობად მიაჩნია და რომელიც მეცნიერებაში რეჟულირებული სათავედ ცნობილია“<sup>3</sup>.

ამგვარად, „ბუნებრივი სამართლიანობა“, ი. ჭავჭავაძის აზრით, ეს არის ხალხის სამართლიანობა; სამართლებრივი შეგნება, რომელიც გამოდინარეობს ცხოვრების მოთხოვნილებებიდან; გამოხატულია ხალხის მტკიცედ დამკვიდრებული ჩვეულებებით, ანუ, სხვაგვარად რომ ვთქვათ, წარმოადგენს ჩვეულებით სამართალს.

ლაპარაკობდა რა მეცნიერებზე, რომელთაც ნამდვილ სამართლად ბუნებრივი სამართლიანობა — ხალხის მართლშეგნება მიაჩნიათ, მეცნიერებაზე, რომელიც სამართლის წყაროდ ხალხის ჩვეულებებს თვლის, ი. ჭავჭავაძის შექმნილ მხედველობაში ჰქონდა ე. წ. სამართლის ისტორიული სკოლა. მაგრამ არასწორი იქნებოდა ჩვეულებით სამართალზე, ხალხის მართლშეგნებაზე მისი შეხედულების გაიგივება ამ საკითხზე ისტორიული სკოლის მოძღვრებასთან. ი. ჭავჭავაძე ისევე შორს არის ისტორიული სკოლისაგან, როგორც ბუნებრივი სამართლის თეორიისაგან.

ილაშქრებდნენ რა იმ დებულების წინააღმდეგ, რომ სამართალი გონების აბსტრაქტული იდეების ხორცშესხმა და ებრძოდნენ რა ბუნ-

ებრივი სამართლის თეორიის რაციონალისტურ ტენდენციას, სამართლის ისტორიული სკოლის წარმომადგენლებმა (პუხტა, სავინი და სხვ.) სამართალი გამოაცხადეს „ხალხური სული“ პროდუქტად, ეროვნული შეგნების, ხალხის „ბუნებრივი“ განვითარების სპეციფიკურ გამოვლინებად, ისეთივე ბუნებრივ მოვლენად, როგორც ენაა. ხელმძღვანელობდა რა სამართლის ასეთი გაგებით, ისტორიული სკოლის მეთაურმა სავინიმ გაილაშქრა საერთოგერმანული სამოქალაქო კოდექსის შექმნის წინააღმდეგ, რადგან მიაჩნდა, რომ ვერ შეიქმნება ცალკეული გერმანული მხარეების „სული“ შესაბამისი საერთო კოდექსი. მონტესკიე, ამეგ

ნაშრომში „სპირიტუალური კანონები“ ვითარებად“ თვლის ისეთ ვითარებას, როცა ერთი ქვეყნის დაწესებულებანი გამოსადგეია მეორისათვის“<sup>\*</sup>.

ი. ჭავჭავაძის მოძღვრება ხალხის მართლშეგნების, ჩვეულებითი სამართლის თაობაზე მკვეთრად ემიჯნება სამართლის ისტორიული სკოლის მოძღვრებას „ხალხური სული“; ეროვნული მართლშეგნების შესახებ. ხალხის სამართლებრივ შეგნებაზე, ჩვეულებით სამართალზე როცა ლაპარაკობს, ი. ჭავჭავაძე სულაც არ აიგივებს მას ხალხის „სულიან“, სპეციფიკურ უცვლელ ეროვნულ შეგნებასთან, რომელსაც არაფერი აქვს საერთო სხვა ხალხების მართლშეგნებასთან, ჩვეულებით სამართალთან — მას ეს მართლშეგნება ესახება, როგორც ამას ბუნებით მოყვანილი მსჯელობა ადასტურებს, ხალხის ცხოვრების მოთხოვნილებებთან, მის ცხოვრების გარემოებებთან და პირობებთან დაკავშირებულად. ხალხის ეს მოთხოვნილებები, ცხოვრების გარემოებები და პირობები თუმცე კი განსხვავდებიან თავიანთი თავისებურებებით, რასაც უნდა ითვალისწინებდეს როგორც კანონმდებლობა, ისე, განსაკუთრებით, ადგილებზე კანონების აღმასრულებელი ორგანოები, მაგრამ ბევრი რამით ისინი სხვა ხალხების მოთხოვნილებებისა და ცხოვრების პირობების მსგავსი არიან. ვინაიდან ერთნაირი ხალხების ცხოვრების პირობები და მოთხოვნილებები, ამდენად შეიძლება მოიძებნოს საერთო მათ მართლშეგნებასა და სამართალშიც.

ი. ჭავჭავაძე, ამ დებულების გათვალისწინებით, არ უარყოფს მთელი რუსეთის იმპერიისათვის, მასში მოსახლე ყველა ეროვნებისათვის საერთო კანონმდებლობასა და საერთო საკანონმდებლო ნორმებს. მოითხოვს რა სახელმ-

3 იქვე, გვ. 104.

\* იხ. ი. რაჭუმოვსკი, სამართლის ისტორიული სკოლა. სახელმწიფოსა და სამართლის ენციკლოპედია, ტ. II, მ., 1925-1926.



წიფოს მთელ საქმიანობაში და, კერძოდ, კანონმდებლობაში ადგილობრივი პირობებისა და თავისებურებების გათვალისწინებას, იგი ამასთან ერთად აღნიშნავს, რომ საჭიროა ზოგადსამართლებრივი ნორმები სახელმწიფოს ყველა ერისათვის.

რა თქმა უნდა, ადგილობრივი პირობები და თავისებურებები უნდა აისახოს ზოგადად სახელმწიფოს ყოველ აქტში და მეტადრე კანონმდებლობაში, ამბობს იგი, მაგრამ სამართლის მთავარი და არსამართი, საკაცობრიო საზოგადოებრივი ცხოვრებისა და ცივილიზაციის განვითარების შედეგად მოპოვებული საფუძვლამდ მიყვებასათვის საერთო უნდა დარჩეს. ადგილობრივი პირობების გათვალისწინებისას სამართლის ეს განსაკუთრებული პრინციპები კი არ უნდა შეიკვეცოს, არამედ მხოლოდ მეორეხარისხოვანი პრინციპები, მართოდეტალები უნდა მიუსადაგონ ადგილობრივ პირობებსა და თავისებურებებს<sup>4</sup>. საერთო-სახელმწიფო (სრულყოფილ რუსეთის იმპერიის) კანონები ყველა შემთხვევაში არ შეესაბამებოდა ჩვენს თავისებურ ყოფას, ჩვენი ეკონომიური ცხოვრების განსაკუთრებულობებს, წერს იგი<sup>5</sup>, და მიუთითებს მთელ რიგ ისეთ თავისებურებებს საქართველოში, რომლებიც სახელმწიფომ უნდა გაითვალისწინოს: ტყეების, საძოვრების მფლობელობის საკითხებს, მემკვიდრეობაში ან ოჯახურ ქონებაში ქალთა მონაწილეობის, გაყრის საკითხებს და ა. შ.<sup>6</sup>

ვიმეორებთ, ი. ჭავჭავაძე:

1. საჭიროდ ცნობს საერთო-სახელმწიფო კანონმდებლობას, სახელმწიფოში შემავალი ყველა ერისათვის სავალდებულო საერთო სამართლებრივი ნორმებს;

2. დაბეჭდებით მოითხოვს, რომ საერთო-სახელმწიფო კანონმდებლობაში აისახებოდეს ადგილობრივი თავისებურებები, რათა მათთან დაკავშირებული საკითხების შესახებ მსჯელობა ეფუძნებოდეს ადგილობრივი პირობების, ადგილობრივი ჩვეულებების, ადგილობრივი მოსახლეობის მართლშეგნების ცოდნასა და გათვალისწინებას.

ი. ჭავჭავაძე, სასამართლო წყობილებისა და სამართალწარმოების შესახებ 1864 წლის დე-

ბულებას როცა აანალოზებს, ცხადყოფს, რომ ჩვეულებით ჩელმძღვანელობის უფლება ისეთი პირობებით არის შეზღუდული, რომ მომრიგებელ მოსამართლეს იშვიათად მიეცემა შემთხვევა გაარჩიოს საქმე „ჩვეულების საფუძველზე“. საბოქალაქო სამართალწარმოების წესდების 130-ე მუხლი, რომელიც მომრიგებელ მოსამართლეს უფლებას აძლევს იხელმძღვანელოს ჩვეულებით კანონით აღნიშნულ შემთხვევაში, ან კანონში არსებული ხარვეზის შემთხვევაში, პარალიზდება ამავე წესდების მე-9 მუხლით, რომელიც ამბობს, რომ კანონებში ხარვეზის შემთხვევაში სასამართლო მოვალეა იხელმძღვანელოს მთელი კანონმდებლობის ზოგადი აზრით. „მაშასადამე, — დასკვნის ი. ჭავჭავაძე, — მომრიგებელ მოსამართლეს არასოდეს არ მიეცემა იმისთანა შემთხვევა, რომ ჩვეულება რაშიმე გამოიყენოს, იმიტომ, რაც უნდა საქმე იყოს, იმის გადასაწყვეტად ან ზედამოჭრილი კანონი მოიპოვება, ან არადა საერთო აზრს მთელის რეულოდადებისას ხომ ვერა შემთხვევაში ვერ წაუვა“<sup>7</sup>.

მაგრამ ყველაზე უარესი ის არის, აღნიშნავს ი. ჭავჭავაძე, რომ საქართველოში სასამართლო წყობილების შესახებ დებულებაში საერთოდ არ არის 1864 წლის საბოქალაქო სამართალწარმოების წესდების 130-ე მუხლი. აქ საერთოდ არის გამორიცხული ყოველგვარი შესაძლებლობა მომრიგებელი მოსამართლის მიერ ადგილობრივი ჩვეულებების გამოყენებისა. გამორიცხულია ჩვეულებით ხელმძღვანელობის შესაძლებლობა სწორედ იქ, სადაც ეს (ჩვეულების გამოყენება) განსაკუთრებით აუცილებელია<sup>8</sup>. იმოწმებს რა ჩამიერკავკასიის ოთხი წლის (1872-1875 წ. წ.) სასამართლო ანგარიშებს, ი. ჭავჭავაძე აღნიშნავს, რომ არ არის ჩვეულების გამოყენების არც ერთი შემთხვევა<sup>9</sup>.

სწორედ ამიტომ, გამოაქვს დასკვნა ი. ჭავჭავაძეს, ჩვენი სასამართლო და ცხოვრება ერთმანეთს გადასდგომიან: „არც ცხოვრება შველის კანონის წარმატებით სვლასა და არც კანონი ცხოვრების კეთილდღეობასა. ვერც კანონს დაუემორჩილება ცხოვრება, რომ კეთილად წარმართოს, ვერც ცხოვრებას შეუფერება კანონი, რომ სიკეთის დედაბოძად გამოიყენოს“<sup>10</sup>.

4 ი. ჭავჭავაძე, თხზ., ტ. VIII, გვ. 81.  
5 იქვე, გვ. 105.  
6 იქვე.  
7 იქვე, გვ. 106-107.  
8 იქვე, გვ. 107-108.  
9 იქვე, გვ. 108.  
10 იქვე, გვ. 109.



8. დანაშაული და სსსჯელი

ილია ჭავჭავაძემ განსაკუთრებული ყურადღება მიაპყრო ეკონომიკური ფაქტორების შესწავლას ისტორიული მოვლენების ასახვად. ეკონომიკურ ფაქტორებში ეძებს იგი საზოგადოებრივი ცხოვრების ყველა უმნიშვნელოვანესი მოვლენის განმარტებას.

ეკონომიკური ფაქტორებით ხსნის იგი, კერძოდ, საზოგადოებრივი ცხოვრების ისეთ მოვლენასაც, როგორცაა დამნაშავეობა. დამნაშავეობის მიზეზების ასეთი ახსნის ბრწყინვალე ნიმუშს იძლევა იგი თავის ნარკვევში „საზოგადოებრივი ცხოვრების ნაკლი და მისი ეკონომიკური მიზეზები“ (1897).

ი. ჭავჭავაძე ყურადღებას აქცევს 90-იანი წლების შუა ხანებიდან მთელ ამიერკავკასიაში ქურდობის, ყაჩაღობისა და მკვლელობის გავრცელების ფაქტს. იგი პროტესტს აცხადებს პრესის იმ მტკიცებების წინააღმდეგ, რომ ამ მოვლენის მიზეზია ქვეყნისა და მისი მოსახლეობის ველურობა. მას სრულიად არადაამყამაოფილებლად მიაჩნია გაზეთებში გავრცელებული ამ მოვლენის მეორე, ერთი შეხედვით, მართებული ახსნაც, რომ თითქოსდა ქურდები, ავაზაკები და მკვლელები კატორღიდან და ციმბირიდან გამოქცეული დამნაშავეები არიან. რასაკვირველია, წერს იგი, ეს პირები ზრდიან დამნაშავეთა რაოდენობას, მაგრამ დამნაშავეთა მთელი სამყაროც რომ მხოლოდ ასეთი, კატორღიდან და ციმბირიდან გამოქცეული პირებისაგან შედგებოდეს, მაინც დაისმებოდა საკითხი: როგორღა გახდნენ ისინი თავიდან დამნაშავეები? კატორღასა და ციმბირში ისინი ხომ დანაშაულის გამო მოხვდნენ! როგორც ჩანს, დამნაშავეობის ფესვი სადაც სხვაგან უნდა ვეძიოთ<sup>11</sup>.

„თავი და ბოლო ავკაცობისა, რომლის შედეგი ძარცვა-მტაცებლობაა, — წერს ი. ჭავჭავაძე, — ეკონომიკური ჭირბორილი და გაჭირვება არის, საზოგადოდ რომ ვთქვათ“<sup>12</sup>.

ამ დებულების დასასაბუთებლად იგი მიმოიხილავს ვითარებას იმ ადგილებში, სადაც ყველაზე უფრო გავრცელებულია დამნაშავეობა, იკვლევს იმ ადგილებში მოსახლეობის ცხოვ-

რების პირობებს, მის ეკონომიკურ მდგომარეობას და დასკვნის, რომ დამნაშავეობის წყარო, ზოგადი მიზეზი, რომელიც მის წარმოშობასა და გავრცელებას განაპირობებს, „ყველგან და ყოველგან ეკონომიკური უღონობა ყოფილა და იქნება კვლავაც“<sup>13</sup>. დამნაშავეობის მიზეზია „სხვათა ეკონომიკურთა გარემოებათა შორის, მამულის უქონლობაც, რომელიც მკვიდრს უილაჯოდ ქმნის ლუკმა-პურის შოვნისათვის“<sup>14</sup>.

დამნაშავეობის წარმოქმნისა და გავრცელების განმპირობებელი ფაქტორებია აგრეთვე, განაგრძობს განმარტებას ი. ჭავჭავაძე, ის, რომ მოსახლეობა მართო ხვან-მთევსელობას მისდევს, რაც ნაკლებ სახიროსოა, რომ არ არის ხელისნობა და მეურნეობის სხვა სახეობები, საშინაო ბაზარი, ქალქის ბაზართან დამაკავშირებელი გზები, რომ მას გაუსაძლის ტვირთად აწევს გადასახადები და სხვა ხარჯები<sup>15</sup>. იგი ცხადყოფს, რომ დამნაშავეობის გავრცელებას ხელს უწყობს ისეთი მოვლენებიც, როგორცაა ვაზის, ბამბისა თუ აბრეშუმის ტიხის ნეულელები<sup>16</sup>.

„გამოუცვალეთ“ ადამიანებს „იგი გარემოებანი, — წერს ი. ჭავჭავაძე, — რომელიც დღეს ერთსაც და მეორესაც ჰხუთავს, მიეციოთ და ასწავლეთ ერთსაცა და მეორესაც იმისთანა გასამრჯელო, რომელიც კაცს დღეს ხელს აძლევს სარჩო-საბადებლის საშოვარად, ასწავლეთ და თვალი აუხილეთ ქვეყნიერობაზე ცოტათ თუ ბევრად, გაუქეთეთ გზები, ხიდები, ხელი შეუწყეთ ყოველს ახალს ცდასა, ახლის რასმის შემოღებას და მოყვანას, და სხვა ამისთანას, — და ქურდობა და ავაზაკობა, სულ თუ არ ამოიკვეთება, დიდს კლებაში კი შევა“<sup>17</sup>.

მოთხრობაში „სარჩოებლაზე“ (1892 წ.) ი. ჭავჭავაძე ცხადად გამოთქვამს აზრს, რომ საზოგადოება გადააქცევს ადამიანს დამნაშავედ<sup>18</sup>.

ასეაჩვენებს რა ძირითად ბოროტებას — დამნაშავეობის წარმოშობისა და გავრცელების წყაროს, იგი მიუთითებს, რომ სიღუპჭირე, სიღარიბე, გამოუვალი ეკონომიკური მდგომარეობა არის ძირითადი მიზეზი ადამიანის დამნაშავედ გადაქცევისა. ამის გამოც დამნაშავეობასთან ბრძოლა, განაგრძობს ი. ჭავჭავაძე, შეიძლება ეკონომიკური ღონისძიებებით, და არა საპოლიციო ზომებით და სასამართლო სანქცი-

11 ი ქ ვ ე, გვ. 229-233.  
12 ი ქ ვ ე, გვ. 232.  
13 ი ქ ვ ე, გვ. 252.  
14 ი ქ ვ ე, გვ. 239.  
15 ი ქ ვ ე, გვ. 234-254.  
16 ი ქ ვ ე, გვ. 240.  
17 ი ქ ვ ე, გვ. 255.  
18 ი. ჭავჭავაძე, რჩეული, გვ. 371-388.



ებით. ამასთან, მას კარგად ესმის ამ უკანასკნელ ღონისძიებათა მნიშვნელობაც.

„მეტისმეტო იქნება. — წერს იგი, — ყოველივე სხენებულ ეკონომიურ უღონობას დაევაბრალოთ, როცა ქურდობისა და ავაზაკობის მიზეზს ვიკვლევთ. თუ ეკონომიური უღონობაა მიზეზი ქურდობისა და ავაზაკობისა ჩვენში, არიან იმისთანა გარემოებანიც, რომლებიც აქენებენ და ასაზრდოებენ ამგვარ ავკაცობასა და რომელთა წყალობითაც გაჭირვებული კაცი გაეტაცებინა ხოლმე მაცდურებას — რაც უთენსნია. ის მოიძვოს. ერთი ამ გარემოებათაგანი არის იმედი — არავინ გამოემკიდებო. ქურდს და ავაზაკს ჩვენში შიში არა აქვს, რომ მდევარი, ან მკვლევარი მეყოლებოა“<sup>19</sup>.

ი. ჭავჭავაძე ამხელს პოლიციისა და სასამართლო ორგანოების დაუდევარ, უპასუხისმგებლო დამოკიდებულებას სოფლად ქურდობისა და ავაზაკობის ბრძოლის საქმისადმი, მოითხოვს, რომ პოლიციის ჩინოვნიკები ფიზიკად იღვანენ მცხოვრებთა სიცოცხლისა და ქონების დაცვის სადარაჯოზე<sup>20</sup>. განსაკუთრებულ ყურადღებას უთმობს იგი სასამართლოს გამოძიებლის მიერ გამოძიების კანცელარულ რუტინულ წარმოებას და სასამართლოს მიერ განაჩენის გამოტანის დაგვიანებას. იგი წინადადებას იძლევა, რომ სასამართლო ორგანოებში გარდაიქმნას ქურდობასა და ავაზაკობასთან დაკავშირებული საქმეების წარმოება: გამოიყოს ამ საქმეების გამო სპეციალური გამოძიებელი და სპეციალური სესია საოლქო სასამართლოში<sup>21</sup>.

დამნაშავე დარწმუნებული უნდა იყოს, რომ დასჯელს ვერ გადაურჩება. ყველა უნდა იყოს დარწმუნებული, რომ დანაშაული, ბრალი არ შერჩება. ეს — სასამართლოს ზოგად-პრევენციულ ღონისძიებათა გაძლიერება, პოლიციის ზომებთან და მოსახლეობის დახმარებასთან ერთად. აღნიშნავს ი. ჭავჭავაძე, თუ „მთლად არ აღმოჰკვეთს ქურდობასა და ავაზაკობას, უეჭველად ალაგმავს, შეაცოტავენს შეასუსტებებს“<sup>22</sup>.

მიუხედავად იმისა, რომ ი. ჭავჭავაძე სწორად მიუთითებდა დამნაშავეობის მიზეზს, რომ მას ხედავდა არსებული საზოგადოების სოციალურ-ეკონომიურ წყობილებაში, იგი მაინც არ მიუსულა ამ საზოგადოების დამხობის აუცილებლობის აღიარებამდე. დამნაშავეობასთან ბრძოლას იგი ვარაუდობს ისეთი ღონისძიებებით,

რომლებიც არსებული კლასობრივი საზოგადოების ფარგლებში უნდა განხორციელდეს.

დაბეჭდილებით მოითხოვს რა, რომ დანაშაული დაუსჯელი არ დარჩეს, რომ ბრალეული ვერ გაექცეს დამსაზურებელ მსჯავრს, ი. ჭავჭავაძე ამასთან ერთად საზოგადოებისაგან, სახელმწიფოსა და განსაკუთრებით, სასამართლოსაგან მოითხოვს, რომ დაცული იყოს ადამიანის პატივი და ღირსება, რომ კაცი განსასჯელთა სკამზე არ დასვან დასაბუთებული, უეჭველი ბრალდების გარეშე.

ძველ, რეფორმამდელ რუსეთში სამხილები სავალდებულო არ იყო იმისათვის, რომ კაცი სასამართლოსათვის გადაეცათ და სასამართლოს გადაწყვეტილებით, თუ სამხილები არ არსებობდა, ბრალდებული შეიძლებოდა დარჩენილიყო „ექვმიტანილად“ და ამგვარად მოკლებულიყო ყოფილიყო ბევრ უფლებას. თუ რეფორმის შემდგომ სასამართლოში ბოლო მოეღო სასამართლოს გადაწყვეტილებით ბრალდებულის „ექვმიტანილად“ დატოვებას, სამაგიეროდ დაუსაბუთებელი ბრალდებით, მხოლოდ და მხოლოდ ექვით სასამართლოსათვის ადამიანის გადაცემის პრაქტიკა ცარიზმის არსებობის მიუღ პერიოდში არ მოსპობილა.

ი. ჭავჭავაძე მკვეთრად აკრიტიკებს მეფის მართლმსაჯულების ამ პრაქტიკას. თავის სტატიის „ქუთაისელ ებრაელთა საქმის“ შესახებ, იგი პროტესტს აცხადებს იმის წინააღმდეგ, რომ რვა ებრაელი აღმოჩნდა განსასჯელთა სკამზე მართოდენ ექვის გამო. ის ამტკიცებს, რომ ეს მართლმსაჯულების ელიმენტარული საფუძვლებისა და პიროვნების თავისუფლების, მისი პატივისა და ღირსების დაცვის უმნიშვნელოვანესი პრინციპის დარღვევაა.

„კაცი ბრალდებულთა სკამზედ უნდა დასვას მგონიაობამ კი არა, — აღნიშნავს იგი, — არამედ უცილობელმა, უეჭველმა საბუთმა“<sup>23</sup>.

„ჯერ ბრალდებულს უნდა დასაბუთებინოთ ბრალდება. იმოდენად, რომ დასაჯერი მაინც იყოს, — ამბობს იგი სხვაგან, — და მას მერედ, დიად, მხოლოდ და მხოლოდ მას მერედ მოეკითხოს ბრალდებულს პასუხი. უამისოდ ბრალდებულთა სკამზე დასმა ადამიანისა პასუხის-საგებლად წაწყმედაა, მიწასთან გასწორებაა, პირქვე დამხობაა იმ საკაცობრიო სამართლისა, მართლმსაჯულებისა, რომელზედაც აწინებუ-

<sup>19</sup> თხზ., ტ. VIII, გვ. 255, 256.

<sup>20</sup> იქვე, გვ. 256-261.

<sup>21</sup> იქვე, გვ. 261-268.

<sup>22</sup> იქვე, გვ. 268-269.

<sup>23</sup> თხზ., ტ. VII, გვ. 281.



ლია მთელი ადამიანური ურთიერთობა, მთელი ადამიანური ყოფა-ცხოვრება<sup>24</sup>.

„საზოგადო უშიშროებისათვის, — განმარტავს ი. ჭავჭავაძე ქუთაისელი ებრაელების საქმისადმი მიძღვნილ სტატიაში, — ისე ავაზაკის კერძო მოქმედება არ არის საშიში“, როგორც ადამიანის უფლებათა დამრღვევი მოხელისა, ვინაიდან პირველს უფრო ადვილად გადაურჩები, ვიდრე მეორეს<sup>25</sup>.

ხელისუფლების მიერ პიროვნების თავისუფლების, ადამიანის პატივისა და ღირსების შელახვა, საკმარისი საშიშვლების გარეშე, მართი ეპუთ ადამიანის სასამართლოსათვის გადაცემა და განსასჯელთა სკამზე დასმა შიშსა და შეშფოთებას სთესავს მთელ საზოგადოებაში, ამტკიცებს ი. ჭავჭავაძე, უდანაშაულო კაცი თავს ისეთივე მღვდომარეობაში გრძნობს, როგორშიც დამნაშავე. ყველა შიშობს, რომ იგი ყოველ წუთს შეიძლება შეიპყრონ, დაუკავშირონ რომელიმე საქმეს და ვინ იცის, როდის და რით დამთავრდება იგი. ასეთი ატმოსფერო წამლავს საზოგადოებრივ ცხოვრებას, იგი საფრთხეს უქმნის სახელმწიფო წყობილებასაც. „ის სახელმწიფოა მართო მაგარს ნიადაგზედ დამყარებული, საცა ყოველი კაცი დარწმუნებულია, თუ არა უცილობელის, უეჭველის საბუთით, ჩემს ადამიანობას, ჩემს მშვიდობიანობას, ჩემს პატივს, ღირსებას, თავისუფლებას კანონი და

უფლება არ შეეხებაო, — უთითებს ი. ჭავჭავაძე, — ამ საჭიროებიდან არის წარმომდგარი ის სახელგონი აზრი, რომ სჯობს ათი წართლა დამნაშავე გამართლდესო, ვიდრე ერთი მართალი გამტყუნდესო“<sup>26</sup>.

ცალკეული პირებისა და ქვეყნის ღირსებისა და თავისუფლების ქომაგობას შეაღია დიღმა ილიამ მთელი თავისი შეგნებული ცხოვრება, ნახევარსაუკუნოვანი დაუცხორომელი მოღვაწეობა. მხატვრული სიტყვით, თეორიული ნაშრომებითა და პუბლიცისტური გამოსვლებით მან უდიდესი ამაგი დასდო პიროვნების კეთილდღეობის საქმეს, მშობელი ხალხის, მშობელი ქვეყნის აღორძინების საქმეს.

პირნათლად განვლო სასახელო ქართველმა მამულიშვილმა გზა, რომელიც მრავალტანჯული სამშობლოს სამსახურის ჭერ კიდევ პირველ წლებში დაისახა:

მე ცა მნიშნავს და ერი მზრდის  
მიწიერი ზეციერსა,  
ღმერთთან მისთვის ვლაპარაკობ,  
რომ წარვუძღვე წინა ერსა.

დიდის ღმერთის საკურთხევლის  
მისთვის ღვივის ცეცხლი გულში,  
რომ ერისა მოძმედ ვიყო  
ქმუნვასა და სიხარულში.



24 თხზ., ტ. IX, გვ. 180-181.

25 თხზ., ტ. VII, გვ. 287.

26 იქვე, გვ. 287-288.



# ილია ჭავჭავაძის სახელმწიფოებრივი შეხვედრებისა და ჩვეულებითი საპარტიო ზოგიერთი საკითხი

მიხეილ კაკელია,  
იურიდიულ მეცნიერებათა დოქტორი, პროფესორი

ილია ჭავჭავაძე განათლებით იურისტი იყო, იგი სხვადასხვა დროს მუშაობდა კიდეც „მომრიგებელ მოსამართლედ“, „მომრიგებელ შუამავლად“, „ნაფიც მსაჯულად“ და ცხადია, მისი საზოგადოებრივი და ლიტერატურული მოღვაწეობა, დიდადა დაველებული საუნივერსიტეტო განათლება-იურისტობისა თუ პრაქტიკული სამოსამართლეო საქმიანობისაგან. ძველი ქართული სახელმწიფოსა და სამართლის შედმიწევნით პროფესიულმა ცოდნამ კი, ამ დიდ მოაზროვნეს ხელი შეუწყო უკეთ დაენახა, ეგრძნო და გამოეაშკარაებინა თავისი ერის ცხოვრებაში ფესვგადგმული, მწვავე სოციალური კონფლიქტები.

მართალია არ არიან ისინი, ვინც ფიქრობენ თითქოს ილიას მიერ გამოქვეყნებულ პუბლიცისტურ თუ ლიტერატურულ მემკვიდრეობაში, ისეთი სიღრმით და შესაძლებლობებით აისახა მისი შეხედულებანი სახელმწიფოებრივ თუ სამართლებრივ საკითხებზე, რომ სათქმელი აღარაფერი დარჩა. ამ აზრს ისინი ამგვარად ადასტურებენ: ილიას იდეალი იყო ცარიზმის რუსეთის შემადგენლობაში „ფართო ავტონომიის მოპოვება“, რომლის იქით საქართველოს სახელმწიფოებრივი მოწყობა მას ვერც წარმოედგინაო.

მაგრამ აქ დავიწყებულია, რომ ასეთი ლეგალური „მოთხოვნა“, ცენზურის (როგორც ილია უწოდებდა „ენის კენეტის“) პირობებით იყო გამოწვეული და სხვაგვარი დამოკიდებულება იმპერიის მოღალატედ და სისხლის სამართლის დამნაშავედ აქცევდა მას. თუ არა ასე, როგორ შეიძლება წარმოვიდგინოთ ეროვნულ-განმათავისუფლებელი მოძრაობის წინამძღოლი საქართველოს სახელმწიფოებრივი დამოუკიდებლობისათვის მოთხოვნის გარეშე? განა მისი სამწიფოო თუ პრაქტიკული მოღვაწეობა იმ დიდი აზრითა და შინაარსით არ არის დატვირთული, რომ „ჩვენი თავი ჩვენადვე უნდა გვეყუდნოდეს?“ სწორედ ამას უკეთებდა დიდი მამულიშვილი სხვებს, როცა წერდა: „ჩვენს ქვეყანაში ყველა საქმე უპრაიანა ჩვენ ხელთ იყოს ვიდრე სხვების ხელში“<sup>1</sup>.

ავტონომიის გარდა ილიას აზრით იმ პერიოდში სხვა რეალური გზა არ არსებობდა. რა იქნა უნდა, ასეთი მოთხოვნა არ იყო ილიას ოცნების აღსრულება, რომ რეალურად აღდგენილიყო ქართული სახელმწიფოებრიობა, მაგრამ თავისთავად იგი მაინც პროგრესულ მოვლენად უნდა ჩათვალოს. თითქოს მომავალი თაობის ყურადსაღებად ბრძანებდა: „ვითარცა გამკითხველი ჭერ იმ დროების ქურაში უნდა ჩაჯდეს და მერე განიკითხოს თვით დროების შეილნიც“<sup>2</sup>. მართლაც, იმდროინდელ ვითარებაში უფრო „ჩახედულნი“ არ ურჩევდნენ ილიას ავტონომიის საკითხის დაყენებას „სახელმწიფოს საბჭოში“, რადგან მას „მეტად გაბედულ მოთხოვნად“ თვლიდნენ<sup>3</sup>.

საქართველოს სრული დამოუკიდებლობა — აი ილიას იდეალი. სწორედ ამიტომ იყო, რომ მისი ფიზიკურად არსებობაც კი აუტანელი გახდა ილიას მტრებისათვის. სხვა პოლიციიდან ილიას დანახვა მისი მემკვიდრეობის დამახინჯება და შეურაცხყოფაა.

ილიასათვის საქართველო, ქართული ხასიათი, ქართველთა ყოფა-ცხოვრება სხვათაგან განსხვავებული სპეციფიკით ხასიათდება და იგი ვერასოდეს იგუბებს სხვა ერთა თარგზე მოჭრილ ტრაფარეტებს. აქ, საქართველოში, როგორც თვითონ წერდა, „გარდა საზოგადო მოძრაობისა, საკუთარნი კერძო მიზეზნიც არიან, მით არა ნაკლებ მწვავენი“<sup>4</sup>.

ილია შესაშური ინტუიციით გრძნობდა სპეციფიკას, რომელიც ქვეყნის პოლიტიკურ, სა-

<sup>1</sup> ი. ჭავჭავაძე, ტ. II, გვ. 334.

<sup>2</sup> იქვე, გვ. 346.

<sup>3</sup> გ. შარაძე, არქეოგრაფიული ეტიუდები, ყურ. „ცისკარი“, 1981, № 7, გვ. 122.

<sup>4</sup> ი. ჭავჭავაძე, ტ. VI, გვ. 155.



ზოგადო თუ კულტურული ცხოვრების სფეროში იკიდებდა ფეხს. ასევე წინასწარმეტყველურად გრძნობდა იმას, რაც მომავალში შეიძლებოდა ჩასახულიყო ქართველი ერის ცხოვრებაში.

როდესაც ვსწავლობთ სახელმწიფოსა და სამართლის საკითხებს ილია ჭავჭავაძის ლიტერატურულ მემკვიდრეობაში, უნდა გავითვალისწინოთ ის, თუ როგორ ახორციელებდა იგი თავის იურიდიულ შეხედულებებსა და თეორიულ ცოდნას პრაქტიკულ საქმიანობაში, როგორ აისახა ყველაფერი ეს მის მხატვრულ ლიტერატურასა და პუბლიცისტურ მოღვაწეობაში. თუმცა, ასეთ დროს მუდამ უნდა გვახსოვდეს: ილიას მთლიან მოღვაწეობაში მხოლოდ ანარქიულია შეინიშნება მისი იურიდიული შეხედულებებიდან. საქმე იმაშია, რომ ილიას, როგორც მოხელის სკამზე მჯდომს, მართალია უხერხულად მოუსხამს მოსამართლის მანტია, მაგრამ დაკვირვებული თვალი მაინც ყველგან ამოიცნობს დიდ ჰუმანისტს. მის მიერ გარჩეული საქმეები ერთის შეხედვით ცარიშის კანონმდებლობის მიხედვითაა გადაწყვეტილი, მაგრამ გაგება კანონისა, მისი დედააზრის განმარტება, ხშირად ქართული ჩვეულებითი სამართლის ნორმებს უფრო ესადაგება. სწორედ ამიტომ, სასამართლო საქმიანობა საღესი ქვა იყო ილიასათვის, იურიდიული აზროვნების გამომუშავება-წრთობისათვის.

სულ სხვაგვარია ი. ჭავჭავაძის სახელმწიფო და სამართლებრივი შეხედულებები მის მხატვრულ შემოქმედებასა თუ პუბლიცისტიკაში. აქ იგი ფრთაღალი და შემართებულია, ესმის საოქმედის ზომა-წონა და ოლიმპიური სიმშვიდით ასამართლებს ყველა ჭურის ავკაცობა-უსამართლობას.

განუზომელია ილიას დინტერესება ერის ცხოვრებაში ჩვეულებითი სამართლის როლზე, მის ადგილსა და მნიშვნელობაზე.

გამოთქმას — „ჩვეულებითი სამართალი“, ილია არ იცნობს და დღევანდელი გაგებით მის შინაარსს ამგვარად გამოხატავს: ჩვეულება, მამა-პაპათა აღიარებული სიმართლე, სახალხო სამართალი, ბუნებრივის სამართალი, ადათი, ან ადათ-წესები. უფრო ხშირად კი ჩვეულებას ან წესს უწოდებს მას.

ილიას ჩვეულებითი სამართალი (ჩვეულება) „პირველთაშიურ“, ქცივის წესებად ესახება. ტერმინთა თანამედროვე გაგებიდან თუ გამოვალთ, იგი ჩვეულებას არ განასხვავებს ჩვეულებითი სამართლისაგან.

ილიას წარმოდგენით „რჯული“ იგივე კანონია სამართალად წოდებული. ეხება რა ბოლანდიაში შექმნილ ვითარებას სხვისი მიწის მფლობელობასთან დაკავშირებით, იგი წერს „...ჩემუღმების საფარველ ქვეშ გავრდილი და შენახული, ამ ბოლოს ხანებში ძლიერძლივს შეიწყნარა პანონებ და დღეს რჯულად არის დადებული“<sup>5</sup> კარგად ჩანს, რომ ავტორს რჯული ესმის როგორც დეკანოზებული, ხელისუფლების მიერ სანქციონირებული სამართალი.

სხვა ადგილას ილია ასე განმარტავს ჩვეულების შინაარსს: „ჩემუღმებ ერისათვის იგივე რჯულია, იგივე პანონი, მხოლოდ დაუწერელი კი“<sup>6</sup>.

როცა ქართული ჩვეულებითი სამართლის ინსტიტუტებს ჩამოთვლის, მათ ჩვეულებას ეძახის და ასე ამთავრებს მსჯელობას: „ყველა ამ შემთხვევაში ჩვენი ჩვეულება, ესე იგი — ხალხისებან მამა-პაპით აღიარებული სიმართლი“<sup>7</sup>. რაც შეეხება ტერმინ — რჯულს, მას კანონის ან ზოგადად სამართლის მნიშვნელობით ხმარობს.

ჩვეულებით სამართალში ილია ხედავს როგორც დადებითს, ისე უარყოფით მხარეებს. დადებითად მიაჩნია ის, „რომ ყოველთვის ცხოვრების შემართის საჭიროების დანაბალია და ყოველთვის უტყუარი წამალიც არის ამ საჭიროებისა“<sup>8</sup>. ილიას აზრით დროთა ვითარებაში ჩვეულებითმა სამართალმა შეიცვალა ბუნება და დაშკარგოს „უტყუარი წამლის“ ძალა, რომ იგი გაუკუღმართდეს კიდევ, სწორედ ამიტომაც „თუ ყოველ დროს არა — პირველ ხანებში მაინცა“ არის იგი სასარგებლო<sup>9</sup>.

<sup>5</sup> ილია ჭავჭავაძე, ტ. VI, გვ. 147.

<sup>6</sup> იქვე, გვ. 154.

<sup>7</sup> ი. ჭავჭავაძე, ტ. VI, გვ. 94. ილია სიტყვებს — სამართალს და სიმართლეს ერთნაირი მნიშვნელობით ხმარობს. როგორც აქ, ისე ქვემოთაც ხაზგასმა ჩვენ გვეკუთვნის (მ. კ.).

<sup>8</sup> ი. ჭავჭავაძე, ტ. VI, გვ. 154.

<sup>9</sup> ი. ჭავჭავაძე, ტ. VI, გვ. 154. აქ ცხადია ჩვეულებით სამართალთან ერთად საყოფაცხოვრებო ხასიათის სხვა ჩვეულებებიც იგულისხმება.



როგორც შემოთქმულიდან ჩანს, ჩვეულებითი სამართალი თავდაპირველად პროგრესულია, ხოლო შემდგომ პერიოდში უჩინდება მას დასაგმომ-მოსაცოდებელი ატრიბუტები.

იბადება კითხვა, რატომ ეტმანსება შემდგომ პერიოდში ჩვეულებითს სამართალს ცუდი და დასაგმომი ნიშნები? საქმე იმაშია, რომ ილია არ თიშავს რა ერთმანეთისაგან ჩვეულებას და ჩვეულებითს სამართალს, „პირველ ხანებში“ საერთო, სახალხო, ყველასათვის სასარგებლო ჩვეულებები უნდა ვიგულისხმეთ. ხოლო შემდგომ, როცა ღრმად იჭრება ჩვეულებაში კლასობრივი ინტერესები, ისინი იქცევიან რა ჩვეულებითი სამართლის ნორმად, სწორედ მაშინ მრულდება და „უსამართლობადაც“ იქცევა იგი.

როგორც ჩანს, ეს პროცესი კარგად აქვს შემჩნეული ილიას, მაგრამ იმდროინდელი გაბატონებული მეთოდოლოგიით კლასობრივ კრიტერიუმს არ იყენებს საკითხის ასახსნელად. სწორედ ამიტომ, ერთ სიბრტყეზე ათავსებს როგორც ჩვეულებას, ისე ჩვეულებით სამართალს.

ილიას თქმით ჩვეულება (ჩვეულებითი სამართალი) ზეპირად, წერილობითი გაფორმების გარეშე მოქმედებს. ამდენად, მას შეუძლია ადვილად მიითვისოს, „მიიწებოს“ ისეთი ელემენტები, რაც ღირსებას უკარგავს მას. დაწერილი კანონისაგან განსხვავებით, რომელიც „მინამ არის — ისეა, რომ არას მიიწებებს, არას აიკრავს ზედ, რასაც აჩენს და მხადებს ხოლმე ხშირად ხარბი ინტერესი წუთისა... აი დიდი ღირსება პანონისა, რომელიც ჩვეულებას აკლია“<sup>10</sup>.

ი. ჭავჭავაძე, ჩვეულებასა და კანონს შორის განსხვავებას, კერძო და საზოგადოებრივი საკუთრებისადმი დამოუკიდებულებაშიც ხედავს, „პირველის ფარ-ხმალი კანონია, წერს იგი, მეორისა ჩვეულება“<sup>11</sup>.

როგორც ჩანს, ილიას მხედველობიდან გამორჩა ჩვეულებითი სამართლის კლასობრივი ხასიათი. თანამედროვე მეთოდოლოგიით კი სწორედ პრივილეგიურ კლასს შეუძლია საყოველთაოდ დანერგილ ჩვეულებას „მიიწებოს“ უსამართლობა და ასე აქციოს იგი სამართლად, ჩვეულებით სამართლად.

ვფიქრობთ, ანგარიში უნდა გაეწიოს იმასაც, რომ სწორედ „განვითარების“ წყალობით ინარჩუნებს ჩვეულებები სიცოცხლეს, იგი არა მარტო უარყოფის „იწებებს“, არამედ დროდადრო პროგრესულითაც მდიდრდება.

ილიას აზრით, ჩვეულებითი სამართალი რომ დროის მინაწარდისაგან, („მინაწებებისაგან“) ვადაერჩინათ, ზოგიერთი სახელმწიფო იძულებული შეიქმნა „...სახე დაწერილი კანონისა მიეცა იმ ჩვეულებისათვის“<sup>12</sup>.

ი. ჭავჭავაძე პროფესიულ დონეზე ერკვევა სამართლის ფილოსოფიაში, რომლის წყალობითაც კარგად ხედავს ჩვეულებითი სამართლის კავშირს ბუნებით სამართალთან. მომრიგებელ სასამართლოს ღირსებად შუააკაცობასთან (მედიატობასთან) ერთად „ბუნებრივის სამართლით საქმის გადაწყვეტა“ მიაჩნია და უპირატეს ადგილსაც ანიჭებს მას „ვიდრე ფორმალურის სიმართლითა“ განსჯას. აქ „ბუნებრივის“ სამართალში ზოგადად, ჩვეულებითი სამართალი, ხოლო „ფორმალური“ პოზიტიურ (მოქმედ) სამართალს გულისხმობს ავტორი. ჩვეულებითი და ბუნებითი სამართლის ურთიერთობაზე კიდევ უფრო მკაფიოა ნათქვამი, როცა ჩვეულებას უწოდა „დედაბოძი ბუნებრივის სამართლისა“<sup>13</sup>.

ორიგინალური და ანგარიშგასაწევია ილიასეული შეხედულება ჩვეულებითი სამართლის კანონად გადაქცევისთან დაკავშირებით, ანუ სამართალშემოქმედებით საქმიანობაში ჩვეულებითი სამართლის როგორც წყაროს როლზე და მნიშვნელობაზე.

ილიას განმარტებით ხალხის სამსახურში მტნაკლებად ჩამდგარმა კანონმდებლობამ ფართოდ უნდა გამოიყენოს ჩვეულებითი სამართალი, რომლის გარეშეც „...არც ცხოვრება შედლის კანონის წარმატებით სვლას და არც კანონი ცხოვრების კეთილდღეობასა“<sup>14</sup>.

ილიასეულმა მოთხოვნამ არა მარტო გაუძლია დროს, არამედ იგი მრავალი ხალხის სამართლებრივმა ცხოვრებამაც დაადასტურა.

როგორც პრაქტიკოსი მოსამართლე, ილია მართლმსაჯულების სამართლიანი განხორციელებისათვის მოითხოვს ჩვეულებითი სამართლის ფართოდ გამოყენებას. საქმის გამჩვევ მოსამართლეს უფლება უნდა ჰქონდეს „...საქმე გადაწყვეტოს ჩვეულების ძალითაც, ე. ი. იმ

10 იქვე.

11 იქვე, გვ. 126.

12 იქვე, გვ. 154.

13 იქვე, გვ. 96.

14 იქვე, გვ. 97.



სამართლით, რაც ხალხის სინდისს შეეფერება, რაც ხალხს მამა-პაპით სიმართლედ უცნობი და დღესაც სიმართლედ სწამს<sup>15</sup>.

ილიას თვალს არ გამოჰპარვია ისიც, რომ თვითონ კანონი იგებს ჩვეულებით სამართალზე დაყრდნობით, მდიდრდება იმით, „რაც თითონ ხალხის მოსაზრებით სამართლად არის ცნობილი“<sup>16</sup>. ეს კი ცხოვრებაში კანონის შეუფერხებლად გატარების გარანტიასაც იძლევა.

ილიას დაკვირვებით კანონი, რომელიც ანგარიშს არ უწევს ხალხის ჩვეულებით სამართალს, პატივს არ სცემს მის ღირსებებს, ამ ხალხისათვის „სხვის ტანზედ შეკერილი ტანისამოსია“<sup>17</sup>.

როგორც ჩანს, ილიას ყურადღების გარეშე არ დარჩენია ეროვნული ჩვეულებითი სამართლის, როგორც საკანონმდებლო წყაროს გამოყენების აუცილებლობა. უფრო შორს მიდის მისი მსჯელობა ამ მიმართულებით, ჩვეულებითი სამართალი ხალხის ნებას გამოხატავს, ამიტომაც არა მარტო მისი დედააზრი უნდა დაედოს საფუძვლად კანონს, არამედ ზოგიერთი მათგანი პირდაპირ უნდა იქცეს საკანონმდებლო ნორმად. არსებობს გარემოებანი, რომლებიც „...სახურველად ჰხდინან დაუწერელი კანონის დაწერილ კანონად გარდაქმნასა ჩვენში“<sup>18</sup>.

ამ შემთხვევაშიც ილიასეული მიდგომა საკითხისადმი ეროვნული პოზიციების განმტკიცებითაა ნაკარნახევი.

საინტერესოა ილიას დაკვირვება, ჩვეულებითი სამართლის გამოყენების აუცილებლობაზე იმ ხალხის სამართალწარმოებაში, რომელთაც უცხოთა კანონები აქვთ თავს მოხვეული, როცა გაბატონებული ხალხის კანონები არ ესადაგება მორჩილებაში მყოფ ხალხთა სამართლებრივ მოთხოვნილებებს. სწორედ ამასთან დაკავშირებით იმაღლებს იგი ხმას, როცა წერს: „კანონის შესავსებად, ტეშმარტის სამართლის საწარმოებლად, მართლმსაჯულობის წარსამატებლად აქ, ჩვენში, უფრო საჭირო იყო მოეწვიათ ჩემუღმებ და მისთვის ფართო ადგილი მიეცათ განსამართლების წესდებაში“<sup>19</sup>.

ახსიათებს რა რუსეთის იმპერიის კანონმდებლობას, ილია ასახულებს მის ქართულ ეროვნულ ვითარებასთან შეუთავსებლობას და წერს: „ჩვენი ჩვეულება ე. ი. ხალხისაგან მამა-პაპით აღიარებული სამართლი ერთს ამბობს და რუსული კანონები კი — ან სულ არას ამბობენ ანთუ ამბობენ, სულ სხვასა“<sup>20</sup>. ილიას აზრით, მართლმსაჯულებას და საერთოდ, ხელისუფლებას, იმ ერის შვილი უნდა ახორციელებდეს, რომელსაც განსაკუთრებით ეკუთვნის. როცა „...უცხო კაცია მოსამართლედ თუ მოხმელედ, სრულიად უცნობი ჩვენი ჩვეულებებისა, ჩვენი მიდრეკილებისა, ზნეობისა, პირისა თუ ღიზისა“, მას არ შეუძლია ჩასწვდეს ხალხის მოთხოვნილებას, სამართლიანად განსაჯოს ისინი<sup>21</sup>. სწორედ მეფის რუსეთის კანონმდებლობის ქართულ ზნე-ჩვეულებებთან შეუთავსებლობა უკარნახებდა ილიას ეროვნული ჩვეულებითი სამართლის ე. ი. „...დაუწერელის კანონის დაწერილ კანონად გარდაქმნასა ჩვენში“<sup>22</sup>.

ჩვეულებითი სამართლისადმი ილიასეული დამოკიდებულება, მართლმსაჯულების და მოსამართლის მოვადერების ილიასეულივე გაგებაში იღებს სათავეს. მისი თქმით „მართლიერება, სამართალი, მთელის ერის გაწმენდილი სინდისია, მთელის ერის გაწმენდილი ნაშუსია“<sup>23</sup>.

მოსამართლე კი ის კაცია, „რომელსაც აბარია ჩვენი ქონება, ჩვენი ღირსება, ჩვენი სიცოცხლე, ჩვენი სული და ხორცი“<sup>24</sup>. უფრო მართალი ვიქნებით, თუ ვიტყვი, რომ სწორედ ასეთად წარმოედგინა ილიას მომავალი ქართული მართლმსაჯულება, მოსამართლე.

აღამიანთა მოქმედებაში, კანონთან შედარებით, ილია ზნეობას აძლევდა პრიმატს. ერთ თავის კერძო წერილში იგი აღრესატს სწერს: „მე ჩემს მოქმედებაში კანონის ნებართვას კი არ ვიმძღვარებ წინ, სინდისის ბრძანებას ვასრულებ ხოლმე“<sup>25</sup>.

15 იქვე, გვ. 93.  
16 იქვე, გვ. 76.  
17 ი. ჭავჭავაძე, ტ. V, გვ. 38.  
18 ი. ჭავჭავაძე, ტ. VI, გვ. 155.  
19 იქვე, გვ. 94.  
20 იქვე.  
21 ი. ჭავჭავაძე, ტ. V, გვ. 36.  
22 ი. ჭავჭავაძე, ტ. VI, გვ. 155.  
23 ი. ჭავჭავაძე, ტ. VIII, გვ. 337.  
24 იქვე, გვ. 338.  
25 ი. ჭავჭავაძე, ტ. X, გვ. 82.



ილია ჭავჭავაძის მიერ ჩვეულებითი სამართლის შეფასების საკითხი შეიძლოდ უკავშირდება ხვედრე ეთნოგრაფიული გზით ხალხში გაბნეული ჩვეულებითა სანაჭოლის მარჩების შეკრების რეგულაციას.

XIX საუკუნის ბოლო მეოთხედი დიდად ნაყოფიერი აღმოჩნდა ხალხური ზეპირსიტყვიერების შეკრების თვალსაზრისითაც, რომელსაც წინ უსწრებდა მეთოდურ მითითებათა გამოკვეყნება, თუ როგორ და რასთან დაკავშირებით უნდა ეწარმოებინათ ამ ხასიათის სამუშაოების ჩატარება.

კრებდნენ ლექსებს, ზღაპრებს, ანდაზებს, შელოცვებს და სხვა სახის ტექსტებს. მაგრამ ეკონომიკური და იურიდიული ხასიათის მასალებს არავინ ეკარებოდა. ასეთ დროს, 1887 წლის გაზეთ ივერიაში“ (№ 270) მეთაურად გამოკვეყნდა ი. ჭავჭავაძის წერილი, რომელშიც ყურადღება გამახვილებული ზოგიერთი ხასიათის მასალების შეკრებით გატაცებაზე და ეკონომიკური თუ იურიდიული ცხოვრების ამსახველი ცნობების უყურადღებოდ დატოვებაზე, „ეს სფერო ცხოვრებისა — ნათქვამია წერილში — მთელს სურათს გადაუშლის ჩვენს მოწინავე საზოგადოებას და ცხოვრების სურათი კიდევ დაგვანახებს ხალხის აგსა და კარგს, იმის შეხედულებას სამართალზე“<sup>26</sup>. ავტორის აზრით ამ ხასიათის მასალების შესწავლით „... შეიძლება ყოველმხრივ შევიგნოთ ხალხის წარსული და აწმყო, იმისი ავი და კარგი, იმისი წაღილი, საქიროება“<sup>27</sup>.

წერილში მითითებულია, რომ ეკონომიკური და იურიდიული მასალების „შეკრება და შესწავლა ყველასათვის საადვილო საქმეა და უფრო ბეჭითობასა და დაკვირვებას თხოულობს, ვიდრეს სპეციალურ ცოდნასა და მომზადებას“<sup>28</sup>.

იმის აღნიშვნამ, რომ ამგვარ მასალათა შეკრებისას პოეზიის ნიმუშებით გატაცება ვერ განდება წარსულის საიმედოდ შესწავლის საფუძველი, ხოლო ეკონომიკური და იურიდიული ხასიათის მასალათა შეკრება და შესწავლა სპეციალურ ცოდნას და მომზადებას არ მოითხოვს, კრიტიკულად განაწყობ ხალხური ზეპირსიტყვიერების თავგამოდებული შემკრები პეტრე უმიკაშვილი. 1888 წლის „ივერიის“ 20-ე ნომერში გამოკვეყნდა პ. უმიკაშვილის წერილი სათაურით „უსაფუძველი დაფლობა“.

წერილის ავტორი გმობს როგორც პოეზიის ნიმუშების მოპოვებით გატაცებას, ასევე მოსაზრებას, რომ ეკონომიკური და იურიდიული ხასიათის მასალების შეკრება თითქოს არ მოითხოვდეს სპეციალურ ცოდნას. მოვუსმინოთ ავტორს: „არის, რასაკვირველია, ეთნოგრაფიაში ისეთი შრომა, რომლისთვის საჭიროა დაკვირვების ნიჭი, მაგრამ ეკონომიკურს და იურიდიულს სფეროს რაც შეეხება, იქ კი ფასმოუმზადებელი, განუსწავლელი ნიჭიერებაცა და დაკვირვებაც“<sup>29</sup> აუცილებელია. ამდენად, ყველას როდი შეუძლია ამ ხასიათის მასალების შეკრება.

ასე დამთავრდა კამათი იურიდიული ხასიათის მასალების შეკრების აუცილებლობაზე. მას შემდეგ თითქმის 100 წელი გავიდა, ამ ხნის მანძილზე განვითარდა ეთნოგრაფია, წინ წავიდა ქართული სამართლის ისტორიის საკითხების კვლევა და დღეს შეიძლება პასუხს გავცეს კითხვას: ვინ იყო მართალი, ილია თუ პეტრე უმიკაშვილი?

ჩვენის აზრით, პასუხი ასეთია: XIX საუკუნის მეორე ნახევრიდან ხალხში დაუნჯებულ ზეპირსიტყვიერებათა შემკრებებად გვევლინებოდნენ ერთუნიასტები განურჩევლად ცოდნისა, სქესისა და პროფესიისა, ვისაც შეეძლო ჩაწერა. თქმა არ უნდა, ასეთ პირობებში მდარე მასალაც ბევრი უნიკალური მასალა. დიას, არაკვალიფიციურად ჩაწერას შიშით სამუდამოდ დაკარგეს საგანძურის დღეს მეცნიერების სამსახურში დგას. სხვაგვარად მოხდა იურიდიული ხასიათის მასალების შეკრების საქმეში. არ გვეყვდნენ რა სათანადო მონდომებისა თუ კვალიფიკაციის გულშემატკივარნი, ასეთი მასალები ვერ შეიკრიბა... ამით კი დავიწყებას მიეცა ბევრი უნიკალური მასალა. დიას, არაკვალიფიციურად ჩაწერის შიშით სამუდამოდ დაკარგეთ ბევრი სწორუპოვარი ცნობა და დღეს დანაწილებით ვამბობთ: რა კარგი იქნებოდა, რომ თუნდაც არასრულად და არაზუსტად მაინც შეკრებილიყო მაშინ ჭერ კიდევ შემორჩენილი ამ ხასიათის მასალები. სულ არააობას ხომ ცალი უდელი ხარი სჯობსო, უთქვამს ხალხს.

როგორც ჩანს, ამ საკითხშიც დროული და სამართლიანი იყო ილიას გულმხატვრობა.

<sup>26</sup> ი. ჭავჭავაძე, ტ. IV, გვ. 192.

<sup>27</sup> იქვე.


<sup>28</sup> იქვე, გვ. 193.

<sup>29</sup> პ. უმიკაშვილი, ქართული ხალხური სიტყვიერება, ტ. IV, 1964, გვ. 231.





ილიასდროინდელი სასამართლო შენობა დუშეთში



ილიას გარჩეული საქმეები

ფოტო ელუარდ გიგინაშვილისა.



# გლოვოგლა საქართველო

წინამურის საზარელი ტრაგედია, რომელიც 1907 წლის 80 აგვისტოს მოხდა, წარუშლელ ლაქად დარჩა ჩვენი ერის ისტორიაში. ამ დღეს ვერაგულად მოკლეს საქართველოს დიდი მოქირანახულე ილია ჭავჭავაძე, ვინც, მთელი სიცოცხლე გულმზურვალედ ემსახურებოდა ხალხს და ვისაც „ერის წყლული აჩნდა წყლულია“.

იმ საბედისწერო უკამს ილიასთან ერთად დედაქალაქიდან საგურამოში მიემგზავრებოდნენ მისი მეუღლე ოღლა გურამიშვილი და მსახური იაკობ თარაშვილი. ეტლი საგურამოელ გლეხს თედო ლაბაურს მიჰყავდა.

წინამურთან, სწორედ იქ, სადაც ახლა ობელისკია აღმართული, ილიასა და მის თანამგზავრებს მოულოდნელად თავს დაესხნენ, მოკლეს ერის მამა და მისი მსახური იაკობი, თოფის კონდაბით სცემეს ქალბატონ ოღლას, გაძარცვეს და ტყეში გაუჩინარდნენ.

ეს საზარელი ამბავი სხვებზე ადრე შორიანხლოს მყოფმა დარაჯებმა გაიგეს, სწრაფადაც მივიდნენ თავდასხმის ადგილზე, მაგრამ უკვე გვიან იყო.

გასისხლიანებული, გრძნობადაკარგული ოღლა დარაჯებმა ეტლში ჩასვეს და საგურამოში აიყვანეს, მერე შემთხვევით მიმავალი ურემი გააჩერეს, შიგ ილიასა და იაკობის გვაძები ჩაასვენეს და ისინიც სოფელში აიტანეს.

მომხდარმა ამბავმა მთელი საქართველო შესძრა, გამწარებული ხალხი წყევლა-კრულავს უთვლიდა ბოროტმოქმედებს. ვაჟა-ფშაველამ სახალხოდ გამოხატა თავისი აღშფოთება და განაცხადა: „საშინელი, მეტისმეტად ბარბაროსული მკვლელობაა, რომლის მსგავსი არ მომხდარა და არც მოხდება. მხოლოდ საწყალს, უბადრუკ შვილების პატრონ საქართველოში შეიძლება ამისთანა მკვლელობა“.

ქართველი ხალხის ხსოვნაში ავადმოსაგონრად დარჩნენ ილიას მკვლელები, რომლებმაც სიცოცხლეშივე დაიმსახურეს საყოველთაო სიძულვილი. აი ისინიც: ყოფილი მამსახლისი, ლთოი და წინდაცემული ვანო ინაშვილი, გულღვარძლიანი პავლე ფშავლიშვილი, უჩალობაში გაწაფული სანდრო ბიჭანიშვილი, ქურდბაცაცა და ცბიერი გიგლა (გიგოლა) ბერბიჭაშვილი. იგი ადრე მშობლიურ სოფელ ანატნიდანაც კი გაუქმებია ხალხს შეწუხებისათვის. სწორედ მან აღმართა პირველად თოფი ილიას წინააღმდეგ და შემდეგ სხვებიც მიმყვანენ მას.

დღეს უკვე დადგენილია, რომ მკვლელებთან დაახლოებული ყოფილა აგრეთვე ილიას მე-

ეტლე თედო ლაბაური, რომელიც თურმე არაერთხელ შეხვედრია საგურამოს ტყეში გარეწრებს.

ილია ჭავჭავაძის გლოვის დღეებში მთელი საქართველო ბოძოქრობდა. ხალხი დაბეჯითებით მოითხოვდა დამნაშავეთა მკაცრად დასჯას. მღვდვარება ციხეებში გამომწყვდეულ პატიმრებსაც მოედოთ, ისინიც კი შფოთვდნენ. განსაკუთრებით პოლიტიკურმა პატიმრებმა განიცადეს ქართველი ერის მწუხარება.

მეტეხის ციხის პატიმრები საქანიდან საკანში გადასცემდნენ ილიას მკვლელობის გულმშაზრავ ამბავს პატიმრებმა ფული შეგარქვეს და უარულს გადასცეს ილიას საპატივსაცემო გვირგვინი შეუკვითეთო. სასწრაფოდ შეადგინეს დებეშის ტექსტიც: „არსებული უსამართლობით რკინის ჩარჩობიდან კარნაკებილ საკეზში გამომწყვდეულებს გული დაგვიკოლა მსცოვანი პოეტის. მოქირანახულე ილიას ვერაგულმა სიკვდილმა, გულის სიღრმემდის შეგვაშფოთა და შეგვაძრწუნა. იმ მკვლელობამ, რომელმაც წაართვა დედაბოძი ქართველ მწერლობას, ვგმობთ გონებადაბნეულ მკვლელთ და თვით ილიას ვუძღვნით ცოცხალის უვავილებით შემკულ გვირგვინს და თან ვატანთ ჩვენს გულწრფელ ხსოვნა-სიყვარულს. მეტეხის ციხის პატიმართა ერთი ნაწილი“.

ილია ჭავჭავაძის დიდი თაყვანისმცემელი, ცნობილი მოღვაწე თედო სახოკია თავის წიგნში „ჩემი სატყუნის ადამიანები“, ასე იხსენიებს წინამურის საზარელ ტრაგედიას:

„1907 წლის ზაფხულში სანამ გამასმართლებდნენ და გამაციობირებდნენ, გასმართლების მოლოდინში, სოხუმის ციხეში ვიხსენდით, როგორც საწვდარგართიდან იარაღის შემოწიღვის გამო პასუხისგებაში მიცემულნი (სოციალ-დემოკრატთა პარტიის წევრები), ისე ჭულაუთის სოციალ-დემოკრატთა ორგანიზაციაში მონაწილეობის გამო დაჭერილები.“

„ისარმა“ გულმშაზრავი ამბავი მოგვიტანა: აგვისტოს 80-ს ილია ჭავჭავაძე მოკლეს.

მაშინვე წინააღმდეგ მივიცი პოლიტიკურ პატიმრებს, უველას სამძიმრის დებეშა გავკვებ-წავნა გაზეთის რედაქციაში. ამა რას წარმოვიდგენდი, რომ ილიას სიკვდილი ერთნაირად სამგლოვიარო არ იქნებოდა უველა ქართველი-სათვის!

სოციალ-დემოკრატებმა, თუმცა ბოლომით, მაგრამ მაინც უარი გვითხრეს: პარტიული მოსაზრებით ვერ შემოგვიერთდებოთ! იძულებული ვიყავით, დებეშა პოლიტიკური პარტიების ერთი ჯგუფის (იგულისხმება სოციალ-





ფედერალისტები) სახელით გაგვეგზავნა“.

ილია ჭავჭავაძის გლოვის დღეებში ქუთაისის საგუბერნიო ციხეში იხსენიენ ცნობილი რევოლუციონერი შიხა ცხაკაია, უურნალისტი ილია ბახტაძე, მწერლები ლეო ქიჩიელი, დავით სულიაშვილი და სხვები. როგორც ი. ბახტაძე იგონებს, პატიმრებს ილიას მკვლელობის ამბავი მოუტანა ციხის ექიმმა დათიკო ჭაფარიძემ. ამან დიდად შეაშფოთა ყველა, პატიმრები ერთი საკანთან შეორქვი გასძახდნენ: „დალუპულია საქართველო, ილია ჭავჭავაძე მოუკლავთ!“

როცა გათენდა და პატიმრები ციხის ეზოში გამოიყვანეს სასიეროდ, სახელდახელოდ კრება გაიმართა. ერთმა პოლიტიკურმა პატიმარმა, პოლიკარპე გოგიაშვილმა, რომელიც 1905 წელს ქუთაისის გუბერნიის მასწავლებელთა გაფიცვის ხელმძღვანელობდა, ილიას მკვლელობასთან დაკავშირებით გულახდილად განაცხადა, ერის დიდი მოძღვარი მოუკლავთო. სხვებმაც პატივისცემით გაიხსენეს ილია, როგორც დიდი საზოგადო მოღვაწე, ცნობილი მწერალი და აღშფოთება გამოთქვეს იმის გამო, რომ ასეთ მოღვაწეს ტყვეობა გაუგმირეს გული.

ციხის აღმინისტრაციამ ბრძანა კრება შეეწყვიტა, მაგრამ აღგოლიდან არავინ დაძრულა. თუმცა, პოლიციელები ყვიროდნენ, ახლავე დაიშალეთ, თორემ სალდათებს მოვიყვანთ და ტყვეას დაგიშენთო, მაგრამ მათთვის უურადღება არავის მიუტყვევია. გადაწყდა, რომ საგუბერნიო ციხის პატიმართა სახელით დეპეშა გაეგზავნათ თბილისში, გაეზიარებინათ ქართველი ხალხის დიდი მწუხარება, ზიზღით, კრულვით მოეხსენებინათ ილია ჭავჭავაძის მკვლელობები. დეპეშაში ვკითხულობთ: „ქუთაისის საგუბერნიო საპროკურორის პატიმარი აღშფოთებული ვართ მგოსანი-ბელეტრისტის ილია ჭავჭავაძის მკვლელობით. პატიმართა მიხედობილობით: დ. დუღაძე, ი. ბახტაძე, და პ. კორძაია“.

პატიმრებს განზრახული ჰქონდათ დელიგაცია გაეგზავნათ ილიას დაკრძალვან, მაგრამ ამის ნება არ მისცეს.

ილია ჭავჭავაძის მკვლელობამ დიდად შეაშფოთა აგრეთვე საქართველოდან გადასახლებული პატიმრებიც. შორეულ ენოტაევსკში მყოფმა ქართველმა პატიმრებმა ილიას მკვლელობა დათიკო კოსინაშვილის მიერ გაგზავნილი წერილით გააცნეს. აი, ამ ბარათის მოკლე შინაარსი: „...ახლა კოლა (წერს იგი პატიმარ დედაბრიშვილს) მე უნდა გაუწყლო ჩვენი ქვეყნის ბურ-

ჯის, საქართველოს დიდების პირუტყველად მკვლელობა, ილიას სიკვდილზე. მოჰკლეს 30 აგვისტოს, მზის ჩასვლამდე. უკანასკნელად დაინახა საცოდავმა ბერიკაცმა თავისი საყვარელი საგურამოს მზის სხივები. ტყვეობა გაუგმირეს გული, სისხლით მოუხვარეს თავი „გლახის ნაამბობისა“ და „განდეგილის“ დაწერს, მერე ვინა? იცი ვინ? ჩვენვე. გული მიკანკალებს ყოველთვის, როდესაც გამახსენდება, რომ ილია ტყვეობა განვიტყვევებ. ვანა ილია ასეთი სასაცილოობის ღირსი იყო? ილია, რომელიც 45 წელზე მეტი ქართულ ლიტერატურას დარაჯად ედგა და მაგარი წრე ჰქონდა შემოგვლილი, რა ტყვეა უნდოდა მოხუცებულს? აიღებდნენ კენჭს, ესროდნენ და მოკვდებოდა, ან დაცდიდნენ ერთ წელიწადს კიდევ და თვითონ მოკვდებოდა.

მე ქალაქში ვიყავი იმის დასაფლავებამდე და იქ დავინახე, რა დიდებული ყოფილა ილია. ჰერ საქართველოს არ ახსოვს მერე მაგალითი ასეთი გლოვისა. უნდა შენი თვლით გეჩინა, კოლა, ის ცრემლები, რომელიც აკაკის თეთრ წვერზე ჩამოსდიოდა და ამბობდა, ილიკო, მართო რათა მტოვებო: ქვის გული უნდა სდებოდა იმ ქართველს, ვისაც ცხ ცრემლები გულს არ აუტყვევებდა. დიდი ძალი ხალხი დაესწრო მის დასაფლავებას. ისეთი კუთხე არ დაჩრენილა საქართველოსი, საიდანაც არ ყოფილიყვნენ. საფრანგეთიდანაც კი მოვიდა გვირგვინი. დასაფლავებს მამადავითის საყდართან, დიმიტრის მიუწვინეს გვერდზე, მასსავით ტანჯულად მოკლულს...“<sup>1</sup>

ენოტაევსკში ჩასულმა საშინელმა ამბავმა მართო კოლა დედაბრიშვილი კი არა, ყველა ქართველი პატიმარი დაამწურნა. ილიას მკვლელობამ ქართველებთან ერთად გული ატყინა აგრეთვე სომხებს, რუსებს, ოსებს. სახელდახელოდ მოწყობილ კრებანზე პატიმრებმა ერთხმად გადაწყვიტეს, რომ სამძიმრის დეპეშა გამოეგზავნათ საქართველოში, აი რას წერდნენ ისინი:

„დამსახურებული მგოსნის ილია ჭავჭავაძის ტრადიკულმა სიკვდილმა უკიდურეს მწუხარებაში ჩაგვადგო ენოტაევსკში პოლიტიკური დანაშაულისათვის გადმოსახლებულნი. მონაწილენი ვართ ჩვენის ქვეყნის საერთო მწუხარებისა, წყევლა-კრულვა მგოსნის მკვლელებს! პოლიტიკური გადმოსახლებულები: გრიგოლაშვილი, დედაბრიშვილი, კოვზირიძე, მეიფარიანი, ჭუბაბრია, რაჭმაძე, ჩაჩიბაია, ფულოვი, კალაშნიკოვი, თვლიძე, მიქაძე, ბერიშვილი, ჩაბიევი, გამდლიშვილი, ქურდოვანიძე, ტაიგა-

1 კოლა დედაბრიშვილი იყო ცნობილი ქართველი მწერლის შოი არაგვისპირელის უმცროსი ძმა.



ძე, ფუხაშვილი, კოჭმანიშვილი, ტერმინასოვი, სუმბათაშვილი, გვენატძე, ბაზაშვილი“.

როცა გადასახლებიდან გათავისუფლებული კოლა დედაბრძვილი სამშობლოში დაბრუნდა, იგი მეუღლესთან ერთად ავიდა მთაწმინდაზე და ილიას საფლავი ყვავილებით შეამკო. როგორც მისი ნათესავები, სოფელ წილქანში მცხოვრები ჩილინდროშვილები იგონებენ, კოლას თურმე არა ერთხელ უთქვამს: „თუნდაც მეორედ გავესახლებინე არას ვინაღვლებდი, ოღონ ილიას მკვლელისათვის მზე დამებნელებინაო“.

კოლა დედაბრძვილის სიკვდილის შემდეგ თბილისში მცხოვრები მისი მეუღლე სონა სათუთად უფრთხილდებოდა ქმრის დანატოვარ მასალებს ილიაზე, რომელიც შემდეგ მან თავის ვაჟიშვილს უსუბს გადასცა.

მეჭვირისხველი (გორის რაიონი) გიორგი, იგივე ვანო ტატიშვილი 1904 წელს დააპატიმრეს რევოლუციურ გამოსვლებაში მონაწილეობისათვის და სხვებთან ერთად სასჯელის მოსახდელად ასტრახანის გუბერნიაში გამწესეს.

ასტრახანის გუბერნიაში მყოფმა პატიმარმა, ვანო ტატიშვილმა, როცა ილია ჭავჭავაძის მკვლელობის ამბავი გაიგო, აღშფოთდა, ეს რა უბედურება მომხდარა საქართველოში, ვინ წააქცია ჩვენი ქვეყნის დედაბოძო. სახელდებულად მოწყობილი კრების მონაწილეებს მან ილიას ვერაგული მკვლელობის ამბავი ამცნო და მისივე წინადადებით გადაწყდა, რომ პატიმარი ქართველი სოციალ-დემოკრატების სახელით საქართველოში წარმომადგენლები გაეგზავნათ, რომლებიც დაწვრილებით შეიტყობდნენ ილიას მკვლელობის მიზეზს. ამ წინადადებას ერთსულღვნად დაუჭირეს მხარი არა მარტო ქართველებმა, არამედ სხვა ეროვნების წარმომადგენლებმაც. აღმინისტრაცია იძულებული გახდა პატიმართა მოთხოვნა შეესრულებინა და თბილისში წასვლის ნება დართო ვანო ტატიშვილსა და მიხა წიკლაურს.

ასტრახანის გუბერნიიდან თბილისში ჩამოსული წარმომადგენლები ცნობილ რევოლუციონერთან, ვანო ცაბაძესთან მივიდნენ და ილიას მკვლელობაზე ჩამოადგეს საუბარი. გულნატკენმა ცაბაძემ ნაღვლიანად თქვა, რომ მკვლელები ჯერ კიდევ არ არიან დასჯილები და საერთოდ, ბევრი რამ დასაწუსტებელიაო..

ვ. ცაბაძემ ტატიშვილი სოციალ-დემოკრატთა კრებაზე წაიყვანა, სადაც მხოლოდ ილიას მკვლელობაზე იყო ლამარაჟი. იქვე გადაწყდა, რომ ტატიშვილი, როგორც გაბედული ვაჟაკი, საგურამოსა და მის მეზობელ სოფლებში გამგზავრებულიყო ილიას მკვლელობის საკით-

ხის დასაწუსტებლად.

დადიოდა სოფლის გლეხებთან ტატიშვილი, ვითომ მიწის ნაკვეთის ყიდვა და იქ დასახლება უნდოდა, ხან რას მოიმიზეზებდა, ხან რას და თან ჩუმად შეაპარებდა ხოლმე კითხვას, თუ რა იცოდნენ ილიას მკვლელობასთან დაკავშირებით. ამგვარად შეიტყუო მან ადგილობრივი გლეხებისაგან, რომ ილიას ახლო ურთიერთობა ჰქონდა ყველასთან, კვრივ-ობლებისა და გაჭირვებულების დამხმარე იყო მუდამ და საგურამოელებს არ შეეძლოთ მისი მტრობა. აქ ალბათ მთავრობის მხებულების ხელი ურევიაო — დასძინეს ბოლოს.

ილიას მკვლელობის ერთერთი აქტიური მონაწილის გიგლა ბერბიჭაშვილის სოფელში იქაურებმა ზიზღით მოისხინეს გიგლა, ქურდი და ბოროტი კაცია, დიდი ხანია სოფლიდანაც კი გავაძვეოთ. მერე დაუმატეს, ალბათ ილიას მკვლელებს ებ არის, მისგან სიავაციის მეტი არაფერია მოსალოდნელიო.

ვ. ტატიშვილმა ილიას მკვლელობის შესახებ მოხსენებითი ბარათი წარუდგინა ვ. ცაბაძეს და თან შებპირდა ამ საკითხზე კიდევ გავაგრძელებ მუშაობასაო. მართლაც, ვანომ შემდგომშიც ბევრი რამ შეისწავლა საგულისხმო. განსაკუთრებით დაენმარა ილიას ყოფილი მეფუტკრე დანიელ მასლოვი, რომელმაც სარწმუნო ცნობები მიაწოდა.

1941 წლის 25 დეკემბერს საქართველოს სსრ უმაღლესი სასამართლოს წინაშე წარსდგა ილიას მკვლელობის ერთერთი აქტიური მონაწილე გიგლა პეტოს ძე ბერბიჭაშვილი, შეთქმულთა მიერ მოხუცი დიდი ყურადღება მიიპყრო აგრეთვე მოწმე, ძველმა რევოლუციონერმა გლეხმა ვანო ტატიშვილმა, რომელსაც 1907 წელს სოციალ-დემოკრატიული პარტიის კომიტეტის დავალებით საგურამოში ილია ჭავჭავაძის მკვლელობის გამორკვევა ჰქონდა მინდობილი, რადგან მეფის მთავრობა პროვოკაციულად ამ მკვლელობას სოციალ-დემოკრატებს აბრალებდა. მოწმე ვ. ტატიშვილმა ვრცლად მოუთხრო სასამართლოს იმ ძიების შესახებ, რომელმაც დაადასტურა, რომ ბოროტმოქმედებაში მთავრობის ხელი ერიო, რომ მთავარ ბრალდებულად ცნობილ იქნა ახატენე გ. ბერბიჭაშვილი.“<sup>2</sup>

1942 წლის 5 იანვარს ილია ჭავჭავაძის მკვლელობის აქტიურ მონაწილეს გ. პ. ბერბიჭაშვილს სასჯელის უმაღლესი ზომა დახვრებთა მიესაჯა.

შალვა მარკოზაშვილი.

2 ი. ოდიშვილი, „წიწამურის ტრაგედია“, 1953 წ. გვ. 8.



# ამერიკის შეერთებული შტატების კონსტიტუციის 200 წლისთავი

ავთანდილ დემეტრაშვილი,

თბილისის სახელმწიფო უნივერსიტეტის დოცენტი, იურიდიულ მეცნიერებათა კანდიდატი

ფილადელფიაში (აშშ, პენსილვანიის შტატი) არის ადგილი, რომელსაც ამერიკის ყველაზე ისტორიულ კვადრატულ მილს უწოდებენ. სწორედ აქ, ჯორჯ ვაშინგტონის თავმჯდომარეობით მუშაობდა კონსტიტუციური კონვენტი, რომლის 89 დარჩენილმა წევრმა (თავდაპირველი 55-დან) 1787 წლის 17 სექტემბერს ხელი მოაწერა აშშ-ს ძირითად კანონს. 1789 წლის 4 მარტს იგი ძალაში შევიდა და აქედან მოყოლებული შეერთებული შტატები ცდილობს მთელს მსოფლიოში დანერგოს თავისი კონსტიტუციის კულტი. პროპაგანდისტული ორგანოები განსაკუთრებულ აქტიურობას იჩენენ მის 200 წლისთავთან დაკავშირებით. ვინაიდან აშშ-ში არ არსებობს კონსტიტუციის ოფიციალური დღე, ქვეყნის მეთორმეტე პრეზიდენტმა რონალდ რეიგანმა და კონგრესმა მიიღეს კანონი, რომლის თანახმად იუბილეს ძირითადი ღონისძიებანი უნდა ჩატარებულიყო 18 თვის განმავლობაში. ამ პერიოდში ლამაზ სანახაობრივ ღონისძიებებთან ერთად ჩატარდა სიმპოზიუმები, დაიბეჭდა ფუნდამენტური შრომები, უურნალ-გაზეთებში გამოქვეყნდა კონსტიტუციურ პრობლემატიკასთან დაკავშირებული მრავალი სტატია, კონსტიტუციის თემამ ღირსეული კონკურენცია გაუწია კბილის პასხისა და საღებუ რეჟინის რეკლამას ტელევიზიონებზე. არც გარე სამყარო დავიწყებიათ — კონსტიტუცია, როგორც „დემოკრატიისა და სამართლიანობის“ ეტალონი, აშშ-ს ექსპორტის ერთ-ერთი ყველაზე მნიშვნელოვანი საგანი გახდა.

თ. ჯეფერსონის მიერ მომზადებულმა და კონტინენტური კონგრესის მიერ 1776 წლის 4 ივლისს მიღებულმა ამერიკის შეერთებული შტატების დამოუკიდებლობის დეკლარაციამ გამოაცხადა, რომ „შეერთებული კოლონიები არსებითად და კანონით უნდა იყვნენ თავისუფალი და დამოუკიდებელი შტატები“. მომდევნო წლებში თითქმის ყველა შტატმა მიიღო საკუთარი კონსტიტუცია, ხოლო 1781 წლის 1 მარტს მოქმედება დაიწყო „კონფედერაციის და მუდმივი კავშირის მუხლებმა“. მის მიღებას დადებითი მნიშვნელობა ჰქონდა, რადგანაც იგი სრული დამოუკიდებლობისათვის ბრძოლის გზაზე კიდევ ერთ ნაბიჯს მოასწავებდა, მაგრამ ეს არასაკმარისი ნაბიჯი იყო და სახელმწიფოებრიობის განმტკიცების მიზნით, შტატებს შორის სავაჭრო ურთიერთობების მოწესრიგებისათვის, კონგრესმა მიიწვია ყველა შტატის წარმომადგენლისაგან შემდგარი კონვენტი.

კონვენტის 55 დელეგატი პატარა, მაგრამ ძალზე შთამბეჭდავ კრებას წარმოადგენდა. აქ იყო, ყველა ის, ვისაც მოგვიანებით პოლიტიკურ წმინდანთა რანგში აიყვანენ და „დამფუძნებელ მამებს“ უწოდებენ: პირველი პრეზიდენტი ჯ. ვაშინგტონი, რომლის სახელსაც ატარებენ დელაქაშაქი, ამერიკის რევოლუციის ერთ-ერთი ფილოსოფოსი ს. ადამსი, ამერიკის კეისრის წოდების პრეტენდენტი ა. გამილტონი, ჯ. მედისონი, ე. რენდოლფი, ჯ. ვილსონი და სხვა სახელმწიფო თუ პოლიტიკური მოღვაწე, მეცნიერი, ფილოსოფოსი, იურისტი.

საკონსტიტუციო კონვენტის მონაწილენი აპირებდნენ რევოლუციის შემდგომი წინსვლის შეჩერებას, უფრო სრულყოფილი კავშირის შექმნას, რათა საიმედოდ უზრუნველყოთ მესაკუთრეთა უფლებები.<sup>1</sup>

კონსტიტუციის მიღების ფაქტს უდიდესი პროგრესული მნიშვნელობა ჰქონდა, რადგან ის, არსებითად, არის მსოფლიო ისტორიაში პირველი ნაწერი ფორმალური კონსტიტუცია, რომელშიც განმტკიცებულია ამერიკული ხალხის რევოლუციური მონაპოვარი და სხვადასხვა სახის ბურჟუაზიულ-დემოკრატიული პრინციპები. მან გზა გაუკვალა ახალ, ბურჟუაზიულ საწარმოო

<sup>1</sup> Мишин А. А., Власихин В. А. Конституция США: политико-правовой комментарий, М., 1985, с. 10.



ურთიერთობებს, რითაც ხელი შეუწყო კაპიტალიზმის განვითარებას. ამ აზარა ფაქტის კონსტიტუციას საერთო არაფერი აქვს კონსტიტუციის იდეებისა და პრინციპების, როგორც ყველა დროისა და სხვა ხალხებისათვის, თითქოსდა, მოწინავეობის პროპაგანდასთან.

კონსტიტუციის პრემბულაში ნათქვამია: „ჩვენ, შეერთებული შტატების ხალხი... ვაცხადებთ და ვადგენთ... კონსტიტუციას“. საბჭოთა და ზოგიერთ ამერიკელ მეცნიერს ეჭვი შეაქვს ამ კონსტიტუციური ფორმულის მართლზომიერებაში, რადგანაც:

ბ. ფილადელფიის საკონსტიტუციო კონვენტი არ იყო შექმნილი საარჩევნო კორპუსის მიერ, მან თვითონ მიითვისა დამფუძნებელი უფლება-მოხილბანი;

ბ. კონსტიტუციური კონვენტის ხსენებები დახურული იყო, ისინი მკაცრად დაცული საიდუმლოების პირობებში, ხალხის მახებთან ყოველგვარი კავშირის გარეშე მიმდინარეობდა და, ბუნებრივია, არ შეეძლო მათი ინტერესების გათვალისწინება;

ბ. კონვენტის ყველა ნ წ დედეგატი, გამონაკლისის გარეშე, იმდროინდელი აშშ-ს შეძლებულ კლასებსა და სოციალურ ფენებს მიეკუთვნებოდა. არც ერთი მათგანი არ იყო მუშა ან წვრილი ფერმერი. „კონვენტის დედეგატთა სოციალური შემადგენლობა საოცრად ერთგვაროვანია, — ხაზს უსვამს პროფ. ა. მიშინი, — მხოლოდ მესაკუთრნი, მხოლოდ მდიდარნი“<sup>2</sup>. სწორედ ამიტომ კონვენტის მუშაობის შედეგები დაგვირგვინდა მესაკუთრეთა, მონათმფლობელთა, პლანტატორთა, ერთი სიტყვით, ბურჟუაზიისა და ექსპლოატატორთა კონსტიტუციის მიღებით. ცნობილი ამერიკელი ისტორიკოსი ჩ. ბირდი თვლის, რომ კონსტიტუციის მიღება „არ იყო არც მთლიანად ხალხის და არც მოზრდილი მამაკაცების მკაფიო და მოფქვრებული ნება-სურვილის გამოხატვა... უფრო მეტიც, შესაძლოა, რომ არჩევნებში მონაწილეთა უმრავლესობა მაშინდელი ხალხის კონსტიტუციის წინააღმდეგეც კი იყო, ყოველ შემთხვევაში, ქონებრივი ცენზის მოქმედებით, მათი (ამომრჩევლების — ა. დ.) უმეტრებითა და ამათით შეიძლება გარკვეულწილად აიხსნას შეძლებულთა გამარჯვება, ეს უკანასკნელნი ყველგან ჩასაფრებული იყვნენ, რადგან თეორიულად კი არა, დოქტრინაში და ცენტრში იცოდნენ ახალი კონსტიტუციის ღირებულება“<sup>3</sup>.

ამჟამად ამერიკის შეერთებული შტატების კონსტიტუციას შეადგენს პრემბულა, შვიდი მუხლი და 28 შესწორება. სახელმწიფო სტრუქტურის საფუძვლად კონსტიტუციამ გამოიყენა ხელისუფლების განაწილებისა და ფედერალიზმის პრინციპები. როგორც მკაფიოდ ჩამოყალიბებული მოძღვრება, „ხელისუფლების განაწილება“, გამოჩნდა აღრინდელ ბურჟუაზიულ რევოლუციითა ეპოქაში, იმ დროის ბრწყინვალე მოაზროვნეთა ჯონ ლოკისა და შარლ მონტესკიეს ნაშრომებში; როგორც ბურჟუაზიული სახელმწიფოებრიობის კლასიკური პრინციპი კი პირველად სწორედ აშშ-ს ძირითად კანონში გამოიყენეს. „დამფუძნებელმა მამებმა“ შემოქმედებითად ისარგებლეს ევროპული დოქტრინით და ახალ გარემოში „ურთიერთგაწინააღმდეგებისა და შეკავების“ სისტემის სახელწოდებით მონათლეს. „ურთიერთგაწინააღმდეგებისა და შეკავების“ სისტემის არსი მოკლედ ასე შეიძლება გადმოიცეს: არსებობს სახელმწიფოს სამი შტო — საკანონმდებლო, აღმასრულებელი და სასამართლო; ესენი შეფარდებით დამოუკიდებელი არიან ურთიერთმიმართ, ამასთან, მათ გააჩნიათ უფლება მოახდინონ ერთმანეთის შესაძლო ბოროტად გამოყენების, შეცდომების, ანტიკონსტიტუციური ქმედებების ნეიტრალიზაცია; კონგრესმა მიიღო უფლება უარყოს პრეზიდენტის საკანონმდებლო წინადადებანი, უარი უთხრას ფედერალურ თანამდებობაზე დანიშვნებს, იმპიჩმენტის წესით პასუხისგებაში მისცეს პრეზიდენტი; თავის მხრივ, პრეზიდენტს გააჩნია დაყოვნებით ვეტოს უფლება, რომლის დაძლევა საკმაოდ ძნელი საქმა; ამასთან, პრეზიდენტის და სენატის მიერ ერთობლივად დანიშნული უმაღლესი სასამართლოს მოსამართლენი, თავიანთ საქმიანობაში სრული დამოუკიდებლობით სარგებლობენ.

ფედერალურ დონეზე საკანონმდებლო შტოს ფუნქციებს ასრუციებებს კონგრესი, რომელიც წარმომადგენელთა პალატისა (ორი წლით არჩეული 485 კონგრესმენი) და სენატისაგან (ექვსი წლით არჩეული 100 სენატორი) შედგება. კონგრესის ძირითადი უფლებამოსილებებიდან — საკანონმდებლო, ფინანსური, საკონტროლო, საგარეოპოლიტიკური — იმპიჩმენტის უფლების ძალით კონგრესს შეუძლია პასუხისგებაში მისცეს პრეზიდენტი, მისი აღმინისტრაციის წევრები და უმაღლესი სასამართლოს წევრები. ქვეყნის ისტორიაში ცნობილია

<sup>2</sup> Мишин А. А. Государственное право США. М., 1976, с. 13.  
<sup>3</sup> См.: США: политическая мысль и история, М., 1976, с. 48.



იმპიჩმენტის პროცედურის დაახლოებით 50 შემთხვევა, 12 მათგანი განიხილა სენატმა და მხოლოდ 4 შემთხვევაში გამოიტანეს საბრალდებო ვერდიქტი<sup>4</sup>.

ოფიციალური დოკუმენტები სავსეა მადალფარდოვანი რიტორიკით, კონგრესის, როგორც „ერის ხმის“, „რასების, მრწამსისა და კულტურების ფართო სპექტრის“, „ყველაზე წარმომადგენლობითი სახალხო დემოკრატიის“, „ერის სარკის“ შესახებ. კონგრესი თუ როგორი „ერის სარკეა“, ჩავინდოთ ოფიციალურ სტატისტიკაში, რომლის მიხედვითაც აშშ-ს ყველაზე მდიდარ პირებს მიეკუთვნებიან ისინი, ვისაც აქვს ნახევარი მილიონი დოლარი და უფრო მეტი აქტივები. ასეთ პირთა რაოდენობა კი მოსახლეობის მხოლოდ 0,8 პროცენტია. თუ ვილაპარაკებთ კონგრესში ყველა სოციალური ფენის თანაბარ წარმომადგენლობაზე, მაშინ შემოადინებულ ჯგუფიდან არჩეული უნდა იყოს 8-4 ადამიანი. რა ხდება სინამდვილეში? დოკუმენტების თანახმად კონგრესის წევრთა ნახევარზე (ე. ი. 287-ზე) მეტის წლიური შემოსავალი ნახევარ მილიონს აღემატება<sup>5</sup>. როგორც იტყვიან, კომენტარი ზედმეტია!

აფროამერიკელები აშშ-ს მოსახლეობის დაახლოებით 11 პროცენტია, ე. ი. წარმოდგენილი უნდა იყვნენ 80 დეპუტატით. ფაქტობრივად, 1985 წლის კონგრესში იყო 21 დეპუტატი. 1987 წლისაში კი — 19 შავკანიანი კონგრესმენი.

მიუხედავად აშშ-ს პოლიტიკურ ცხოვრებაში ქალების როლის ერთგვარი ზრდისა, ემანსიპაციის ტენდენციები თითქმის არ შეხებია კონგრესს — სადაც ამჟამად 511 მამაკაც-კონგრესმენი, ხოლო ქალი მხოლოდ 24<sup>6</sup>.

შეესაბამება თუ არა ეს და სხვა მონაცემები<sup>7</sup> „სახალხო წარმომადგენლობის“ სტერეოტიპულ ვერსიას? თუ „დამფუძნებელ მამებს“ სახალხო პარლამენტი“ ჰქონდათ ჩაფიქრებული. სინამდვილეში უკუაგდო ამის შესაძლებლობა და კონგრესი დღეს ერთგულად და საქმიანდ ემტკიანება ემსახურება თავის წარმომავალ კლასს — ბურჟუაზიას.

ერთ-ერთი მნიშვნელოვანია აღმასრულებელი ხელისუფლების საკითხი, რომლის განხორციელება კონსტიტუციამ პრეზიდენტს მიაწოდა.

პრეზიდენტის პოსტის მაძიებელთათვის კონსტიტუციაში დადგენილია რამდენიმე ცენზი — აშშ-ს მოქალაქეობა წარმოშობით; ასაკი — არანაკლებ 85 წლისა და აშშ-ს ტერიტორიაზე 14 წლის განმავლობაში ცხოვრების აუცილებლობა. გარდა ამისა, პოლიტიკურმა პრაქტიკამ შეიშოვა პრეზიდენტის თანამდებობის არაკონსტიტუციური „კვალიფიკაციები“. როგორც წესი, პრეზიდენტია თეთრკანიანი, მამაკაცი, პროტესტანტი, კარგი ორატორი, წესიერი მეოჯახე-პიროვნების სახის („იმიჯის“) მასებში დანერგვას დიდად უწყობენ ხელს მასობრივი ინფორმაციის საშუალებანი. რ. რეიგანის არჩევნებში გამარჯვებას უკავშირებენ „თავისი თავის მიწოდების“ უნარს, მისი გამოსვლების კარგ რეჟისურას, მსახიობურ ოსტატობას.

კონსტიტუციის მიღმა დარჩენილი ამგვარი მოთხოვნები საქმიან მრავალრიცხოვანია. ამასთან, სხვადასხვა გარემოების შესაბამისად, შესაძლოა მათი კორექტირება ან საერთოდ უარყოფა. მაგრამ არის დაუწერელი, მუდმივმოქმედი ცენზი — პრეზიდენტი უნდა იყოს მონოპოლიტიკოსთა თავის სასურველი პირი, რომელსაც გააჩნია დიდადი ფული.

პრეზიდენტი ხელმძღვანელობს უდიდეს სახელმწიფო აპარატს. ერთ-ერთი არის კონსტიტუციით გაუთვალისწინებელი, მაგრამ ძალზე მნიშვნელოვანი რგოლი — პრეზიდენტთან არსებული აღმასრულებელი აპარატი. დროთა განმავლობაში ამ აპარატის საქმიანობაში წინა პლანზე წამოიწია ფედერალური სამინისტროებისა და უწყებების საქმიანობის მაკონტროლებელმა ფუნქციამ, უფრო მეტიც, როგორც „ირანგეთის“ სკანდალთან დაკავშირებულ გამოძიების დროს გამოაშკარავდა, აღნიშნული აპარატი უშუალოდ და ზოგჯერ გადაწყვეტს როდის ასრულებს პოლიტიკურ გადაწყვეტილებათა მიღებაში.

სახელმწიფოსა და მთავრობის მეთაური, აშშ-ს პრეზიდენტი ასრულებს განსაკუთრებულ როლს სახელმწიფო ხელმძღვანელობაში. კონსტიტუციის, სასამართლო პროცედენტებისა და დოქტრინის საფუძველზე პრეზიდენტის უფლებამოსილებანი შეიძლება სამ ჯგუფად დავყოთ:

<sup>4</sup> Конституции буржуазных государств, М., 1982, с. 12.

<sup>5</sup> «За рубежом», 1982, № 44.

<sup>6</sup> «Известия», 11 июля 1987 г.

См.: «Проблемы американистики», М., 1986, с. 136.

<sup>7</sup> კონგრესის შემადგენლობაში (აგრეთვე სხვა სახელმწიფო ორგანოებშიც) გასაოცარია იურისტების სიმრავლე. ეს პროფესიული ჯგუფი მოსახლეობის 0,2 პროცენტს შეადგენს, ხოლო კონგრესში დაახლოებით 250 ადგილი უკავია.



პირველ რგოლს შეადგენენ უშუალოდ კონსტიტუციით გათვალისწინებული უფლებამოსილებანი: პრეზიდენტის, როგორც ფედერაციის შეიარაღებული ძალებისა და შტატების მილიციის მთავარსარდლის, სამხედრო უფლებამოსილებანი, საერთაშორისო ხელშეკრულებების დადების უფლება; საგარეოპოლიტიკური, სამართალქმედითი და ფედერალური თანამდებობის პირების დანიშვნის უფლებამოსილებანი;

მეორე რგოლი — ეს, ე. წ. „საგულისხმოდ“ ანუ „ღია“ უფლებამოსილებებია. თურმე კონსტიტუციაში ისეთი ფორმულირებებიცაა, რაც მათი ფართო ინტერპრეტაციის საშუალებას იძლევა, მაგალითად, პრეზიდენტი ნიშნავს (სენატის თანხმობით) ფედერაციის თანამდებობის პირებს, ვიქვათ, მინისტრებს, ამასთან, მას მათი გადაყენების უფლებაც გააჩნია, თუმცა, ამის შესახებ ძირითად კანონში არაფერია ნათქვამი.

მესამე რგოლს შეადგენენ პრეზიდენტის ის უფლებამოსილებანი, რომლებიც მას დედეგირების წესით მიღებული აქვს კონგრესისაგან.

მთელი XX საუკუნის განმავლობაში მიმდინარეობს პრეზიდენტის პერროგატივებისა და რეალური ხელისუფლების ზრდა, იგი გასცდა იმ საზღვრებს, რომელიც კონსტიტუციამ დაადგინა და ამჟამად არის პოლიტიკური ცხოვრების ცენტრალური ფიგურა. თუმცა, იმდენ უნდა აღინიშნოს, რომ „უოტერგეიტმა“, „ირანგეიტმა“ და სხვა ამგვარმა სკანდალმა წარმოშვეს ვარაუდი „პრეზიდენტის ხელისუფლების ინსტიტუციონალური კრიზისის“, „ამერიკის შეერთებული შტატების პრეზიდენტის დემოთოლოგიზაციის“ ნიშნების შესახებ.

უმადლესი სასამართლოს მოსამართლეებს „სენატის თანხმობით“ ნიშნავს პრეზიდენტი და ისინი თავის მოვალეობას ასრულებენ, ვიდრე მათი ყოფაქცევა უმწიკვლო იქნება.

უმადლესი სასამართლო პირველ რიგში და არსებითად სასამართლო ორგანოა, მაგრამ ინტერნსოკლუბული არ იქნება გავცნობთ მის, როგორც კონსტიტუციური ზედამხედველობის ორგანოს საქმიანობას. კონსტიტუციის მიღებიდან 1970 წლამდე უმადლესმა სასამართლომ კონსტიტუციის საწინააღმდეგოდ გამოაცხადა 67 ფედერალური კანონი, შტატების 787 კანონი, 90 მუნიციპალური დადგინდება.<sup>9</sup>

უმადლესი სასამართლოს საქმიანობაში შეიმჩნევა მეთ-ნაკლები აქტიურობის პერიოდები. განსხვავებულია აგრეთვე მისი საქმიანობის სოციალური მიმართულება — უაღრესად კონსერვატიულიდან ლიბერალურ-დემოკრატიულამდე. იგი დღემდე რჩება ამერიკის პოლიტიკური ელიტის ბურჟუაზი და მნიშვნელოვან ინსტიტუტად, რომელიც საიმედოდ იცავს კაპიტალიზმის სამართლებრივ საფუძვლებს. ამასთან, უმადლესი სასამართლო ქვეყნის მოქალაქეთათვის არის პრაქტიკულად ერთადერთი ორგანო, რომლის საშუალებით შესაძლოა უფლებებისა და კანონიერი ანტირესიების აღკვეთა.

მარქსისტულ-ლენინური მეცნიერების თანახმად, კონსტიტუციური სისტემის ქეშმარიტი შემცენება შესაძლოა მხოლოდ მოქმედი კონსტიტუციისა და კონსტიტუციური რეალობის ადეკვატური ანალიზისა და შედარების გზით.

„კონსტიტუცია ფიქციურია, როდესაც კანონი და სინამდვილე ერთმანეთს შორდებიან: არაფიქციურია, როდესაც ისინი ერთმანეთს ეწყობიან“, წერდა ლენინი.

ამერიკის შეერთებული შტატების კონსტიტუცია აღნიშნავს თავის ორსაუკუნოვან იუბილეს და ამ გაგებით იგი, ცხადია, სტაბილურია. ამერიკელი იურისტები და პოლიტოლოგები კონსტიტუციის სიცოცხლისუნარიანობას „დამფუძნებელი მამების“ წინდახედულებას უკავშირებენ, რომლებმაც შემოიღეს „ურთიერთგაწონასწორებისა და შეკავების“ მოქნილი სისტემა და კონსტიტუციაში შესწორებების შეტანის გართულებული პროცედურა. ალბათ ამის შედეგია, რომ 1787 წლის კონსტიტუციის პრინციპები კვლავ ფუქმდებლურია ამ ქვეყნის სახელმწიფო წყობილებისათვის. მაგრამ შეერთებული შტატების საზოგადოების თანამედროვე სახელმწიფო-მონოპოლისტური კაპიტალიზმისაკენ ევოლუციამ სათანადო ცვლილებები მის კონ-

<sup>9</sup> აშშ-ს პრეზიდენტები ძალზე აზვიადებენ კონსტიტუციის ამ ნორმას. შეერთებულმა შტატებმა საზღვარგარეთ დაახლოებით 200-ჯერ გამოიყენა შეიარაღებული ძალები და მხოლოდ 5 შემთხვევაში კონგრესის მიერ ომის გამოცხადების შემდეგ. გამოუცხადებელი სამხედრო ოპერაციები და ომები ვიეტნამის, ლოსის წინააღმდეგ, გრენადის ოკუპაცია, ფაქტობრივი ომი ნიკარაგუს წინააღმდეგ, ინტერვენციები მსოფლიოს სხვა რეგიონებში ცხადყოფენ, რომ ამერიკის პრეზიდენტი თანდათან სამხედრო დიქტატორის ნიშნებს აცლენს.

<sup>9</sup> «Буржуазные конституции на современном этапе», М., 1983, с. 38.



სტიტუციურ ნაწილშიც გამოიწვია. ფორმალურ კონსტიტუციასთან ერთად ჩამოყალიბდა და მოქმედებს რეალური, ანუ ამერიკელთა ტერმინოლოგიით, „ცოცხალი“ კონსტიტუცია—სასამართლო გადაწყვეტილებანი და პრეცედენტები, კონგრესის უამრავი კანონი, აღმასრულებელი ხელისუფლების აქტები, პოლიტიკური პარტიების, სახელმწიფოს ცენტრალური ორგანოების ორგანიზაციის, ფუნქციონირების და ურთიერთკავშირის კონსტიტუციური ჩვეულებანი და სხვა.

ამ საიუბილეო თარიღთან დაკავშირებით, ბუნებრივია, იბადება კითხვა: რამდენად არის რეალიზებული კონსტიტუციის პრემბულაში დაყენებული მიზნები და იდეალები? შეიძლება ითქვას, რომ კონსტიტუციური კონვენტის დღეგატები „უფრო სრულყოფილი კავშირის“ შექმნას სახავდნენ, მაგრამ დროთა განმავლობაში მოხდა კონსტიტუციის ორივე პრინციპის („ურთიერთგაწონასწორებისა და შეკავების“ და ფედერალიზმის) ერთგვარი დეფორმაცია. აღმასრულებელი ხელისუფლების გაძლიერების ტენდენციამ, პერმანენტული ხახიათის პოლიტიკურმა სკანდალებმა გამოიწვიეს „ურთიერთგაწონასწორებისა და შეკავების“ პრინციპის დეფორმაცია, ხოლო ფედერალური ხელისუფლების უფლებამოსილებათა ზრდამ ეჭვის ქვეშ დააყენა ფედერალიზმის პრინციპის სიცოცხლისუნარიანობა.

ძირითადი კანონი მოითხოვს, რომ შეერთებული შტატების მოქალაქეებისათვის უზრუნველყოფილი იყოს „მართლმსაჯულება“ და „თავისუფლების სიკეთენი“. დღევანდელ ამერიკაში კი კვლავ გრძელდება ფერადკანიანი მოსახლეობის დისკრიმინაცია, გამოძიების ფედერალური ბიუროსა და დაწვერვის ცენტრალური სამმართველოს სამიწეში ამოღებულია მმართველი წრეებისათვის საშიში სხვაგვარად აზროვნება, ფართოდება პოლიციის თვითნებობა<sup>10</sup> და სხვ.

ერთ-ერთი იმ კეთილ სურვილთაგან, რომლითაც შედამაზებულა ბურჟუაზიული კონსტიტუციონალიზმის ვიტრინა, არის აგრეთვე „შინაგანი სიმყუდროვე“. სინამდვილეში კი ამ ქვეყნის მუდმივმოქმედი ფაქტორია, ცალკერძ მშრომელთა გაფიცვები, ეროვნულ უმცირესობათა გამოსვლები, მშვიდობისა და განიარაღების მომხრეთა მასობრივი მოძრაობები, და ცალკერძ. სოციალურ მანკად ქცეული ყოვლისმომცველი დანაშაულობანი.

კვლავ მიუღწევად იდეალად რჩება „საყოველთაო კეთილდღეობაც“. კაპიტალისტური სამყაროს ყველაზე მდიდარ სახელმწიფოში ოფიციალურად დადგენილ „სიღატაკის ზღვარის“ ქვემოთ მყოფ პირთა რაოდენობამ 1988 წელს 88,7 მილიონ კაცს მიაღწია.<sup>11</sup>

„დამფუძნებელი მამები“ მოუწოდებენ „ერთობლივი თავდაცვის უზრუნველყოფას“, რაშიც ვფიქრობთ, გულისხმობდნენ გარედან თავდასხმის მოგერიებას და ქვეყნის დამოუკიდებლობის შენარჩუნებას. განვლილი ისტორია კი სულ სხვას ადასტურებს, „თავისუფალი სამყაროს“ და „ცხოვრებისეული ინტერესების“ დაცვის ლოზუნგების მომარჯვებით შეერთებული შტატების მმართველი წრეები დაადგნენ იმპერიალისტური ექსპანსიის გზას, მისი მხედრობი მიისწრაფვის კოსმოსში, იმუქრება პირველი ბირთვული დარტყმით და სხვ.

ამრიგად, კონსტიტუციისა და რეალური სინამდვილის შეპირისპირება მოწმობს, რომ ის კეთილშობილური მიზნები, რომლებსაც ძირითადი კანონი ისახავდა, განუხორციელებელი დარჩა, რადგან კონსტიტუცია შეიქმნა ბურჟუაზიის კლასობრივი ინტერესების დაცვისათვის. დაბეჭითებით შეიძლება ითქვას, რომ იგი თავისი არსებობის 200 წლის მანძილზე საქაო წარმატებებს აღწევს ამ ასპარეზეზე.

<sup>10</sup> როგორც ვაზეთი „ბოსტონ გლობი“ წერს, ფედერალურ, ადგილობრივ და კერძო დაწესებულებებში მყოფ დოსიებში თავმოყრილია 114 მილიონი ამერიკელის პოლიტიკური სახისა და განწყობის ამსახველი ინფორმაცია.

<sup>11</sup> Международный ежегодник «Политика и экономика», вып. 1985, М., 1986, с. 181.



## ავამადლოთ საპროკურორო ზედამხედველობა

ამასწინათ გაიმართა საქართველოს სსრ პროკურატურის კოლეგიის გაფართოებული სხდომა, სადაც მოწვეულ იყვნენ ავტონომიური რესპუბლიკებისა და ოლქების, ქალაქების, რაიონებისა და ტრანსპორტის პროკურორები. კოლეგიაზე განხილულ იქნა რესპუბლიკის პროკურატურის ორგანოების მუშაობის ძირეული გარდაქმნის ამოცანები, გამომდინარე სკკპ ცენტრალური კომიტეტის ივნისის პლენუმის გადაწყვეტილებებიდან და ცნობილი დადგენილებიდან — „სოციალისტური კანონიერებისა და მართლწესრიგის განმტკიცებაში საპროკურორო ზედამხედველობის ამაღლების ღონისძიებათა შესახებ“.

კოლეგიის გაფართოებულ სხდომაზე მოხსენებით გამოვიდა საქართველოს სსრ პროკურორი პ. ბ. რაზმაძე.

სკკპ XXVII ყრილობის ისტორიულმა გადაწყვეტილებებმა — თქვა მომხსენებელმა — ბევრი რამ შეცვალა ცხოვრებაში. ამის დასტურია უკანასკნელ პერიოდში გამართული პარტიის ცენტრალური კომიტეტის პლენუმები და ის დადგენილებები, რომლებმაც უკვე მიიღეს საგზური ცხოვრებაში. გამომდინარე აქედან და საღირებელო ორგანოების მითითებათა საფუძველზე, რესპუბლიკის პროკურატურის ორგანოებმა მთელი რიგი ღონისძიებები განახორციელეს მიმდინარე წელს, რომლებიც მიმართულია სოციალისტური კანონიერებისა და მართლწესრიგის განსამტკიცებლად, მოქალაქეთა უფლებებისა და მათი კანონიერი ინტერესების დაცვის გასამძიერებლად, ამ საქმეში საპროკურორო ზედამხედველობის როლის ასამაღლებლად. ჩატარდა მთელი რიგი ორგანიზაციული და პრაქტიკული ღონისძიებები ავტონომიური რესპუბლიკების, ოლქის, ქალაქების, რაიონებისა და ტრანსპორტის პროკურატურების საქმიანობის სტილის, ფორმებისა და მეთოდების ძირეული გარდაქმნის მიზნით, საგამოძიებო-საპროკურორო მუშაობის პასუხისმგებლობის ასამაღლებლად, პროკურატურის ორგანოების ახალი კადრების გაჭანსადებისათვის და ა. შ.

ქალაქების, რაიონებისა და ტრანსპორტის პროკურატურებში დახმარების მიზნით გაიგზავნენ რესპუბლიკის პროკურატურის აპარატის გამოცდილი და პასუხისმგებელი მუშაკები, აღვილებზე შეისწავლეს საქმის მდგომარეობა და გამოვლენილი დარღვევების აღმოსაფხვრელად დასახეს კონკრეტული ღონისძიებები. უფრო მკაცრი და მომთხოვნი გახდა საპროკურორო ზედამხედველობა მომხდარი დანაშაულის შესახებ განცხადებებისა და შეტყობინებების რეგისტრაციაზე, მათი გადაწყვეტის კანონიერებაზე. ამაღლდა პროკურორთა მონაწილეობა და მომთხოვნელობა სისხლის სამართლის საქმეთა გახსნასა, გამოძიებასა და განხილვაზე.

რესპუბლიკის სამართალდაცვითი ორგანოების ურთიერთშეთანხმებული მოქმედება დადებითად შემოქმედებდა სამინისტროების, უწყებების, მათი ქვემდებარე საწარმოების, დაწესებულებებისა და ორგანიზაციების სამეურნეო საქმიანობაზე, მთლიანად რესპუბლიკაში კანონიერებისა და მართლწესრიგის განმტკიცებაზე. სწორედ ამან განაპირობა, რომ მკვეთრად შემცირდა ისეთი დანაშაულები, როგორცაა განზრახ სხეულის მძიმე დაზიანება, გაუპატიურება, ყაჩაღობა, ხულიგნობა, ავტოსატრანსპორტო შემთხვევები, ძარცვა, სახელმწიფო, საზოგადოებრივი და პირადი ქონების ქურდობა და სხვ.

ამასთან ერთად, შეინიშნება აგრეთვე მთელი რიგი ნეგატიური მოვლენები, რაც აღინიშნა კიდევ ამასწინათ საქართველოს კომპარტიის ცენტრალური კომიტეტის ბიუროს გაფართოებულ სხდომაზე. ბიუროზე მოიყვანეს მავალითები, როდესაც დამნაშავეობის საერთო შემცირების დროსაც კი რესპუბლიკის ზოგიერთ რეგიონში შეიმჩნევა ისეთი მძიმე დანაშაულების ზრდის ტენდენცია, როგორცაა განზრახ მკვლელობა, ჭაფუფური გაუპატიურება. სამწუხაროდ, ჯერ კიდევ მაღალია მუქთახორების, რეციდივისტების მიერ ჩადენილი დანაშაულების ხვედრითი წილი და ა. შ.

კვლავ რთულია ოპერატიული მდგომარეობა ქ. თბილისში, სადაც საგრძნობლად იმატა განზრახ მკვლელობამ, სხეულის მძიმე დაზიანებამ, ყაჩაღობამ, არადამაკუფილებლად მიმდინარეობს მუშაობა მკვლელობის, ყაჩაღური თავდასხმებისა და ზოგიერთი სხვა მძიმე დანაშა-





ულტების გასასხნელად. ამ დანაშაულობათა მნიშვნელოვანი ზრდა და მათი გაუხსნელობა შეინიშნება მახარაძის და ქარელის რაიონებში. საგრძობლად ვაიზარდა აგრეთვე მძიმე დანაშაულები ლაგოდეხში, დუშეთში, ხაშურში, ქ. თბილისის საბურთალოსა და ში კონისრის სახელობის რაიონებში.

საქართველოს კომპარტიის ცენტრალური კომიტეტის დადგენილებაში აღნიშნული ნაკლოვანებები, რომლებიც პროკურატურის ორგანოების საქმიანობას შეეხება, იმას მოწმობს, რომ ზოგიერთმა პროკურორმა დროულად ვერ შეიგნო საპროკურორო ზედამხედველობის დიდი მნიშვნელობა, კვლავ პასიური პოზიცია უკავია, მოქცეულია ვიწროუწყებრივი ინტერესების ზეგავლენის ქვეშ, პრინციპულ შეფასებას არ აძლევს სოციალისტური საკუთრების დაცვის მდგომარეობას, მექრთამეობასთან, მიწრებთან უხარისხო პროდუქციის გამოშვებასთან ბრძოლას, ურიგდება კანონიერების უხეშ დარღვევებს, არ იყენებს საპროკურორო ზედამხედველობის ძალას კანონიერებისა და მართლწესრიგის განსამტკიცებლად. სწორედ ამის მიზეზია, რომ კვლავ ხდება კანონიერების დარღვევები, მოქალაქეთა უფლებებისა და მათი ინტერესების შელახვა, უკანონო დაკავებები, დაპატიმრებები, დანაშაულის მიჩქმადვის, მასალების უადინფიკაციის ფაქტები მოხდა მახარაძის, წულუკიძის, თერჯოლის, ღმანისის, გუდაუთისა და ზოგიერთი სხვა რაიონის სამართალდაცვით ორგანოებში.

პროკურატურის ორგანოების საქმიანობის მწვავე და სამართლიანი კრიტიკა თითოეული საპროკურორო-საგამოძიებო მუშაკისაგან მოითხოვს გარდაქმნაში პოზიციის ღრმად გააზრებას, დისციპლინასა და მინდობილი საქმისადმი შემოქმედებით მიდგომას, აქტიურ მონაწილეობას მუშაობის ახალი, უფრო ეფექტური ფორმებისა და მეთოდების ძიებაში.

საგამოძიებო მუშაობის მაჩვენებლების გაუმჯობესების მიუხედავად, საპროკურორო ზედამხედველობა მოკვდევასა და გამოძიებაზე არსებითი ნაკლოვანებებით ხასიათდება. საგამოძიებო აპარატი ნელა გარდაიქმნება. არ არის აღმოფხვრილი გაჭიანურების და უკანონო გადაწყვეტილებების მიღების ფაქტები. სისხლის სამართლის საქმეებზე ზოგან მართლაც შეუწყნარებლად დაბალია გამოძიების ხარისხი. დაბალი მაჩვენებლები აქვთ ამ მხრივ ქ. მარნეულის, თერჯოლის, თეთრიწყაროს, ახმეტის, ღერტების, წალკის, ღმანისის რაიონების პროკურატურებს.

საპროკურორო ზედამხედველობის ახალდების და სასწავლო მეთოდური სემინარების ჩატარების მიზნით განხორციელებული ღონისძიებების მიუხედავად, ჯერ კიდევ არ შეიმჩნევა ძირეული ძვრები სახელმწიფო ბრალდების მხარდაჭერაში. ზოგიერთ პროკურორი სათანადოდ არ ასრულებს სახელმწიფო ბრალდებლის ფუნქციებს, სუსტად ემზადება სასამართლო პროცესებისათვის, სათანადო დახმარებას არ უწევს მოსამართლეებს საქმეზე კუშმარტების დასადგენად, ხშირად თვითონ დგას მცდარ პოზიციაზე, ავლენს იურიდიულ უცოდინრობას (ქ. ჭიათურის პროკურორის თანაშემწე გ. მჭედლიშვილი და სხვები).

არის ფაქტები, როდესაც უსაფუძვლო განაჩენები არ პროტესტდება და სასამართლოს შეცდომები სწორდება მხოლოდ საკასაციო საჩივრებით ან ზედამხედველობის წესით. ამ მხრივ არადაპაქმყოფილებელი მდგომარეობაა ქ. თბილისის ორკონიკიძის, ოქტომბრის და ღენინის რაიონებში, ქ. გორის, ადიგენის, ახმეტის, ზუგდიდის, თიანეთის, მახარაძის, საგარეჯოს პროკურატურებში. განაჩენის დაგვიანებით აღსრულების ფაქტებს ადგილი აქვს სამხრეთ ოსეთის ავტონომიურ ოლქში, ქ. თბილისში. გაუარესდა აგრეთვე მართლმსაჯულების განხორციელების დროს საზოგადოებრივი ბრალმდებლებისა და დამცველების მონაწილეობის მაჩვენებლები, სასამართლოები ნაკლებად განიხილავენ საქმეებს გამსვლელ სესიებზე. ეს განსაკუთრებით შეიმჩნევა ახმეტის, გორის, წითელწყაროს, თერჯოლის, თიანეთის, ყაზბეგის რაიონებში.

აღმოფხვრილი არ არის სამოქალაქო საქმეებზე სასამართლოებში პროკურორების ფორმალური მონაწილეობისა და მათ მიერ არამოტივირებული, არასწორი დასკვნების მიცემის ფაქტები, რის გამოც სასამართლოებს გამოაქვთ უსაფუძვლო, უკანონო გადაწყვეტილებები (ქარელის, ახალციხის, ზუგდიდის რაიონები). უზრუნველყოფილი არ არის სათანადო ზედამხედველობა სასამართლოებში ცალკეული მნიშვნელოვანი კატეგორიის საქმეების განხილვაზე (მახარაძის, თიანეთის რაიონები, ქ. წყალტუბო).

კვლავინდებურად შემაფოთებელია საპროკურორო ზედამხედველობა რკინიგზაზე, წყლის ტრანსპორტსა და საჰაერო ტრანსპორტზე. კვლავ აქვს ადგილი მატარებლების ვადავარდნას, ავარიებს, განსაკუთრებული აღრიცხვის წუნს. არასაკმარისია ტრანსპორტისა და ტვირთბრუნის პროკურატურების კოორდინაცია მოძრავი შემადგენლობის რაციონალური გამოყენებისა და ტვირთის დაცვის საკითხებში, სამოქალაქო ავიაციის სისტემაში გაზვიარდა მოსალოდნელი





ავარიის შემთხვევები, ხოლო ტრანსპორტის პროკურატურის ორგანოების მიერ გატარებულ ილწინსძიებები ნაკლებეფექტური აღმოჩნდა.

მოხსენების შემდეგ გაიმართა კამათი, რომელშიც მონაწილეობდნენ ამიერკავკასიის ტრანსპორტის პროკურორი რ. შიშინანი, გარდაზნის რაიონის პროკურორი ზ. გვამსტინანი, წულუკიძის რაიონის პროკურორი შ. კვარაცხელია, ადიგენის რაიონის პროკურორი მ. გიგინიძე, საქართველოს სსრ პროკურორის მოადგილეები მ. კოლბა და რ. გილიაშვილი.

საქართველოს სსრ პროკურატურის გაფართოებულმა კოლეგიამ მოიწონა პროკურატურის ორგანოების მუშაობის სტილისა და მეთოდების ძირითადი გარდაქმნის, კადრების შერჩევისა და განაწილების გაუმჯობესების, მათში მაღალი პროფესიონალიზმის, პრინციპულობის, გაფართოებული დემოკრატიისა და საქაროების პირობებში მოქმედების უზარის აღზრდის დონისძიებები.

ველეინფორმაციონი

### პროვაგანდისტის კვირეული

საქართველოს კომპარტის ქუთაისის ლენინის რაიკომის ინიციატივით 21-დან 26 სექტემბრამდე რაიონში ჩატარდა პროვაგანდისტის კვირეული, რომელიც შედგება მშრომელთა პოლიტიკური და ეკონომიკური სწავლების ახალი — 1987-88 სასწავლო წლის დაწყებას.

მთელი კვირის მანძილზე რაიონის წარმოება-დაწესებულებებსა და ორგანიზაციებში იმართებოდა საინტერესო ღონისძიებები: ლექციები, შეხვედრები, „მრგვალი მაგიდები“, საჩვენებელი მეცადინეობები, კონფერენციები, გულახდილი დიალოგები ისეთ აქტუალურ საკითხებზე როგორცაა მეურნეობრიობის ახალი სისტემის პრობლემები და ამოცანები, რაიონის სახალხო მეურნეობის სიახლენი და პერსპექტივები, პოლიტიკური და ეკონომიკური სწავლების გარდაქმნა: გამოცდილება, პრობლემები და პერსპექტივები, მეურნეობრიობის ახალი პირობებში მუშაობისა და პროდუქციის სახელმწიფო მიღებაზე გადასვლის სრულყოფა და სხვა.

კვირეულის დიდი ნაწილი დაეთმო მშრომელთა სამართლებრივი აღზრდისა და ახალგაზრდობის სამართლებრივი კულტურის ამაღლების საკვანძო საკითხებს.

24 სექტემბერს აბრეშუმის საწარმოს გაერთიანების სხდომათა დარბაზში გაიმართა „მრგვალი მაგიდა“, რომელიც შედგება „სახელმწიფო საწარმოს (გაერთიანების) შესახებ კანონის“ საკვანძო საკითხებს. ამ საქმიან შეხვედრაში მონაწილეობა მიიღეს რაიონის წარმოება-დაწესებულებებისა და ორგანიზაციების ხელმძღვანელებმა, ეკონომისტებმა, იურისტებმა, რიგითმა მუშებმა.

„მრგვალი მაგიდა“ გახსნა და დამსწრეთ ნაყოფიერი მუშაობა უსურვა აბრეშუმის საწარმოს გაერთიანების პარტიული კომიტეტის მდივანმა ირინე ლეშაშვილმა. შესავალი სიტყვა წარმოთქვა გაერთიანების გენერალურმა დირექტორმა ზურაბ მშაქაძემ. მან დაწვრილებით ილაპარაკა გაერთიანებაში მიღწეულ წარმატებებზე, გადასვრულ პრობლემებზე, იმაზე, თუ როგორ ემზადებიან მეურნეობრიობის ახალი სისტემაზე გადასვლისათვის. შემდეგ საქმიანი და პირუთენელი სჯამაახი გაიმართა სახალხო მეურნეობის ძირითადი რგოლის — საწარმოს (გაერთიანების) მართვის, შრომითი კოლექტივების თვითმმართველობისა და სოციალური საქმიანობის საკითხებზე. აქ წამოჭრილ კონკრეტულ პრობლემებზე დაწვრილებით ილაპარაკეს სსრ კავშირის შრომის სახელმწიფო კომიტეტის შრომის ინსტიტუტის საქართველოს ფილიალის დირექტორმა, პროფესორმა დავით ძეგლაძემ, საქართველოს სსრ მეცნიერებათა აკადემიის ეკონომიკისა და სამართლის ინსტიტუტის მეცნიერმა თანამშრომელმა, იურიდიულ მეცნიერებათა კანდიდატმა დავით მელიქიშვილმა, ქუთაისის ლენინის რაიონის სახალხო სასამართლოს თავმჯდომარემ სერგო ვალლაშერიძემ, უფროსად „საბჭოთა სამართლის“ პასუხისმგებელმა მდივანმა გელა ბარძენიშვილმა და სხვებმა.

„მრგვალი მაგიდის“ მუშაობა შეაჯამა საქართველოს კომპარტის ქუთაისის ლენინის რაიკომის მეთრე მდივანმა ბორის ძარხვლაძემ.





### სამეცნიერო ჟურნალის ფურცლებზე

თბილისის სახელმწიფო უნივერსიტეტის სამეცნიერო ბიბლიოთეკამ მიიღო გერმანიის დემოკრატიული რესპუბლიკის სახელმწიფოსა და სამართლის აკადემიის სამეცნიერო ჟურნალი „შტაატ უნდ რეხტი“ 1986 წლის მე-10 ნომერი, რომელშიც დაბეჭდილია შანს ლიუმანის რეცენზია „სოციალისტური სახელმწიფოსა და სამართლის საკითხები“. რეცენზია ეხება თბილისის სახელმწიფო უნივერსიტეტის გამომცემლობის მიერ 1984 წელს გამოცემულ საბჭოთა და გერმანიის დემოკრატიული რესპუბლიკის იურისტთა ერთობლივ შრომას. შ. ლიუმანი წერს, რომ „აღნიშნული კრებული მრავალი მიზეზის გამო იმსახურებს რეცენზიას: ერთი მხრივ, აღსანიშნავია სოციალისტური ქვეყნების იურისტთა ინტენსიური თანამშრომლობის წარმატებული ცდა, რაც აადვილებს აქტუალური საზოგადოებრივი და იურიდიული პრობლემების ურთიერთგაცნობას, აღრმავებს მარქსისტ სამართლისმცოდნეთა გამოცდილებას და მეცნიერული კამათის ღონეს; მეორე მხრივ, შეკამდა შედეგები, რომლებიც ნათელს ბუნენ ამ ორ ქვეყანაში სახელმწიფოსა და სამართლის აქტუალურ პრობლემებს. ეს მესამე ერთობლივი პუბლიკაცია თბილისის სახელმწიფო უნივერსიტეტის იურიდიული ფაკულტეტისა და იენის ფრიდრიხ შილერის სახელობის უნივერსიტეტის სახელმწიფოსა და სამართლის სექციის მრავალწლიანი თანამშრომლობისა და ნაყოფიერი მუშაობის შედეგია“.

კრებულში შესულია 12 სტატია, რომლებიც ეხება სახელმწიფოსა და სამართლის, აგრეთვე დემოკრატიისა და პიროვნების საკითხებს. საინტერესო თემებს ეხება რ. გოლნიკის, მ. უგრანტელის და გ. კროიპლის სტატიები.

რეცენზიაში შედარებით სრულად არის განხილული სტატიები, რომლებიც ეხება სახელმწიფო და აღმინისტრაციული სამართლის საკითხებს. კერძოდ, მაღალი შეფასება აქვს მიცემული გ. ტიტცისა და ვ. ლორიას სტატიებს.

გერმანიის დემოკრატიული რესპუბლიკის იურისტებისათვის, ნათქვამია რეცენზიაში, განსაკუთრებით საინტერესოა მოქალაქეთა ზოგადი და კონკრეტული უფლებების საკითხი, ვინაიდან გერმანიის დემოკრატიული რესპუბლიკის დარგობრივ ლიტერატურაში ამოსავალი წერტილია ძირითადი უფლებების იურიდიული გათანაბრება. ვ. ლორიას მიერ წარმოდგენილი დაყოფა მოქალაქეთა უფლებების პოლიტიკურ, სოციალურ-ეკონომიკურ და პიროვნულ უფლებებად, მოვალეობებად და თავისუფლებად შეიძლება შევადაროთ ე. პოპესა და სხვათა ოთხნაწილიან სტრუქტურას.

ი. ფრიხე ეხება გერმანიის დემოკრატიულ რესპუბლიკაში სამოქალაქო სამართლის საშუალებით პირადი არაქონებრივი უფლებების დაცვის საკითხს. ეს სტატია, აღნიშნავს რეცენზიის ავტორი, იმით არის ყურადღაღები, რომ აქ განხილულია სამოქალაქო და აღმინისტრაციული სამართლის გამიჯვნის საკითხები.

რეცენზიის დასასრულს განხილულია თბილისის სახელმწიფო უნივერსიტეტის სამოქალაქო სამართლის კათედრის გამგის, პროფესორ ს. ჭორბენაძის სტატია მოქალაქეთა ზიანის ანაზღაურების შესახებ, რაც გამოიწვია მათ მიმართ უკანონო ქმედებამ.

ზოთა ავაქიძე,

თბილისის სახელმწიფო უნივერსიტეტის სამეცნიერო ბიბლიოთეკის ლირექტორი.

### სტუმრად საჩხერალ მუშაბთან

საჩხერის რაიონის ბამბეულის ფაბრიკაში გაიმართა თეორიული კონფერენცია, რომლის ინიციატორებიც იყვნენ რაიონის პროკურატურა და სახალხო სასამართლო. კონფერენციის მუშაობაში მონაწილეობდნენ საქართველოს სსრ უმაღლესი სასამართლოს წევრები შ. ფაფიაშვილი, რ. ცინცაძე და ო. ჭიბლაძე, თბილისის სახელმწიფო უნივერსიტეტის პროფესორი ვ. ფარქოხაძე, საჩხერის რაიონის პროკურორი კ. ყიფიანი, სახალხო მსსამართლე ნ. ზამბახიძე

და შინაგან საქმეთა რიგანყოფილების უფროსი გ. კურტანიძე.

საინტერესო მოხსენებების შემდეგ მათ ამომწურავი პასუხები გასცეს კონფერენციაზე მოწვეულებს სისხლის სამართლის, შრომისა და საბინაო კანონმდებლობის საკითხებზე.

ბამბეულის ფაბრიკის მუშებმა მადლობა გადაუხადეს სტუმრებს ამ საინტერესო ღონისძიების მაღალ ღონეზე ჩატარებისათვის.

თ. ზიგვილაშვილი, საჩხერის რაიონი.



## „ქმნა მართლისა სამართლისა...“

ელზარ ჟიჟინი, თამაზ შავგულიძე

### ქიება კვიციანიერ სამყაროში

პირველად ისევ გრძელიძეს მივადექი და პირდაპირ ვკითხე:

— გაკეთებული გაქვთ? ამრეზით შემომხედა. კარგა ხანს არ მიბასუნა, ბოლოს აქეთ მკითხა:

— რა მკითხეთ?

— მოწიეთ ან გაიკეთეთ რამე?

— ცოტა, სულ ცოტა.

— როგორ შოულობთ?

— სხვებს ხომ არ „ჩაფუშვებ“.

— მაშ ის მითხარით, რატომ იკეთებთ.

— კარგია და იმიტომ. თქვენ რა, არასდროს გაგიკეთებიათ, მაგალითად, მორფი, — თქვა და სიცილი აუტყდა, მერე ისევ განაგრძო: — არ ღვევირგვინხართ ამ ერთი სიტყვის როგორ ეშინიათ „გომეზს“! გინდა მორფი გითქვამს და გინდა ბომბი აგიფეთქებია, იცით, რატომ? იმიტომ, რომ კარგია, მაგრამ ყველა ვერ ბედავს გაკეთებას, საკმარისია ერთხელ გაიკეთონ და მიეჩვენებინათ კიდევ, აი სწორედ ეს არ უნდათ... ჰო, თქვენ თუ გაგიკეთებიათ?

— კი. ფები მოვიტყებ და მაშინ გამოიკეთეს ტყვილის გასაყურებლად...

მაგიდაზე გადმოწვა, სახე ახლოს მომიტანა და ნიშნისმოგებით მიხარა:

— აა, ხომ ხედავთ?!

— რას უნდა ვხედავო... თქვენ რა, გტკივათ რამე?

— ფების ტყვილი რა არის! „ღუშა ბალი“... თუმცა, თქვენ ამას ვერ გაიგებთ...

— იქნებ შევძლო...

— რამე რომ ასტროფიქს კაცს, ის რამე ხომ უნდა ჰქონდეს?!

— დავუშვით მე სული არ მაქვს, მაგრამ თქვენ გაქვთ, ჰოდა, თქვენს სულზე, თქვენს ტყვილზე ვილაპარაკოთ. ნუთუ არ გაქვთ

სურვილი, რომ თქვენი სატყვიარი სხვას გაუზიაროთ...

თანხმობის ნიშნად თავი დამიქნია.

— მართალია, თქვენი მეგობარი არ ვარ, შეიძლება ვეღარც შევხვდეთ ერთმანეთს, მაგრამ ხანდახან ხდება, რომ უცნობთან უფრო მოგვიხდება ხოლმე გულის გადაშლა...

— კი.

— მე მგონი, უმიზნოდ სული არ აგტკივდებოდათ... მითხარით, რა სჭირს თქვენს სულს?

— ძნელი სათქმელია, — ამოილულულა ძლივს. ეტყობა მართლაც უჭირდა თქმა.

— ძნელია, რა თქმა უნდა იქნებ. მის თქმა მაინც მოახერხოთ, რას ნიშნავს ტყვილის დაყურება.

ისევ კარგა ხნით ჩაფიქრდა.

— მხოლოდ მიახლოებით თუ შევძლებ, რადგან სიტყვა მეტად ტლანქია ასეთი განცდის გამოსახატავად. ვისკენებ ხოლმე... შევება მეუფლება. აღარაფერი მაწუხებს, ვიძირები სადღაც, ვიკარგები... კარგია, თითქოს, მე მე კი არ ვარ, არამედ — სხვა, უსაზღვრო სამყაროს ვუერთდები, მეც უსასრულო და უსაბამო სამყარო ვხდები. უტკივილო, შეუშფოთებელი, მარადიული, — გაიღიმა და მცირე ხანს ასე იჯდა. შემდეგ ისეთი ფხიზელი თვალით შემომხედა, გამოვიკირდა:

— იმ დროს გარემო აღარ არის უცხო. მტრული... აუტანლად მტრული! იცით, რა, გინდათ, ეგზისტენცია დაარქვით ამას, გინდათ... რაც გნებავთ. მე ამას განვიციდი მოკლედ, კაიფი მიჭირავს ხოლმე.

— თრობას ჰგავს, ალბათ.

— ვისაც რითი უნდა, იმით დათვრეს!

— კაიფი არაბული სიტყვაა ევროპული გზით შემოსული. იგივე სიტყვა ჩვენში ადრე პირ-





დაბირ შემოვილა — ქეფი ჰქვია. გარემო აღ-  
არ არის მტრული, აუტანლად მტრული...

საქი უსაილოდ მოეპოვნა:

— რწვევის გუნებზე შეგნებს. გარემო ისე-  
თი ბინძურია, თითქოს მეც მსვრის... განწმენ-  
დის სურვილი მეზადება.

— მიმასთან რა ურთიერთობა გაქვთ?

გაკვირვებული შემომიბრუნდა, დამაკვირდა:

— ვისთან?

— მამათქვენთან.

გაიღიმა. დამცინივად გაიქნია თავი:

— რა სუფრასთან მოსატანია იყო! — მისაყვე-

დურა, — თქვენ თუ მიმასუხებთ ერთ რამეს  
გულწრფელად?

— კი, ბატონო!

— დამცინით?

— არც მიფიქრია! ამდენ ნებართვას იმიტომ  
ვაკეთებ და ამხელა გზას იმიტომ გავდივარ,  
რომ დაგცინოთ?! ეს არ გეკადრებათ!

— მაშ, მამაჩემი რა შუაში იყო?!

— თქვენ ის მიმასუხებთ, რა ურთიერთობა  
გაქვთ?

— არავითარი! იმასთან ურთიერთობა არ  
შეიძლება.

— მომიყევით თქვენს ოჯახზე! ცოლშვილი  
რომ არ გყავთ, ვიცი. მშობლები?

— დედა აღრე გარდამეცვალა. ეჭვისი წლის  
ვიყავი, მე და მამაჩემი ღვარჩით. დიდი „შიშ-  
კა“ იყო. იქაც მიუხედავად რა კაციც იყო.  
ახლა პენსიაზე ადღია. პირწაფარდნილი კარიე-  
რისტი იყო, არც ცოლი ეხატა გულზე, არც —  
შვილი! მისივე „წყალობით“ ცოლი გარდაეცვა-  
ლა, შვილი ვერ შეეთვისა, სკამიც დაკარგა...  
ახლა, გაუბედურებული კაცი!

იგი ილაყვებით დაეკრძნო მაგიდას, ხელები  
საფეთქლებზე შემოიწყო.

— დღათქვენის გარდაცვალება რა, მისი...  
ასე ვოქათა... — ისე წამოვიწყებ, თუ სურდა,  
კიდევ იტყოდა რამეს.

— ქალი სუსტი არსებაა. მის გამუდმებული  
ზრუნვა, ყურადღება ჰრდებდა. ცოლი თუ არ  
უნდოდა, მე რას მერჩოდა; მე მიწოდდა დე-  
და!

— ცუდად გექცეოდათ ბავშვობაში?

— ცუდად!

— გცემდათ ხოლმე?

— ხშირად!

— რატომ?

— პირუტყვია და იმიტომ! საკუთარ შვილს,  
უღედოს... — გაჩუქდა. კარგა ხანს ხმა არ  
ამოიღია. ვაღრვოვ. შემდეგ თვითონ წამო-  
იწყო:

— უკვე დიდი ვიყავი, მეთათე კლასში... ისე  
დამალურჯებდა, გარეთ ვერ გავდიოდი. ახ-  
ლა იმაზე მომხვდებოდა, რატომ სკოლაში არ

იყავი, რატომ გააცივინე, სწავლა არ კინდა,  
შენხელა რომ ვიყავი უზარმაზარ წარმოებას  
ეუღდექი თაღშიო. ძალიან რომ გამაძწავა. იტო-  
ხებო, მეც მივარტყი და სულ წავივლი შინდან.  
ემ, არც ღირს მოსაყოლად, თავი შევაწყინეთ...

— ავი თქვით, მორწმუნე ვარო!

შემომხელა. მხერა დაბინდული აღარ ჰქონ-  
და. ბავშვით გამიღიმა.

— მერე, თქვენ ხომ მღვდელი არ ხართ! —  
მიმიხვდა, რატომაც ეუხსენე სარწმუნოება.

— აღსარება მხოლოდ იმიტომ არ მოუგო-  
ნიათ, შენდობა მიიღოს კაცმა.

— შესანდობი არაფერი მაქვს.

— ჯერ ახალგაზრდა ხართ. საკუთარი გა-  
მოცდილებით ვიცი, რომ გულის გადაშლამ  
შეგვა იცის...

თავდახრალი იჯდა. ყოყმანობდა. შემდეგ  
კვლავ ალაპარაკდა:

— რაც თავი მახსოვს, სულ იმის მეშინოდა,  
რამე არ შემეშალოს, არ მცემოს-მეთქი. —  
უხერხულობის დასაფრავად სიგარეტს წასწე-  
და გრძელძივ, — ასე რომ ვიყავი, უფრო  
მეშლებოდა. ცემა ერთია... ცემა კი არა, ჰყინტ  
ბავშვს ამხელა კაცი რომ დაგადგება თავს და  
გჩაგრავს, შეურაცხყოფას გაყენებს... მამა,  
საკუთარი მამა! თან, რომ ატყობ, სიამოვნებს  
ეს... — კიდევ აპირებდა რაღაცის თქმას, მაგ-  
რამ თავი შეიკავა. მოულოდნელად მკითხა, —  
ერთი საათი არ გავიდა ჯერ?

საათზე დავიხედე. მიგხვდი, აღარ უნდა  
მიგძალებოდი.

— — კარგი, წავალ! — ფეხზე წამოვდექი, —  
ერთს შეგეკითხები კიდევ. სასამართლოზე თუ  
იყო?

არ ყოფილაო, თავი გააქნია გრძელძივ.

— მიშა, კიდევ მოვალ, ოღონდ, შეეცადეთ  
ისე მელაპარაკოთ, თითქოს თქვენზე კი არა,  
სხვაზე გეჭონდა საუბარი. მე სულაც არ მიწნა  
ტკივილი მოგაყენოთ.

არც კი უთქვამს, არც არა, იჯდა და სარკ-  
მელში იყურებოდა.

იმ საუბრის შემდეგ მამამისაც მივაღდექი  
შინ. რამდენჯერმე ვიყავი, მაგრამ ილია გრძე-  
ლიძე ვერ შევისწარი. ეჭვი შემეზარა, იქნებ  
ცოცხალი აღარ იარს-მეთქი. ბოლოს, კარის  
მეზობელს გამოველაპარაკე, ხანშიშესულ ქალს.  
მისი ნახვა თუ გინდა, პარკში ჩადი, იქ იქნებაო.  
ჩავედი, გავიკითხე, როგორც იქნა, მივაგენი.  
მალალი კაცი იყო. წლოვანებას ადვილად ვერ  
მიგუხვდი. სამოტზე მეტის, თითქოს, არ უნდა  
ყოფილიყო, მაგრამ მოტენილი ჩანდა. მარტო  
იჯდა ძელსაკმზე. ვახეთს კითხულობდა. გვერ-  
დით მიუჯექი და პირდაპირ სათქმელს მივა-  
ღდექი:



— თქვენ ილია გრძელიძე, მიხეილის მამა ბრძანდებით, არა?

— დიახ.  
— სად არის თქვენი ვაჟი, იციო?  
არ ესამოგნა ასეთი შეკითხვა. ცოტა არ იყო, ავღებულად მომპარათ:

— თქვენ ვინ ბრძანდებით?  
სოცარია, მაგრამ ამ კითხვაზე გამზადებული პასუხი არ მქონდა. რაც მომდგა ენაზე, ის ვუთხარი:

— მისი დამცველი ვარ.  
— ასეც ვიცოდი, დამცველი რომ დასჭირდებოდა კიდევ. — ნიშნის მოგებით ჩაილაპარაკა.

— ესე იგი; ახლა სად არის, ნამდვილად არ იციო?  
— გვადები, ციხეშია, სხვაგან სად უნდა იყო, ქუთაისს და არამზადის ადგილი ციხეა.

— თქვენც ხომ არ გიღვეთ ამაში წვლილი? — პირდაპირ მივხალე პირში.  
— მე ცდა არ დამიკლია, მაგრამ არაფერი გამოვიდა, — სრულიად მშვილად თქვა და უფრო მოხერხებულად მოეწყო სკამზე.

— თქვენი ცდა რაში გამოიხატებოდა?  
— თავიდანვე უსაქციელო ბავშვი იყო. საწყალი დედამისიც მისმა უზნეობამ ვადიოცლო...

— მაინც, რას შერებოდა ასეთს?  
— რომელი ერთი ვითხარათ... რა ექნა, ჩემი შვილი კია, მაგრამ... შვილი რომ მამას ხელს შემოკრავს, მისგან რა სიკეთეა მოსალოდნელი? სანამ ვერვოდი, ხელში მეჭირა, მერე სულ აიშვა. პატარა კი აღარ იყო. პირველ კურსზე სწავლობდა... ეპ, დღევანდელი ახალგაზრდები! — ხელი ჩაიქნა ილიამ, — სხვისთვის რა პასუხი უნდა მომეოზოვო, საკუთარ შვილს ვყავდი ახუჩად იღვებულო.

— აყოლა ვარჩიე და კვერი დავუკარი:  
— კი, ნამეტანი წახდენენ!

— მეც მყავდა მამა, კეტით გამზარდა. ენას როგორ შეგუბრუნებდა! დარწმუნებული ვიყავი, მომკლავდა! ასე უნდა, აბა! რომ არ მეცემა, სულ გავგულრდებოდა ერთხელ, დავინამუსე, თუ არ გინდა სწავლა, ნუღარ წახვალ სკოლაში-მეთქი. მართლა არ წავიდა! ვუყურე ერთი დღე, ორი, კვირას ზის შინ და იმხელა ვიჩი ზღაპრებს კითხულობს. ვარჯიშ მაინც გასულიყო, ბურთი ეთამაშა, რამე ექნა, არ ვიცი, არ ვიცი! არ მიმერტყა?! მიიხარო, რა უნდა მექნა გინდა თუ არა მანქანა მივიღო. თხუთმეტი წლის ბიჭისთვის მანქანა როგორ მეყიდა! სულ უბრალო რამე! შემკამდა, ზოოპარკში წამიყვანეო. იმხელა იყო. ჩემი წყევანა რად უნდოდა? კარგი, ბატონო, გამოვანახავდი დროს, მოვცდებოდი საქმეს.

წავიდეთ-მეთქი. რომ მომეკლა, აღარ წამოვიდოდა; ეს რაღა არის?! გამაგებინეო, რა არის ეს?!

კიდევ ბევრი იბოხოქრა, მაგრამ, ძირითადად, ერთი და იგივეს ამბობდა და მეტი აღარ ჩამიწერია.

რამდენიმე დღის შემდეგ ისევ ვანო ბაბუური მოვიანხულე კოლონიაში და შეწყვეტილი საუბარი განვაგრძე:

— ვანო! ერთი შეხედვით შენ თითქოს სხვა გზა არ გქონდა. ამისხენი, ერთი, რას ჰქვია, სხვა გზა არ გქონდა?

— პასუხის გაცემა გაუჭირდა. ასეც ვიცოდი, თუ გულწრფელი იქნებოდა, ვერაფერს იტყოდა. ეს კითხვა საუბრის გეზის ასაღებად მჭირდებოდა მხოლოდ.  
— გწიოდა?

— კი.  
— ოთახის ქირაც გადასახდელი გქონდა, არა? ვინ იყო შენი დიასახლისი?

— ერთი მარტოხელა ქალი. სამი ოვე ვერ მივეცი ფული. მიიხრა, ან ფული მომეცო, ან სხვა უნდა შემოგასახლო.

— დედ-მამამ თუ იცოდა, სად ცხოვრობდი, რა დღეში იყავი?  
— მივეწრე, მშენებლობაზე ვმუშაობ-მეთქი.  
— რატომ არ მუშაობდი?

— ვიმუშავე ცოტა ხანს. მერე, დამიოხრეს, ჩაწერილი უნდა იყო.  
— მშობლები რაღას მოატყუე?

— უკან წამიყვანდნენ, არ მინდოდა დაბრუნება...  
— შენს გარდა ხუთი და-ძმა ხართ, მაგრამ, შენი მშობლები არც ისე გაჭირვებული არიან, ლუკმა დაემადლებინით შენთვის.

— არა.  
მართალია, გულწრფელად მპასუხობდა, მაგრამ ინიციატივას არ იჩენდა.  
— ცუდად გაქცეოდნენ?

— არა.  
— რა გინდოდა, აბა, მიიხარო!  
— არ მინდა სოფელში ცხოვრება.

— რატომ, ამისხენი!  
— არ მიყვარს სოფელი. ქალაქი უკეთესია.  
— იქნებ, იმითმ გირჩევნია, რომ აქ ქურობის და ყაჩაღობის მეტი საშუალებაა... შენი ფიქრით, რა თქმა უნდა!

— არ მინდოდა, არა... მომეზმარეთ! — მთხოვა უცებ.  
— ან იმას ვერ უხხელ თავს, რომ გინდოდა, ან იმას, რომ სხვისი ვაგლენის ქვეშ მოჰყვი.

— სხვა გზა რომ მქონოდა, არ ვიხამდი.  
— შენ თავად ხომ არ ჩაიყენე თავი გამოუვალ მდგომარეობაში?! სოფელში დაბრუნება არ მინდოდა, დახმარებას როგორ ვითხოვდი,



მათხვარი ხომ არ ვარო. რა მოხდა, ახალ-გაზრდა კაცს ვინმე თუ დაგეხმარება...

— ჯარშიც კი არ წამიყვანეს, — შემაწყვეტინა სიტყვა.

— ვიცო, ბრტყელტერფიანი ხარ, ცოტას კოჭლობ კიდევ.

— სოფელში ვერ გამოვლექი. აქ, მინც... კაცი ვარ!

როგორც იქნა, თქვა სათქმელი. ახლა უნდა დამეცლია, იქნებ კიდევ ეთქვა რამე, მაგრამ კარგა ხანს იჭოქმანა, ბოლოს გაბედა და თქვა:

— ბავშვობიდან აგდებული ყვავიდი ყველას სირბილი მე არ შემიძლო და მუშაობა... ქალაქში კი ამას ვერ ვგრძნობდი... არავინ არ გიცნობს...

— რაღაც მიზეზი კიდევ უნდა იყოს, ასე რომ აითვალწუნე შენი სოფელი... — ჩავერჩე, მაგრამ შევატყე, მეტის თქმას აღარ აპირებდა. მინც არ მოვეშვი:

— კარგი, ვთქვათ, სოფელში სამუდამოდ ცხოვრება არ გინდოდა, კაცია და გუნება, მაგრამ დაბრუნებულიყავი ერთი წლით, წაიმუშავებდი, უკეთ მოემზადებოდი, მუშაობის სტაჟიც გექნებოდა, ჩაბარებდი ინსტიტუტში, ინჟინერი გახდებოდი და ქალაქში იცხოვრებდი, სულ ნახევარი ქულა არ დაგავლდა?.. კიდევ გეცადა.

— არ მინდოდა დაბრუნება.

— ერთი წლითაც კი? — გამიკვირდა და ვიგრძენი, რომ საუბრის გაგრძელებას ახლა აზრი აღარ ჰქონდა; — ჰო, კარგი, მოვრჩეთ დღეს! დაფიქრდი, ორ-სამ დღეში შემოვივლი, შემდეგ განვაგრძობთ...

— რა საქირთა?!

დროულად დამისვა კითხვა, ბოლოსდაბოლოს, რომ უნდა განმეხმარებოდა ჩემი ვიზიტების მიზეზი:

— რა საქირთაო... შენ ხუთთა წელი მოგისაჯეს, ხომ?

— კი.

— ალბათ, უკვე გაიგე, რომ სხვადასხვა მიზეზის გამო მალე გახვალ აქედან. ვიცი, გულწრფელად გწამს, რომ მსგავს საქციელს აღარ ჩაიდენ, სხვა ცხოვრებას დაიწყებ; მაგრამ ვაჟა ხანი და ისევე წააციდებდა ხელი. იქნებ ასე არც მოხდეს, მაგრამ მგონი, თავს ვერ შეიკავებ... გრძელძიის მაგალითი აიღე. პირველად სასამართლომ გაითვალისწინა მისი ახალგაზრდობაც, ისიც, რომ პირველი შემთხვევა იყო; გამოსწორდება, მეტს აღარ იზამსო და რაც შეიძლებოდა ნაკლები მიუსაჯეს. გამოვიდა, რამდენიმე თვე ძლივს დაჰყო გარეთ და ხელმეორედ ჩავარდა. მესამედ კი თორმეტი წელი მიუსაჯეს. იცი, რატომ ვერ მოიშალა ქურდობა?! თავიდან არ იცოდა,

რატომ ქურდობდა, რატომ აირჩია ცხოვრების ეს გზა... რამ უბიძგა, დამნაშავე გამხდარიყო. იცი, აღმინი თვისათვალ, ისეთი ბუნების არის, თუ რამემ არ უბიძგა, ბოროტბოქმელი არ ხდებოდა. ეს ფილოსოფიური თემაა, ახლა არ ღირს სიტყვის გაგრძელება. თუ კი ბოლომდე, დაუფარავლად გაიხარებ დანაშაულის ჩადენის მიზეზებს, სხვა დროს აღარ იზამ. მე იმიტომ ვარ აქ, რომ დაგეხმარო... შენზე მეტი ვიცი და მინახავს, გამომიცლია კიდევ... სხვა, სხვის საქმეში ბრძენიარ, ხომ გავიგია! რაც არ უნდა საჩოთიროდ მოგეჩვენოს, სათქმელი უნდა სთქვა, გულში ჩაგუბებული ბოღმისგან გათავისუფლდები... აბა, კარგად იყავი!

ახლა ირავლი სუბიავილთან მივედი კოლონიაში.

— ირავლი, ვალის დაბრუნება და ბაბუერის დახმარება შენი საქციელის საბაბი უფრო იყო, ვიდრე მიზეზი.

— თითქმის ასეა... ვალი ნამდვილად მქონდა! აუცილებლად უნდა გამესტუმრებინა, — ამყვანდა საუბარში ირავლი.

— ეგ თხუთმეტი მანეთი ყაჩაღობას არ ამართლებს, ნუთუ, თხუთმეტი მანეთს ისე ვერ იშოვიდი?! გასამართლებელს კი ნუ ეძებ, გულში ჩაიხედე და...

— კი, ვასაგებია, როგორ ვერ ვიშოვიდი...

— ისე, რომ შამაშენს არ ვაგეო, არა?

— დიახ. ვანოს დახმარება ნამდვილად მინდოდა.

— ვითომ ეგ ამართლებს შენს თვალში ყაჩაღობას?! კარგად დაფიქრდი, ნუ იჩქარებ პასუხს. ის, რომ ყაჩაღობა კი არ დამალე, არამედ თითქმის ყველა შემხვედრს მოუყვავი, სულ აღვიდად ხსნის მიზეზს.

— თქვენი თქმით, ეს საქმე იმიტომ გქენი, რომ მეტრახანა?! — უნდოდ მოწკურა ბიჭმა თვალბეზი.

— მე ეგ არ მითქვამს. შენ თქვი ამ წუთში.

— თქვენს ლოგიკას აქეთ მივყავარ.

— ჩემს ლოგიკას არა, შენი ქვეყნის ლოგიკურ ვაზარებას. ეს სხვადასხვა რამეა. არ ვარ მართალი?

— მართალია! — ისე მოულოდნელად დამეთანხმა, არც კი ველოდი.

— შენ თავის გამოჩენის დაუძლეველი სურვილი... უფრო სწორად, ლტოლვა, გქონდა.

— რატომ მქონდა?

— რატომ გქონდა? ეს უკვე სხვა საკითხია. მოდი, ქვეყნობით, ასე დავსვათ კითხვა. ვის უნდა, საერთოდ, თავის გამოჩენა?

— ყველას!

— სწორი ხარ, ყველას უნდა, მაგრამ საამისოდ სხვადასხვა საშუალებას მიმართავენ, ხანდახან კი საშუალებებს არად აგდებენ ხოლ-



მე, ძალიან ეჩქარებათ და იმიტომ წარმოჩენის ჩვეული გზები და სანუალებები ძალზე შორეულად ეჩვენებათ. შენ, ეტყობა, ისე გეჩქარებოდა თავის გამოჩენა, სწავლით, განათლებით, შრომით ამის მიღწევას დიდი დრო მოუნდებოდა, შენ კი ამდენს ვერ მოითმენდი. ეს ეჩქარება ასე?! ვინც დროულად ვერ აისრულა რაღაც წადილი...

— ან, ვინც მთელი ცხოვრება სრულიად უყურადღებოდ არის მიგდებული, — არ მოცალა აზრის დამთავრება.

— ესეც შესაძლებელია! მაგრამ, ნუთუ, ჩვიდმეტი წლის ბიჭს შეუძლია თქვას, მთელი ჩემი ცხოვრებაო. ჯერ რა დროს მთელ ცხოვრებაზეა ლაპარაკი! კი, ვიცი, სამოცი წლის კაცისთვის, ვთქვათ, სამოცი წელია მთელი ცხოვრება, შენთვის კი — ჩვიდმეტი წელი. კარგი, ასე იყოს! შენ გყავს დედა, მამა, ბებიები, ყველა შენ შემოგტყუროდა... შეიძლება, შენნაირ გრემოცვაში მყოფმა კაცმა უყურადღებობა დაიჩივლოს?!

— შეიძლება! სიმრავლე საკითხს არ წყვეტს.  
— არ წყვეტს, სწორი ხარ!

კარგი შემოაღეს. დრო გასულიყო.  
— კიდევ ვნახავ, — შეგპირდი და დავტოვე ირაკლა სუბიაშვილის გულწრფელობის დასადგენად მისი ახლობლების მონახულება გადავწყვიტე. მიანტერესებდა რა აწუხებდა ბიჭს.

პირველად მამამის ვესტუმრე სამსახურში. ცნობილი ქირურგი იყო; მაღალი, ომახიანი, ჯერ კიდევ ახალგაზრდა კაცი. მისვლის მიზეზი რომ ავუხსენი, შეწუხდა.

— არ ვიცი, არ ვიცი! ვერაფრით გონზე ვერ მოვსულვარ! სულ ამაზე ვფიქრობ. სწორ გზას ვერ დავადექი. ირაკლისგან ამას როგორ წარმოვიდგენდი... გულწრფელად მოგახსენებთ! ფეხქვეშ ნიადაგი გამომეცალა. ირაკლიმ იყაჩაღა! ეს არ უნდა მომხდარიყო! მერწმუნეთ, იმიტომ არ ვამბობ ამას, რომ ჩემი შეილია; არა! უბრალოდ, კარგად ვიცნობ. ხომ უნდა არსებობდეს ყველაფერში მიზეზ-შედეგობრივი კავშირი... ყოველ შემთხვევაში, აქამდე ასე მეგონა. მე რეალისტი ვარ, ქირურგი, ყოველი დაავადების მიზეზს

ვადგენ და ვცდილობ, მოვკვეთო. კი, ვთქვათ, მეგობრის დახმარება სურდა, მაგრამ... სხვანაირადაც ხომ შეიძლებოდა დახმარება! რატომ მე არ მომპარათა?!

— მიზეზ-შედეგებზე ბრძანეთ, ირაკლის მართლა ჰქონდა თქვენი ვალი? — კკითხე.

— დიას, მთხოვა, მასესხეო.

— თხუთმეტი მანეთი?

— კი, თხუთმეტი. ტყუილი არ უთქვამს. არ უნდა მიმეცა?! ეს ხომ არ იყო ჩემი შეცდომა? — გულწრფელად მკითხა.

— შემდეგ უკან დაგიბრუნათ ვალი?

— რა ვიცოდი, რა გზით ჰქონდა ნაშოვნისი! — მაგიდაზე დაჰკრა მჯილი დავით სუხიაშვილმა.

— რომ გამოართვით, არ უნდა გეკითხა: ვინ მისცა მას ის ფული. ან, როცა ჩვიდმეტი წლის ბიჭი მამას ფული დაგეხსნათ, ეს, რა, ნორმალურ ამბად მიგაჩნიათ?

— ადრეც ბევრჯერ ვასესხე...

— მერე, დაგიბრუნათ?

— კი, მგონი კი...

— როგორ...

— რა მოგახსენოთ... დედას გამოართმევდა, ან ბებიას. საჭიროა, რომ აღამიანი თავიდანვე მიეჩვიოს სესხის დაბრუნებას. არ ვარ სწორი?

— ესე იგი, თქვენთვის დასაბრუნებელი ფული ისევ სხვისაგან უნდა ესესხა არა?

— ჰო, ალბათ...

— საქვეყნოდ ცნობილი ექიმი ბრძანდებით. პროფესორი, მაგრამ იცნობთ კი თქვენს შეილს?

— თქვენ გგონიათ, არ ცცადე, მასთან ურთიერთობის დამყარება?!

— კი, სცადეთ, მაგრამ თქვენს ჰკუთხე ვერ მოიყვანეთ და მიუშვიო, არა?

— უცნაური ბიჭია... ყველაფრის უკმაყოფილო იყო. ყოველ წუთში ჩხუბი რომ არ მოგვსლოდა, განზე გადგომა ვარჩიე...

— ვინ ზრდიდა ირაკლის?

— ბებიაშისი, ჩემი მეუღლის დედა.

ბოდიში მოვუხალე შეწუხებისთვის და დავემშვიდობე.

(გაგრძელება შემდეგ ნომერში)





# არასრულწლოვანთა დანახარების თავიდან აცილებისათვის

არასრულწლოვანთა დანახარების ანალიზი გვიჩვენებს, რომ მისი ერთერთი ძირითადი მიზეზი, თავისუფალი დროის გამოყენების არაორგანიზებულობა და უკონტროლობაა. ეს უაღრესად მნიშვნელოვანი საკითხია და იგი მოითხოვს ჩვენი საზოგადოებრიობის გაზრდილ ძალისხმევას. საჭიროა, რომ ამ პრობლემის გადასაჭრელად ურთიერთშეთანხმებულად იღვაწონ ოჯახმა, სკოლამ და კომკავშირმა. ამავე მიზანს უნდა ემსახურებოდეს ჩვენს ხელთ არსებული პრობანდისტული საშუალებები, მათ შორის ისეთი გავრცელებული და ნაადრევობა, როგორცაა ლექციური პრობანდა.

საქართველოს სსრ იუსტიციის სამინისტროს სამართლებრივი პრობანდისა და მოსახლეობის სამართლებრივი აღზრდის სამმართველომ შეიმუშავა არასრულწლოვანთა დანახარების თავიდან აცილებისათვის გამიზნულ ლექციათა სანიმუშო თემატიკა. მიგვაჩნია, რომ იგი საჭირო დახმარებას გაუწევს ამ თემაზე მომუშავე ლექტორებს.

### ლექციის გეგმა:

1. არასრულწლოვანი და პასუხისმგებლობა დანახარების ჩადენისათვის;
2. არასრულწლოვანთა შორის დანახარების თავიდან აცილების ზოგადი დახასიათება;
3. არასრულწლოვანთა მიერ ჩადენილი სამართალდარღვევების წინააღმდეგ ბრძოლის დონისძიებათა სისტემა.

ლექციაში მოცემული უნდა იყოს ძნელად აღსაზრდელ მოზარდთა კრიმინოლოგიური და ზნეობრივ-ფსიქოლოგიური დახასიათება. პირველი მათგანი მოიცავს ისეთ ურთიერთობებს, რომლებიც დაკავშირებულია შრომასთან, სწავლასთან, გარემოსთან და ა. შ. ე. ი. დებულებებს; რომლებსაც აქვთ უშუალო კრიმინოლოგიური, სისხლისსამართლებრივი მნიშვნელობა და მიუთითებენ არასრულწლოვან სამართალდამრღვევ პირთა ხასიათსა და საზოგადოებრივ სწავსწრეობაზე. მეორე ჯგუფის დებულებანი უშუალოდ დაკავშირებულნი არ არიან არასრულწლოვანის მიერ ჩადენილ დანახარებთან, მაგრამ, მიუხედავად ამისა, მოზარდებისა და ადრეული ასაკის ახალგაზრდების ფსიქოლოგიურ თავისებურებათა გათვალისწინებას დიდი მნიშვნელობა აქვს, რადგან ამ პერიოდში ხდება ადამიანის მორალური და სოციალური განწყობის საფუძვლების ფორმირება.

ჩვენს ქვეყანაში მოზარდთა დანახარების წინააღმდეგ ბრძოლა განუზრდელად არის დაკავშირებული კომუნისტური მშენებლობის ძირითად ამოცანებთან. არასრულწლოვანთა დანახარების თავიდან აცილებისათვის არის მიმართული როგორც საერთო, ისე სპეციალური ღონისძიებები, რომლებიც საშუალებას გვაძლევენ, რათა გამოვევლინოთ და ადრეულ ასაკშივე ავაცილოთ მათ დანახარების ხელშემწყობი მიზეზების ზეგავლენა.

არასრულწლოვანთა დანახარებისათვის დამახასიათებელია ისეთი სპეციფიკური ფაქტორების ერთიანობა, როგორცაა არასაკმარისი მეთვალყურეობა და სკოლაში აღმზრდელობითი მუშაობის დაბალი დონე, აღზრდის არასწორი მეთოდები ოჯახში და შრომის სუსტი დისციპლინა წარმოებაში. ლექციაში აუცილებლად უნდა გათვალისწინდეს, რომ გატარებული პროფილაქტიკურ-კომპლექსური ღონისძიებები მაშინ მოგვეცემენ სასურველ შედეგებს, თუ ისინი ერთი საერთო მიზნით ორგანულად იქნებიან ერთმანეთთან დაკავშირებული.

განსაკუთრებული ყურადღება უნდა დაეთმოს ლოთობასთან ბრძოლის საკითხს, რადგან იგი ხშირად გვევლინება არასრულწლოვანთა მიერ დანახარების ჩადენის წინაპირობად. ლექ-



ტორმა თვალსაჩინოებისათვის ფართოდ უნდა გამოიყენოს კონკრეტული ფაქტები, სასამართლო პრაქტიკის მასალები და სხვ.

არასრულწლოვანთა მიერ ჩადენილ სამართალდარღვევებთან ბრძოლაში განსაკუთრებული მნიშვნელობა ენიჭება იმ ღონისძიებებს, რომლებიც მიმართულია ჩამოყალიბების პერიოდში მყოფი არასრულწლოვანის პიროვნების შთაგონებისაკენ იმ მოზარდთა გამოსწორებასა და ხელახლა აღზრდისაკენ, ვინც, ამა თუ იმ მიზეზით, უკვე ჩაიდინა სამართალდარღვევა.

ლექტორმა, კონკრეტული მაგალითების გამოყენებით, სათანადოდ უნდა განმარტოს არასრულწლოვანთა სამართალდარღვევისა და უკონტროლობის თვიდან აცილების საქმეში არასრულწლოვანთა საქმეების ინსპექციათა, არასრულწლოვანთა მიმღებ-გამანაწილებლების და სპეციალური სასწავლო-აღმზრდელობითი დაწესებულებების ძირითადი უფლება-მოვალეობანი. ხაზი გაუსვას იმ გარემოებას, რომ საბჭოთა მართლმსაჯულების უპირველესი მიზანია არასრულწლოვანთა გამოსწორება, რომ სისხლისსამართლებრივი პასუხისმგებლობის გამოყენება მხოლოდ აუცილებელ შემთხვევაში ხდება.

### ლიტერატურა:

- „საქართველოს სსრ სისხლის სამართლის კოდექსი“, თბ., 1984.
- საქართველოს სსრ უმაღლესი საბჭოს პრეზიდიუმის ბრძანებულება „ლოთობისა და ალკოჰოლიზმის წინააღმდეგ ბრძოლის გაძლიერების, არყის, შინ გამოხდის აღმოფხვრის ღონისძიებათა შესახებ“, გაზ. „კომუნისტი“, 1985 წლის 26 მაისი.
- ა. ფალიაშვილი — არასრულწლოვანთა დამნაშავეობა და კანონი, თბ., 1974.
- ზ. წულაია — მოზარდთა დამნაშავეობა და მასთან ბრძოლა, თბ., 1974.
- ბ. ლეკვიშვილი — არასრულწლოვანთა სისხლისსამართლებრივი პასუხისმგებლობა, თბ., 1974.
- Ленин В. И. Доклад о работе в деревне на VIII съезде РКП (б) 23 марта 1919 года, Полн. собр. соч., т. 38.
- Калинин М. И. О молодежи, М., 1975.
- Горбачев М. С. Политический доклад Центрального Комитета КПСС XXVII съезду Коммунистической Партии Советского Союза, М., Политиздат, 1986.
- «Конституция СССР», М., Политиздат, 1985.
- «Программа КПСС, М., Политиздат, 1986.
- «Материалы XXVII съезда КПСС», М., 1986.
- Постановление ЦК КПСС от 2 июля 1984 г. «О дальнейшем улучшении партийного руководства комсомолом и повышении его роли в коммунистическом воспитании молодежи», «Правда», 7 июля 1984 г.
- Альхименко В. В., Козловский А. Б. Правовое воспитание молодого поколения, М., 1985.
- Кравцов Б. Правовое воспитание граждан — программная задача КПСС, «Советская юстиция», № 15, 1986.
- Мехов Ф. С. Жить без проступков и правонарушений, М., 1986.
- Долгова А., Кожевникова А., Медведев А. Правовое воспитание несовершеннолетних, М., 1977.



# ქრიძინალოს ცდაის ისტორიიდან

## ცნობილი სისხლის სამართლის საქმეები

### მავრიის ისტორია

დიდი გულარი

#### ამალური ხელისუფლება და კანონიერი ხელისუფლება

თავისი კანდიდატების გამარჯვების უზრუნველყოფისათვის მაფიამ შემოიღო მეთოდი, რომელიც მოქმედებდა შეუფერხებლად. „პიჩოტების“ არჩევნებამდე რამდენიმე დღით ადრე მიდიან ამომრჩევლებთან და აძლევენ მათ ზუსტ ინსტრუქციას, თუ როგორ უნდა მისცენ ხმა. ვაი იმას, ვინც არ შეასრულებს ამ ინსტრუქციას — დაუწვავენ ბელებს, დაუბოცავენ საქონელს, ხოლო ნათესებს — გაუქვლავენ. მიუხედავად ასეთი რეკომენდაციებისა, მათ მაინც მეთვალყურეობენ არჩევნების დღემდე და თავს ანებებენ მხოლოდ მას შემდეგ, როცა მოვალეობას შეასრულებენ. კანდიდატი ასეთნაირად მოგვიტობს ერთ ასეთ საინტერესო სცენაზე:

— საარჩევნო უბნების მახლობლად სექვო პირთა ჯგუფები ქმნიდნენ თავისებურ ლობურებს. ამომრჩეველს ჯერ შეაჩერებდნენ და სტემდნენ, შემდეგ კი პატივებდნენ „ქიქის გადასახებად“. საგულდაგულო გაჩხრეკის შემდეგ აძლევენ სამთავრობო პარტიის კანდიდატის ბიულეტენს და ეს საცოდავი, ორი არამზადის თანხლებით, მიდიდა საარჩევნო კომისიის თავმჯდომარესთან, რომელიც მეტად თავაზიანად ჩამოართმევდა მას საარჩევნო ბიულეტენს და ჩაუშვებდა ურნაში.

ახლა უკვე რეალური, ამასთან კანონიერი ხელისუფლება ეკუთვნოდა მაფიას, რომლის მადაც სულ უფრო იზრდებოდა; იგი ხალხით ავრცელებდა თავის ძალაუფლებას ქალაქზე, მითუმეტეს, რომ სოფლებიდან, როგორც ირკვეოდა, უკვე ვეღარაფერს წაიღებდნენ. მაფიამ ჯერ პალერმოდან დაიწყო, სადაც უკვე ღრმად ჰქონდა ფესვი გადგმული, შემდეგ კი თავისი

ძალაუფლება გაავრცელა ტრაპანზე, აგრიგენტოზე და კალტანისეტზე. საინტერესოა, რომ მესხინი, კატანია, სირაკუზი და საერთოდ, კუნძულის აღმოსავლეთის ყველა ქალაქი წინააღმდეგობას უწევდა მის შეღწევას.

ეს მოვლენა მაფიის ყველა სპეციალისტის გაოცებას იწვევდა და ვერც ერთმა მათგანმა ვერ შეძლო მისი ზუსტად ახსნა.

„შეიძლება ვიფიქროთ, რომ, — წერს ჯანსიუზინი, — სხვადასხვა დამპყრობნი მკვიდრდებოდნენ იმ რაიონში, სადაც შეიჭრებოდნენ და ამდაგვარად მოსახლეობას შორის ავრცელებდნენ ვარიანტებს კულტურისას, რომელიც ეწინააღმდეგებოდა ისტორიულ ეროზიას?“

სრულიად შესაძლებელია, და ვიდრე არ შემოგთავაზებენ უფრო დამაჯერებელ მოსაზრებას, ეს საკითხი კვლავინდებურად დგას.

თუმცა აღმოსავლეთში მაფიის დაწინაურება დამუხრუჭდა, იგი სხვაგან ყველგან წარმატებით ავრცელებდა თავის ძლევამოსილებას. 1915 წელს იტალიის ომში ჩაბმას, იმის ნაცვლად, რომ ხელი შეეშალა მაფიის ზრდისათვის და დაემუხრუჭებინა მისი ძლიერება, პირიქით, მხოლოდ განამტკიცა იგი. რადგან სახელმწიფოს სხვა პრობლემები ჰქონდა, რომლებიც ზრუნვას საჭიროებდნენ, ამან მაფიას შეუქმნა სრული თავისუფლება, რითაც ურცხვად სარგებლობდა კიდევ. რეკვიზიციებმა და ვაჭრობის უკუგებამ მაფია უზრუნველყო შემოსავლის ახალი და მოულოდნელი წყაროებით. რაც შეეხებოდა ახლგაზრდა „პიჩოტებს“, რომლებსაც იარაღი კი არა, სამხედრო ფორმა და სამხედრო დისციპლინა ეზიზღებოდათ, ისინი ათასობით დეზერტირობდნენ, რადგან იცოდნენ, რომ დონ ვიტო იზრუნებდა მათზე. და მართლაც, ეს უკანასკნელი, როგორც წინდახედული ბელადი, არალეგალურად აგზავნიდა მათ შეერაობულ შტა-



ტემში, სადაც უკვე უზრუნველყოფილი ჰქონდათ „შავი ხელის“ რიგებში შესვლა.

### პირველი ბზარები

თუმცა, როცა ომი დამთავრდა და ხელსაყრელი საქმეებიც გაქრა, დონ ვიტო სიმონელების წინაშე აღმოჩნდა. ომის შემდეგ იტალიაში შეიქმნა ბუნდოვანი ვითარება, რაც სრულ საფრთხეს უქადდა მათთვის. მის რიგებს უტაცებდად შეემატა მრავალი ყოფილი ფრონტელი, რომლებმაც საკუთარი თვალთ ნახეს ომის საშინელებანი. ისინი დაბრუნდნენ მრავალი ახალი იდეით, მთავარი კი ის იყო, რომ ძლიერება სწყუროდათ.

დონ ვიტომ სწრაფად შეიგნო ამ ახალი უდისციპლინო და სხვაგვარად მოაზროვნე ტალღის საშირობა „ძველი მაფიისათვის“, რომელსაც კვლავინდებურად იგი მეთაურობდა. მაგრამ დონ ვიტო ამოდ ცდილობდა თავისი ავტორიტეტის გამოყენებას, რათა დაეწყინებინა თავისი ახალგაზრდა მგლები; მან ვერ შეძლო მათი შეკავება. ახალბედები ანგარიშს არ უწყევდნენ იმ იერარქიას, რომელიც, მათი აზრით, მოძველდა, არ იცავდნენ სიფრთხილის ტრადიციულ მითითებებს, რომლებსაც დღემდე იცავდნენ უფროსები. პირიქით, დაარღვიეს უსიტყვო პაქტი, რომელიც იოლად არ დამყარებულა რომსა და „პატივცემულ საზოგადოებას“ შორის და კუნძულს ისე შეეისვენენ, როგორც დაპყრობილ ქვეყანას. მალე მათ ექსცესებზეც ალაპარაკდნენ. ეს იყო სერიოზული შეცდომა, რისთვისაც მათ იტალიის ახალმა გამგებელმა მუსოლინიმ, რომელმაც ხელისუფლება 1922 წელს ჩაიგდო ხელში, მკაცრად აგებინა პასუხი.

თავდაპირველად, 1924 წლამდე, დუჩე, მიუხედავად თავისი წარსული სოციალისტობისა, როგორც ირკვევა, მათვის მიმართ განსაკუთრებულ ანტიპათიას არ განიცდიდა. ცხადია, იგი მათის აქამდე ცუდად იცნობდა ან დრო არ ჰქონდა, რათა განსაკუთრებული ყურადღება დაეთმო მისთვის. მისი სიძულვილი მათისადმი როგორც ჩანს, წარმოიშვა სტიქიურად პიანა-დეი-გრეჩში. სწორედ აქ შეეღაზა მას ღირსება, რისთვისაც დაუყოვნებლად გამოუტყადა ომი „პატივცემულ საზოგადოებას“.

### ინციდენტი პიანა-დეი-გრეჩში

ეს არის ფართოდ გახმაურებული ინციდენტი, რომელზეც ხშირად ლაპარაკობდნენ. რომში ლაშქრობიდან ორი წლის შემდეგ მუსოლინიმ სიცილიაში მოგზაურობა გადაწყვიტა. იგი

მარტო როდი გაემგზავრა, მას თან ახლდა მრავალრიცხოვანი ოფიცრობა და სამოქალაქო პოლიციელთა და კარაბინერთა მთელი კოპორტა, რომელსაც დავლებული ჰქონდა მისი დაცვა. მუსოლინის პიანა-დეი-გრეჩში ჩამოსვლის დროს, ამ ქალაქის მერმა დონ ჩინო კუჩამ, რომელიც, რა თქმა უნდა, მათვის წვერი იყო, მიხალმებისას თავი ვერ შეიკავა და შესძახა:

— რა საჭიროა ამდენი პოლიციელი? როცა მე თქვენს გვერდით ვარ, თქვენს მოწყალებას საფრთხე არ ემუქრება:

ეს იყო სრული სიმართლე, მაგრამ დუჩეს არ მოეწონა. ცხადია, მას, სრულიად საფუძვლიანადაც, მიაჩნდა, რომ იტალიის სახელმწიფოს თავკაცის უსაფრთხოება არ უნდა ყოფილიყო დამოკიდებული მათთვის კეთილ ნებაზე. ამას გარდა, მას უნდა ეფიქრა, რომ ეს ორი ძალა — მათა და ფაშიზმი — ერთმანეთის პირისპირ უფრო აღმოჩნდებოდნენ, ვიდრე საერთო ენას მოძებნიდნენ, და რომ, უკეთესი იქნებოდა, თუ მათის დაუყოვნებლივ მოიშორებდა თავიდან.

რომში დაბრუნებისთანავე პიანა-დეი-გრეჩის მერის დაპატიმრების ბრძანება გასცა. დებუტატებისადმი მიმართვაში მან თქვა:

— ბატონებო, დროა უკვე, რომ გითხრათ თუ რას წარმოადგენს მათა, მაგრამ უწინარესად, მინდა ამ თავზე ხელაღებულთა საკრებულოს ჩამოვაშორო ყოველგვარი პოეტურობა და მიმზიდველობა. დაე, ნულარასოდეს ილაპარაკებენ მათის კეთილშობილებასა და რაინდულობაზე.

შემდეგ მან პოლიციელი ჩეზარე მორი პალერმოს პრეფექტად დანიშნა და აღუბრვა იგი განუსხლავრტული უფლებამოსილებით. მუსოლინის ასეთი მოქმედება მის ფარულ აზრსაც შეიცავდა. მან იცოდა, რომ მათის განადგურება, ერთი გასროლით ორი კურდღლის მოკვლას ნიშნავდა. ცალკვრად, შეძლებდა მსხვილ მიწათმფლობელთა გადაბირებას, რომლებიც გაბედნიერდებოდნენ, რადგან თავს დაიძვრენდნენ მათის თავკაცებზე სამარცხენო დამოკიდებულებისაგან, და რაც მთავარია, იგი წესრიგისათვის ზრუნავდა და უნდოდა, რომ მსხვილ კონსერვატორულ პარტიას საბოლოოდ დაეწესებინა თავისი პრივილეგია. ცალკვრად, მან იცოდა, რომ მორი თავის სრულ თავისუფლებას, ამავე დროს, ლიბერალური ოპოზიციის უმეტაურად დატოვებისთვისაც გამოიყენებდა.

### ძილუზი

მორიმ საშინელი რეპრესიები განახორციელა. იტალიის ხელისუფლებამ პირველად შეუტია მა-





ფის, და ამას აკეთებდა თვით მაფიის იარაღით, ესე იგი, ცინიკურად, სასტიკად, ისე, რომ ანგარიშს არ უწევდა კანონს. მორიმ ჯარების, ფაშისტური პოლიციისა და კარბინერთა გამოყენებით განახორციელა ურიცხვი ალყის შემორტყმა. ცხადია, დამნაშავეებთან ერთად აპატიმრებდნენ სრულიად უდანაშაულოებსაც; მაგრამ ყველას ასამართლებდნენ და პაღერმოს, შავისა და ტერმინი-იმერსეს მართლმსაჯულების ორგანოების წინაშე წარადგინეს ასობით ბრალდებული, აღიარების მიღწევისა და წრიული თავდებობის დაშლისათვის ფაშისტური პოლიცია მათ წამებასაც არ ერიდებოდა. იგი არც თუ სამხილთა შეთხზვას თაკილობდა, თვით დონ. ვიტოც ვერ დაუხსლტა მორის ბადეს. როცა მას შეთხზულ სამხილთა საფუძველზე სამუდამო პატიმრობა მიუხსაჯეს, მოსამართლეებს ესაღ უთხრა:

— ბატონებო, თქვენ არ შეგიძლიათ დამიტკიცოთ ჩემს მიერ ჩადენილი მრავალრიცხოვანი რეალური დანაშაულობანი და იძულებული გახდით, რათა გავესამართლებინეთ იმ ერადერთი დანაშაულისათვი, რომელიც მე არ ჩამიდენია.

მაფიის უმაღლეს ხელმძღვანელს ისე უჯრეს თავი ციხეში, როგორც ჩვეულებრივ ქურდს, ათასობით „პიჩოტი“ გააგზავნეს კატორღაში, ხოლო ხელმძღვანელთა უმრავლესობას კუნძული ლიბარი მიუჩინეს. თითქმის შეიძლება გვეფიქრა, რომ მორიმ წარმატებით შეასრულა თავისი მისია და, რომ ასეთი ბართლომეს ღამის შემდეგ მაფია უკვე ვეღარასოდეს გაიმართებოდა წელში. მაგრამ საქმე ასე არ იყო, რადგან მთავარი — სულსკვეთება მაფიისა — ვერ გატეხეს. მაფია სისხლისაგან დაცალდა, მაგრამ ვერ მოკლეს. შემგუბებლობის თავისი უჩვეულო უნარის წყალობით მან ისე დაიჭირა თავი, თითქმის არსებობა შეწყვეტათ. იგი მიიმაღა, მიიყუჟა, ძილქუშს მტეცა, ამავე დროს კი ძილებს იკრებდა, ხელსაყრელ დროს უცდიდა, რათა კვლავ აღორძინებულყო. თუმცა ასეთი განცხრომის უფლება ჰქონდა, რადგან ოკეანის გაღმა მას უკვე ჰყავდა უჩვეულოდ ცხოველუნარიანი და მოწიფული შვილი, რომელიც საჭირო ეამს მოვიდა მის დასახმარებლად.

**„შავი ხელიდან“ „მოკა ნოსტრამდე“**

კრიმინალისტთა უმრავლესობას ამერიკაში მაფიის დაარსების თარიღად 1860 წელი მიანიჩია. ასეთი სიზუსტე, რა თქმა უნდა, გადაჭარბებულია. დაბეჭდვებით შეიძლება ითქვას მხოლოდ ის, რომ შეერთებულ შტატებში დაახლო-

ებით 60-იან წლებში ჩამოვიდა იტალიელ ემიგრანტთა პირველი მსხვილი პარტია. მათ შორის სიცილიელიც მრავლად იყო. თავისთავად ცხადია, რომ ზოგიერთი მათგანი მაფიის წევრი იქნებოდა, მაგრამ იმას ვერ ვიტყვი, რომ მშობლიურ მიწას მოშორებული ეს ხალხი მაშინვე ერთ ორგანიზაციად ჩამოყალიბდა. ისინი ჯერ, უპირველეს ყოვლისა, უნდა შეგუბებოდნენ ახალ გარემოს და სწორედ ამის საფუძველზე ჩასახულიყო ამერიკელთა მაფია. ცხადია, იგი შეინარჩუნებს სიცილიური წარმოშობის ნიშნდობლივ სულსკვეთებასა და მეთოდებს, მაგრამ ამასთანავე ექნება განსაკუთრებულობა და თვითმყოფადობაც.

უმეტეს შემთხვევაში, ეს სამხრეთ იტალიელები ამერიკაში გარბოდნენ სიღარიბის, შიმშილის ან უკეთესი ცხოვრების იმედის გამო. მაგრამ, რაც მგზავრობის დამთავრების შემდეგ ნახეს, სრულად როლი შეესაბამებოდა მათ ოცნებებს. თითქმის ყველა კათოლიკე, გლეხი და გაუნათლებელია, ხოლო ის ქვეყანა, სადაც ჩამოვიდნენ, თითქმის მთლიანად პროტესტანტულია და, თუმცა, ჯერ თავისი ტრადიციები არ გააჩნია, მაგრამ მთლიანად უარყოფს ჩამოსულთა ტრადიციებს. მთავარი კი ის არის, რომ ისინი ყველაზე ბოლოს ჩამოვიდნენ, კარგი ადგილები უკვე დაკავებულია, ხოლო ის ეთნიკური ჯგუფები, რომლებმაც მათ დაასწრეს, — ირლანდიელები, ებრაელები, ბერძნები და სლავები, თავგამოდებულები იცავდნენ თავიანთ პირველობას, რაც იტალიელებს ამოცანას ურთულებდა.

იტალიელები თავდაპირველად დამცირებულნი და იმედგაცრუებულები იყვნენ, მაგრამ მალე ერთ ორგანიზაციად ჩამოყალიბდნენ, გაერთიანდნენ „შეკაპშირდნენ, კიდევ ერთხელ დარწმუნდნენ, რომ ერთიანობა — ეს ძალაა, და ყოველ ქალაქში შექმნეს „პატარა იტალია“, სადაც რის ვაი-ვაგლახით ცდილობდნენ წინანდებური ცხოვრების აღდგენას. ამრიგად, მას შემდეგ, რაც სიცილიელები გაერთიანდნენ სიცილიელებად, ნეაპოლიტანელები ნეაპოლიტანელებად, ისინი უკვე წარმატებით უწევდნენ წინააღმდეგობას მტრულ გარემოცვას.

ამასობაში თავისი ვეჟაკობის, შეუპოვარი შრომის, ცხოვრების ცოდნისა და თავისდაცვრების უნარის წყალობით იტალიურმა კოლონიამ არა მარტო გაძლო, არამედ თავისი ადგილი მოიპოვა მზის ქვეშ. პარალელურად ამისა, სწორედ ასეთ ხელსაყრელ პირობებში ჩაისახა მაფია. მართალია, ვერ ვიტყვი, რომ ამერიკული მაფია იტალიურმა კოლონიამ შექმნათ, მაგრამ ის კი უნდა ვაღიაროთ, რომ მან გარკვეულწილად აკნობა გაუწია. ამ აკნის, ასეთი ხელ-



## იყილი ნავისმიერ აღმინანს

საყრელი გარემოს (ზოგჯერ კი თანამზარაზვე-  
ლობის) გარეშე, საესებით შესაძლებელია, რომ  
მაფია ვერასოდეს ნახავდა ამერიკის დღის სი-  
ნათესა.

მაფიის პირველი პიონერების ჩამოსვლიდან  
30 წლის შემდეგ (მაშასადამე, საჭირო გახდა  
მთელი თაობა, რათა იგი აღდგენილიყო და გზა  
გაეკვლია), 1890 წელს, ისტორიკოსები გვაძ-  
ლენენ ცნობას სიცილიელთა ბანდის თაობაზე  
ახლორლენში, რომლის ნავსადგურშიც ყვე-  
ლაფერს ეს ბანდა განაგებდა. არც ერთ სატ-  
ვირთო ზომალზე დატვირთვა-გადმოტვირთვა  
არ შეიძლებოდა ამ ბანდის ნებაართვის გარეშე,  
სხვანაირად რომ ვთქვათ, „უ პიცეუს“ გადახ-  
დის გარეშე. თითქმის ამავე დროს გამოჩნდა  
სახელგანთქმული „შავი ხელი“, რომელიც ჭრ-  
ჭერობით მხოლოდ იტალიურ კოლონიასში  
მშენებარებს.

„ამ სახელწოდების მიზეზი, — განმარტავს  
პიტერ მასი, — იყო უხეშად დახატული შავი  
ხელი იმ წერილების ქვეშ, რომლებსაც უგზავ-  
ნიდნენ კონკრეტულ მსხვერპლს და შვილების  
მოკვლის ან დამახინჯების მუქარით ითხოვდნენ  
ფულს“.

გამოძალის ამ მეთოდს იყენებდნენ არა  
მარტო მდიდრების მიმართ, მაგალითად, სახე-  
ლოვან კარუხოს ა თასი დოლარი მოსთხოვეს,  
ამაშედ ყველაზე ღარიბების მიმართაც. მუშა  
იქნებოდა თუ ბოსტნეულით მოვაჭრე, მოვალე  
იყო ყოველკვირა ერთი დოლარი. მიეცა მო-  
რიგე მაფიის წევრსათვის. ვინც ამას არ გა-  
აკეთებდა, დიდ რისკს გასწევდა — მის ფარ-  
დულს ბოშით ააფეთქებდნენ, ხოლო თვით მას  
სადმე კუთხეში დანას გაუყრიდნენ. ამ დროს  
ამერიკელთა დიდი უმრავლესობა და თვით პო-  
ლიციაც კი სრულ სიმშვიდეს ინარჩუნებენ.  
ისინი თვლიან, რომ ვიდრე ეს მეთოდები მხო-  
ლოდ „თავისიანებს“ ეხებათ, მათ განსაკუთრე-  
ბული მნიშვნელობა არ გააჩნიათ.

ამასობაში ერთმა ინციდენტმა ყველაფერი  
შეცვალა და სიტყვები „მაფია“ და „შავი ხე-  
ლი“ პირველად გამოჩნდა გაზეთების პირველ  
გვერდებზე. 1890 წლის 18 ოქტომბერს ახალი  
ორლეანის პოლიციის უფროსი დევი ჰენესი  
მკადარი იპოვეს. დაპატიმრეს მრავალი ექვმი-  
ტანილი, მაგრამ ამერიკაშიც მოქმედებს წრიუ-  
ლი თავდებობის კანონი. სამხილთა უქმარობის  
გამო ყველა გამართლეს. ახალი ორლეანის მო-  
სახლეობის გულისწყრომამ ზღვარს მიადწია,  
ღამით ციხეში შეიჭრნენ და პატიმრები ლინ-  
ჩის კანონით გაასამართლეს. ამით იტალიელები  
მეტად აღშფოთდნენ როგორც ამერიკაში, ისე  
ევროპაში.

ამ აურზაურის დროს ჩამოვიდა ღონ ვიტო,  
რომელმაც დაამყარა კონტაქტები თავის თან-  
მოქმედთან. მეგობრული გასაუბრების შემდეგ,  
ისინი სასტიკად გააკრიტიკა. პირველ რიგში,  
მკაცრად უსაყვედურა მათ პოლიციელის მოკ-  
ვლისათვის. მან მრავალგზის გაუმეორა მათ,  
რომ მაფიის ერთ-ერთი ძირითადი კანონია —  
არასოდეს დაუპირისპირდნენ ხელისუფლებას.  
თუ ესურთ მისი ნეიტრალიზება, ან მისი გა-  
მოყენება, ყველაზე უკეთესი იარაღი, ერთად-  
ერთი იარაღი — ეს არის ფული. იყილი ნების-  
მიერ აღმინანს, პოლიციელი იქნება იგი, დე-  
პუტატი თუ სენატორი. მთელი საქმე ფას-  
შია. ცხადია, ფულსაც შოვნა უნდა. ღონ ვიტო  
მოუწოდებს მათ, რომ აქაც დიდი სიფრთხილე  
უნდა გამოიჩინონ: „ნაღები ისე უნდა მოხსნა, —  
ამბობს ის, — რომ ქოთანს არ გატეხო“.

ცნობილია, რომ ღონ ვიტო სამ წელს დარჩა  
შეერთებულ შტატებში და ეს დრო უქმად არ  
დაუქარგავს. მსგავსად იმისა, თუ როგორ შექ-  
მნა სიცილიაში თანამედროვე მაფია, ღონ ვი-  
ტომ მოახდინა ბრწყინვალე ამერიკელი შთა-  
მომავლის რეორგანიზაცია და სრული გარდაქ-  
მნა. შემდეგ, როცა დარწმუნდა, რომ თავდაუ-  
ვის ქველი სიცილიური სისტემა შეუფერხებ-  
ლად მოქმედებს, თავის ახალ მოსწავლეებს ას-  
წავლს ამ სისტემის აღმოფხვება. ამის შემდეგ  
იგი შეეცადა განემარტა მათთვის თუ რა სარ-  
გებლობის მოტანა შეუძლია იერარქიასა და  
დისციპლინას. როცა იგი 1904 წელს გემით გა-  
ემგზავრა პალერმოში, „შავ ხელს“ შეგქლო  
ეამაყა, რომ იგი დაწვია, თუ არ გაუწერო,  
ამერიკის სხვა დანაშაულებრივ ორგანიზაციებს  
— ირლანდიელთა და ებრაელთა ბანდებს, რომ-  
ლებიც, სხვათა შორის, მსაზღვრე დიდი ზნით ადრე  
შეიქმნენ.

ღონ ვიტოს გაკვეთილებმა მალე გამოიღო ნა-  
ყოფი. მაფიამ სულ ახალ-ახალი ქალაქები და  
შტატები მოიცვა და ისე გაიღობა, როგორც  
ზეთის ლაქა. რვეტმა სულ უფრო ფართო მას-  
შტაბი მიიღო და გასცდა კიდევ იტალიური  
კოლონიის საზღვრებს. ამით შეწუხდა საზოგა-  
დობრიობა და პოლიციაც იძულებული გახდა  
ჩარეულიყო საქმეში. სწორედ ამ პერიოდში  
დაევალა ნიუ-იორკის პრეფექტს ლეიტენანტ  
ჯოზეფ პეტროსინოს, რათა წერტილი დაესვა  
მაფიის მეტად სწრაფი ზრდისათვის, რაც სულ  
უფრო მეტისმეტად გახდა თვალში საცემი.  
პეტროსინო წარმომოხიბოთ იტალიელი იყო და



ამან შეაძლებინა ჩაწვდომოდა აზროვნების ხასიათს მისი მოწინააღმდეგისა, რომელსაც იგი არ ინდობდა. რამდენიმე თვის მანძილზე დააპატიმრა მაფის წევრთა დიდი ნაწილი, უფრო მეტი კი იტალიაში გაამგზავრა. მიუხედავად ამისა, როგორც ირკვევა, „შავი ხელი“ კვლავ იფურჩქნებოდა, და იმისათვის, რომ აღეკვეთა უკანონო ემიგრაცია, პეტროსინო პალერმოში გაემგზავრა. თუ რა მოხდა შემდეგ, ეს უკვე ვიცით.

მიუხედავად თავისი ლეიტენანტის სიკვდილისა, შესაძლოა, ამ მკვლელობის გამოც, ამერიკის პოლიცია აგრძელებდა „შავი ხელის“ დევნას და, როგორც ჩანს, გარკვეული წარმატებითაც, რადგან 1910-დან 1920 წლამდე რეპეტი აშკარად შემცირდა.

მაგრამ ერთმა ახალმა ფაქტორმა ყველაფერი შეცვალა და მაფიას დაუბრუნა ძლიერება და აყვავება. 1920 წლის 17 იანვარს პროტესტანტულმა ეკლესიამ მიადწია, რათა კონგრესს შესწორებები შეეტანა ამერიკის შეერთებული შტატების კონსტიტუციაში, კერძოდ, აიკრძალა ალკოჰოლის წარმოება და გაყიდვა. ეს კი იმას ნიშნავდა, რომ კონტრაბანდის ოსტატებისათვის გაიხსნა ბაზარი — მსოფლიოში ყველაზე ძლევაძლიერი და ყველაზე მდიდარი ქვეყნის ბაზარი. ამერიკის აყვავება მირაჟი როდი იყო. ქვეყნის ეკონომიკა არნახულად ვითარდებოდა.

მისი შემოსავალი ათი წლის მანძილზე სამჯერ გაიზარდა.

ქალაქები მხრებს შლიდნენ დაუჭერებელი სისწრაფით. დოლარი საერთაშორისო ვალუტა გახდა, ხოლო ნიუ-იორკის საფინანსო ბირჟა უკვე ლონდონის ბირჟას ეჯიბრება.

მაგრამ, ამერიკა 20-იან წლებში ჯერ კიდევ რჩებოდა უზარმაზარ მშენებლობად, სადაც სრულ უწესრიგობაში გააქტიურდა საზოგადოების ფორმირება. აქ თითოეულს შეეძლო ჰქონოდა ქონების დაგროვების იმედი. ყველაფერი ფხიანობაზე იყო დამოკიდებული. ყველაფერია შესაძლებელი. ასე მიაჩნდათ მაფიის წევრებსაც, რომლებიც უკვე შეეზარდნენ ამ საზოგადოებას. მათ ყველა შესაძლებლობა გააჩნდათ, რათა რაც შეიძლება მეტი სარგებლობა ენახათ მშრალი კანონიდან. არც ერთი ეთნიკური ჯგუფი არ იყო ასე მომზადებული მთელ ქვეყანაში სოკოებივით მომრავლებული იტაქქეშა სამიციტნოების მოთხოვნილებათა დაკმაყოფილებისათვის. იტალიელებმა, უმეტესად გლეხური წარმოშობის, კარგად იცოდნენ სპირტიანი სასმელების დამზადება და მომრავლდა პატარა საოჯახო „სპირტის სახდლები“. მაფიას ისტორიჩებოდა, რომ კონტროლი გაეწია ამ კუსტარული წარმოებისათვის და მიეცა მისთვის ინდუსტრიული მასშტაბი.

(გაგრძელება შემდეგ ნომერში).

## დაჯილდოება

სსრ კავშირის გენერალური პროკურორის ბრძანებით პროკურატურის ორგანოებში ხანგრძლივი და უმწიკვლო სამსახურისათვის „პროკურატურის საპატიო მუშაკის“ სამკერდე ნიშნით დაჯილდოვდა საქართველოს სსრ პროკურატურის სამმართველოს უფროსის მოადგილე ვაჟა მიხეილის ძე შენგელია.

## ბასწორება

შუახვევის რაიონის სახალხო სასამართლოს სახალხო მოსამართლედ არჩეულია მურმან იურის ძე ქაბადაძე და არა ქადაგიძე, როგორც ეს, სამწუხაროდ, დაიბეჭდა ჩვენი ჟურნალის მიმდინარე წლის მე-4 ნომერში. ამისათვის რედაქცია ბოდიშს უხდის პატივცემულ მურმან ქაბადაძეს.



## მკითხველთა საყურადღებოდ!

რედაქციაში შემოსული შეკითხვების კასუსად მკითხველებს განვუმარტავთ, რომ უზრუნველყავთ „საბჭოთა სამართალი“ ლიბიტირებული არ არის და მისი გამოყვება შეიძლება შეუზღუდავად წლის ნებისმიერ დროს.

ერთი ნომრის ფასია 60 კპპ.

---

«САВЧОТА САМАРТАЛИ» («Советское право»), № 5, 1987 (на грузинском языке), Двухмесячный научно-практический журнал Министерства юстиции ГССР, Министерства внутренних дел ГССР, Прокуратуры ГССР, Верховного Суда ГССР.

---

Адрес редакции: Тбилиси, пр. Плеханова, 103. тел.: 95-88-49, 95-58-87.

---

ИЗДАТЕЛЬСТВА ЦК КП ГРУЗИИ.

---

Ордена Трудового Красного Знамени типография издательства ЦК КП Грузии  
Тбилиси, ул. Ленина, 14.



130/194



ქართული  
ლიბრეოთეკა

შანი 60333

ნიღბისი 76185